



UNIVERSITÄTS-
BIBLIOTHEK
PADERBORN

**Sacra Veterum Temporum Uti Et Evangelica, Ac
Apostolica Historia**

Steinhart, Franz

Ingolstadii, 1734

VD18 90104692

Sacra Veterum Temporum Historia.

[urn:nbn:de:hbz:466:1-62332](#)

SACRA
VETERUM TEMPORUM
HISTORIA.
DEUS.



Eus mundum condidit tempore, quo primum Creatur Cœ:
ver esse cœpit in illis terræ plagis, quas po-
stea primi homines incoluere. Primâ qui-
dem mundi die ac feriâ creavit Cœlum su-
premium, ac innumeratos in eo Angelos. Quo-
rum tamen magna pars, dum superbi nolunt
quippiam amplius gratiæ Conditoris debere,
paulò post ex ea divinæ Majestatis Regia cum rebellionis autho-
re Luciferò fuit ejecta ac perpetuò exclusa. Cum Cœlo simul
creavit terram; immensum verò inter utrumque spatum aquis
implevit. Et quidem Cœlum luce mirabili statim fulsis; aqua-
rum verò abyssus ac terra primas duodecim horas in tenebris
latuere. Tum verò lucem etiam in aquis produxit; quæ ab ori-
ente surgens cursu suo intra sex horas natali primorum paren-
tum solo meridiem attulit. Inde per aquas pergens totidem
horis ad occasum properavit, ut emenso inferiori hemisphæriō
ad ortum reverteretur, & diem quoque secundum ac tertium
efficeret.

lum & terra;
Genesis c. 1.
v. 1. ad 6.

A 2

Secunda

Deus.

4

*Pit firma-
mentum.
à v. 6. ad 9.*

*Terra germe-
nat.
à v. 9. ad 14.*

*Sidera pro-
creantur.
à v. 14 ad 20.*

*Oriuntur pi-
ces & aves.
à v. 20. ad 24.*

Secundā mundi die aquas Cœlo propiores ab inferioribus & terræ vicinis discrevit, vastumque inter utrasque spatum æthere ex aquis producto repletum interposuit, ac firmamentum appellavit, quod post empyreum & aqueum tertium erat Cœlum.

Tertiā die terra, cùm hactenus fuisse planè rotunda ac solida, variis undique locis omnipotenti vi elevatur, & alicubi in montes ac colles attollitur. Quò factum est, ut in superficie ingentes cavitates seu valles, & intra viscera terræ multæ passim cavernæ existerent; atque inter cæteras grandis illa impiorum Angelorum ac hominum tormentis destinata, quam Deus eriam materiâ sempiternis incendiis idoneâ replevit. Eadem operâ metalla, fossilia cætera, omniumque lapidum genera producta sunt. Interim aquis, quæ adhuc erant sub firmamento, partim in aëra conversis, partim in terræ cavernas & cavitates defluentibüs emersit terra, Europa, Asia, Africa, America, ac Insulae. Simil autem orta sunt Maria, Oceanus, Mediterraneanus, Nigrum, Caspium, Balticum, Fretum, Sinus, Lacus, Paludes, Flumina, quæ fontibus è terra erumpentibus orta, ac subin affluentibus rivis aucta per varios mœandros atque flexus cœperunt versus mare decurrere. Terra, ut primum fuit aquis libera, germinare cœpit, & stirpium, plantarumque genera omnia propagare in ea præsertim Asiae parte, ubi magnus fons seu gurges de terra ascendens in quatuor capita seu flumina Tigrim, Euphratem, aliisque duo sese divisit; ibi enim plantaverat Deus Paradisum omni hortensium deliciarum genere admirabilem. Gen. 2. à v. 8. ad 15.

Quarta die Sol, Luna, Planetæ reliqui, & stellæ per firmamentum dispersæ procreantur luce illâ primigeniâ vel extinctâ, vel soli aut etiam aliis sideribus attributâ. Et Solem quidem Deus in Cœli parte posuit, in qua nunc primo apud nos vere solet existere; Lunam verò ex opposita pleno jam lumine, ut sic primo statim tempore ficeret officium, ad quod destinabatur, scilicet ut præcesset nocti. Designavit deinde tum Soli ac Lunæ, tum reliquis Planetis ac stellis viam, quam suo per Cœlum cursu teneant, voluitque ut alternatim terram diu noctuque illuminent, sint in signa pluvia, serenitatis, ventorum, tempestatum &c. sintque in tempora, ver, æstatem, autumnum, hyemem, in dies & annos.

Quintā pisces ex aqua & volucres oriri jubentur, statimque mira varietate & copia pisces natârunt in mari, lacubus & fluminibus,

nibus, volucres volitärunt per aëra. Utrique generi benedicens DEUS vim ac propensionem multiplicationis largitus est.

Sextā produxit è terrā aquis mixtā innumerabiles animantium terrestrium species, jumentorum, reptilium, & bestiarum. Postremò haud procul Paradiso ex limo terrae hominem formavit, spirituque animatum, Adamum appellavit. Ex ejus verò postea consopiti latere costam cum adhærente carne exemit, atque ex ea reliquoque terrae limo Eam mulierem finxit, largam conjugibus benedictionem impertiens, quā terram multa posterioriter replerent.

In Paradisum introductis plenam in cœtera viventia dominandi & quibuscumque herbis ac frugibus terrae vescendi potestatem dedit. Unam solum arborem exceptit, ut sic se supremum ipsorum esse Dominum meminissent, simulque parva in re obediendo promereri possent felicitatem perpetuam tanquam coronam Justitiae. De ea igitur arbore ne fructum gustarent, prohibuit sub pena mortis tum animæ, gratiam divinam statim amisuræ, tum corporis ad naturalem moriendi necessitatem aliasque miseras reddituri; à quibus Justitia originalis & fructus ex arbore vitae in medio Paradisi positæ tum ipsos tum posteros reddidissent immunes.

Septima die requievit DEUS ac diem Sabbathi sanctificavit. Quem deinceps exemplo Dei Adamus aliique Patriarchæ ut sanctum observarunt, donec à Moyse etiam lege stabiliretur.

Producuntur
terrestria a-
nimalia ac
demum ho-
mines. à v.
24.

Adam & Eva
in Paradisum
introducun-
tur. G. 2. 2
v. 15.

Sabbatho re-
quievit Deus.
G. 2.v. 2. & 3.

Adam.

Interea Adam & Eva vitam ducebant felicissimam inter innocentissimas sensuum illecebras, animique res creatas atque diuinæ contemplantis delicias. At non diu tenuit hæc felicitas. Post aliquot dies mulier à serpente decepta vetitum ex ligno scientiæ boni & mali fructum decerpserit comeditque. Sed & vir tentatione virtus laudatum ab uxore fructum oblatumque gustando apud Deum offendit. Ergo Paradiso ejectus intentatas antea corporis & animæ penas repente è beato miser incurrit, quas non ipse modò, sed tota etiam ejus posteritas lueret.

Exul inter pœnitentis animi dolores sibi quidem salutares, at posteritati ad salutem nihil amplius profecturos habitavit; &

Adam apud
Deum offen-
dit, & Para-
diso ejicitur.
Gen. 3.

Terram colit
in sudore
vultus. G. 3.
v. 23. & 24.

A 3

terram

6 Adam.

terram coluit in sudore vultus sui extra Paradisum in ea parte, quæ postea Mesopotamia dicta est inter fluvios Tigrim & Euphratem. Mulier vero in poenam deinceps inter multiplicatas ærumnas sub potestate viri fuit, & in dolore peperit filios.

Nascitur Cain
& Abel. G. 4.
v. 1. & 2.

Anno mundi & exilii primò Adam ex Eva genuit filium Cain, in alterò Abelem. Quos etsi Moyses solos nominet, nequit tamen dubitari primam Matrem primis duobus & sequentibus singulis annis ferè semper geminos masculum & fæminam aut etiam subinde tergeminos uno partu effuditse vigore naturæ ad omnia sufficiente. Quos omnes recens sibi natos liberos Adamus divinitus institutus oblatione vel sacrificio aut alio signo exteriore magnâ fide & sensu pietatis Deo in expiationem peccati obtulerit, filisque hanc sacram cærementiam deinceps observandam tradiderit, ut sic infantes Deo reconciliati de filiis iræ fierent filii Dei.

Cain agros
colit, Abel
pascit oves
v. 3.

Cain & Abel ubi in viros adoleverunt, quisque sororem suam in uxorem duxit, & ille agros colere, iste ovium greges pascere cœpit. Sed & cœteri post hos & ex his geniti, omnium rerum cognitione instructi, Parentis Magisteriò didicerint tum quasdam exercere artes ad vitæ usum necessarias, tum etiam siderum cursus naturæque contemplationi operam dare; præcipue verò Deum totius mundi opificem ac supremum Dominum muneribus ac sacrificiis religiose colere & adorare.

Cain occidit
Abelem &
fugit. Gen.
4. à v. 3.

Año mundi 128. Cain Abelem in agro occidit ex invidia, quod Deus fratri sacrifica igni è Cœlo demisso probasset, non etiam sua. Ex in agente conscientia cum suis profugus ac vagus è patrio solo secessit in plagam orientalem: ubi multiplicatis cum tempore nepotibus primam mundi civitatem edificavit dictam ex nomine Filii Henochiam. E qua fortè egressus in silvam & à Lamech abnepote suo pro fera habitus per imprudentiam jaculò occisus, est anno ætatis suæ circiter septingentesimo. Lamech iste à Santa Scriptura primus notatur fuisse polygamus, habuissèque duas simul uxores. quarum unus filius Jabel primus tentoria construxit; alter Jubal musica instrumenta; tertius Tubalcain ferrariam aliasque ejusmodi artes invenit; Noëma denique filialanificio initium dedisse putatur.

An. 130.
Seth nascitur
G. 5. v. 3.

Adamo natus est Seth, qui cum vir optimus evassisset, etiam filios ac nepotes sui similes post se reliquit: ut propterea, quod

quod secundum spiritum Dei viverent, & Scriptura Filii Dei appellentur ad discimen nepotum a Caino descendientium; quos, utpote parenti non dissimiles, & secundum spiritum carnis viventes Moyses filios hominum vocat.

A. 255. Natus est a Seth Enos, quem his verbis laudat Moyses: *Enos filius*
Iste coepit invocare nomen Domini publicè, nempe per coetus & Sethi v. 6.
Ecclesiæ. Cum enim crescente numero hominum cresceret etiam
am oblivio & contemptus Dei, videtur Enos Authore & Monito-
re Adamo publicos piorum conventus cogere coepisse partim
ad augendam, stabiliendam ac propagandam Religionem; par-
tim ad preces & conciones publicas & cultum Dei per sacrificia
aliisque ritus & ceremonias inducendam.

A. 325. Enos natus nonaginta annos genuit Cainam. v. 9.

A. 395. Cainam natus septuaginta annos genuit Malaleel. v. 12.

A. 460. Malaleel natus annos sexaginta quinque genuit Jared. v. 15.

A. 622. Jared natus annos centum sexaginta duos genuit Henoch. v. 18.

Quid a tot annis tum a filiis Seth tum Caini gestum sit, ignoramus nobis esse voluit divina Sapientia. Hoc solum scriptura refert, quod sicut Adamus, ita & Seth ac ejus posteri generint Filios & filias. Quod idem credendum est de Caino ac ejus progenie, ita ut jam hoc tempore ingens esset multitudo hominum in terra; praesertim si illos, quorum in sacris literis nomina extant, non tantum secuti sunt, sed & præcesserunt filii & filiae; veluti Interpretes notant contra Hebreos Scriptores, qui putant, eos, qui in serie Patriarcharum nominantur, semper primogenitos fuisse. Quis enim credit, ipsos in tanto multiplicandi humanum genus desiderio, in tantis viribus & fecunditate naturæ, tanto tempore, & Jaredum quidem totis centum & sexaginta duobus annis liberis caruisse?

A. 687 Henoch genuit Mathusalam. Illius Laus haec est in Scriptura: *& ambulavit Henoch cum Deo*, Deum nimirum ita præ. chi. v. 21. & sentem præ oculis ac familiarem habuit, ejusque placito in omnibus ita se accommodavit, ut videretur perpetuò cum Deo versari.

A. 874. Mathusala cum esset annorum 187. genuit Lamech. v. 25.

Adamus

An. 930.
Adam mori-
tur G. s. v. 5.

Adamus mando coævus moritur. Quem par est eredere præcipuos quosque filiorum ac nepotum, qui viderentur capita familiarum, ad se moribundum convocasse; ac compendiō exposuisse tam suam quām totius humani generis cladem, & promissam sibi suisque redemptionem & verum mundi Principem, Doctorem & Servatorem Messiam; in cuius unius venturi fide ac spe salvi esse possent. Illum ut Dei filium adorarent, ut sumorum bonorum largitorem diligenter, ut Pacis Deum inter & homines conciliatorem de Sethi progenie nasciturum sperarent; Illius unius ope se ex Tartari faucibus ereptum iri crederent, Eum jam assiduis precibus & sacrificiis colerent; vitam ex timore Dei, qui sit futurus Judex vivorum atque mortuorum, traducerent; improborum consuetudinem & vitarent ipsi, & suos vitare edocerent; denique, quod sibi fieri noilent, alteri ne facerent. Et quoniam optatissimo illo innocentiae statu, quem ipse aliquandiu degustasset, frui ultrà non possent, poenitentiam Patris sui imitarentur, ut post mortem, quoniam per peccatum mors intrasset in mundum, & statutum esset omnibus hominibus semel mori, & de universâ vita divinum subire judicium, feliciori etiam felicitate in cœlis aliquando fruerentur. Quæ cùm Ille aliisque his similia dixisset, elisque magno cum animi sensu benedixisset, obiit plenus dierum. Illi vero corpus divina quondam manu formarum cum multo honore ac pompâ funeris in Abelis sepulchro, quod dilecto filio sibique construxerat, sepelierunt. Quando Eva decesserit, non est ita certum. Traditio Hebræorum est, decimô primū post Adamum anno è vita mi- grasse.

Seth.

An. 987.
Henoch
transfertur.
G. s. v. 24.

Henoch cùm inter homines vixisset annos 365. in Paradisum seu locum terræ amoenissimum translatus est; ubi vitam agit quasi beatam, corpore quidem ex se corruptibili ac mortali, divina tamen virtute incorrupto, & immuni à nostris ærumnis, in altissima Dei contemplatione tempus jucundissime transigendō. Qui credunt, Paradisum terretrem, & in ea arborem vitæ etiamnum superesse post diluvium, dicunt Henochum & Eliam usū ejusdem arboris frui pro libitu, atque ita vitam continuo prorogare. Porrò cur sit translatus, explicat Ecclesiasticus c.

44. v. 16. nempe quia placuit Deo præ omnibus scilicet aliis illius sæculi hominibus. Cur autem vivus, Idem indicat eodem loco: *Translatus est in Paradisum, ut det gentibus pœnitentiam*, scilicet ut in fine mundi, quando cum Elia orbi restituetur, traducat tamen lingua quam exemplò suò populos tunc superstites ab adoratione Dæmonis & Antichristi ad verum Christum & Deum.

Seth Princeps filiorum Dei, cùm vixisset annos 912 moritur. Qui quidem filios ac nepotes suos, dum viveret, in officio continuuit, præcipue ne connubia cum Caini posteris jungarent; ipso autem nunc è vivis sublati non pauci spreta Parentum monitione formâ filiarum Cainitarum capti pulchriores & selectiores in uxores duxerunt. Ex qua conjunctione, cùm jam alias Filii Dei sive Sethi robusti essent, & viribus, formâ & statu râ eximii, prognati sunt natura vim suam oram exerente gigantes seu homines monstruosâ statu râ, robore & vitiis insignes; qui deinde potissima causa fuerunt diluvii, in quo etiam Caini familia prorsus extincta est.

Enos.

Natus est Noë à Patre Lamech futurus alter mundi Paren. Nomen ipsi imponens Pater: *iste, inquietabat, consolabitur nos ab operibus & laboribus manuum nostrarum in terra, cui mandavit Dominus.* A Mose habet hæc elogia: *Noë invenit gratiam coram Domino: Noë vir justus atque perfectus: Noë cum Deo ambulavit.*

1140. Moritur Enos, cùm vixisset annos nongentos & quinque

*Seth moritur
gigantes na-
scuntur. G. 5.
v. 8. & G. 6.
à v. 1.*

*An. 1036.
Laus Noe G. 5.
v. 29. G. 6.
v. 8. 9.*

G. 5. v. 11.

Noë.

A 1235. Moritur Cainan, cùm vixisset annos nongentos & decem. A 1290. Moritur Malaleel, cùm vixisset annos octingentos nona ginta quinque.

A 1422. Moritur Jared, cùm vixisset annos nongentos sexaginta duos

Interea in immensum propagabatur genus humanum adeò ut celebri hujus temporis Theologo ac Scriptori Hispano videatur, *Sacra Veterum Temp. Histor.* B

tur, terram paulò ante diluvium fuisse hominitus non minus quam nostro tempore repletam, habitatamque non modò Asiam, sed & Europam atque Africam, imò & Americam, fuisseque adeò jam tum in usu artem nauticam, floruisse mercaturam, artes ac disciplinas varias, populos non quidem lingua, dialecto tamen & moribus diversos.

An. 1636.
Crescit simul
malitia. G.
¶. à v. 5.

Crescente humano genere cùm simul creceret, & multa malitia hominum esset in terra, & cuncta cogitatio cordis intenta esset ad malum, Deus latam de impiorum hominum universali excidio sententiam Noëmo aperit. Inducias tamen indulget adhuc centum & viginti annorum iis verbis: *eruntque dies illius centum viginti annorum v. 3.* idest, nisi his centum viginti annis agant homines pœnitentiam, ultra non expectabo, sed *delebo hominem quem creavi à facie terræ, ab homine usque ad animantia, à reptili usque ad volucres Cœli.*

An. 1556.
Noë Arcam
fabricatur.
G. 6. à v.
13.

Deus Noëmo mandavit, ut Arcam seu navim ingentem construeret, quâ ipse cum suis & animantibus in universali inundatione servetur. Igitur Noë mortales omnes tum factis fabricando arcam, tum verbis, tum missis quaquaversum in remotiores regiones nuntiis, centum reliquis annis ad pœnitentiam horatus est. Sub idem tempus, quo mandatum istud accepit, & Arcam ad Caucasi radices construere cœpit, natus est ipsi Filius Sem, deinde Japhet, demum Cham Gen. 5. v. ult.

An. 1651.
G. 5. v. 31.

Mortuus est Lamech Noëmi Parens Patre suo Mathusala adhuc superstitie, cùm vixisset septingentos septuaginta septem annos.

An. 1654
G. 5. v. 27.

Paulò ante diluvium Mathusala quoque viam universæ carnis ingressus est, cùm natus annos nongentos sexaginta novem omnes reliquos Patriarchas vivendò superasset.

Causæ longæ
vitatis pri-
morum ho-
minum.

Causa longævitatis primis mundi temporibüs fuerit melior humorum commixtio: deinde sobrietas, quâ plerique ex filiis Seth carnibüs & vinô abstinuisse creduntur. Primaevus quoque vigor fructuum terræ, allorūmq; alimentorum, aëris atque aquarum puritas, scientia ab Adamo hausta virtutis herbarum, fructuum, demum & maximè Dei voluntas & arcana cooperatio, ut hoc modo & homines citius propagarentur, & scientias artesque citius perdisserent, & remotiori etiam posteritati cognitionem & cultum veri Numinis exemplō verbisque inculcarent.

rent. Porro cùm Sacra Scriptura non alios annos post, ac ante diluvium, numeret, sìne dubio primos homines totidem ac tales annos vixisse tenendum est, quales 365. diebus absolvuntur.

Centum & viginti anni à DEO definiti abiēre, neque tamen ventris, carnisque vitiis immersi homines ad DEum & pœnitentiam respexerunt. Igitur pluviæ cooperunt, & Noë jussu DEI arcam undique perfectam ingressus est cum conjugé sua, tribus filiis horumque uxoribus. Secuta sunt animantia Angelorum ductu undique adventantia; ex reptiliū quidem & immundorum quavis specie bina mas & fœmina, equus scilicet & equa, asinus & asina &c. Ex mundorum vero, & volucrum quavis specie septena, nempe 4. mares & 3. fœminæ, 4 arietes 3. oves, 4. columbi & 3. columbæ. Ex mundis plura servabantur non tantum ad propagationem & ad cibum, sed etiam ad sacrificia post diluvium celebranda.

Arca ex ligno, ut quibusdam placet, cedrino constructa longa fuit 300. cubitos, lata 50. alta 30. non instar navis, quæ in ima carina restrictior sursum versus laxatur atque incurvatur, & ad proram acuitur, & supernè aperitur; sed arca plana erat in fundo sine ulla distinctione puppis aut proræ, eadēque erat prorsus arcæ latitudo ab imo usque ad summum, ubi tectum habuit quasi operculum, non tamen planum sed in medio paulò eminentius, ut utrinque aquæ decidentes defluerent. Tria tabulata sive contignationes secundum totam arcæ longitudinem & latitudinem expansæ quaterna spatia distinguebant. Infimum spatum erat locus faburræ ad librandam in aquis arcam, & sentina ad sordes excipiendas, quæ postea per sportas funibüs in altum reducere per fenestram superiorem ejiciebantur. Alterum spatum supra infimum tabulatum occuparunt animantia terrestria variis mansueteis sive stabulis pro quadrupedum magnitudine ac multitudine distinctum, relictis opportunè viis, quibus adiri ac curari possent. In tertio erant distinctæ apothecæ, in quibus servabatur omnis generis annona pro hominibus & animalibus; non pauca etiam dulcis aquæ dolia ad potum, ad lotionem & multiplices usus. Quartum & supremum spatum erat in summo tabulato sub recto. Ibi ex una parte volucres partim feræ partim cicures suas caveas ac nidos habebant cum suo pabulo; in altera parte seu latere erant cubicula quatuor con-

B 2

jugum

An. 1656.

Noë cum suis
ingreditur
arcam sequen-
tibus ani-
mantibus.
G. 7.4.v. 7.

Structura
arcæ.

ill. novA
O. 1. 1. 1.
D. 1. 1. 1.

jugum paribus destinata cum domesticis officiis & necessaria supellecili, culina scilicet, foco, furno, mola lignilli, & penu. Porro in singulis spatiis seu contignationibus erant ambulacra media & in his scalæ ad ascensum & descensum ex una contignatione in aliam. In pavimentis foramina ac tubi, quibus & pabulum animalibus & sordes ad inferiora demittebantur. In lateribus arcæ erant passim fenestræ seu potius foramina tum ad respirationem, tum ad lumen admittendum, tum ad sordes egerendas necessaria. Fenestra, cuius nominatim fit mentio, hominum habitationi respondebat.

Clauditur arca & totum reliquum humnanum genus diluvio perit. G. 7.
à v. 17.

Receptis in arcam omnibus, quas DEus voluerat, animantibus porta, quæ instar sublicii poncis ad introducenda quadrupedia demissa erat, sublata est, apteque, ne aquas admitteret, ab Angelo clausa. Tum vero, ruptis abyssi fontibus & cataractis Cœli apertis, aquæ paulatim intumescentes arcam primò quidem è terra sublevârunt, eadentibus autem continuò per 40. dies & 40. noctes pluviis eam immensum auctæ tam altum extulerunt, ut denique 15. cubitis supra montium vertices, solo EO gubernante, in aquis fluitaret: demersis interea præter omnia animalia terrestria & volatilia cunctis omnino hominibus, clade eo magis horrendâ, si omnes etiam ex hoc temporali diluvio transierunt ad æternum incendium. Quamquam merito creditur, præter innumeros parvulos, qui per ritum aliquem DEO oblati contra peccatum originis remedium acceperunt, multos ex infinita multitudine adultos etiam poenas æternas evaluisse, & ad horribilem illam mundi faciem percutientes pectora denique poenitentiam egisse. Illud tamen fatendum est, ad initium inundationis nullos resipuisse, ne quidem ex amicis & propinquis Noëmi; alias enim ad arcam cum ipso convolassent; sed porius edebant & bibeant, uxores ducebant & dabantur ad nuptias usque ad diem, quâ intravit Noë in arcam, & venit diluvium & perdidit omnes: Luce 17. v. 27. incredibili planè animorum cœcitate, dum in eorum oculis volucres & animalia ad arcam omnibus ex sylvis certatim confluenter, & Camelii, Elephantes, Tigrides, Leones &c. feritate depositâ placide ingredierentur.

Aqua diluvii unde? G. 7. quia rupti sunt omnes fontes abyssi: omnes scilicet cavernæ subterraneæ aquas suas per ostia in terram effuderunt cámque ob-
rue-

ruerunt, succedente in eas cavernas interea aëre. Secundo *Cataracta Cœli aperte sunt*: maxima nempe aquarum vis ex mediâ regione aëris tanto impetu & fragore in terras dejecta est, ut totus aëris per vastissimas fissuras quodammodo hiare videretur, & jam non guttatum sed more torrentium flumina & fluctus effunderet. Tertio insolitæ pluviae, DEO vapores & aërem in aquas assiduè convertente, vel etiam aliquas de novo producente, durarunt totis 40. diebus & 40. noctibus continuis.

Licet autem postea pluviae cessaverint, terra tamen eadem aquarum profunditate submersa deinceps delituit totos 150. dies. Post hos primum cœperunt imminui, donec magnâ aquæ parte rursus in aërem vel primævam materiam conversâ, reliquâ in abyssum subterraneam iterum reclusâ superficies terræ denique omnino siccaretur, ponerenturque littora mati, ac ripæ fluviis, ne transilirent fines suos.

A. 1657. Post integri anni seu 365. dierum carcerem Noë ex arca in montibus Armeniæ considente egressus est ac soteria celebravit oblatō de cunctis pecoribus & volucribus mundis super altari sacrificiō. Inde in campestria loca descendit, & ad culturam terræ se convertit. Filii autem acceptâ divinâ benedictione propagando rursus humano generi operam dederunt.

A. 1659. Et Sem quidem præter multos alios filios & filias genuit Assur & Arphaxad, à quo rectâ lineâ descendit deinde Heber, Abram, & electus DEI populus. Vixit Arphaxad annos 438. Iaphet genuit Gomer, Javan aliisque filios, à quibus orti sunt populi, qui cum tempore Europam habitarunt. Cham primogenitum filium habuit Chanaan, à quo Chananæi, Amorrhaei, Iebusi &c. qui maximâ parte terram postea incoluerunt, quam Palæstinam, sive terram Sanctam appellamus. Genuit quoque filium Mestraim, à quo descendere nominati in sacris Libris Philistæi.

A. 1670. Noë interim etiam vineam plantavit, ut uvæ vinô inde expressô deinceps potum præberent, cùm vites hactenus sparsum crescentes uvas solummodo ad esum ministrâssent. Bibit igitur Senex paulo liberiùs, vinoque victus jacuit nudatus in tabernaculo. Chanaan puer primus in Ayum dormientem incidit, & indecorè nudatum videns rem cum risu ad Patrem detulit; qui nihil modestior etiam fratres ad spectaculum ridens invitare

Mundus red
paratur.
Gen. 8.

Noë arcæ-
greditur Gen.
8. à v. 18. &
G. 9. v. 1.
& v. 20.

Genus huma-
num propa-
gatur. G.
14.

NoëChanaan
filio Cham
maledicit.
G. 9. à v.
20.

non est veritus. Noë ubi sopore discusso rem totam ordine dicit, criminis Authori puerō ejusque posteritati maledictionem vilissimæ servitutis in poenam vel imprecatus est, vel propheticā voce denunciavit; abstinens à simili in Chamum maledictione; sive quia is non ita pridem fuerat à DEO benedictus, sive quia noluit maledictionem in reliquos Chami filios eorumque Posteros redundare. Semō verò & Japheto pietatis ac reverentiae paternæ officium, quo incidentes retrorsum pallio nudatum operuerunt, multa benedictione fuit compensatum.

An. 1693.

C. 11. à v. 12.

An. 1723.

à v. 14.

Hebrei unde
dicti?

Arphaxad natus annos triginta quinque genuit Sale, qui vixit deinceps 433. annos.

Sale genuit filium Heber, à quo postea Hebraica lingua ac Hebrei nomen acceperunt. A condito enim mundo una tantum erat inter homines lingua, neque certum nomen propterea habebat. At cùm deinde ad turrim Babyloniam divinè artificiò plures audirentur linguae, illa, quæ ante-a communis fuerat, Hebreæ dicta est, quia in Heberi familia ac gente mansit. Hebream porrò primam omnium linguam esse probat tum ipsius brevitas & simplicitas, tum auctoritas Doctorum. Syriaca proles dicenda est Hebraicæ & Chaldaicæ. Hebrei enim cùm abdueti fuissent in Babylonem, coeperunt loqui paulatim etiam Chaldaicam; quam cùm bene pronuntiare non possent, nata est ex utrâque quædam tertia, quam deinceps Judæi pro vulgari habuerunt, quæque Syriaca dicta est à regione, ubi maximè ejus usus vigebat, nimirum circa Hierosolymam,

An. 1757.

C. 11. à v. 16.

An. 1787.

G. 11. à v. 18.
Homines, an-
tequam divi-
datur tur-
rim Babylone
edificant.

G. 11. à v.
ad 7.

Heber natus 34. annos genuit Phaleg, qui vixit annis 239.

Phaleg natus 30. annos genuit Rheu, qui vixit annis 239.

Non diu post propagatâ jam & vehementer multiplicata humani generis scbole cùm propediem dividendos se, ac varias in orbis regiones spargendos esse homines intelligerent, idque ex Heberi vaticinio scirent, in campo Sennaar propè Euphratem, civitatem ac altissimam in eâ turrim ad communem memoriam, ornatum, gloriam, vel ad perpetuam nominis sui famam erigere cooperunt. Jamque ingens turris moles ad quatuor millia passuum ascenderat, *S. Hieron. l. 5. in Isaiam ad c. 14.* ac universi homines cum Noëmo ad promovendum grande opus confluenter in terra illa, quæ postea Babylonia dicta est, confederant: cùm DEUS humanæ prudentie consiliis ad propositos sibi fines usurus,

partim ad sinum usque Persicum descendit, accessisset. In qua Chanaan cum suâ Posteritate obtinuit magnam ac optimam ferre partem, quam nempe DEUS postea Abrahamo toties laudavit, promisit, ac demum ipsius Posteris Israëlitis deleta aut in servitutem abstracta Chananea progenie possidendam dedit.

Populi di-
sperfi suam
formant
tempublicam
G. 10. v. 32.

Profectæ hunc in modum quaquaversum familiæ cum sua quæque supellecstile, animantibus, tum feris, tum domesticis, alibi quoque ad humani generis usum propagandis, ubi ad delectas sibi sedes pervenerunt; singuli populi suas sibi res, ut ratio postulat, agere cœperunt, terras distribuere & agros, urbes morliri, ædificare domos, cœteraque meditari, quæ ad reipublicæ unius constitutionem pertinerent, ex illius utique directione & gubernatione, cuius auspiciis se in viam dederant, illum agnoscere non Parentem solum sed Gubernatorem etiam ac Principem; ad eum ultrò communis boni procreationem ac providentiam deferre, dum singuli suis quique commodis ac necessitatibus attenti essent. Ille autem de communi suffragio inferiores sibi substituere Magistratus, qui crescentem paulatim multitudinem in minoribus oppidis pagisque regerent,

Introducunt
cultum veri
Numinis ubi
que terrarū.

Quod veri Numinis cultum attinet, omnes fortassis hunc in terras, quas incolere cœpere, induxerint. Verum ut minimè dubitari debet, quin ea in Provincia, quam Noë, Sen., Heber incoluerunt, vera pietas ac religio ipsis saltem viventibus, perseverarit, ita in reliquis paulatim ad superstitionem miseris mortales deflexisse, instigante malo dæmonē, variisque artibüs illudente, satis supérque constat.

Regna paula-
tim constitui-
untur, ac pri-
mura Babylō-
ne. G. 10. v.
3. 9. 10.

Sed nec laudata antea populos gubernandi ratio diu ubique viguit: nam post divisionem per varias orbis partes regna constituta sunt, quique antea veluti Patres familiam gubernaverant, nunc dominatum in subditos exercere, vicinósque populos vi atque armis sibi subjicere cœperunt. Ac Babylone primum surrexit Regnum atque Imperium. Conditor fuit Nemrod militaris audaciā & civilis prudentiā clarus. Chami nepos, terram Senaar, sive Babylonicum agrum in divisione terrarum sortitus. Paulò post regna surgunt etiam in Arabia, & Ægypto, ubi Melraim Chami filius Thebas ædificavit, ob quod se postea Thebæ primos hominum credidere. Eodem ferè tempore Sicyonio-

rum

usurus, eorum vanitatem mirâ arte clusit, simulq[ue] destinatam humani generis in varias terras distributionem executus est. Erant tunc universim septuaginta duæ familiæ, quæ genus humani constituebant. *Gen. 10.* Ex stirpe Sem numerabantur familiæ 15. Ex progenie Japhet 25. Ex posteritate Chami 32. familiæ, homines verò intra trecentos à diluvio annos jam infiniti; nam interveniente divinâ providentiâ per paucos occupabat immatura mors, multi nascebantur gemini, rari aut nulli erant steriles, plurimumque simûl uxorum erat usus, omnésque ac toti vacabant generationi.

Igitur pro numero familiarum DEUS singulas momentô docuit novam ac ab aliis omnino diversam linguam eâ, quæ hactenus una omnibus fuerat communis, ex omnium memoria repente deletâ; exceptâ familiâ Heberi, apud quam solam prime linguae usus permanxit. Quô factum est, ut abrupto mutuâ sermonis inter familias commerciô ab opere desistere cogerentur, atque in alienas & remotas terras migrationem, à quâ amore natalis soli ac dulci amicorum consuetudine hactenus abhorrebat, libenter susciperent.

Facta itaque Authore DEO per Noëmum totius humani generis caput ac Principem distributione, Sem cum suis obtinuit terras illas, quæ ab Euphrate versus ortum per Persiam ac Indiam postea dictam latè porriguntur, designatis cuique familiæ certis ac distinctis terrarum spatiis. Unde subsequentib[us] annis ac facultis numerô crescentes colonias ulterius in orientem promoverunt, ac, quam nunc vocamus Asiam majorem Insulâsque Oceani Orientalis occupârunt.

Japheti familiæ partim ab Euphrate Septentrionem versus, Japhet Europam, partim in Asiam minorem ac Insulas maris mediterranei, denique per totam, quâ latè usque ad Gades protenditur, Europam sese diffuderunt; ac inde cum tempore DEO impellente ac dirigente navib[us] per immensa aquarum spatia novas terras quæsivere, ut in ea quoque orbis parte, quam Americam dicimus, per adductas colonias humanum genus propagaretur.

Chamo, ejusque numerosis familiis cessit Arabia, Ægyptus, Æthiopia, & Africa universa; deterior sine dubio portio; nisi terra, quæ inde à finibus Asiae minoris inter mare Mediterraneum & Euphratē sita, partim versus Ægyptum excurrit, partim

DEUS in di-
versis famili-
is diversas
linguas insti-
tuit. *G. 11.*
av. 7. ad 10.

In divisione
terrarum Sem
cum suis fa-
miliis obtinac-
tum. *G.*
10, à v. 22.

Japhet Euro-
pam. *G. 10.*
à v. 2. ad 6.

Cham Afri-
cam. *G. 10.*
à v. 6. ad 22.

rum Regnum in Peloponeſo initium accepit; ac deinceps alii atque alii per orbem populi Reges habere cœperunt. Inter quos illi, qui ex familia Sem ad extremas Orientis oras commigrarunt, Fohio Ductori suo ac post ipsum Xinungo Imperium detulerent. Qui adeò prima Monarchia Sinicæ fundamenta jecerunt ducentis post diluvium annis Noëmo adhuc superstite, ut constat ex subductis Chronologiae Sinicæ annis. Similiteriam in populo suo haustum à suis Majoribus veri Numinis ac Creatoris cultum conservarunt. Nam, ut Sinica testantur monumenta, Fohius certas pecudes domi alebat, quas Cœli terræque Domino immolare. Eadem Cœli Domino Hoamti Imperator tertius templum posuit. Chuenhi, Imperator quintus, Divini Numinis cultum propagavit in omnes Provincias, & certos eidem procurando Mandarinos præfecit. Imperator Chintamus circa annum 2240, quo tempore ob steriles illos septem annos per totum terrarum orbem fames erat, è regia sua sede Queite in Provincia Honan in ea calamitate egressus, nudis pedibus, saeco induitus vicinum collem ascendit; ubi humi prostratus humili oratione Domino Cœli & terræ se pro suo populo sacrificium obtulit, & pluvias impetravit. Horum Successores non minorem pietatis veræ ac Religionis curam gesserunt, donec corruptis moribus clanguit pietas, & profana superstitionum velania etiam Sinis incumbere, & per populum grassari coepit. Quod factum est circa annum 3500; quo primum tempore Idola colere cœperunt, & cultum veri Domini Cœli & terræ negligere, veluti Matthæus Riccius è Societate JESU primus apud Sinas Missionarius demonstrat in libro Sinico, quem vocat: vera Domini Cœli Essentia.

A. 1819. Rheu natus annos 32 genuit Sarug, qui vixit annos

230.

A. 1849. Sarug natus annos 30 genuit Nachor, qui vixit annis 148.

Nemrodo hoc ferè tempore mortuo; quem profani Scriptores Belum vocant, Ninus ejus filius Babylonicum capessivit Imperium. Iste publico Idolorum cultui occasionem & initium dedit, veluti Hieron. notat in Fzech. c. 23. & in Oseam c. 2. Cum enim Patrem suum Imperii Fundatorem in frequenti Procerum conventu commendasset vehementius, eumque non solùm per-

Sacra Veterum Temp. Histor.

C

G. II. v. 30.
& 21.

G. II. v. 22.
& 23.

Orig. Idola-
latris.

pe-

petuā apud Posteros memoria sed apud Superos etiam immortalitate dignum prædicasset, Statuam, quæ Patrem ad viventis speciem repræsentaret, erexit cui quasi viventi deferretur honos; ad quam si quis reus confugeret, abripi non posset ad poenam, misericordum denique commune esset perfugium. Quæ res defuncto Divinitatis opinionem facilè conciliavit adeò, ut hic falorum Deorum primus primò quidem à Babylonii in templo, quod ipsi Ninus magnificum Babylone excitaverat, sacrificiis coleretur; deinde ab aliis etiam gentibus. ab his quidem sub nomine Bel aut Baal, ab aliis sub nomine Saturni. Quod Nini exemplum Principes alii populique imitati viris illustribus laudabili quidem conservandæ eorum memoriae & egregia facinora imitandi studio passim ex cætaris lapidibus, ligno, argento aut auro statuas erexerunt: *Sap. c. 14. & v. 12.* sed re paulatim dæmonum astu ad superstitionem deflectente attributæ rebus inanimis Divinitate quâdam sive quodd eis Principes Jus Asyli tribuerent; sive quodd ibi dæmones aliqua vulgo mira factitarent, & responsa rediderent, Idola atque Idolatriam toto terrarum orbe invexerunt, cum hactenus ante & post diluvium usque ad tempora Nemrodi mundus nonnisi unum solum & verum DEum agnoscisset.

Ninive conditur, & Imperium Assyriæ siorum fundatur.
G. 10. v. 11.

Ninus paterni Regni angustiis non contentus alterò pessimo exemplō Imperium armis propagare instituit. Ergo ab Euphrate ad Tigrim progressus Assyriam ab Assur Semi filio, cui ea terra in divisione obtigerat, sic dictam invadit ac in suam redigit potestatem; urbemque longè amplissimam ad exemplum Parisis in ripa fluminis condit, ac Niniven à suo nomine dicit. Quam postea etiam Regni sedem relicta Babylone delegit ac Assyriorum fundavit Imperium, Assur propterea sive Rex Assyriorum *Gennsis 10.* nominatus. Ab hoc Nino Gentilium Historiæ initium ducunt, Juxta quos multas adhuc magnasque per Asiam Provincias suo Imperio subjecit. Ultimis vitæ annis ex Semiramide filium Ninyam suscepit & Regni hæredem reliquit.

Seminarii Regnat.

Post Nini mortem Semiramis nomine Ninyæ adhuc impuberis Imperium administravit, demum omnino ad se transtulit mulierum, quæ regnavit, prima. Ab hac conditam scribunt Babylonem; sed auctam & amplificatam potius interpretari licet, & admirabili murorum ambitu cinctam; cujus circuitus stadia continebat quadringenta octoginta, erantque latera quatuor, singula

singula centum viginti stadiorum. Famosam illam turrim concinna ornavit, & Beli templo adaptavit. Condidit & alias urbes ad Euphratēm & Tigrim, ubi & emporia illis constituit, qui merces aliunde, importarent. Post multa alia magnificentia suæ per totam Asiam monumenta postque res multas magnasque pace bellisque præclarè gestas cùm libidinosa æquè ac bellicosa foemina ipsius filii concubitum peteret, ab ipso imperfecta est.

Igitur Ninyas cœpit imperare, vel potius Regni curas Praefectis committere. Ipse verò contentus elaborato à Parentibus Imperio belli studia depositus, ac veluti sexum cum Matre mutasset, raro à viris visus in foeminarum turba consenuit. Quamvitæ rationem plerique deinceps Assyriorum Principes sunt imitati: qui proinde apud Scriptores in tenebris ac silentio jacuerunt, verbô Reges, re autem mancipia volutatis.

Anno 1878. Nachor natus annos 29. genuis filium Thare.

Anno 1948. Thare septuaginta annos natus genuit Abraam filium in Chaldaea trans Euphratēm sita in loco Ur dicto. Praeter quem eidem nati sunt duo adhuc alii filii Nachor & Aran. Abraam ab adolescentia chaldaicam sapientiam professus est in siderum rurumque coelestium contemplatione occupatus. In primis autem D'Eum accepta à Majoribus pietate constanter coluit, quam conservavit etiam, cùm invalisceat ubique Idololatria ipse Parens & Nachor frater aliquandiu Diis alienis servirent. In tam universalis cui oblivione atque neglectu D'Eus hunc servum suum eligit, ut esset Pater eorum, apud quos cognitio veri Numinis atque cultus perseveraret. Porro tres isti Fratres duxerunt uxores. Et Abram quidem Saram ex eodem suo Patre sed alia Matre natam. *gen. 20. v. 21.* Aran genuit filium Lot. Nachor ex Melcha habuit octo filios, ac inter hos Samuel Patrem Syrorum, & Bathuel, qui postea genuit Laban & Rebeccam. Abraam ex verili Sara non habebat Liberos.

Anno 2006. Noë moritur, postquam vixerat 950. annos. Causa vitam ante diluvium uti Moses compendio descripsit, ut nec locum habitationis ejus indicaverit, ita nec ubi post diluvium vixerit, aut ubi mortuus sit explicat. Illud satis certò constat, eum insigni continentiae exemplo totis trecentis quinquaginta annis, quibus à diluvio supervixit, & verosimillimè etiam

Ninyas &
subsequentes
Assyriorum
Reges in glo-
riis.

G. 11. v.
24. & 25.
Abraam nas-
citur & à Deo
Pater creden-
tium igitur.
G. 11. à
v. 26.

Noëmi obi-
tus Gen. 9. v.
29.

centum annis ante, quisus Arcæ fabrica occupabatur, nullos liberos suscepisse; nam, quod Moses affirmat, ex nullis aliis quam ex Sem, Cham & Japhet disseminatum est omne genus hominum super universam terram G. 9. v. 19. neque uti de aliis, ita de Noe dicit illud, *genuit filios & filias.*

An. 2018.

Abraam
Migrat in
Mesopota-
miam. G.
11. à v. 29.
Act. 7. à v. 1.
Judith. 5. v. 9.

Abraam natus annos septuaginta a DEO ex Chaldaea vocatur, iubeturque peregrinari in terram, quam ipsi monstraturus esset. Quod cum Patri aperuisset, Thare tulit Abraam, Saram, Lot (Aran tunc diem jam obierat Gen. 11. v. 28.) & eduxit eos de Ur chaldaeorum, ut irent in terram chanaan, veneruntque in Mesopotamiam usque Haran & habitarunt ibi. Circa quod tempus Chedorlahomor Regis Assyriorum apud Persas seu Elamitas, ab Elam Semi filio sic dictos, Gubernator Regulos Sodomæ, Gomorrhæ ac finitimarum civitatum Jordani adiacentium sub Imperium redigunt. gen. 14 v. 4.

Migrat in
terram Cha-
naan. G. 12.
à v. 1. ad 10.

Abraam nonnulli quinque annos habitavit in Haran, mortuo enim ibi Patre inde vocatus est a DEO in terram Chanaan, futuram cum tempore Regnum Israël. Relicto itaque in Mesopotamia fratre Nachor, qui & ipse cum suis de Ur chaldaeorum illicem commigrarat; Ipse eum Sara, Loto, totaque familia pererrxit in terram Chanaan, venitque usque ad locum Sichem. Ubi Dominus ipsi apparet totam illam terram Chanaan ipsius posteritati promisit. Abraam igitur eodem in loco altare, veluti primum lapidem posuit terræ sanctæ, & habitationis, in qua ab electo populo verus Dei cultus cum tempore stabiliretur. Inde postea progressus ad montem tentoria fixit ad longiorem moram inter urbes Bethel & Hai, erectorque altari DEO invocavit nomen ejus.

In Agyptum
proficiscitur.
G. 12. à v.
10. ad 10.

At vehemens famæ Regionibus illis incubuit. Quare cum suis in Aegyptum profectus est. In via metuens, ne ob excellenter Saræ, licet jam sexaginta quinque annos natæ formam se interfecto Aegyptius aliquis eam in uxorem duceret, monuit Conjugem, ut, quamdiu in Aegypto morarentur, sororem suam esse se diceret. Et sane vix terram ingressus est, Rex ipse laudata a Proceribus Saræ pulchritudine frui cupiens peregrinam in Regiam adduci jubet. At immisis divinitus corporis cruciatibus protinus Abrahæ uxorem esse intellexit. Quare ad se vocato insilio fratillorum, & auxiliis quatuor ornatissimis auxiliis, ad facilius

tactam restituit, ipsumque cum multa honoris significatione dimisit.

Exacta in Aegypto hyeme & bona veris parte cum magno famulorum, ancillarum ac gregum numero multisque auri argenteisque copia remigravit in Chanaanitidem, fixisque iterum inter Bethel & Hai tentoriis in Altari, quod duobus annis ante erexerat, DEO Sacrificium gratiarum actionis obtulit. Optabant quidem Abram & Lot simul ibi habitare, eumque in finem à Chananaeis terræ illius Dominis communia pascua conduixerant. Quia vero angustior erat ager, quam ut amborum gregibus sufficeret, Lotus optione sibi facta ad Regionem Jordani propriorem cum suis recessit, & in urbe Sodoma habitavit. Abram autem non procul ab urbe Hebron in valle quadam, Mamre dicta, consedit; ubi Dominus ipsi rursum pollicitus est numerosissimam Posteritatem ac universam illam terram, quæ à Syria Aegyptum versus, & à mari mediterraneo versus Euphratē excurrit. Ipse vero ibidem altare excitavit ad offerenda deinceps DEO Sacrificio.

redit in Chanaanam & separatur à Loto. Gen. 13.

Ex quo de Ur Chaldaeorum egressus est, illud vitæ genus amplexus est magnus hic vir, quod sectabantur homines ante Nemrodi tempora. Regnabat veluti caput & Pater in sua familia; cum qua proficiebatur vitam simplicem ac pastoritiam. Erat quidem in alieno semper solo peregrinus, nulli tamen obnoxius Domino veluti Princeps. Valebat magna, quam ipsum opulentia tum manifesta DEI protectio conciliabat, autoritate apud vicihos Regulos, adeò ut ejus amicitiam foedusque ambient maximè, qui circa montem Hebron dominabantur. Et verò profuit habuisse amicum & foederatum. Pentapolitani sive quinque civitatum Reges Sodomæ, Gomorrhæ, Adamæ, Seboim & Segor pertensi tributariae servitutis à Chodorlahomo-re defecerant; quod iste ulturus cum tribus aliarum Provinciarum Regis Assyrii Praefectis Pentapolitanis bellum intulit, felique exitu in valle sylvestri contra eos pugnavit. Inde ad prædam conuersus quinque urbes spoliavit, multosque captivos ac inter hos etiam Lotum abduxit; cuius rei accepto nuntio Abram partim domesticis trecentorum octodecim vernaculorum, partim auxiliaribus Hebronitarum copiis fretus hostes usque ad Jordanis fontes persecutus est; eosque noctu improvisò

Vincit hostes & liberat Lotum. Gen. 14.

ibi adortus magna clade affecit, ac Lotum cæterosque captivos cum multis spoliis reduxit.

Melchis-
dech ei vi-
ctoriam gra-
tulatur. G. 14.
à v. 17.

Redeuntem exceptit cum multa victoriae gratulatione Melchisdech Rex simul & Sacerdos Altissimi in urbe Salem seu Jerosolyma, & in Sacrificium gratiarum actionis DEO panem & vinem obtulit in typum veri & incruenti Sacrificii; cui vicisim Abraam, veneratus in Sacerdote JESUM Christum ex suâ stirpe nasciturum decimas ex omnibus donavit. Ubi convallem suam Mambre tenuit, adfuit quoque Rex Sodomæ & nomine reliquarum etiam civitatum, ut spolia omnia, quæ hosti eripuisset, servaret, rogavit. Verum Abraam ne minimum quidem ibi retinuit, ne quis gloriari posset, se Abraam ditasse, qui nemini volebat quidquam debere, nisi DEO.

Deus eidem
turus appa-
rens filium
promittit.
G. 15.

Sara viro an-
cillam per-
mittit.
G. 16, à v. 1.
ad 4.

Paulo post Dominus eidem nocte per visum filium hære-
démque promittit, tantamque Posterorum multitudinem, quanta
esset stellarum, quæ numerari non possent: Simul longam eo-
rum in Ægypto servitutem denuntiat; donec completis Chana-
næorum iniurias post quartam generationem liberi dimit-
terentur, ac illis ejectis terram promissam occuparent.

Ex his poterat Sara intelligere speraréque se adhuc Matrem fore. Nihilominus divinam promissionem ad se minimè perti-
nere putans suo viro ancillam Agarem permisit. Ac ipse in has
inferioris ordinis nuptias etiam consensit, ratus divina promissa
in Saræ sterilitate ac senectute impedita commodè sic saltem ex-
pediri posse. Nec enim polygamia tunc erat res nova, sed vul-
go usitata passimque frequentata etiam à viris piis ac DEum ti-
mentibus, quæ quidem consuetudo à tempore diluvii ita inole-
vit, ut Lex Mosaica laxitatem hanen tolleret sed firmaret Deu-
teronomii c. 21. v. 15. & 16., quippe quæ tum odio tui dilectæ uxoris liberos pro legitimis filiis & hæredibus haberi vo-
luerit. Et Deut. c. 17. v. 17. Regibus plures uxores concesse-
rit, plurimas verò prohibuerit. Quæ quidem Lex apud Judæos
viguit, donec Legislator novus stabiliret illud: *Erunt duo in
carne una.*

An. 2032.
Ismæl nasci-
tur. G. 16, à
v. 4.

Agar concepit. At ancillam propterea se oblita despexit Do-
minam. Quod Sara non ferens eam ita afflixit, ut vexationis
impatiens fugerit in desertum. Ab Angelo verò ad puteum vi-
ventis & yidentis admonita ut rediret, & modestius ergo Domi-
nam

nam se gereret, reversa est & peperit filium, quem Pater Ismaël vocavit.

An. 2046. Cùm Ismaël tredecim implevisset annos, Dominus Circumcisionem sub nomine paëti & fœderis Abrahæ mandat, ac quasi Legem perpetuā valitaram promulgat; quo veluti signo DEI populus & filii promissionis à Jacob postea descendentes discernerentur à cæteris gentibus & populis, licet aliæ verum DEI cultum retinentibus: Iterūmque ipsi & posteris terram Chanaan cum tempore veræ Religionis sedem, filiūmque promittit altero anno ex sua Sara nasciturum. Itaque Abraam se & Ismaëlem, servos quoque tum emptitos quām domi natos circumcidit eximia sanè sua & suorum obedientia in re minimè facili, quāque vulgo inutilis ac ridicula videri poterat.

Eodem anno dum in suâ convalle Mambre sub meridiem in ostio tabernaculi sedet, tres insigni specie Juvenes viâ publicâ procedunt. Abraam pro solita sua erga peregrinos charitate eis occurrens oratione ad eum conversâ, qui oris aut cultûs dignitate præstare videbatur, *Domine, inquit, ne transcas servum tuum*, rogatque ut quiescant sub arbore, donec quipiam, quo se reficerent, pararetur. Inter prandendum sermonem injecere de uxore, cerrumque esse voluerunt Abraam de filio ex ea nascituro. Finitâ mensâ pergunt Sodomam. Cùmque aliquousque Abraam eos comitaretur, ille, qui primas hastenus egerat in hac scena, inter eundum aperit ipsi consilium de evertendâ Sodomâ, Gomorrâ & tribus aliis vicinis urbibus; ob enormia earum peccata. Motus commiseratione rogavit quidem diu multūmque pro Sodoma; sed cùm ne quidem decem Justos in eâ esse audivisset, denique orare cessavit. Et Angelus quidem ille, Dominum referens, disparuit & Abraam ad suos regressus est: alii vevò duo Angeli eo adhuc vespere Sodomam venerunt.

Sedebat tum Lotus ante portam Civitatis pro more suo & exemplo Abrahæ operiens peregrè venientem, quem hospitio exciperet. Igitur Angelos sub specie duorum Juvenum adventantes invitat; qui cùm mansuros se eâ nocte in plateâ simularent, Lot, certus non esse domum, in qua præclarâ formâ Juvenes tutò diverterent, multò minus ab improborum petulantia immunes in plateâ fore, compulit illos apud se pernoctare. Vix bene coenaverunt, adest præforibus scelerata turba, hospitésque

An. 2046.
Circumcisio
instituitur.
G. 17.

Angelos ho-
spitio excipit
G. 18.

Angeli Lo-
tum cum suis
Sodomâ edu-
cunt.
G. 19.

ad

ad flagitium foras depositum. Lot tumultuantes incassum dehortatus est. Quare Angeli coecitate percutiunt insanientes, ita ut ostium domus, per quod irrumperent, invenire non possent. Deinde summo mane Lotum, uxorem, & duas ipsius filias domo & urbe educunt serio monitos, festinarent ac tota valle mox perdendam circu excederent, nec minutum temporis vel respiciendo perderent. Lotus cum tribus foemini properans jam haud procul erat a porta oppidi Segor, quod ipse communis calamitatis precibus suis exemerat, cum uxor, ut horribile spectaculum tantisper oculis usurparet, se retro convertit; statimque inobedientia & curiositatis poenas dedit. Nam eodem in loco conversa est in statuam salis; Loto interea cum filiabus urbem subeunte, neque domesticam cladem animadvertisse. Cum autem ne ibi quidem se satis tutum crederet, montem vicinum ascensit, noctusque speluncam a diro incendio aversam, in eam se cum filiabus abdidit.

Interea excussa continuo è nubibus fulmina tectis urbium flamas injiciunt cum tonitribus horrendo fragore reboantibus: sequitur & cadit ignea ex sale, sulphure, pice liquatis pluvia, quæ vici omnes, plateæ planitiesque camporum inundantur, hominesque & animantia cunctaque plantarum genera exuruntur: demum ipsa terra per ingentes motus vastis hiatibus discedens in profundum abit: & aquæ subterraneæ erumpentes ac cum pice & sulphure permista terræ locum occupant. Atque ita quatuor nobilissimæ urbes totaque Regio, quæ ante a fuerat quasi *Paradisi Domini*, cum habitatoribus suis funditus perit; durante in hodiernum usque diem conselerata gentis & divinæ animadversionis exemplò; piger enim & horrens lacus perpetuis vaporibus exsiccatur, ac finitimum agrum pestifero halitu sterilem facit ad octo passuum millia. Interim filiae Lot stulte credentes eam calamitate reliquum humanum genus perisse, Patrem vinum inebriant eumque nocte nefario utraque incestu polluant, ex quo deinde nati Moab & Amon totidem populorum Authores extiterunt.

An. 2048. Abraam non multo post migrans ex convalle Mambræ Isaac nascitur Ægyptum versus horis ferè quatuordecim progressus est, & G. 29. v. 21. ab Abimelech Rege Gerara licentiam petiit in ipsius terris habitandi, quam etiam Rex facile de dit; at simul Saram, quam ille rufus

rurus sororem suam dixerat, in Conjugem postulavit. Jamque fuerat in Regiam adducta, mox tamen iterum viro suo reddita additis etiam muneribus, postquam Rex in somnis à Domino monitus est, esse uxorem Abrahæ; quam cum recepisset, non diu post ipsi jam centenario diu & ardentil us votis expetitus totiesque a Domino promissus filius Isaae nascitur de Sara nonagenaria incredibili Parentum gaudio; isque octavo die circumciditur.

Isaac quinto ætatis anno ablatatus est. Quo tempore Pater grande convivium dedit more utique antiquo & à Majoribus recepto, infante primū, ut appareat, inter convivas sedente, eorumque cibos pro modulo suo participante. Paulo post vi- dens Sara Ismaëlem cum Isaaco procaciū colludentem, petiit, v. 8. & licet agrè, à Patre impetravit, ut puerum cum Matre domo deturbaret. Errat igitur Ismaël primò in solitudine Bersabée, deinde in deserto Pharan habitans volente Agare mulierem Ægyptiam in uxorem duxit, genūisque Ismaëlitarum à seipso propagavit; qui postea per Arabiam habitantes Agareni & Saraceni dicti sunt. Et quia Ismaël decimō tertio primū anno circumcisus est, hinc Arabes circumcitionem ad cum quoque annum differunt gentis suæ Authorem imitantur.

Inter hæc Sem moritur & Babylone sepelitur, eum estet sexcentorum annorum, omnium Patriarcharum post diluvium antiquissimus. In cuius familia retenta fuit vera pietas verusque DEI cultus plerisque aliis in idolatriam prolabentibus: dico plerisque; nam satis constat, Abimelech & Melchisedech Chananorum Regulos veri DEI cultores exitisse cum magna subditorum parte, populo in utramque partem Principes suos imitante. Quod si in Posteris maledicti Chanaan tales reperti sunt hoc tempore, minimè dubitandum videtur, etiam in aliis Chami & Japheti filiis ac nepotibus non paucos ubique terrarum fuisse, qui haustam à Noëmo pietatem tenerint, ac propagârint.

Abraam.

Abraam verò, postquam cum Rege Abimelech scđus sanxit; quietus jam terræ, puteum Bersabée circum jacentis, pos- Sacra Veterum Temp. Histor. D lessor

Isaac abla-
tur, Et Ismael
domo ejici-
tur. G. 21. à

Sem moritur.
G. 11. v. 10.
& 11.

Abraam ju-
betur filium
immolare.

Gen. 21. à v. sessor nemus plantavit, in quo solebat peregrinos excipere, atque ad veri DEI cultum adducere. Ibi quoque erexit altare & *invocavit Nomen Domini*: Quo tempore Isaac ea jam erat aetate, ut Pater brevi sperare posset nepotes toties a DEO promissos. At ecce inopinatè spem omnem sibimet suâ manu praecidere jubetur, ac filium in monte Moria, trium dierum itinere distante, DEO immolare. Arduo licet mandato parere non dubitavit. Venerunt ad locum; & Isaac intellecta a Patre Domini voluntate mori paratus jugulum offert. Jamque impositum aræ filium Pater ferrò appetebat, cum DEI ejusdem monitu neci subtrahitur. Abraamo vero in tantæ pietatis & obedientiae præmium innumerabilis posteritas & ex eadem nasciturus ostenditur Mæsias, in quo *benedicentur omnes gentes terra*. Mox implexum arbustis arsetem protrahit; quod loco filii in holocaustum oblatum rediit cum Isaaco suo in Bersabee.

Saram sepelit
G. 23. à v. 1. Sara annos nata 127. excessit è vita in Hebron, quod Abrahæm cum ipsa paulò ante venerat, cumque flevisset, & planxit, set eam, speluncam duplicem cum agro propè Hebron ad eam sepeliendam pretio quadringentorum siclorum argenti probatæ monetæ publicæ comparavit, justisque eidem persolutis rediit in terram Geraræ.

Filio uxorem ubi cùm & ipse senesceret, & Filius jam quadragesimum aetatis annum attigisset, sponsam ei demum adjungendam esse querit. **G. 24.** putavit; quam in rem fidum servum in Mesopotamiam ad dominum Nachoris Fratris sui ablegat; qui etiam re bene gesta Rebeccam Filiam Bathuelis Filii Nachoris sponsam octodecim circiter annos natam adduxit.

Ipse Ceturam Lætus his nuptiis Abraam Isaacum domui suæ deinceps præesse voluit. Ipse autem Ceturam ancillam in Conjugem accepit, ut senectutis suæ curam gereret, & familiam, quam sibi retinuerat, fidelius ac simplex ancilla administraret. Ex qua quidem genuit adhuc sex filios; quorum tamen gesta ac mores Scriptura non memorat, quod ad populum DEI, qui ex Isaaco propagandus erat, non pertinerent.

An. 2108. Isaac & Rebecca viginti annos jam cohabitabant; nec Jacob & Esau tamen spes prolis apparuit. Quare sexagenarius pro sterili conjugi Dominum precatur & exauditus est; nam duos simul filios enixa est Esau & Jacob.

Abraham in senectute bona & plenus dierum dēnum An. 2123.
moritur; cūm prius quoddam quasi testamentum fecisset, &
datā aliqua Iſmaēli & filiis ex Cetura genitis portione, omni-
um bonorum suorum hāredem Iſaacum constituisset. Gen. 25.
v. 5. & 6.

Iſaac.

Iſaac & Iſmaēl, ubi Patrem in spelunca dupli prope Hebron
sepelierunt, iste in Arabiam, ille in Bersabeam rediit. Sed
quod ob præteritam ibi sterilitatem magnam annonae inopiam
pateretur, se suosque in Ægyptum tantisper transferre ipse qui
dem cogitavit. Verūm Dominus istud noluit, iulſitque eum mi-
grare in agrum Geraræ vicinum; simūlque ipsi etiam eas pro-
missiones confirmavit, quas toties Patri suo fecerat. Porro cūm
illuc venisset, ipse quoque Rebeccam in iis partibus suam esse
sororem credi voluit, timens, ne alias interficeretur propter ejus
pulchritudinem. At non diu latuit simulatio; cūm enim Rex
Abimelech, qui Patri successerat, Iſaacum maritali licentia cum
Rebecca jocantem de fenestra conspexisset, facile uxorem esse
intellexit, ac veritatem rei postea ab ipso Iſaco cognovit, con-
tentus tamen cum amicè solūm corripiuisse.

Demum etiam post exactos quadringentos sexaginta An. 2187.
quatuor annos moritur Heber. Quid ab eo quinque penē Heber mori-
ſeculis, quibus vixit, gestum sit, ignoratur. Illud scitur, fuisse tur. G. 11.
Prophetam, & per nomen Phaleg, filio suo impositum, linguarum
ac populorum divisionem prædixisse; fuit quoque magno apud
Posteros pretio, qui accepto ab ipso Hebræorum nomine dein-
ceps gloriabantur. Certè Moses Abraam ipsum Hebræum,
tum Patriarcham Josephum & omnes universè Jacobi posteros
Hebræos appellat, nato licet jam dudum Iſraëlitarum cogno-
mine.

Interea in agro Gerariensi familia Iſaci opesque ve-
hementer crescebant. Quæ res magnam ei invidiam conflavit
apud Gerarienses, ita ut ipsi omnes puteos, tot gregibus necessa-
rios obſtruuerent. Et Rex Geraræ ipse eidem non est veritus di-
cere: *Recede à nobis, quoniam potentior factus es nobis valde.*
Itaque decellit ex illo agro orientem versūs ad torrentem &

Iſaac ex Ber-
ſabea in vi-
cinum Gerar-
æ agrum mi-
grat.
G. 26.

Iſaac credit in
Bersabeam &
cum Abime-
lech fœdus
init. G. 26.

valem Geraræ. Sed & hinc brevi migrare coactus est ob iniqitatem pastorum in eâ valle, aquam puteorum suam esse contentum. Rediit ergo in Bersabeam; ubi apparuit ei Dominus consolans ipsum & renovans promissiones factas Abrahæ. Isaac verò erexit altare & *invocavit Nomen Domini*. Non multò post Abimelech animadvertebat cum Isaaco esse Dominum, illic profectus non modò amicitiam, sed & fœdus inire quæsivit, in quod Isaac pro innata mansuetudine nuperæ injuriæ oblitus etiam consensit & hospitem convivio exceptit.

Cum Esau & Jacob nascerentur, prior egressus est Esau, deinde Jacob plantam fratris manu tenens. Adulti in diversa studia ferebantur. Primogenitus Esau rufus & totus in morem pellis hispidus, natura ferocior atque ingenio agresti ruri ac venatione delectabatur. Jacob mitis ingenioque facilis animo potius excolendo quam exercendo corpore occupabatur, domi seu in tabernaculis assiduus. Pater amabat Esau, eò quod de venationibus illius vesceretur. Et Rebecca diligebat Jacob. Accidit, ut Esau omnino lassus aliquando ruri rediret, videretque pulmentum, quod è lentibus coxerat Jacob. Avidus cibi Esau rogat, sibi quoque det de coctione hac rufa. Jacob jam diu intentus in occasionem primogeniturae in se transferendæ, quam sibi divinitus destinatam à Matre didicerat, annuit, si sibi Jus Primogeniturae juratò céderet. Juravit, & cessit imprudens, quasi parvi pendenda esset Primogenitura, quæ tamen tam insignia Jura annexa habebat, ut duplicem portionem in hereditate: benedictionem à parentibus morientibus: dominium quoddam in cœteros fratres; hinc postea Isaac dixit Jacobo: Esto Dominus fratum tuorum, aliisque Jura ejusmodi. Sed longè pejus sibi consuluit, cum nunc quadragenarius alignigenarum se se affinitatibus implicaret. Duas enim uxores Hethæas ex genere Chanaan duxit inconsultis sine dubio parentibus; & filias Heth deinceps obliquè solum aspicientibus. Gen. 26. v 34.

Cum Jacob Jus primogeniturae jam antea sibi vendicasset, nunc Fratri etiam paternam benedictionem præripit. Esau quodam die foras egresso, ut ex venatione gratum alias Patri pulmentum coqueret; Rebecca, quæ ex illa Domini sibi facta promissione major serviet minori didicerat, Jus primogenito debitum divina dispensatione ad Jacobum fuisse translatum, ex hœdina

Jacob Fratri
benedictio-
nem paternam
præripit.
G. 27.

Esau vendit
primogenita
& uxores
Chanaæas
ducit. G. 25.
26. v. 34. &
35. & G. 27.
v. 46.

dina carne novit eā arte præparare cibum, ut sapore non differet à pulmento ex ferinā desiderato, quod dum Jacob à Matre subornatus caligantiseni apponit, simūlque vestibus ac hædinis pellibus in collo ac manibus tectus pilolum Esau refert sola voce suspectus; eidem Isaac velut Primogenito bene precatur, in speciem deceptus, re autem vera divina executus consilia.

Hinc verò natum est ingens odium Esau in Jacobum, adeò quidem ut cogitaret fratri necem inferre, cùm primū Pater mortuus esset, quod brevi fore videbatur. Mater dilecti filii periculō territa fugam ei suadet ad Laban fratrem suum; quod consilium cùm etiam Patri placuissest, ac datam Jacobo benedictionem intellectā totā, quam uxor luserat, probatāque scena iterasset; Jacob in Mesopotamiam profectus est tum fratrī iram visitaturus, tum uxorem accepturus de cognitione suā. Hactenus enim licet septuaginta septem annos natus rarā profectō continentia cœlebs erat; cùm Esau jam multos ex uxoribus suis liberos suscepisset,

Dum magnis itineribus Haran petit, Solis occasu, & tenebris quodam die citius oppressus est, quām ut posset in oppidum aliquod divertere. Ergo sub Dio idoneum quieti locum capit, lapidēmque vice pulvilli capiti subjicit. Dormiens celebrem illam scalam mysteriisque plenissimam vidit, quæ Cœlum terræ, divinitatem humanitati in Messiae personā conjungebat. Angeli per eam ascendebant & descendebant; & Dominus innixus scalæ ei dicebat: *Ego sum Dominus Deus Abraam Patris tui & Deus Isaac. Terram, in qua dormis, tibi dabo & semini tuo. Eritque semen tuum quasi pulvis terra: & benedicentur in te & in semine tuo cunctæ tribus terræ.* Evigilans Jacob pavens que quām terribilis est, inquit, locus iste! verè non est hic aliud nisi domus DEI & porta Cœli. Surgensque lapidem in divinæ visionis monumentum erexit, ut ex eā peregrinatione reversus ibi DEum iterum honoraret.

Inde progressus reliquum iter septem ferè diebus confecit, Haranque pervenit. Propositā adventū sui causā Labanum à suis votis haud alienum invenit, quibūs Rachelem natu minorem filiam in uxorem petierat, & quod inops rerum ac penè nudus adesset, famulatum offert locō munerum. Sponsalibūs ita con-

Jacob fugit
fratrem &
abit in Me-
sopotamiam.
G. 27. à v.
41. & G. 28.
à v. 1.

In via videt
sealam mira-
bilera.
G. 28. à. v.
11.

Contrahit
sponsalia
cum Rachele.
G. c. 29. à v.
20.

tractis nuptiæ congressusque maritalis integro septennio differuntur.

Evolutis septem annis celebratae sunt nuptiæ cum Rachele & convivium cum multa amicorum frequentia. At nocte Laban natu majorem, quam habebat filiam, Liam nomine, Racheli substituit, quam fraudem cum Sponsus illucentiae primùm die advertisset, perfidiam Socero exprobavit; cui tamen mox acquievit, postquam Laban ei utramque in uxorem obtulit, Liam quidem jam nunc per mutuum consensum, Rachelem vero post septimum à convivio diem eâ lege satis durâ, ut septem alios adhuc annos famularetur. Itaque post septem dies etiam Rachelem habuit uxorem; cui Laban dedit ancillam, sicut antea Lia dederat Zelpham. Atque ex quatuor his foemini Jacob intra septem annos genuit duodecim liberos: septem de Lia, unum de Rachele, & quatuor de duabus ancillis. Ex Lia nempe nati sunt Ruben, Simeon, Levi, Juda, Isachar, Zabulon, & Dina filia. Ex Bala Dan & Neptali. Ex Zelpha Gad & Aser. Ultimo septennii anno tandem etiam Rachelem miseratus Dominus fecundam reddidit, eaque peperit Josephum.

An. 2198.

Dilectum
molitur, sed
retinetur.
G. 30. à v. 25.

Jacob post quatuordecim annorum famulatum ad Patrem redire desiderans (Mater Rebecca interea jam obierat) à Socero retinetur rogaturque apud se maneat pro mercede quidem deinceps, quam sibi met statuisset. Assensit denique hoc pacto: daret sibi pascendas unius coloris oves; ex his maculoso vellere nascituræ ad se pertinerent, unius & ejusdem coloris essent Labani. Acceptâ conditione Jacob hoc artificio usus est: Virgas detracta per circulos cortice fecit ex viridi & albo discoloribus, easque posuit in canalibus, ubi ad aquabantur greges. Oves igitur dum virgas, cum ex arietibus conciperent, in oculis habent, varios & maculosos fœtus suo tempore pariebant, factumque est, ut sic plurima & optima quæque pecora Jacobo nascerentur, pauca cetera Laban acciperet. Quod iste animadvertis mutato pacto voluit, ut deinceps unius coloris oves Jacobi, variae suæ essent. Sed & sic Jacob felicior fuit, ditatusque est ultra modum, & habuit greges multos, ancillas & servos, camelos & asinos; quos scilicet emit ex pretio venditarum ovium, quæ subinde sub suâ suorumque manu multiplicabantur.

Cum

Cum forte Laban ad tondendas oves suas tridui itinere distantes profectus esset, Jacob occasione utendum ratus est Mesopotamia in Patriam clam Socero, quem viginti omnino annis sibi parum æquum expertus esset, hortante etiam Domino, redire statuit. Communicatō igitur uxoribus consiliō cum tota familia ac gregibus se in viam dat. Transito Euphrate jam ad montem Galaad pervenerat, cūm ecce Laban cum aliquot suorum fugientes intra septem dies assequitur. Verūm, quod à DEO prohiberetur, nihil eidem mali inferre potuit; sed potius lancito amicitiae foedere in Haran reversus est, id solūm ægrè ferens, quod inter excussa diligenter impedimenta non invenisset Deos suos, seu parva Idola, quæ Rachēl surripuerat, ilisque nunc, menstrua callidè simulans, insidebat.

Isto periculo defunctus magis timebat fratrem Esau, quem ut delinīret, misit nuncios in terram Edom sive Idumæam, ubi habitabat, honoris causā, qui fratrem suo nomine salutarent, dēque rerum suarum statu edocerent. Qui cūm retulissent, Esau venire cum quadringentis viris armatis, magis consternatus, propitiatō sibi precibūs DEO fratrem placare satagit munericibūs, quæ eodem adhuc die per servos præmisit: capras ducentas, hircos viginti, oves ducentas, & arietes viginti, camelos fœtas cum pullis suis triginta, vaccas quadraginta, & tauros viginti, asinas viginti & pullos earum decem. Intempestā nocte deinde eo loco, ubi Angelorum aliquot concursu prius honoratus fuerat, surgens in vado torrentis traduxit totam familiam; quæ dum progressitur, solus ipse remansit ad orandum. Et ecce Angelus viri formam induitus orantem repente aggreditur, vincere verò adeo non potuit, ut veniente aurora cogeretur etiam rogare Jacobum, ut se dimitteret, fatereturque ipsum se fortiorē, ideoque ipsi Israēlis nomen tribueret reportatæ victoriæ monumentum. Interēa sui satis longē progressi erant, quos tamen, licet ob nervum in femore ab Angelo Iesum claudicans, afflicctus est.

Haud multò pōst videt venientem fratrem viris quadrangentis stipatum. Igitur juxta ordinem heri præceptum Zelpha & Bala cum quatuor liberis procedunt. Sequitur Lia cum suis septem. Denique Rachel cum suo Joseph. Ipse autem Jacob antecessit, & adoravit pronus in terram septies. Hanc animi corporisque demissionem admiratus Esau cucurrit obviām Fra-

Fugit cūm
Suis G. 31.

Cum Angelo
laetatur, mit-
titque fratri
munera.
G. 32. & 33

Amicē à fra-
tre excipitur
in via.
G. 33. à v. 4.

tri

tri & amplexatus est eum stringē s^eque collum ejus & osculans flevit. Post varia deinde officia Esau admissis denique muneribus reversus est in terram Edom; Jacob autem venit in locum Socoth, ubi missis ad Patrem muneribus reliquum hunc & leuentem annum commoratus est.

Dinæ viola-
tionem filii
ulciscuntur.
G. 34.

Transmisso Jordane migravit in partes Sichimorum, ubi agrum centum agnūs redemit, erectoque ad cultum divinum altari octo ferē annis habitavit, ut tamen non raro Bersabeam ad Patrem excurseret. Accidit, ut Dina vicinam urbem, solenne loci illius festum videndi curiositate ingressa, à Filio Principis vi opprimeretur, quod cū illa intoleranter ferret, Princeps dedecori ut remedium afferret, puellam filio suo in sponsam unāque connubiorum & Regionis ipsius communionem expetiit. Filii Jacob in utrumque, si Princeps cum suis circumcisōnis ritum admitteret, consentire videbantur. Aquiescit, & toti populo suo circumcisionem persuadet. At Simeon & Levi tertio post die assumptā servorum turma improvisò in urbem irruentes Principem ac Filium cōterōsque ex vulnere circumcisionis ad defensionem invalidos confodiunt, & ingenti cāde ac urbis p̄rāda sororis injuriam ulciscuntur.

Jacob migrat
in Bethel.
G. c. 35.

Jacob sibi suisque metuens monetur à DEO terrā illā excēdere & familiam transferre in Bethel, seu locum illum, ubi ante triginta annos in Mesopotamiam fugiens mirabilem illam in somnis scalam viderat. Inter prādam ex urbis depopulatione alatam filii servique multa Deorum simulacra & ornamenta habebant. Hæc igitur prius in detestationem Idolatriæ juxta Terebinthum altē defodit. Deinde vasa colligere jussit ac proficisci. Lapis, quem olim posuerat, interea disjectus fuerat ab hominibus loei Religionem ignorantibus. Ubi igitur illuc pervenit, lapidem iterum erexit Deoque altare statuit. DEUS autem ipsi nomen Israēlis confirmavit, quo deinceps etiam Posterī gloriarentur.

Venit cum
familia in
Hebron ad
Patrem. It
Rachel mori-
tur ex partu.

Haud diu ibi commoratus rursum itineri se dedit, ut denique cum tota familia in Hebron ad Patrem accederet, quem solus ipse hactenus subinde inviserat, ejusque in senio & oculorum caligine decumbentis familiam per fidum Procuratorem gubernaverat. Iter istud fuit sat sⁱlaus infastum; nam in viā versū Bethlœem Rachel obiit, cū prius inter magnos dolores Benjaminum esset

eret enixa. Deinde Ruben dormivit cum Bala non sine ingenti
utique Patris moerore incestum detestantis.

Ut primum utraque in valle Hebron sese junxit familia, benè
advertis Jacob, terram non sufficere pascendis tot gregibus &
armentis. Quare Pastores cum suis gregibus dimisit in agrum
Sichimorum, unde priori anno fugerat, nixus divinā contra Si-
chimitas præteritæ cladis adhuc memores protectione. Neque
diu distulit filios quoque Liæ & ancillarum illuc mittere, qui Pa-
storibus præsidio essent, si res postulareret, & parentem apud iplos
repræsentarent.

Cum aliquanto jam tempore nullum à filiis nuntium acce-
pisset, ad eos Josephum suum ablegavit, renuntiaturum, quo
loco res essent. Porro Josephum, qui tunc expleverat deci-
mum lectum ætatis annum, jam à multo tempore oderant fra-
tres, nec poterant ei quidquam pacificè loqui. Causa odii po-
tissima fuerat, quod à Parente tenerius diligenteretur, fulgeretque
inter fratres tunica polymitā, diversorum scilicet colorum, ta-
lari, manicatā, & multis lictis textā. Ob quod cùm ab eis ex
invidia singularis in eum paterni amoris vexaretur, eos de hoc
crimine pessimo apud Patrem accusaverat. Accesserunt & so-
mnia, quæ fratribus puerili simplicitate narrabat. Unum erat:
Putabam, inquiebat, nos ligare manipulos in agro, & quasi
consurgere manipulum meum & stare, vestrosque manipulos cir-
cumstantes adorare manipulum meum. Alias Matre adhuc vi-
vente: Vidi, inquiebat, quasi Solem & Lunam & Stellas unde-
cim adorare me. Quæ somnia majoris semper odii somitem
præbuerunt.

Vix in fratrum conspectum venit, cùm de morte ei infe-
renda consultarunt. Igitur arreptum in profundam ac sicciam
cisternam demittunt, fame enecandum. Mutatō autem poste à
adnitente Judā consiliō transeuntibus Ismaélitis venditus est.
Ab his in Ægyptum deductus Putiphari Magistro militum tra-
ditur; qui cùm per aliquot annos Josephi fidem, obedientiam,
& majorem quam pro ætate prudentiam notasset, & in rebus
gerendis felicitatem, Juvenem demum omnibus domus suæ ne-
gotiis præfecit.

Interim fratres ut à se criminis suspicionem averterent tu-
nicam veniti fratris sanguine hœdi asperserunt, miseruntque
Sacra Veterum Temp. Histor. E Pa.

c. 35. v. 27.
v. 19. v. 22.

Mirat filios
cum gregi-
bus in Siche.
c. 37.

Submittit ad
eos Josephū.
Gen. 37.

Fratres Jose-
phini ven-
dunt, qui du-
citur in Ægy-
ptum. G. 37.
à v. 28. & G.
39. à v. 1. ad
7.

Jacob Inget
filium. G. 37.
à v. 31.

Patri, quod fidem ipsi facerent, filium in via ab aliqua fera devoratum. Et vero creditit Jacob, scilicetque vestibus ac induitus cilicio noluit consolationem accipere.

Judas & Le.
vi uxores du-
cunt. G.c. 32,
4 v. 1. ad 6.

Joseph mitti-
tur in carce-
rem. Gen. c.
39. à v. 6. &
c. 40.

Non diu post Judas Chananeam conjugem sue nomine duxit. Ex qua ei nati sunt tres filii, Her, Onan & Sela. Levi quoque accepta uxore genuit Gerzon, Merari, & Caath, futurum Amrami Patrem, Moses vero & Aaronis Avum.

In Aegypto Joseph cum non solum apud Dominum suum gratiam valeret, sed & ab hujus uxore ut filius diligenteretur, amore paulatim depravato, primo adhibebut blandicias, postea autem veste apprehensum ad facinus tantum non compellebat, quod cum, relicto etiam in manu mulieris pallio, detrectasset, illa amorem in odium convertit, cumque apud Maritum attentati adulterii accusat, ac in fidei argumentum pallium ostendit; quibus auditis Putiphar nimium credulus Josephum conjectit in carcere. Post unum ferè annum in eundem carcerem missi fuerant duo ex aula Regis unus Pincernarum, alter Pistorum Praefectus. Contigit, ut Joseph ambos solito tristiores animadverteret. Causam rogati, ob somnia, quae præterita nocte habuissent, se tristes & rerum expectatione suspensos esse fassi sunt; quae cum narrassent, Joseph utriusque somnium, indicante Deo, feliciter dissolvit. Pincerna prædixit fore, ut post tres dies restituatur in gratiam, porrigitque rursus calicem Pharaoni: Alteri, post tres dies educendum est carcere, ac in cruce suspensum volucribus prædam fore; diéque tertio ita contigit. Rogaverat quidem Joseph, ut Pincerna sui apud Pharaonem memor esset: sed ingratus Interpretis sui oblitus est.

Joseph carce-
re eductus.
Pharaoni so-
mnium expli-
cat, & fit Pro-
rex. c. 41.

Post duos annos, quam Pincerna carcere solutus erat, ipse Pharao quadam nocte somniabat, se juxta Nilum stare; ex quo emergerent septem vaccæ pingues, ac pascerentur deinde in locis humentibus atque herbidis remotius a fluminis alveo. Post has totidem alias ascendere sed macie confectas, ac in i. sa ripa tenuem cibum carpere somniabat: demum pingues illas a macilentiis fuisse devoratas. Expergefactus Pharao rursus dormivit, & vidiit alterum somnium materiam quidem diversum, significacione autem unum & idem de septem spicis plenis totidemque tenuibus & uredine percussis. Manè Pharao somniorum conjectoribus, quae ea nocte vidisset, indicat. At cum nullus esset,

qui

qui somnia interpretaretur; demum Pincernarum Praefectus Regi Author est, ut jubeat vocari Josephum, narrans, quæ sibi ante biennium ac socio accidissent. Confestim carcere eductus Regi sistitur; à quo cùm somnia audivisset, utroque, ajebat, portendi, quæ DEus paulò post in Ægypto esset facturus. Futuros némpe septem magnæ ubertatis annos; secuturos deinde totidem steriles, qui cunctam retrò abundantiam veluti absorbeant; geminum porro diversæ materiæ somnium indicare magnam fore tam copiam quam inopiam pecoris ac frumenti, quibus vita maximè sustentatur. Cùmque etiam consilium suggestisset, quod sterilis septennii calamitati occurreretur; visum est Regi & Optimatibus ipsum Josephum rei frumentariæ statim praeficere, ut abundantia & sterilitatis annos rectè dispensareret. Insuper Rex Spiritu DEI plenum ac sapientiâ supra humanum fastigium publicè pronuntiavit, auxilque summis honoribüs ac prima post suam in Regno dignitate. Denique ipsum honoravit conjugio filiæ Sacerdotis Heliopolitæ. Hæc in Ægypto.

In valle Hebron autem interea mortuus est Isaac 180. anno. An. 2228. Isac
rum senex & plenus dierum, sepultusque est à filiis Esau & Jacob. ac moritur in
Qui cùm jam ante quadraginta duos annos ita caligastet, ut Jacob
tenebris vixisse meritè existimari potest, rerumque administratio-
ne filiis relictâ uni DEO cum multa patientia vacâsse.

Post mortem Parentis divisus cum Fratre bonis Esau recessit in montem seir, sive in terram Edom, ac Idumæam ab ipso dictam cum tota familia sua & cunctis, quæ habere poterat in terra Chanaan. Divites enim erant valde, & simul habitare non poterant præ multitudine gregum. Esau habebat jam tunc ex duabus uxoribus chanaenæis & ex tertia Ismaëlis filia, quinque filios. Inter quos primogenitus Eliphat genuit postea filium Amelec, Patrem deinde gentis Amalecitarum. Secundogenitus Esau erat Rahuel, qui postea genuit filium Zara Patrem Iobabi & Jobi. Qui, uti & cæteri filii Esau atque nepotes facti sunt in terris illis Duces ac Principes. Imò Jobab seu Job mortuo primo in illis terris Rege Dela Horræo Rex fuit partæ fortissimæ Jure belli hæc dignitate. Porro Esau, Pater Idumæorum, incertum quâ ætate, multâ posteritate relictâ piè, ut multi credunt, ibidem mortem obiit. Nam quod Malachias c. I. v. 3. dicat:

Ez

Jacob

Jacob dilexi: Esau verò odio habui; ajunt, Prophetam agere de populis duobus non de personis singularibus; amorēmque illum & odium ad bona malaque temporalia, non ad æterna referri; nec esse sermonem de rejectione à salute æterna, sed à temporali benedictione paterna, & jure primogenituræ.

Mortuo Patre & in montem Seir digresso fratre solus Jacob habitavit in Hebron cum filiis ac nepotibus; inter quos Her primogenitus Judæ ubi primum ad annos pubertatis pervenit, Pater ei Thamar insignis formæ puellam conjugem dedit. Sed quod esset *nequam in conspectu Domini* impediendō generationem, ut sic frueretur diutius uxoris pulchritudine, quæ parturitionibus deflorescit, à DEO tertia nuptiarum nocte per Angelum occisus est. Dedit igitur Judas Thamarem filio secundō genito Onan, ut loco & nomine fratris gigneret liberos more tunc usitato & postea etiam lege sancito, ut sic familiarum perpetuitati & legitimæ hereditatum successioni consuleretur. At Onan malebat fratris nomen extingui filiorum defectu, sèque susque quos ex propria suscepisset uxore, in Primogeniti Jura succedere. Itaque quando ingressus est ad Thamar, nefariam libidinem sine attacku uxoris alias explavit. Unde & ipse per Angelum ultore Domino peremptus est. Thamar post occisos divinitus duos maritos cùm à Juda tertium filium Sela, quod tamen ille promiserat, in virum obtinere non posset, amore prolixi impulsu per fraudem ab ipso Juda, cuius uxor Sue tunc jam obferrat, conceperat. Nam cùm judas quodam die egredieretur ad tondendas oves, Thamar assumpto cultiore habitu velatōque vultu, ne facile agnosci posset, confudit in bivio itineris: Transiens Judas credidit esse meretricem, petiitque, sibi faciat corporis protestatem, hœdum mercedis loco promittens: Consensit illa, si interim pignus relinqueret sibi annuum, armillam, & baculum, quem manu teneret: Dedit improvidus. Post tres menses rumor ad Judam pervenit, Thamarem nurum suam uterum ferre. Indignatus comburendam pronuntiavit. At ubi missis pignoribus se vidit mulieris astutia circumventum, absoluta est, & post 6. menses peperit gemellos Phares & Zaran, in cujus postremi manu erat coccinum.

Jacob mitit
filium in Interea evoluti erant septem fertilitatis anni, & horrea
Ægypti frugibüs Authoritate & curā Josephi erant in singulis
urbi-

urbibus inpleta; tantaque fuit abundantia tritici, ut arenæ maris coæquarentur, & copia mensuram excederet Gen. 40. v. 18. & 49.. Cum autem nunc sequentur septem anni inopie, in universo orbe famæ prevaluit. Gen. 40. v. 54. & ob sterilitatem totius orbe panis deerat, & oppresserat famæ terram, maximè autem terram Ægypti & Chanaan. Gen. 47. v. 13. In hac universalí calamitate felices erant Provinciæ, quæ venire poterant in Ægyptum ut emerent escas & malum inopie superarent. Cumque etiam in Chanaanitide vulgaretur, triticum vendi in vicina Ægypto, misit illuc etiam Jacob decem filios suos cum pecuniis, solo Benjamino domi retento, metuens, ne forte in iteri quidquam patiatur mali. Gen. 42. v. 4. Admissi ad conspectum Joseph, cuius solius nutu frumentum populis vendebar, eum, mutata facie, voce ac lingua cultaque corporis Ægyptium, non agnoverunt. At ipse hos suos esse fratres statim advertit: veluti alienos tamen vultu ad severitatem composite per Interpretem allocutus est, rogavitque qui sint, unde veniant, quid petant? illi quidem ad singula responderunt humiliter, ipse autem se dictis ipsorum fidem non habere simulans velut exploratores in unum carcerem omnes conjectit. Post triduum liberos quidem reliquos in patriam redire permisit, retentò tamen tamdiu in vinculis Simeone, donec fratrem, quem dixissent, natu minimum adducerent, itaque se fide dignos probarent. Ergo facies (quod Joseph seorsim mandaverat) triticum impletis sedant in viam metu ac inopinatae rei eventu suspensi, præsertim cum etiam per viam in summitate sacci suam quisque pecuniam invenissent.

Ægyptum
pro frumento.
to. c. 42.

Domum appulsi anxiæ Patri certatim casus omnes referunt.

Illud Senem maximè afflitit, quod Prorex Benjaminum videre petiisset. Non tam Simeonis fortuna quam famæ coëgit, ut eum dimitteret. Jubet ergo parari munera ad placandum Proregem. Præter novam voluit quoque reportari illam pecuniam, quæ inventa fuerat in ore saccorum, veritus, ne id potius imprudentia famulorum, quam Domini liberalitate contigisset. Illi magnis itineribus in Ægyptum pervenient, & steterunt coram Joseph; quos cum obiter ac inter eos Benjaminum vidisset, dispensatori domus suæ in aurem dixit, eos in palatium suum deducat, paréisque convivium, quoniam mecum, uti ajebat, sunt

Mittit eos se-
cundò cum
Benjamino.
G. c. 42.

comesturi meridie. Illi ubi se rursus clausos viderunt, veriti, ne forte ob pecuniam cum tritico exportatam calumniam patenter, sollicitè Dispensatori domū rem, prout gesta fuerat, aperunt; qui eos consolans ait: *Nolite timere, Deus vester & Deus Patris vestri dedit vobis thesauros in saccis vestris.* Ita nempe didicerat à Josepho respondendum esse, si quid hujusmodi ab eis referretur ad ipsum. Educto deinde Simeone monet, Dominum suum velle, ut cum ipso prandium sumant.

Paulò pòst ingredientem munera tenentes in manibus prono in terram corpore adoraverunt, somniorum veritatem abundè comprobantes. Ille clementer resalutatos interrogavit de Pattis sospitate, de natu inter eos minimo, quem dum in turba fratrum vidit, amoris teneritudine commotus ad lacrimas, in conclave interius festinanter se recepit, ut fleret remotis arbitris. At lotā facie brevi iterum egressus jussit cibos afferri, Joseph seorsim & solus in una mensa sedebat, in altera è Regione fratres; in tertia Ægyptii. Solutā mensā dum hospites se ad quietem recipiunt, Joseph præcepit Dispensatori impleri saccos frumentō, simūl includi cujusque pecuniam, in summitate sacci Benjamini insuper scyphum suum argenteum. Quod cùm Dispensator magna fide & prudentiā fecisset, orto manè dimissi sunt cum asinis suis, læti, quòd Simeonem receperissent, Benjamini reducerent, ac Patrem incredibili gaudiō eumulaturi essent. At paululùm urbe egressi processerant, cùm submissus à Josepho Dispensator eos cum armata manu persequitur; &, quare, verbis Josephi inquit, *reddidisti malum pro bono? scyphus, quem furati estis, ipse est, in quo bibit Dominus meus.* Illi tam atroci atque inopinato nuntio perculsi accusationem humili oratione repellunt. At ubi Dispensator scrutatus singulorum saccos, scyphum denique invenit in sacco Benjamini; tum verò scissis vestibūs præ animi dolore & confusione probrosi criminis, in quo deprehensi videbantur, oneratis rursus asinis reversi sunt in oppidum.

In conspectum Pro Regis admissi omnes in terram corrue-
Frates deni- runt ingentem animi consternationem ipsò silentiò demonstran-
que Josephum tes. Ille quidem primò vultu ac voce ad severitatem compo-
agnoscunt. sita eos increpavit dicens; *Cur sic agere voluistis?* at ubi Ju-
G. 44. à v. das, qui cœteris constantior erat, atque animosior potenti ora-
14. & G. 45. tione
à v. 1, ad 16.

ione pro Benjamino locutus est, non se potuit ultra cohibere Joseph jussisque egredi Aegyptiis Hebræa voce & sine Interpretore elevavit vocem cum fletu & dixit: *Ego sum Joseph; adhuc Pater meus vivit?* quæ vox cùm attonitos & quasi stupore defixos redderet; ille ut timoris causam averteret: *Nolite, inquit, pavere, neque vobis durum esse videatur, quod vendidistis me.* Pro salute enim vestrâ misit me Dominus ante vos in Aegyptum. Hoc ipsum eos Patri referre jussit, eumque hortari, ut, cùm quinque adhuc anni familiâ restarent, se cum universâ familia in Aegyptum transferret. Demum omnes amanter amplexatur: initio ducto à fratre uterino, omnes osculatur & plorat super singulos; simûlque isto quasi pignore injuriarum oblivionem & veram reconciliationem confirmat. *Post que ausi sunt loqui ad eum.*

Res hæc cùm in Regiam atque aures Pharaonis venisser, Rex cum universa aula magnoperè gavisus præcepit Josepho, ut omnia, quæ ad iter Patris & familiæ ejus in Aegyptum viderentur necessaria, curaret; quæ ipse diligenter executus est. Redentes ergo ex Aegypto venerunt in Hebron ad Patrem suum Jacob, eloque nuntiârunt Joseph filium ejus vivere, & dominari in omni terra Aegypti. Verum licet id uno omnes ore affirmarent, non tamen credidit, veritus scilicet, ne ex composito ad se consolandum fabulam afferrent ex Aegypto. At ubi vidit adventantes currus & plaustra, & asinos cum muneribus, quæ famuli ducebant, tum denique fidem adhibuit; & revixit spiritus ejus dixique: *Sufficit mihi si adhuc Joseph filius meus vivit; vadam & video illum antequam moriar.*

Jacob iter cum universa familia ex Hebron Aegyptum versus ingreditur, ad quod eum etiam Dominus, in Hebron quidem interius, deinde vero, cùm in Bersabée eidem Sacrificium offerret, apertè hortatus est, retenta tamen possessione terræ, quam ipse in Sichem, & quam Avus emerat in Hebron cum spelunca duplice. Appropinquans Aegypto præmisit Judam, qui nuntiaret Josepho, venire Patrem; quem ubi vidit Joseph, *irruit super colum ejus, & inter amplexus flevit.* Flevit & Senex ac inter lacrimas: *Fam letus, inquit, morior, quia vidi faciem tuam & superstitem te relinguo.* Tum Joseph fratres salutavit & amplexus est. A complexu ventum est ad colloquia, deinde ad convivium. Cùm adeundus esset Rex, sollicite Patrem & fratres

Joseph re-
initiat fratres
& invitat Pa-
trem in A-
gyptum. G.
45. à v. 16.

An. 2238.

Jacob Mi-
grat cum suis
in Aegyptum
Jacob. G. 46.
& 47.

mo.

monuit, ut à Pharaone regat responderent se Pastores esse, unde huic negotio operam dare, ut sic in terra Gessen seorsim ab Ægyptiis habitare possent, qui Pastoras ovium detestantur. Introductus ad Regem Jacob eidem plurimam imprecatus est felicitatem; à quo etiam benignè exceptus deque atate interrogatus, post breve colloquium dimissus est. Joseph autem Patri ejusque familiæ oppidum Rameffes & optimam, veluti à Rege in mandatis acceperat, partem in terra Gessen dedit possidendam.

An. 2255.
Moritur in
Ægypto,
postquam be-
nedixit filiis.
G.c. 48. 49.
90.

Jacob cùm in Ægypto annos septendecim exegisset, mortuus est anno ætatis 147. Funus magnificè curatum. Corpus aromatibus conditum, & uti vivens optaverat, in Majorum sepulchro conditum in speiunca duplii prope Hebron, quod Joseph cum Fratribus & magno comitatu Magnatum Ægyptiorum longo itinere venit. Priusquam moreretur, Manassen & Ephraim filios Joseph in suos recepit, futuros duarum tribuum Patriarchas, ipsi vero Joseph donavit terram quam olim emerat prope Sichem. Deinde reliquis decem filiis benè precatus est. Porro benedictio omnium gravissima fuit, quam dedit Judæ. Huic enim prædicti sceptrum seu gubernandi autoritatem non afferendam de tribu Judæ aut de gente Judæa, donec veniat Messias.

Levi,

Jobi calamiti-
tates.
Lib. Job per
42. capira.

Amram na-
scitur & Isra-
élites muli-
plicantur. c.
30. v. 21. &
22.
An. 2308.
Joseph mo-
ritur.
c. 50. à v. 23.

Hoc serè tempore Job, natus ex Zara nepote Esau in Idumæa includente etiam terram Hus non longe à mari Galilææ versus Arabiam deterram, DEO permittente exercetur, & à Satana cùm domesticis calamitatibus ac liberorum clade miseranda, cùm ulcere gravissimo ac variis incommodis afficitur in terra Hus, ubi veluti Princeps erat; & inter tot calamitates, si Tornielli computus valet, ultra ducentos annos vitam prorogavit.

Amram Moses & Aaronis postea Pater nascitur Patre Caath filio Patriarchæ Levi. Quo tempore florebant in Ægypto & vehementer multiplicabantur Israélites; eos tum divinâ providentiâ tum Josephi Pro Regis potentia prudentiâque protegente.

Joseph postquam gessit Principatum octoginta annos, moritur convocatis prius ad se ex terra Gessen in urbem Regiam fratribus; quibus prædixit afflictionem Israélitarum brevi secuturam; simul redditum eorum in terram, quam Dominus jura-
verat

verat Abraham, Isaac & Jacob. Adjuravit quoque eos de trans-ferendis ossibus suis ex Ægypto, quod postea Moses fideliter præstítit.

Non multò pòst ex hac vita migrarunt etiam reliqui fra-tres, ac primus Simeon, de quo extat Patris accusatio verius quam benedictio ob cædem Sichimitarum. Nec sine causa hunc in vinculis tenuit Joseph, utpote invidiae & voluntatis ipsum occidendi præcipue reum. Secutus est Judas ordine nativitatis quartus, dignitate inter fratres primus. Hunc enim eximiis laudibus extulit moriens Pater, & à fratribus laudatum iri affirmavit. Deus ipse fratribus anteculit, dum ex ejus familia nasci voluit mundi ervatore & magnam partem Regum ac Prince-pum, qui DEI populum gubernarunt. Tertius mortuus est Ru-ben; cujns cum uxore Patris facinus Jacob moriens severè damnavit. Quartus Isachar quintus Lia filius. Quintus Zabulon sextus Lia filius. Sextus Dan filius Balæ Ancillæ. Septimus Aser filius Zelphæ Ancillæ. Octavus Benjamin natu minimus Rachelis filius doloris. Nonus Nephtali filius Balæ Ancillæ. Decimus Gad filius Zelphæ Ancillæ. Hi omnes inter Josephum & Levi mortui sunt. Hebraei enim in suo Chronico habent non suisse inter Patriarchas, qui minus vixerit Josepho, neque ullum, qui Levi vivendo superaverit.

Levi tertius ex Lia natus moritur. In hunc quoque seve-ra fuit Patris benedictio propter cædem Principis Sichem, cuius ipse in primis particeps ac patrator fuit. Ejus familia postea nec certò loco sed sit ut reliquæ, nec numerò magna fuit, providente Domino, ne qui à reliquis tribubus sustentandi erant, nimia mul-titudine oneri esissent. Hanc tamen tribum maximè honoravit Dominus, qui eam singulariter ad se colendum assumpsit, sibi que sanctificavit. Nam ex hac tribu omnes Sacerdotes summique Pontifices orti sunt, qui etiam multis sæculis Judæorum simul Rempublicam administrarunt, omnium Principe ac Authore Aa-rone, & filiis ejus. Non diu pòst defuncti etiam sunt Ephraim & Manasses filii Joseph ad dignitatem Patriarchatū ab Avo asciti, natique in Ægypto ab Ægyptia muliere nobili, & ad veri DEI cognitionem traducta.

Motiuntur
reliqui Patri-
archæ.
Exodi 1. v. 6.

Moritur Levi,
Ephraim &
Manasses ul-
timi ex Pa-
triarchis.

Amram.

An. 2348.

Incipit perse-
cutione Israeli-
tarum. Exodi
G. I.

MOrtuō Josephō & ejus fratribus surrexit Rex novus Amephis, qui ignoravit Joseph vel potius Josephi beneficiorum memoriam oblitteravit, quique iniquioribus oculis Israëlitas cœpit intueri primō, deinde etiam formidare, ac demum attenerere atque vexare; nam, ut ait Moses, *creverunt & quasi germinantes multiplicati sunt, ac roborati nimis impleverunt terram.* Igitur Pharao eis præfecit tributorum exactores, à quibus supra modum gravabantur, cùm vivente Josepho ab iis fuissent exempti. Accessere etiam corporis vexationes; cùm enim Rex per ea tempora arces, ingentes Pyramides, vastasque urbium molles moliretur, Hebræi potissimum operam conferre cogebantur, & quidem sine ulla mercede mancipiorum instar. Si quid peccassent, aut diurnum penalum non persolverent, flagellis servilem in modum accipiebantur, ut sic ab imbellibus non tam operam, quam vitam extorquerent. Neque flagri pœnam infimam solum plebi inferebant, sed iis etiam, qui operibus filiorum Israël prærant, præcipuis scilicet Hebræorum, qui quasi proletarii ad hanc militiam dirūmque tyrocinium trahebantur; Cùm autem saevitia hæc procreationem nihil impediret, sed potius quanto opprimebant eos, tanto magis multiplicabantur & crescebant, præter hanc aliam adhuc viam excogitavit Hebræos extinguendi. Hebræorum obstetricibus, quæ erant Ægyptiæ, clam imperavit, ut sub tempus partus Hebræarum infantes masculos suffocarent; at ille timuerunt DEum, & non fecerunt juxta præceptum Regis.

Aaron nasci-
tur. Ex. c. 2.
v. 1. & 2. &
c. 6. v. 20.

Tempore persecutionis nascitur Amramo filius Aaron summo Hebræorum Pontificatui divinitus destinatus. Septimus ab Abraham; Patrem enim habuit Amram, Avum Caath, Proavum Levi, Abavum Jacob, Atavum Isaac, Tritavum Abramum. Irritō rursum priori consiliō præcepit Rex Ægyptiis, ut natos Hebræarum masculos omnes projicerent in Nilum. Sed & hoc impium edictum ingeniosâ mulierum misericordiâ sæpe fuit elusum & post quinque ferè annos cum Tyranni morte omnino antiquatum.

An. 2373.
Nascitur Mo-
ses & à filia

Vigente adhuc inhumano edicto Moses frater Aaronis Amramo nascitur ad opera mirabilia singulariter à DEO conservatus

tus atque educatus. Cùm esset puer elegans, Parentes infantem tribùs mensibùs absconderunt; Quòd verò eundem sine gravissimo totius domùs periculo, Ægyptus tertio quovis mense domos scrutantibus, amplius servare non possent, aptarunt arculam junceam bitumine ac pice illitam, ut sic levis materia innataret aquis, neque tamen aqua interiora penetraret. Huic infantem includunt dantque filiæ suæ, quæ eum exponat in careto ripæ fluminis. Ubi dum natat arcula Maria infantuli Sorore ad oram fluminis procul stante & rei exitum spectante, ecce descendit filia Pharaonis, ut lavaretur in flumine. Quæ cùm vidisset natantem inter frutices arculam, misit unam è samulatu, & allatam aperiens cernensque in ea parvulum vagientem, miserta ait: *De infantibus Hebreorum est hic.* Et quia non videbatur tutum jam nunc eum in Regiam accipere, & interim nutrice opus habebat, accessit, & cogitanti supervenit Maria Soror pueri, & edocta à Matre sua: *Vis, inquit ut vadam, & vocem tibi mulierem Hebraam, qua nutritre possit infantulum?* Respondit Pharaonis filia: *vade.* Perrexit puella & vocavit Matrem suam. Cui illa, *accipe puerum istum & nutri mihi, ego dabo tibi mercedem tuam.* Nutrivit itaque Jochabeta *Exod. 6. v. 20.* gaudio plena filium suum, donec post tertium annum à lacte amotum filiæ Pharaonis redderet, quæ eum in filium adoptavit, ejusque nomen Moës vocavit. Mortuo Amenophi Orus Rex sufficitur; quem in Hebræos mitiorem fuisse ex eo intelligi datur, quòd edictum de projiciendis in flumen infantibus non urgeret.

Interea Moës eruditus est in omni sapientia Ægyptiorum juxta sanctum Stephanum; juxta Philonem etiam in Chaldaicâ de Cœlis scientia, aliisque literis, ad quas docendas incolæ terræ Geffen injussi sese & sponte suâ offerebant. Et fortassis ipse Amramus Mosis Pater unus inter ejus Praeceptrores fuerat, non aetate solùm, sed etiam scientiâ, quod Levitam decebat, venerabilis, ut ita suavi divinæ Providentiae dispositione simul cùm literis veram à teneris pietatem animo imbiberet.

Hoc ferè tempore Cecrops ex Ægypto coloniam transmisit in Græciam, & Atheniensium Regno initium dedit, eoque Deos, quos Ægyptus colit & adorat, introduxit. Cùm jam diu antè Argivorum primus Rex Inachus fuisse. Non multè post accidit in Thessalia, ubi Deucalion regnabat, diluvium, quod

Pharaonis
educatur. Ex,
c. 2. à v. 1.
ad 11.

Moës erudi-
tur in omni
sapientia.
Act. 7. v. 22.

Gracia sit
emporium
variorum fal-
orum Deo-
rum.

postea Græci Scriptores confundebant cum diluvio universali. Cadmus quoque è Phœnicia transtulit colonias in Græciam, fundavitque Thebas in Bœotia, simûlque illuc etiam intrârunt Dii Phœnicis, & Syriæ, adeò ut demum Græcia fieret omnium Deorum Dearumque emporium.

An. 2413.

Moses ex Aegypto fugit,
& greges pa-
lit. Ex. 2. à
v. 11.

Moses jam annos quadraginta natus cùm anteà occultè Parentes suos ac fratres partim habitantes in terra Gessen, partim in aliis Aegypti locis laboriosi operis causâ dispersos invisiſſet, hōc annō apertè & in omnium oculis illos adit, sèque filium filiæ Pharaonis negat, & Hebræum profitetur. Contigit, ut Aegyptius Hebræum in oculis Mosis verberibüs pulsaret, quam fratris injuriam ulturus accurrit Aegyptiūnque occidit, & ne proderetur, occisum fabulō abscondit. Cùm nihilominus cèdes manaret in vulgus atque adeò ad Regem ipsum deferretur; metuens Pharaonem, in vicinam Arabiam ad Madianitas profugit, & apud Jethro Sacerdotem divertit, ubi tutus esset; & si occasio daretur, oppresso populo suo auxilium ferre posset. In eâ solitudine vir tantus non dubitavit totos quadraginta annos Soceri (nam Sacerdotis filiam Sephoram uxorem duxerat) sui greges pascere; dum Dominus negotium de p polo à servitute eximendo maturaret. Interè Orus mortuus est, eique in Regno Aegypti successit Acenchris, qui traditur omnium mortalium primus Elephantiā periisse, eò quod jussérunt Judæos omnes vestibüs ex sindone indui, usu laneæ vestis ipsis prohibito, quod certius in eos hoc ab Aegyptiis cultu distinctos fævire posset, qui anteà passim sub' vestium similitudine latebant. Post Acenchrem regnavit Achor Pharaō.

Amram mo-
ritur Exod.
r. v. 25.

Amram Mosis & Aaronis Pater moritur in Aegypto, cùm annum vitæ ageret 137. post quem in Sacris Literis nullus legitur amplius ad tantam ætatem pervenisse. Mortuus est quoque Rex Achor; & regnare cæpit Cenchres, de quo Eusebius: *Iste est Pharaō Cenchres, qui contradixit per Mosen DEO, atque in mari rubro obrutus est.*

Moses, Dux.

Ab An. 2452.
Moses remit.

Post completos à vocatione Abrahæ è Mesopotamia in Chanaanidem 430. annos Moses sub annum ætatis octogesimum

mum dum ad montem Horeb, qui & Sinai, greges pascit, ardentem rubum cum admiratione conspexit; ex quo cùm ab Angelo DEI Majestatem referente legationis mandatum ad Pharaonem simùlque necessariam in tanto educendi è servitute populi sui negotio instructionem accepisset, cum bona Soceri yenia iter in Ægyptum aggressus est. Monitus quoque à Domino Aaron frater à terra Gessen ipsi in via occurrit. Communicatis inter se consiliis Ægyptum ingressi Senioribus populi clam convocatis indicant oraculum: DEI miseratione instare libertatem & migrationem ad sedes meliores; DEum istud policeri, sèque itineris Ducem offerre. Id Moses in conspectu totius populi confirmavit duobús prodigiis: uno; dum virgam suam convertit in colubrum, & rursus in virgam. Altero, dum manum lepræ infectam mox sanitati restituit. Filii Israël igitur fide ac spe pleni DEum curavato corpore adorarunt, Mosémque & Aarónem ejus Legatos legitima autoritate præditos agnoverunt, atque amplexi sunt sese in eorum potestate fore pollicentes.

Rebus domi cum populo benè constitutiis Legati cum Senioribus Pharaonem adeunt, & mandata DEI Domini ei denuntiant: dimittat populum suum in desertum, ut festum ibi diem Sacrificiis celebrandis agant. At Rex: *Quis est Dominus, ut audiam vocem ejus? Nescio Dominum, & Israël non dimittam.* Mox rejicit à se Legatos, jubèrque populum asperiùs quā antea tractari. Legati videntes, nihil se verbis proficere, signis adoriuntur Regem, projicitque Aaron virgam suam, quæ coram Rege & universa aula versa est in colubrum. At cùm idem fecissent vocati in Regiam Magi Jannes & Jambres, Legatorum & verba & signa contempserunt.

Ventum igitur est ad verbera. Cùm quodam die Pharaon matutinis horis obambularet ad ripam fluminis, adsunt quoque Legati, atque ut demum Dominum agnoveret, Moses aquam Nili virgā percussam vertit in sanguinem malō ad omnes Ægypti aquas propagatō, præterquām quas Hebræi bibeant. Tenuit plaga septiduum, nec tamen Regem, ut obediret Domino, permovit.

Rursus Regem adeunt cum gravioris mali comminatione; quā cùm nihil commoveretur, extendit Aaron virgam super aquas Ægypti, ranæque ascendentēs operuerunt terram Ægypti,

F 3

titur in Ægyptum ad edendum è servitute populi.
Ex. c. 3. & 4.

Moses & Aaron Legati adeunt Pharaonem. Ex. c. 5. & 7.

Venitur ad plagas. c. 7. à. v. 14. Prima Sanguinis. c. 7. à. v. 20.

Secunda Ra- marum. c. 8. à v. 1. ad 16.

molestissima sanè plaga, lutulenta bestiarum lue vias omnes domos ac penetralia pervadente inque homines certatim insidente turpique limo omnia foedante, donec vocatis ad se Legatis promiserit Rex, se dimissurum Israëlitas. At non stetit promissis.

Tertia Cini.
phum. c. 8. à
v. 16.

Quare Aaron sine præviâ denuntiatione percutit virgâ pulverem terræ. Et ecce omnis pulvis iterræ versus est in ciniphes per totam Ægyptum, quām minutum tam m'elsum animalculum per aures narēsque penetrans, & corpora stimulō acerbissimō terebrans. Magi anteā colubros & sanguinem & ranas coram Rege produxerant. At nunc arte sua divinitus impedita coguntur dicere ad Pharaonem: *Digitus DEI est hic.* Neque tamen resipuit Rex.

Quarta Mu-
icarum c. 8.
à v. 20.

Ut graviori adhuc plagâ urgeretur ad obedientiam, manè ad aquas egredienti Regi comminatur Moses omne g-nus muscarum, diēque crastina infinita muscarum oīnis generis examina quasi auxiliares ciniphibus legiones adsuerunt, quæ per Ægyptum effusa, incredibile dictu est, quantum molestiæ & doloris hominibus & jumentis intulerint, adeò ut Pharaō tantis adactus malis Mosen & Aaronem ad se vocaret diceretque: *Ite & sa-ri-ficate DEO vestro in terra hac,* putans sufficere ipsi debere facultatem hanc, quam haec tenus in terra Geſſen non habuissent. At ubi Moses ostendit, Domini præceptum impleri oportere in solitudine, annuit quidem tunc; posteā tamen, ubi Moſe Do-minum orante muscæ ad unam omnes disparuerunt, rursus fecelit Legatos.

Quinta Pefis
animantium.
c. 9. à v. I.
ad 6.

Ingravescente hoc modo corde Regis, ad alia ac nova flagella redeundum fuit. Imminentem tamen cladem Dominus ei per Mosen denuntiari voluit. Altero die repentina pestis totam Ægyptum pervaſit, qua omnia, quæ in agro erant, animantia absumpta sunt. Sola terra Geſſen, sicut à prioribus plagiis, ita ab hac peste immunis fuit, veluti ipſe Pharaō à nuntiis, quos hac de causa illuc miserat, cognovit. Sed neque tunc dimisit populum.

Sexta ulce-
rum. c. 9. à
v. 8.

Secuta est sexta & nova plaga. Moses coram Pharaone ci-nerem de camino plena manu sumptum sparsit in aëra, turge-réque cœperunt ulcera & vesicæ in corporibus hominum & ju-mentorum cum tam acri dolore, ut præ ulcerum & furunculo-rum acerbitate nec ambulare, nec stare, ne jacere quidem sine do-

dolore aut quiescere permetterentur. Quæ plaga, si ipsius Regis corpus non attigit, ex eo tamen mali gravitatem aestimare potuit, quod malefici, qui Regi adstabant, eō correpti non possent præ ulcerum dolore confistere. Perseveravit obstinatio Regis.

Ventum est ad plagam septimam. Manè jubetur Moses à Domino Regem accedere, eisque cum gravi objurgatione horrendam grandinem cras hāc ipsā horā Cœlo delapsuram denunciare, simul monere, ut tam Rex quam populus res suas imminenti cladi in tempore subducant; quod cùm Rex ac plerique de populo facere neglexissent, crastino die prædictā horā exten-
dit Moses virgam in Cœlum; & Dominus dedit tonitrua & grandinem ac discurrentia fulgura super terram. Et percussit grando in omni terra Ægypti cuncta, quæ fuerunt in agris ab homine ad jumentum, cunctaque herbam agri percussit grando. Omne lignum Regionis confregit. Tantum in terra Gessen, ubi erant filii Israël, grando non cecidit. Moses à Pharaone rogatus, ex urbe quidem egressus est, & tetendit manus ad Dominum, & cessaverunt tonitrua & grando. Tamen Pharao auxit peccatum, & ingravatum est cor ejus & servorum illius.

Accessit Moles cum Aarone denuò ad Regem, ac primò queritur, quod tamdiu resisteret DEO Hebræorum, deinde novam plagam locustarum, seu uti est apud Davidem, bruchi & æruginis deuntiat; cùmque videret se nihil agere, avertit se & egreditus est à Pharaone. At Ministri Regis tot malis demum fessi suaserunt Pharaoni, ut eos tandem dimitteret, & usquequod, inquiunt, patimur hoc scandalum? nonne vides, quod perierit Ægyptus? Revocantur ergo Legati; at cùm Rex facultatem daret solis viris, Moses autem eam urgeret pro omnibus hominibus, ovi- bus & armentis, ejecti sunt de conspectu Pharaonis. Manè, Moses virgam extendente, ventus urens levavit locustas, quæ operuerunt universam superficiem terræ vastantes omnia. Fassus est Rex coram Mose & Aarone ad se vocatis: *Peccavi in Dominum Deum vestrum & in vos.* At ubi ad orationem Mosis ventus arreptam locustam projectit in mare rubrum, ad ingenium rediit. De quo iterum Scriptura suum illud quasi intercalare carmen occinit: & induravit Dominus cor Pharaonis non datâ scilicet illi gratiâ, qua efficaciter moveretur ad standum promissis; nec enim dimisit filios Israël.

Septima
grandinis.
C. 9. à v. 13

Octava locu-
starum. c. 10.
à v. 1.

Sed

Nona tene-
brarum. c.
10. à v. 21.

Sed nec Dominus flagellandi Ægyptum finem fecit. Post brevem moram extendit Moses manum in Cœlum, & factæ sunt tenebræ horribiles in universa terra Ægypti tribūs diebūs. Ubi eunque autem habitabant filii Israël, lux erat. Post tenebras DEI nutu ultrò dissipatas dedit Pharaon Legatis ad se vocatis potestatē ducendi in desertum populum etiam cum parvulis, quos tamen antea nolebat dimittere, eō tamen paclō, ut oves & armenta reuinaneant. Conditionem non acceptavit Moses dixitque: Non remanebit ex eis ungula. Quia loquendi libertate facile intellexit Rex, Hebræis statutum esse abire in desertum sine animo redeundi in Ægyptum. Id quod ipse quidem hactenus suspicabatur, at Legati semper dissimulaverant, petentes solum dimitti Sacrificii causā, quō Deus ipsorum colī vellet in deserto. Ad hæc cùm novam insuper plagam Regi denuntiaret, mortem omnium Primogenitorum tum hominum tum jumentorum, adhuc commotior Rex adversus Mosen: Recede, inquit, à me, & cave ne ultra videoas faciem meam: quocunque die apparueris mihi, morieris. Cui Moses: Ita fiet ut locutus es; non video ultra faciem tuam. Jam enim audferat à Domino fore, ut post hanc ultimam plagam Rex & populus Israëlitæ non solum dimitiat, sed etiam exire compellat.

Moses popu-
lum se ad iter
parare jubet,
c. 21. & 12.

Itaque Regiā ac urbe egressus venit in terram Gessen, nuntiavitque populo adesse demum profectionis tempus, proinde ad iter pararent se, & sequentia Domini mandata exactè observarent: primò petant ab amicis vase argenteas, & aureas & vestes, quo nomine etiam torques & monilia, panni pretiosi, peristromata, pelleles, aliisque id genus continentur. Quæ deinde omnia Ægyptii liberaliter, Domino corda eorum movente, ad celebrandum in deserto solennius Sacrificium mutuò dederunt.

Secundò: Per singulas domos ac familias paretur Agnus assus igni, quem deinde decimo quarto die currentis mensis vesperæ exitum præcedente immolent, & ea adhuc nocte comedant, festinanter, jam ad iter accincti, & baculos tenentes in manibus.

Tertiò comedant agnum simul cum azymis panibus & laetucis agrestibus, & quidem per septem sequentes continuos dies non alio pane quam azymo vescantur.

Quartò ut hæc prima Agni Paschalis institutio ac celebratas posthac quovis anno atque hoc mense ac die observetur in æternam exitus ex Ægypto, duræque & amaræ servitutis memoriam.

Quintò ut sanguine illius occisi agnitingant fasciculum hyfsofi, eoque aspergant super liminaria domorum ac utrumque possem, ut cum Angelus percitus Ægyptum omnes Primo- genitos occiderit, ab Hebræorum domibus sanguine Agni signatis abstineat.

Addidit demum, velle Dominum, ut posthac ab hoc mense Nisan sive Martiō, in quo vere ineunte Pascha essent celebraturi, rationem totius anni ducant, sicque, cum nunc in populum liberum coalecerent, deinceps suo Jure suisque mox legibus ac ritibus utentes etiam proprium anni ordinem ac modum ab alienigenis diversum habeant.

Cum ergo omnia ad iter necessaria parassent, diéque decimo quarto mensis ante medium noctis agnum ritu præscripto comedissent; ecce in noctis illius medio percussit Dominus omnes primogenitos tum hominum tum jumentorum. Surrexitque Pharao & omnes servi ejus cunctaque Ægyptus. Et ortus est clamor magnus in Ægypto; neque enim erat domus, in qua non jaceret mortuus.

Hac demum clade expugnatus Pharao ea adhuc nocte misit ad Mosen & Aarone nuntios, qui nomine Regis ipsis dicerent: Ite, immolate Domino sicut dicitis. Quod cum audissent Ægyptii, urgebant & ipsi, ut exirent velociter.

Itaque Israëlitæ circa urbem Ramessem in suas turmas collecti cum prima luce ductu atque auspiciis Mosis egressi sunt numerò sexcenta millia virorum absque parvulis; vulgus autem promiscuum innumerabile mulierum, ac servorum, ducentium oves & armenta & animata diversi generis, quæ suppellectilem & spolia Ægypti portarent. Via Ducem se præbuit ipse Deus per nubem in aëre apparentem ac figuram grandis alicujus columnæ referentem; quam ita regebat Angelus, ut cum procedendum esset, universum populum præcederet; cum quiescendum aut in uno loco longius morandum, subsisteret, & per diem quidem castra contra Solis ardores protegebat, per noctem vero lucis fulgore eadem collustrabat. Porro Dominus noluit popu-

Sacra Veterum Temp. Histor.

G

Ium

Omnis pri-
mogeniti in
Ægypto me-
dia nocte
moriuntur.
c. 12. à. v. 29

Pharao de-
mum dimic-
tit populm.
c. 12. à. v. 31.
An. 2453.
Moses educit
populum
præante co-
lumna nobis.
c. 12. à. v. 37.
& c. 13. à. v.
17.

lum rectâ in terram promissionis viâ ducere, qua Jacob olim cum suis in Ægyptum venerat; sed per locum horroris & vastæ solitudinis, reputans, ut ait Moses, ne forte pæniteret eum, si visisset adversum se bella consurgere, & reverteretur in Ægyptum. A quo consilio eos sic viæ ac reditus saltem difficultas deterreret. DEO igitur Duce ac Comite eo adhuc die venerunt in Socoth, & altero ibi iubliterunt. Tertiô inde migrantes castra metati sunt in Etham. Exinde jussus est Moses reverti, & proximè ad littus maris rubri castra ponere.

Interim triduô jam elapsôl quod solum Legati postularant, cùm vidisset Pharao Israëlitas de reditu non cogitare, collecto quantâ potuit celeritate omni exercitu eos persecutus est; quem cùm approinquantem, & haud procul jam collectum viderent Israëlitæ, habentes à fronte mare, à tergo hostem, ex utroque laterre præruptos montes, ut conclusi undique fugere non possent, neque pugnare auderent, timuerunt valde. At Moses eos consolans nolite, inquit, timere; state & videte magnalia Domini, quæ facturus est hodie. Nocte ingruente Angelus inter utraque castra columnam nubis interponit, ex parte Ægyptiorum tenebras, ut recedentes videre non possent, ex parte autem Israëlitarum lucidam & radios ad initium castrorum usque evibrantem. Tum Moses virgâ percutiens mare iter sœculis omnibus inauditum aperuit; nam mare hinc & inde sese tam latè submovit, ut media via sicca ac tam ampla per maris profunda relinqueretur, quantam tanta hominum multitudo requirebat, quod intra noctis unius spatium in oppositum littus evaderet. Itaque præente Mose Israëlitæ viam nullis unquam pedibus tritam ingressi sunt columna nubis sequente & extremum agmen protegente. Hostes cùm demum ex clamore & strepitu longius allato animadversissent, Israëlitas fugere, motis & ipsi castris festinant fugientes persequi, quâ clamor allabebatur, non discernentes in tenebris viam terræ, & siccii maris. Interim Israëlitæ certatim in adversum littus evadunt, & prout paulatim hi mare deserebant, ita illi maris alveo recepti priora litora relinquebant. Illucescente die Ægyptii videntes eum horrore aquam quasi murum à dextris & à sinistris conclamârunt: *fugiamus Israëlem; Dominus enim pugnat pro eis contranos.* At fero nimis; nam Moses cum suis omnibus jam stans in littore jussu Domini virgam contra mare

Pharao eos
insequitur &
perit cum ex-
ercitu in ma-
ri rubro. c.
14. & 15.

mare extendit. Et ecce undique confluentes in pristinum locum occurunt fugientibus aquæ, & Pharaonem cum curribus & equis, universoque exercitu obruunt, atque submergunt, ut ne unus quidem evaderet. Israëlitæ, ut ob tam prodigiosam insperatamque sine sanguine victoriam meritas Domino gratias agerent, duos choros alterum virorum, alterum mulierum statuerunt in litore, cecineruntque, Mose viris præunte, Maria vero Sororemulieribus, carmen illud. *Cantemus Domino: Gloriosè enim magnificatus est, equum & ascensorem deicit in mare.*

Refectis deinde cibò somnōque septimo illo azymorum die corporibus columnā populum rursus ad profectionem monet & antecedit, triduumque sine castrorum metatione, non tamen sine ordinaria quiete ad cibum interdiu & somnum noctu capi endum dedit, itaque per desertum Sur venerunt in Mara. Toto trium dierum itinere nuspia invenerunt aquam, atque rursum. h̄c non nisi amaram; quam tamen Moses immisso in eam ligno c. 16. vertit in dulcem. Cum aliquot dies ibi vires refecissent, perrexerunt in Elim locum irriguum & palmis constitutum. Deinde tentoria fixerunt ad mare rubrum.

Ottava mansio fuit in deserto Sin. Ubi post exactum ab egressione mensē farina demum & commeatus deficere coepit, ideoque populus murmurare & in Ægyptum ad ollas carnium respicere. Quare & Dominus ceperit nunc & deinceps per sterilem solitudinem populo suo singulari providentiā pretiosam ex pane & carne mensam præparare. Eodem enim ad- hoc vespere coturnices in castra illapsae sunt in tanta copia, ut quisque capere tot aves posset, quæ in complures dies pro mensa sufficerent. Sequenti vero manē ac deinceps quotidie extra castra per circuitum de Cœlo manna seu ros in minuta grana concretus cecidit, ac per terræ superficiem acervatim jacuit, quem colligens populus molâ sregit aut in mortario trivit, ex eoque deinde tortulas sive placentas optimi saporis coxit. Colligebatur porrò quotidie certa in singula capita mensura. Nefas erat aliquid mannae in sequentem diem servare, ut sic omnes à quotidiana DEI providentia penderent. Sexto die duplex portio colligebatur, ne quies Sabbathi violaretur; imò eodem die etiam parabatur, ut coctum Sabbathō edi posset. Unde dies sexta dicta est Parasceve. Nona mansio fuit in Daphca. Decima in Alus.

*Israëlitæ iter
prosequuntur
in Mara; in
Elim; deinde
rursus ad ma-*

rerubrum.

*In deserto Sin
coturnices
primò illap-
sæ, & manna
de Cœlo ce-
dit. c. 16. à*

c. 16. à

7. 18.

Petra Horeb
virgā Mōis
percussa co-
piosam po-
pulo aquam
profundit.
C. 17. à v. 1.
n. 8.

Orante Mōse
Amalecite
vincuntur. c.
17. à v. 8.

Venitur ad
montem Si-
nai. c. 19.

DEUS pRAECES.

Undecima in Raphidim. Ubi cūm non esset aqua, rursum populare murmur exortum est, ita ut Moses timeret, ne lapidaretur. At brevi sopitum est; nam Moses jussu Domini ad petram Horeb ascendit eāque virgā percussit, quæ mox profudit aquas copiosissimas versus castra ad usum totius populi & jumentorum pleno flumine decurrentes. De hāc petrā tradunt Hebræi, ex ea totis deinceps quadraginta annis fluvium per omnes mansiones profluxisse juxta illud Apostoli: *Bibebant de consequente eos petra, scilicet de aquā petræ, quæ eos sequebatur quoquaque demigrarent, ut hydriæ, replere, uti haec tenus, & circumferre non esset opus.*

Hinc transēundum erat per terram Amalecitarum, qui ab Amalec nepote Esau descendentes, per Arabiam petræam dispersi habitabant. Rex illorum transitu Israëlitas prohibiturus cum exercitu contra hos progreditur. Re cognita Moses Dūcem Josue cum delecto milite hosti occurrere jubet. Ipse interea cum Aarone & Hur Mariæ Sororis suæ marito verticem collis ad montem Horeb pertinentis ascendit, ibique orat, dum Josue confligit. Factumque est, ut cūm Moses manus ad Cœlum levaret, vinceret Israël, si remitteret, Amalec superaret; donec Aarone & Hur manus ejus usque ad Solis occasum sustentantibus Josue plenâ victoriâ potitus Regem cum reliquis in fugam compelleret.

Motis inde castris venerunt ad montem Sinai; quæ fuit mansio duodecima rebūs gestis celeberrima. Hic enim DEUS composuit formavitque Ecclesiam & Rempublicam Hebraeorum. Præcesserat Moses seltinabatque adire Dominum, veluti jussus erat, in monte Sinai, dum populus paulatim subsequeretur. Igitur in mandatis accipit, diceret Israëlitis, vidisse eos, quæ fecisset Ägyptiis, quanta ipsis; fore eos deinceps quoque sibi populum præ cunctis aliis dilectum, si sponderent obedientiam, vellentque à se Domino legem vitæ, vivendique rationem accipere. Moses convocatis statim Majoribus natu exponit, quæ sibi mandata essent, responditque omnis populus: *Cuncta quæ locutus fuerit Dominus, faciemus.* Quod cūm Moses in montem retulisset, eum mox Dominus remittit, jubetque in diem tertium paratos esse ad audiendam legem.

Illucescente tertio die cœperunt sonare tonitrua, micare ful-

fulgura, clangere buccinæ, mons densissimâ nûbe ñpertus con-
tremicere & fumare. Moses igitur populum omnem è castris
in occursum DEI educit; qui dum attoniti stant ad radices
montis, Dominus igneo splendore circumdatus augustâ & Maje-
statis plenâ voce toto audiente populo Decalogi præcepta deto-
nuit ac promulgavit; id quod factum est cum tanto terrore po-
puli, ut à monte versus castra mox recederet, veritus ne DEUS
iterum simili modo loqueretur, rogarètque Mosen: *Loquere tu
nobis & audiemus: non loquatur nobis Dominus, ne forte moria-
mur.* Quæ verba cùm Moses statim ad Dominum adhuc in ca-
ligine stantem retulisset, probavit, sèque posthac Mose Inter-
nuntio usurum populo adhuc ante tentoria stanti referri
jussit.

pta Decalo-
gi populo
promulgar.
c. 19. à v. 16.
& c. 20.

Igitur Dominus imposterum cum solo Mose egit, eique eo
adhuc die varia multaque Præcepta Judicialia cum quibusdam
legibus cœterinalibus ad populum referenda ab eoque obser-
vanda tradidit. Moses vero eadem adhuc vesperâ reversus in
castra narravit omnia, quæ audierat à DEO. Responditque po-
pulus una voce: *Omnia verba Domini, quæ locutus est, facie-
mus.* Et ut ad memoriam Posteritatis sempiternam propagare-
tur obligatio, quam Patres pro se suisque Posteris suscepissent de
prædictis legibus, judiciisque servandis, universos Domini ser-
mones in publicas tabulas retulit, scriptoque mandata coram u-
niverso populo legit; qui cùm iteratò obedientiam spopondisset,
initum inter DEum ac duodecim tribus foedus solemnî ritu, ere-
ctò ad radices montis Sinai altari, oblatisque holocaustis & im-
molatis victimis confirmatum est.

Moses alia
variisque præ-
cepta accipit.
c. 21. 22. 23.

24.

His ita constitutis Moses cum Josue Ministro suo montem
ad diuturniorem moram adiit, monitò populò, ut si quid inte-
rea quæstionis nasceretur, ad Aarónem & Hur referretur. Hoc
in congressu jubet Dominus Sanctuarium sibi construi, quod sit
instar templi eiusdem mobilis, in quo ipse habitet & à populo
suo colatur. Simul designat ipsi Ideam totius operis, monens
iterum iterumque: *Inspice & fac secundum exemplar, quod tibi
in monte monstratum est.* Inter idoneos hujus operis Magistros
principium nominat c. 31. v. 2. & 3. Beseleel de tribu Juda. Ne-
cessariam ad id materiam donaque pretiosa populus veluti Pri-
mitias sponte offerat. A Sanctuario descendit ad illius Mini-

Moses qua-
draginta dies
cum Domino
moratur. c.
24. à v. 13. &
c. 25. 26. 27.
28. 29. 30. &
31.

G 3

stros,

stros, atque in primis Aaronem ejusque filios vocat ad Sacerdotium. Deinde describit vestes mysteriis plenas Summi Pontificis Aaronis aliquorumque Sacerdotum. Docet quo ritu Aaronem & Sacerdotes consecrari oporteat, uti & altare; quæ sint functiones tum Sacerdotum, tum Levitarum. Demum Dominus Moysi in manu dat duas tabulas lapideas, in quibus scriperat manu propria decem illa præcepta, quæ nuper ore de monte promulgaverat.

Interim pos-
pulus aureum
vitulum eri-
git & adorat,
c. 32. 1 v. 1.
ad 7.

Interim expectato frustra ultra triginta jam dies Mosis in castra reditu Israëlitæ longioris moræ impatientes Aaronem ad eunt, & fac nobis, inquiunt, Deos, qui nos precedant. Mosi enim huic viro, qui nos eduxit de terra Ægypti, ignoramus quid acciderit. Aaron diu cunctatus tandem armatis precibüs victus ini- quæ postulationi cessit, & vitulum aureum ad imitationem Ju- venci, quem Hebræi in Ægypto sub nomine Apidis, Serapidis, & Osiridis coli viderant, conflari ex comportatis liberaliter inauribus permisit. Illi verò erecto mox altari vitulo vitulos of ferunt, sed manducare & bibere, & surrexerunt ludere & choreas circa Idolum ducere, clamareque: Hi sunt Dii tui Israël, qui te eduxerunt de terra Ægypti: insigni in DEum calumniā.

Abjectis ta-
bulis Idolola-
tras morte
punit. Ex. 32.
2 v. 7. Deut.
9. v. 12. 20.
& 21.

Moses rem totam cum ingenti dolore intelligit à Domino, jubeturque in castra descendere. At ipse timens, ne Dominus ad unum omnes deleret, non priùs recessit, quām argumentis & precibüs suis animadverteret utcunque placatum. Tum verò cum Josue quadragesimo demum die descendit. Vicinus castris ipse oculis suis videt vitulum & choros. Rem indignissimam non ferens projecit tabulas, easque ad radices montis con fregit sicut alias laceratione vestium, ita tunc confractione tabularum injuriam in divinam Majestatem publicè & quasi soleni ritu contestatus; accurrensque vitulum contrivit usque ad pulverem, quem sparsit in aquas, ne ullæ Idoli reliquiae super essent. Reprehenso deinde Aarone stans in ingressu castrorum, si quis, inquit, Domini est, jungatur mihi: quā voce exciti filii Levi omnes accurserunt strictisque gladiis Ducem Mosen se quentes, quasi viginti tria millia Idololatrarum inauribüs caren tiū conciderunt.

Moses placat

Alterō die repetit montem populi sui causam acturus, ja cult-

cuitque totis quadraginta diebus atque noctibus coram Domino Dominum.
vehementer orans, ne, uti comminatus fuerat, populum deie- Ex. 32. 2. v. 30.
ret. Cum diu nihil proficeret, tandem verba illa, quæ stu- Deut. c. 9. v.
rem omnibus lœculis attulerunt, effudit: Aut dimitte eis hanc 18.
noxam, aut si non facis, dele me de libro tuo, quem scripsisti.
Tantis precibus commotus denique se nunc quidem pœnam
differre, ajebat; duceret porrò populum in terram, quam se da-
tum jurasset Abraham, Isaac & Jacob, adfore Angelum, qui
præcedat. At Moses orare non destitit, donec promitteret,
seipsum, uti anteā, præcessurum, c. 33. v. 17. Promisit demum
& istud, iūsque eum parare duas alias tabulas eaque ad se af-
ferre. c. 34. v. 1.

Moses ubi in castra venit, ut populum bono aliquo nun- Populus pœ-
tiō recrearet, simul tamen pœnitentiā & luctu ad novas tabu- las accipiendas præpararet, docuit meliore quidem loco res suas nitentiam a-
esse apud Dominum, dixisse tamen, non ascensurum cum eo, sed git. Ex. c. 33.
Angelum, dissimulans, Dominum denique eriam istud promis- & 34.
sse; quo nuntio perculsi deposuerunt ornatum suum, & vestem lugubrem induerunt. Moses vero cum paratis novis tabulis in
montem Sinai ascendit.

Hoc congressu Dominus servum suum singulari gratiā bea- Moses è
vit. Hactenus enim cum Domino, vel potius cum Angelo monte refert
DEI Legato nube interposita egerat, tunc autem Angelus for- duas alias ta-
mam corpoream indutus ac eximio fulgore radians amotā nube bulas digito
fese videndum in montis vertice eidem indulxit. Intra quadra- DEI scriptas.
ginta dies, quos totos sine cibo & potu cum Domino in monte Ex. c. 34. v. 29.
transegit, varia rursus præcepta accepit de primogenitis, Sab-
bato, azymis, cœterisque festis, prohibiciones de gentium socie-
tate, connubiis, de Idololatia &c. Demum cum duabus no-
vis tabulis digito DEI scriptis in castra reversus est; quem dum
populus venientem vidit, vestimenta luctu deposita latuſque
Mosi diu expectato occurrit. Timuit tamen propius accedere;
nam ex fulgore visi Angeli faciem Moses retulerat fulgorantem
& intensioris lucis radios quasi cornua ex utroque frontis angu-
lo emittentem. Unde deinceps vultui suo velamen obtendit,
cū loqueretur ad populum; cū vero rediret ad colloquium
cum DEO, deposita.

Re-

Sanctuarium
construitur.
Ex. c. 35. 36.
37. 38. 39.

Restitutis hoc modo rebūs, quas vitulus aureus turbaverat, Moses curas suas ad constructionem Sanctuarii convertit, Incautique universæ multitudinis animus ad largiendum omnia, quæ ad sanctum opus necessaria forent. Præter æs & argentum ingens vis auri ex armillis, inauribus, annulis, vasis &c collata est. Aecessit his plurima lancea, linea ligneaque materies, plurimus pellium, gemmarum & pretiosorum lapidum apparatus, in quibus dum artifices non pauci magno studio laborant, quinque ferè menses abierunt.

Altera Sanctuarii pars fuit mensa, in qua proponebantur panes coram Domino, dicti propterea *panes propositionis*; ex eodem ligno Setim facta, & undique laminis aureis tecta: longa duobus cubitis, uno lata, unoque alta & semisse: cincta limbo aureo quatuor digitos altum, ut impositos panes contineret & a lapsu prohiberet. Nitebatur 4. pedibus in quatuor angulis, habentibus simul 4. aureos circulos ad eam, cum opus foret, vetibus circumferendam. Porro mensae imponebantur in primis panes propositionis azymi duodecim, singuli a singulis tribubus oblati, duobus ordinibus distincti, seni & seni, Sabbatho quovis remotis veteribus recentes; quod Tribus ita publice significarent, se a DEO continuo ali, & gratitudinis ergo quasi perpetuum sibi Sacrificium offerre. Imponebantur quoque acetabula, phialae, crateres & cyathi ad libandum vinum, ut adeo mensa convivii speciem referret.

Tertia pars candelabrum ex talento seu centum viginti quinque libris auri confectum. Ex ejus stipite tres utrinque surgebant rami triplici ordine scyphorum, sphærularum, & liliorum ornati; stipes vero rectus quadruplici corundem serie ornatabantur. In apice septem lucernæ nocte, per diem vero, extinctis manè quatuor, tres solūm ardebat.

Quarta pars fuit altare thymiamatis, duobus cubitus altum, uno longum, unoque latum, ex ligno Setim, sed undique aureis laminis opertum. Ad quatuor angulos erecta erant totidem tigilla, quæ in imo pedum officio fungebantur, in summo in cylindri formam acuebantur, dicta altaris cornua. Inter haec erat craticula ad prunas excipendas, imponendumque thymiam. Per gyrum altaris corona aurea formâ quadratâ circumducebatur. Habebat & hoc altare suos aureos annulos, ut vetibus portari posset. In hoc alteri bis quotidiè adolebatur incensum manè sub auroram, cum lucernæ extinguebantur, & rursum vespere, quando accendebantur.

Quinta pars altare holocaustorum itidem erat ex lignis Setim, sed ære undique vestitum contra vim ignis & aëris injurias. Et ne ipsæ etiam æreæ laminæ perpetuo igne liquefrent, intra altaris latera parietes è terra argillosa vel impolitis lapidibus extructi erant. Tribus cubitis assurgebat è terra: longum fuit cubitis quinque totidem latum. In quatuor angulis

Sacra Veterum Temp. Histor.

H

alcen-

Mensa, c. 25.
a. v. 23. c. 37.
a. v. 19.

Candela.
brum, Ic. 37.
a. v. 17. &c.
25. a. v. 31.

Altare thy-
miamatis.)
c. 30. a. v. 1. &
c. 37. a. v. 25.

Altare holo-
caustorum, c.
38. a. v. 1. ad
8. & c. 27. a.
v. 1.

ascendebant quatuor tigillæ, dicta cornua altaris. Medium altaris occupavit eraticula cum æneo reti ita constructa, ut vi-
etimæ imponi, & ab igne subjecto cremari, cineres autem &
prunæ minores in terram decidere possent. Habebat & erati-
cula suos, & reliquum altare suos annulos & vectes, ut cum ne-
cessè esset, seorsim moveri & devehiri possent.

Erat præterea, ut vasa minora mittamus, labrum æneum
seu concha, ex quâ per fistulas defluente aqua lavabant Sacer-
dotes intestina animalium, ac etiam manus ac pedes suos; nam
reverentiæ causâ nudis pèdibus in tabernaculo ministrabant.

Labrum
æneum. c. 10.
v. 12. & c. 38.
à v. 8.

Tabernacu-
lum. c. 26.

Jam ipsum tabernaculum erectum ex tabulis Setinis lon-
gitudine habebat cubitos triginta, latitudine decem, totidem al-
titudine. Hæ tabulæ commissuris aptè inter se junctæ intus
erant inauratae. Earum quævis lata erat cubitum & semis,
alta cubitos decem, crassa digitos quatuor, & duabùs argenteis
basibùs terræ affigebatur. Erant igitur in latere meridionali
viginti ejusmodi tabulæ, totidem in septentrionali, in occiden-
tali octo. In parte orientali ubi ingressus erat in tabernaculum,
locò tabularum stabant quinque columnæ Setinæ inauratae ita
dispositæ, ut quatuor aditus in Sancta Sacerdotibus præberent.
Ut tabernaculum firmius stabiliusque consisteret, intus vectes
inaurati in circulos aureos immisssi tabulas continebant. Tabu-
lae & columnæ ita undique compactæ regebantur quaternis in-
gentibùs velis. Primum erat pulcherrimè & pretiosissimè con-
textum ex byso, lini genere subtilissimo, aliisque filis hyacin-
thinis, cœruleo scilicet ac cœlesti colore tintatis; coccineis, gra-
no certi fruticis; purpureis, succo seu sanguine ostreæ imbutis
filis; non simplicibus sed retortis & inter se ad firmitatem con-
voluti; quod velum ad modum tentorii distendebar & pro
Cœlo seu testudine erat. Huic superinductum fuit aliud velum
cilicinum ex pilis caprarum textum, & huic tertium ex pelli-
bus arietum rubro colore tintatis. Demum quartum violacei
coloris itidem ex pellibus, sed crassioribus, erat postremum to-
tius tabernaculi operimentum adversùs omnes Cœli injurias.

Tabernaculum ita constructum in duas dividebatur partes.
Anterior viginti cubitos longa dicebatur *Sanctum*. Posterior &
interior 10, cubitos longa, totidemque lata vocabatur *Sanctum*
Sanctorum, id est, SSma pars tabernaculi, eratque quasi chorus

SS.

Sa-

Sacelli. Sanctum Sanctorum dividebatur à Sancto velò byssinō pendente ē quatuor columnis Setinis, quarum capitella erant aurea, corpus inauratum, bases argenteæ, columnæ verò ita dispositæ, ut per earum intervallum Pontifex oraculum ingredi posset. In Sancto Sanctorum non erat nisi area, & in ea tabulae legis. In Sancto stabat mensa propositionis ad latus Aquilonare: ad meridionale candelabrum septifidum. In medio altare thymiamatis obversum arcæ, ut eō fumus asenderet.

Tabernaculum ambiebat quadrangulare atrium habens in longitudine cubitos centum, quinquaginta in latitudine. Tergum & latera atrii distabant æqualem spatio à tabernaculo nempe viginti cubitis; quod verò spatum circa vestibulum erat reliquum, amplius patebat per integras quinquaginta cubitos; hoc enim spatum deputatum erat Sacrificiis. Unde in medio illius erat altare holocaustorum ante fontem tabernaculi; & ante illud labrum æneum seu ingens illud lavatorium. Tota hæc area claudebatur sexaginta columnis æneis, quarum quævis ab altera quinque cubitis distabat. Ex iis cortinæ dependebant & instar murorum sepiebant & claudebant atrium, in quatuor lateribus ad trecentos cubitos extensæ, altæ 5. solum cubitū, ut populus tabernaculum, quod erat duplō altius, aliquo modo videre posset; nam in ipsum atrium solis Sacerdotibus & Levitis ingredi licebat. Porro columnæ erant argenteis flosculis, ramis atque emblematis undique vestitæ. Omnes cortinæ erant ex bysso, lino scilicet candidissimo ē terra nato, non serico, quod vermes proligunt; & quidem ex bysso retorta, duplicatō nimis aut triplicato & in se reflexō filō; cortinæ tamen lateris orientalis erant variis coloribus, coccineo, purpureo, & hyacinthino, plurimōque artificio opere phrygio illusæ, sicut velum primum tabernaculi.

Nunc igitur soli adhuc deerant idonei Ministri, qui sacra tractarent, ac Deum totius populi nomine ac loco peculiaribus cæmoniis ac ritibus colerent. Et poterat quidem Dominus omnes ē tredecim Tribubus Primogenitos ad hoc ministerium sibi assumere, utpote quos peculiariter titulo suos fecerat, quando his parcendo Primogenitos Ægyptiorum ultimā nocte omnes per Angelum peremit, & Israëlitas eorum morte ē servitute liberavit. Noluit tamen omnes domos ac familiæ suis spoliare Pri-

Structura tabernaculi.
Ex. 27. 27. v. 9.
Ex. 38. 2. v. 9.
ad 21.
Ex. c. 40.

Ministri Sanctorum conseruantur.
Ex. c. 28. &
29. Num. c.
3. à v. 12.
1. Paral. c. 28.

mogenitis; sed eorum loco integrum Tribum Levi elegit, quam cultui suo addiceret, ex reliquis Tribubus minus numerosam, adeoque iis ob sustentationem minus onerosam. Et quidem Aaronem ejusque posteritatem ad Pontificatum & Sacerdotium vocavit, reliquas familias à Patriarcha Levi descendentes ad inferiora Ministeria simplicium Levitarum, Cantorum, Janitorum &c.

Consecratio

Pontificis &

Sacerdotum.

Ex. 29.

Ex. 40. à v. 9.

ad 14.

Lev. c. 8.

Igitur primo die mensis primi egressionis ex Aegypto anno secundi, cum columna nubis supra tabernaculum constitisset, splendorque suo significasset, Majestatem divinam adesse presentem, Moses Aaronem summum Pontificem & quatuor eius filios Nadab, Abiu, Eleazar & Ithamar ad tabernaculum adductos coram omni populo Sacerdotes initiavit his ritibus: primò eos lavavit: secundò saceris vestibus induit: tertio dedit eis in manus vitulum ac duos arietes certis ceremoniis immolando, quā in oblatione maximè posita erat Sacerdotis consecratio: quartò unxit per septem continuos dies aspergens tamen illos quā vestes eorum quotidie oleo mixto sanguine arietis: ungebant autem aurem illorum dexteram, & pollicem manus & pedis dextrae. Quinto debebant hoc consecrationis tempore noctes diesque excubare in atrio tabernaculi. Consecrationi summi Sacerdotis istud peculiare erat, quod totum ipsius caput ungetur.

Vestes Sacer-

dotum.

Ex. c. 28. c. 39.

Vestes, quibus induebantur Sacerdotes, & ferè etiam Levitæ, haec erant: femoralia linea: tunica talaris byssina ex telâ duplicita contexta sine laxitate aut fluxu superfluae materiæ: baltheus seu zona lata digitos quatuor ex floribus purpureis, hyacinthinis & byssinis contexta & pieta, quā tunica talaris adstringebatur: Pileus Sacerdotalis Mitra, Cidaris, & Tiara dictus è materia byssina rotundus instar sphæræ mediæ. Cum autem nulla mentio fiat tibialium, appareat nudis pedibus in atrio ministrare solitos, quanquam fortassis non sine soleis sive sandaliis.

Cultus summi

Pontificis.

Ex. c. 28 &

39.

Præter has vestes Sacerdotibus omnibus communes Summus Pontifex gerebat alteram tunicam talarem interiori tunice superinductam, hyacinthinam cum manicis utroque in latere assutis. In extrema tunica circum pendebant duo & septuaginta tintinabula aurea, totidem Malogranatis operc textili confectis

fectis, coloréque hyacinthino, coccineo & purpureo variatis, alternatim dependentibus. Hanc tunicam zona altera prioréque nobilior adstringebat. Præterea habebat superhumeralē, Hebraicē Ephod, cuius una pars humeros, altera pectus usque ad cingulum tegebat, jungebaturque una alteri in summitate humeri per duos lapides onychinos miræ pulchritudinis & magnitudinis, ita ut in singulis sena Patriarcharum nomina sculpi possent. Materia hujus Ephod seu pallioli erat pretiosissima ex filis tum aureis tum sericis hyacinthi, cocci bis tincti & purpuræ variata. Extra ordinem quidem Ephod etiam reliqui Sacerdotes portârunt, sed tantum lineum, uti habetur 1. Reg. 22. v. 18. Huic superhumerali summi Pontificis ad pectus per aureas catenulas & uncinos adnexum erat aliud longè pretiosius ornamentum dictum Rationale, quadratum, palmo longum & altum. Huic per quatuor ordines intexti erant duodecim lapides miræ magnitudinis ac pretii, insculpta ferentes duodecim filiorum Jacob nomina: Sardius Ruben, Topasis Simeon, Smaragdus Levi. In secundo ordine Carbunculus Judam, Saphirus Dan, Jaspis Nephatalim. In tertio Lyncurius Gad, Achates Aser, Amethystus Isachar. In quarto Chrysolithus Zabulon, Onychinus Joseph, Beryllus Benjamin. Præterea ad latera Rationalis scripta erant hæc verba *Urim*, & *Thummim*, latine *Doctrina & Veritas*. Hoc Ephod ac Rationali induitus Pontifex si vel suo vel alio nomine consulebat Dominum, futura prædictit vel ad interrogata voce interna aut externa respondit, 1. Reg. 30. à v. 7. quanquam non semper. Utique constat ex 1. Reg. 28. v. 6. Demum Tiaræ Pontificiae lamina aurea in fronte affixa erat cum insculpto Nomi-
ne DEI Jehova.

Eodem simul tempore Moses septenâ unctione consecravit altaria thymiamatis & holocausti totumque tabernaculum cum omnibus vasibus, & suppellectile sua, ingenti ad id copia unguenti usus, cum res non leviter aspergerentur, sed omnino perfundentur.

Levitæ à 25. annis ad ministerium tabernali assumpti his ritibus consecrabantur. Primo aspergebantur hysopo, aquâ lustrali, cineribus vaccæ rufæ combustæ affusâ, tincto. Secundo radebantur eorum pili. Tertiò lavabantur vestimenta. Quartò imponebant manum duobus bobus, & Sacerdotibus immolan-

H 3

Consecratio
totius taber-
naculi.
Ex. 30. à v. 23.
Ex. 40. à v. 9.
Lev. 8. à v. 10.

Consecratio
Levitarum.
Num. 8. à v. 6.

dos

dos præbebant, unum in holocaustum, alterum in expiationem peccati. Quinto Principe populi totius nomine ante tabernaculum posuere manus super Levitas hoc ritu transferentes ac donantes eos in perpetuum DEI obsequium. Sexto Moses & Aaron illos nunc de medio filiorum Israël separatos ac Domino oblatos DEO ejusque Ministerio addixere.

Officium Sa-
cerdotum.
Ex. 30. v. 7.
& 8.
Lev. 1.
N. 18. à v. 1.

Porro officium Sacerdotum erat pelles victimis detrahere, hostias in frusta concidere, membra cæsa super altare ordinare, sanguinem per circuitum altaris spargere, ignem in altari subjicere, struem lignorum componere, sacrificia tum quotidiana, tum alia extra ordinem offerre: lucernas accendere, extinguere, componere manè & vesperi: olea conservare, vasa tabernaculi inspicere: panes propositionis in mensa ponere: in altari thymiamatis incensum offerre &c

Simplices Levitæ debebant omnia Sacerdotum iussu præparare, hostias, panes, oleum, thymiamata aliisque id genus: excubare ante tabernaculum illudque ac ejus vasa custodire; & fortassis inter excubandum partitis inter se quatuor noctis vigilis DEO laudes canere, & orare pro universo populo. Cum verò migrandum alio fuit, ii, qui intra trigesimum & quinquagesimum annum erant, res sacras portabant: & Caathitæ quidem arcam triplici velamento prius à Sacerdotibus involutam, mensam, candelabrum, altare aureum, altare holocaustorum, & omnia Sanctuarii vasa prius pellibus janthinis, palliis hyacinthinis, aut purpureis bene tecta & involuta. Gersonitæ gestabant cortinas tum tabernaculi, tum atrii, tectum tabernaculi, tentorium, vela, funiculos, omnia vasa Ministerii janthinis velis bene involuta; Meraritæ ferebant tabernaculi tabulas, vectes, columnas, ac bases: columnas quoque atrii cum basibus, paxillis & funibus suis; omnia denique reliqua vasa ac suppellecitem.

Post finitos septem consecrationis dies Aaron Primitias suas celebravit, cœptaque fungi ministerio Pontificatus sui, ac certa Sacrificia præparavit. Et ecce egressus ignis à Domino devoravit holocaustum & adipes, qui erant super altare, tum ad honorandum Aaronem, tum ad approbanda eoram toto populo oblata ac deinceps offerenda Sacrificia. Quā autem re confundati duo filii Aaronis Nadab & Abiu dum altare holocausto

rum non ausi accedere profanum ignem aliunde ad coquendas carnes contra divinum præceptum sumunt, divinitus occisi sunt ac deinde extra castra sepulti toto populo lugente. Itaque soli duo filii reliqui Eleazar & Ithamar Pontificum & Sacerdotum progeniem deinceps propagarunt

Interea ab egressu ex Aegypto annus fluxerat. Itaque universus populus secundum Pascha ac anniversarium libertatis suæ diem cum gudio celebravit, cùmque paulò pòst hinc à monte Sina migrandum esset, voluit Dominus populum iterum numerari, & insua quemque familia tribùque censeri. Et reperta sunt virorum, qui à vigesimo anno poterant ad bellum procedere sexcenta & tria millia quingenti & quinquaginta: nempe de tribu Ruben quadraginta sex millia quingenti: de tribu Simeon quinquaginta novem millia trecenti: de tribu Gad quadraginta quinque millia sexcenti quinquaginta: de tribu Juda septuaginta quatuor millia sexcenti: de tribu Isachar quinquaginta quatuor millia quadrangenti: de tribu Zabulon quinquaginta septem millia quadrangenti: de tribu Ephraim quadranginta millia quingenti: de tribu Manasse triginta duo millia ducenti: de tribu Benjamin triginta quinque millia quadrangenti: de tribu Dan sexaginta duo millia septingenti: de tribu Aser quadraginta millia, & mille quingenti: de tribu Nephtali quinquaginta tria millia quadrangenti. Tribum Levitarum noluit Dominus sub ejusmodi censem venire, sed bellicorum onerum aliorumque immunes suo tantùm cultui mancipari. Nihilominus hâc occasione etiam Levitæ numerati sunt, & ex familia Gerson, Caath, & Merari à mense uno & suprà in genere masculino fuerunt viginti duo millia. Qui verò ex his apti essent ad ministerium in tabernaculo foederis & ad onera portanda à triginta annis usque ad quinquagesimum, fuerunt octo millia quingenti octoginta.

Demum ordinavit Dominus, quod quæque tribus loco consisteret, cùm castra metarentur; voluitque ut tribus Juda, Isachar & Zabulon occuparent partem tabernaculi orientalem, vocarenturque ob Principatum Judæ *castra Juda*; utque hæ tres Tribus primæ ingredierentur, ac ducerent agmen, cùm proficendum esset. Ruben, Simeon & Gad Sanctuarii latus medianum clauderent, vocarenturque *castra Ruben*, & secundò loco

Celebratur
secundum Pa-
scha & popu-
lus numera-
tur.
N. 9. v. 4. &c s.
N. 2. v. 32.
N. 1. à v. 120.
N. 4.

Ordinantur
castra N. 2.

locō se darent in viam. Ad occidentem castra figerent Ephraim, Benjamin & Manasse, dicerenturque *castra Ephraim*, & tertio loco procederent. Quartum latus ex parte Aquilonis sti-
parent, Dan, Aser, & Nephtali, *castraque Dan* nominarentur,
& totum agmen clauderent. Levitis assignatus est locus, in
medio duodecim tribuum, sic ut proximi essent Sanctuario. Et
Mosi quidem & Aaroni pars orientalis, quā aditus erat ad San-
ctuarium, attributa est.

Exacto ad montem Sinai integrō ferè anno columnā nubis moveri cœpit, populūsque universus colligere sarcinas, plau-
stra jumentaque onerare ac se ad iter accingere. Datō deinde
tubā argenteā per Sacerdotes signō arca sub columnā nubis à
Levitis portata comitante Mose & Aarone præcessit. Secuta
sunt castra Iudæ, Ruben, Ephraim, ac Dan cum sociis per suas
turmas quæque. Post tres primas tribus Gersonitæ & Merari-
tæ Levitæ tabernaculi suppellectilem ejusdēmque structuram
partim devehebant plaustris, partim humeris portabant. In me-
dio duodecim tribuum Caathitæ deferebant res Sanctuarii, men-
sam, candelabrum, altare incensi &c. ut sic erecto jam à præce-
dentibus tabernaculo hi seriūs adventantes sacram supellectilem
in paratam jam sanctam ædem immitterent.

In via ob paulo longius iter ortum est murmur contra Do-
minum. At ipse injustas ejusmodi querelas haud amplius ferens
ignem è terra exciravit, qui extremam devoravit partem castro-
rum, eos scilicet, qui tædiō itineris è variis tribubus remaner-
ant. Post tridui iter substitit columnā nubis & ex fronte in
medium agmen cum arca recessit, & signum populo castra me-
tandi dedit in solitudine Pharan loco, qui ab eventu postea se-
pulchra concupiscentiæ dictus est. Vix enim fixerunt castra,
cū ad solita obrectationem arma conversi sunt. Desiderio
carnium primò murmurare cœpit promiscuum Ægyptiorum vul-
gus, quod cum Israëlitis de Ægypto ascenderat. Malum illicē
serpebat in populum, ita ut etiam manna contemnerent præ
allorum, porrorum, cucumerum, peponūmque fructibus, quos
in Ægypto gratis, uti ajebant, comedissent. Dominus licet ira-
tus esset valde, distulit tamen pœnam, atque ad preces Mosis de-
misit coturnices in castra, ac per circuitum eorum, in tanta co-
pia, ut populo per integrum mensum sufficerent. At cū ii præ-
cipue,

Israelitæ se
xurum in vi-
am dant. N.
20.

Murmura-
tes puniu-
natur. N. 11.
Deut. 9. v. 22.

cipuè, qui carnes nuper seditiosè flagitaverant, diu lautè epulati essent, demum versæ sunt in nauicam, ac plerique, dum adhuc carnes erant in dentibus eorum, periérunt, Domino intempestivum carnium desiderium strage plurimorum multante. Sed & Mariam Mosis Sororem ibi leprâ Dominus percussit, quod cum Sephora rixans Mosis autoritatem Aarone etiam probante, elevare ausa esset, diceréque: *Num per solum Mosen locutus est Dominus? nonne & nobis similiter est locutus?* N. 12.

Integrum h̄ic mensē quieverant. Tum verò Duce columnā iter rursum ingressi quarto die in Haseroth pervenerunt, ibique manserunt, donec Maria post septem dies à lepra sanata est. Ex Aleroth post quatuor dies venerunt in Cadesbarne quæ fuit mansio decima quinta. Hic Moës terram promissam, ad quam hinc jucundissimus prospectus erat, avidè confluenti populo ostendit, dixitque ex voluntate Domini: *Vide terram, quam Dominus Deus tuus dat tibi, ascendere & posside eam:* non dubitans, omnes, sine mora duceret, conclamaturos. At populus prius mitrendos putavit, qui considerent terram, & renuntient, per quod iter oporteat ascendere. Inexpectatum responsum Moses retulit ad Dominum, eoque consultō assensus est. Missi sunt ergo exploratores duodecim, ex quavis Tribu unus; inter quos Josue Minister Mosis de Tribu Ephraim, & Caleb de Tribu Juda. Mandatis instructi peragrârunt totam ferè Chanaanitudē tempore vindemiæ, veneruntque etiam in Hebron, ubi inter cives erant quidam proceræ statuæ homines de posteritate alicujus gigantis, Enac nomine. Ubi post 40. dies in castra redierunt, Josue & Caleb bona omnia nuntiârunt, terram verè lacte & melle fluere; utq[ue] populo fidem facerent, ostenderunt palmitem cum sua uva, quem asportaverant in vecte: hortabanturque populum: *Ascendamus & possideamus terram, quoniam poterimus obtainere eam.* Cœteri contrâ: *Nequaquam, inquiunt, ad hunc populum valemus ascendere, quia fortior nobis est.* Deinde terrifica referebant, quæ populum ab ingressu deterrent, ac inter alia, homines se vidisse tam proceræ statuæ, quibus comparati quasi locustæ viderentur. Itaque reclamantib[us] frustra Josue & Caleb factum est, ut murmur ingens & sedicio oriretur contra Mosen & Aaronom. Josue quoque & Caleb in periculo erant, ne lapidibus obruerentur, passimque

Mittuntur,
qui terram
promissam
explorent.
N. c. 13. &
14. Deut. 3;
à v. 20.

Sacra Veterum Temp. Heitor.

I

in

in circulis audiebantur seditiones voces : Nónne melius est reverti in Ægyptum?

Isaélitez da-
mnantur
quadraginta
annorum
exiliō. N. 14.
à v. 5.

Interea Moles, & Aaron in terram prostrati jacebant coram tabernaculo timentes, ne Dominus iratus ita detrahentem sibi ac promissæ terræ populum omnem perderet, ac pestilentia, veluti minabatur, consumeret. Et profectò ægrè ab omnium interneccione prohibitus DEI furor in eo tamen constitit, ut latè sententiâ omnes damnaret longò quadraginta annorum juxta quadraginta dies, quibûs terram explorari voluissent, per desertum exiliō, eos verò, qui tunc, cùm ex Ægypto egrederentur, jam vigesimum egissent annum, hâc insuper pœnâ, ut nullus terram promissam intraret, sed præter Calebum & Josue omnes paulatim extinguerentur, quandoquidem ipsis ea terra displicuerint. Rebellionis verò auctores decem illi ad reliquorum terrorem atque exemplum tunc statim in conspectu omnium subita morte sublati sunt.

A conspectu
terrae promis-
se recedunt
mœstii in de-
sertum. N.
33. v. 19.

Brevi pôst elevans se columna nubis signum profecitionis dedit. Itaque pleni mœstia à terra tot tantisque laboribus quæsita, tot laudibûs ab ipso DEO celebrata, tot promissis antiquis retro Patribus confirmata, & sub ipsum in eam ingressum quasi factò in portu naufragio infeliciter amissa recedunt, ac in solitudinem regressi castra metati sunt in Remmomphares decimâ sextâ mansione. Decima septima mansio fuit in Lebna v. 20, Decima octava in Ressa. v. 21.

Core & So-
ciorum inten-
tus. N.c. 16.

Decima nona in Ceelatha, v. 22. ubi contigisse videtur seditione atque interitus Core & Sociorum ejus. Erat Core ex Tribu Levitica fratrellis Mosis & Aaronis, quorum dignitati ambitione stimulante invidens, res novas moliri coepit, ut Aarone de summa dignitate dejecto, Pontificatum invaderet; quod quia difficile fore videbatur Mose rerum potiente, hunc quoque de Principatu perturbare statuit opera quorundam, qui sibi ad eum gradum spem facere poterant. Quare ad partes suas & consiliorum Societatem traxit Dathan & Abiron de Tribu Ruben primarios viros. Hi ducentos & quinquaginta alios sibi adjungunt, qui variis motibus in populo concitatis insurgentes his verbis Mosen & Aaronem adoruntur: *Cur elevamini super populum Domini?* Facile intellexit Moles, quid hæc sibi vellent. Quare continuò cecidit in faciem suam & ad solita orationis

præ-

p̄f̄sidia confugit. Surgens deinde, manū inquit ad Core & ad, omnem ei suffragantem multitudinem, notum faciet Dominus quos elegit. Postero die omnibus expectatione rei suspensi, Moses monuit circumfusum populum, ut à tabernaculis Core Dathan & Abiron procul recederet; dumque nefariæ defectio- nis aathores stant in introitu papilionum suorum, subito dehi- scens terra eos cum tota cuiusque familia absorbut. Levitas verò numero 250. Coreadhærentes dum prunas thuribuliss suis imponunt, erumpens ex altari holocaustorum undique ignis omnes momento citius ita consumpsit, ut ne cadaverum qui- dem reliquiae apparerent: atque ita sumpta divinitus ultio est de ambitionis tum Sacerdotii tum Principatus Candidatis. Ec- ce autem novum & populare murmur. Postero die rejiciunt culpam hesternæ cladis in Mosen & Aaron, itaque increvit tu- multus atque seditio, ut vitæ suæ consulentes illi duo fugerent ad tabernaculum fœderis; quos cùm seditiosi insequerentur usque in atrium, ab irato Domino percussi sunt atque consumpti, ad quatuordecim hominum millia & tepingenti.

Ut verò electio Aaronis ad Sacerdotium, quod huic sedi- tioni ansam dederat, apud omnes esset indubitata, jussit Domi- nus per Mosen à Principibus Tribuum duodecim suas virgas af- ferri & reponi in tabernaculo. Altero die Moses invenit vir- gam Aaronis germinasse, & turgentibus gemmis erupisse in flo- res. Ergo protulit Moses omnes virgas ad cunctos filios Israël, qui cùm viderent solius Aaronis virgam virere, acquieverunt divinæ electioni tantò miraculō confirmatae. Virga Aaronis deinde jussu Domini in arcam relata est, ubi perpetuò virens esset perpetua probatio electionis familiæ Aaronis ad Sacerdo- tium, neque unquam à posteris in dubium revocari posset.

Quid deinceps per quinque & triginta circiter annos di- gnum memoriâ in populo Israëlitico contigerit, nihil scriptum reliquit Moses. Illud solum constat, columnam nubis per di- em, & columnam ignis per noctem semper præsentem habuisse. Aquam ex monte Horeb castra semper secutam; & manna per castrorum circuitum quotidie depluisse, vestimenta po- puli nequaquam vetustate defecisse, nec calceos detritos. Deut. 8. v. 4. Nullos toto itinere fuisse infirmos. Ps. 104. v. 37. universos, qui ex Ægypto jam viginti annos nati & bel-

Sacerdotium
Aaronis mi-
raculō con-
firmatur. N.
c. 17.

Mansiones
reliquæ. N:
c. 33. à v. 23.

Iatores egressi erant, præter Josue & Caleb consumptos fuisse Deut. 2. v. 14. aliisque terra absorptos, alios igne, alios mortu serpentinum, alios inimico, alios Justitiae gladio, alios lapidatione, alios suspendio, alios percussione Domini periisse. Deut. 1. v. 35. Num. 14. v. 23. Mansionem denique interea temporis decies ter mutasse. Fuitque mansio 20 ad montem Sepher. 21. in Arada. 22. in Maceloth. 23. in Thaath. 24. in Thare. 25. in Methca. 26. in Elmona. 27. in Moseroth. 28. in Beneiachan. 29. ad montem Gadgad. 30. in Ictabata. 31. in Hebrona. 32. in Asiongaber ad mare rubrum. 33. in Cades.

Aqua con-
tradictionis.
N. c. 20.

Ab egressu ex Ægypto quadragesimo ineunte venit Israël in desertum Zin in Cades. Ubi Maria moritur annum agens 126. Elata est magnificè, inque vicino monte sepulta. Hic aqua, quæ hactenùs de petra Horeb Israëlitæ per omnes mansiones fluxu suo secuta erat, defecit. Igitur ad Mosen & Aaronem quare inquiunt, *ascendere nos fecistis de Ægypto? & adduxistis in locum istum pessimum, qui seri non potest, qui nec sicut gignit, nec vineas, nec Malogramata: insuper & aquam non habet ad bibendum?* Clamavit igitur Moses & Aron ad Dominum, qui respondit: *Tolle virgam & congrega populum tu & Aaron frater tuus & loquimini ad petram coram eis, & illa dabit aquas.* Igitur Moses accedens ad petram coram universo populo dixit: *Audite rebelles & increduli, num de petrâ hâc vobis aquam poserimus ejicere? virgâque bis silicem percussit;* & egressa sunt aqua largissima, ita ut populus biberet & jumenta. Interim ibi ambo offenderunt apud Dominum, quod coram populo disfiderent, an rupes datura esset aquas rebellibus & incredulis. Moses quoque non allocutus est petram, quod tamen Dominus iusterat; & percussit petram, quod ille non iusterat. Unde mox audiérunt: *Quia non credidistis mihi, ut sanctificaretis me coram filiis Israël, non introduceritis hos populos in terram, quam dabo eis.* Quâ pœnâ vehementer afflictus Moses sèpè Dominum precibûs sollicitabat, elque quodammodo blandiebatur; at semper ac demum hanc repulsam tulit: *Nequaquam ultra loquaris de hac re ad me.*

Moses transi-
tum per Idu-
num petit,

Neque tamen propterèa cessavit Moses publica negotia par studiô curare, ac si ipse populum introducturus esset in Chanaanicidem, misitque legationem ad Regem Idumæorum petens trans-

transitum per terram illius, addens: *Non ibimus per agros, neque per vineas, non bibemus aquam de puteis tuis, sed gradieremus viâ publicâ, nec ad dextram nec ad sinistram declinantes.* at non impetrat. N. 20.
Rex tamen veritus, ne specie transitus occuparet Regionem suam: *Non transibitis, inquit per me, alioquin armatus occurram tibi.* a v. 14.

Itaque Israëlitæ, cùm Dominus prohibuerit, Deut. c. 2. v. 4. & 5. ne vî sibi transitum aperirent per terminos fratrum suorum filiorum Esau, iter reflectunt ad montem Hor in extremitatis finibus Idumæorum situm, quæ fuit mansio 34. Hic dum morantur, jubente Domino Moses, Aaron & Eleazarus hujus filius montem ascendunt; Aaron Pontificio ornatus exutus moritur; ac eo filius induitur; cum quo novo Pontifice dum Moses descendit, populus videns Aaronem mortuum flevit super eum 30. diebus.

In medio lactu dum sunt, Rex Arad Chananæus peregrinantibus vicinior commodam, ut putabat, nactus occasionem Israëlitas aggressus est. At facile vicitus reliquaque multâ prædâ fugatus est. Post justa Aaroni persoluta profecti sunt de monte Hor per fines Idumæorum & Moabitarum, veneruntque in Salmona, quæ fuit mansio 35.

Inde progressi sunt in Phunon, quæ fuit mansio 36. Hic rursus tardere coepit populum itineris & laboris. Acerbum enim erat terram per annos 40. quæ sitam habere ante oculos, nec tam ingressum permitti. Obloquuntur igitur contra DEum & Mosen & solitam de cibo & potu querelam redintegrant. Quinobrem misit Dominus in populum ignitos, in modum ignis scilicet rutilantes, aut mortu suò æstum inducentes ac veluti adurentes, serpentes, quibus iicti quamplurimi periérunt, donec Moses in pertica seu furca serpentem æneum suspendit, quem conspiciētes ægri sanabantur.

Ex Phunon profecti in Oboth castra metati sunt; deinde in Joabrim; in Bibongad, ac demum in Helmon Deblathaim ad torrentem Arnon, qui dividit Moabitæ & Amorrhaeos, quorum duo Regna, trans Jordanem sita, jam erant pars terræ Israëlitis promissæ; pro quâ proin pugnandum fuit contra septem populos: Hethaos, Gergezæos, Amorrhaeos, Chananæos, Pheræzos, Hevæos, Jebuæos. Primus occurrit Seon Rex cum

Aaron moritur. Succedit Eleazar. N. 33. v. 38. & 39. & N. 20. 2 v. 25.

DEus in murmurantes mittit ignitos serpentes. N. c. 21. a v. 4.

Moses duo Regna terre promissæ occupat. N. 21. a v. 10. Deut. 2. a v. 26. Deut. 3. a v. 1.

numeroſo exercitu; quod cæſō capta eſt urbs Regia Hesebon cum omnibus reliquis Regni urbibus, ſine ſexū aut ætatis diſcrimine interfectis ubique habitatoribus. Alter qui ſe oppoſuit, & reliquam ſeptentrionalem Regionem trans Jordanem poſſedit, fuic Reg Og unus de stirpe Gigantum duodecim pedes longus. Hic quoque ad internecionem cum omni populo deletus eſt. Erant in ejus Regno Basan ſexaginta urbes munitæ, quæ omnes captæ ſunt præter innumera oppida.

Redactis in potestatē duobus Regnīs, Moses munitioribus locis præſidia imposuit, & caſtra ad montes Abram fixit. Subjecta his montibus Regio, quæ ab oriente habet eosdem montes, ab occidente verò Jordanem, dicuntur campeſtria Moab. Ubi deinde motis caſtris propius Jordanem accessit, & mansio- nem quadragesimam ſecundam ac ultimam habuit.

Balaam Rex Moabitarum veritus ne tertius eſſet, qui Iſraëlitarum armis opprimeretur, miſit Legatos in Mesopotamiam, qui Balaam vaticiniis celebrem virum adducerent ad maledicendum populo Hebræo, ut ſic eos vel delere poſſet, vel procul à ſe repellere. Hic promiſſis & munericib⁹ denique victus Stratā aſinā ſe dat in viam. At ecce in quodam loco, ubi via anguſtior erat, occurrit Angelus ſtrictoque gladio aſinam pergere prohibet. Balaam quantis potuit iſtib⁹ jumentum urget, ut denique ſub pedibus ſedentis concidens ei ſavitiam, Angelo in ejus ore verba formante, exprobraret, diceretque: *Cur percutis me ecce jam tertio?* Demum, ubi ipſe etiam Angelum vidit, faſtum excuſans ſe reverti paratum oſtendit. Permiſſus tamen eſt ceptum iter prosequi; caveret autem ne aliud loqueretur, quam ipſe præcepifſet. Adventanti occurrit Rex ipſe duxique in montem, unde ad caſtra Iſraëlitarum proſpectus erat. Ibi dum ad maledicendum Prophetam urget, hic fauſta omnia fuggerente Domino Hebræis tertio precatus eſt, ita, ut Rex iratus comploſis manib⁹ eum à ſe repelleret, & unde venerat reverti ju- beret.

Revertitur. At improbus tum primū maximam cladem tum animorum, tum corporum Hebræis attulit. Erat Moabitis vicina Madijanitarum Regio, alia ab eā, in quam olim Moses ex Aegypto profugerat; qui junctis cum Rege Moabitarum conſiliis & ipſi Iſraëlitas à finib⁹ ſuis procul abesse optabant. Igitur dum

Caſtra meta-
tur in cam-
peſtribus Mo-
ab proprie Jor-
danem. N.
23. v. 1.

Balaam con-
tra quām Rex
Balac opra-
bat, fauſta
omnia preca-
tur Iſraelitis.
N. 22. 23. &
24

Hebræi Juve-
nes à feminis
Madianitidis
ſeducti puni-
untur. N. 25.

dum Balaam redditurus in Mesopotamiam in Madianitide apud amicos subsistit, suavit utriusque genti, contra Hebræos non aliis armis quam mulierum suarum formâ atque blanditiis pugnarent, Israëlem nulla re certius everti posse. Successit stratagema. Castra Hebraeorum protendebantur usque Setim. Huc dum frequentes ac comptæ quasi castra videndi causâ veniunt, eas Juvenes Hebrei ita adamârunt, ut cum iis fornicantes etiam Beelphégor, alio nomine Priapum, earum DEum venerarentur. Zambri verò Dux de Tribu Simeon non contentus cum mulierculis extra castra versari, unam earum nobilem Madianitidem in tentorium deducere ausus est in omnium oculis, qui cum Moses et tabernaculo silebant tum peccata populi tum pestem ob ea per castra gravissimam. At mox scelus luit; nam Phinees Eleazari Summi Sacerdotis filius stricto cum pugione lupanar ingressus fornicantes confudit. Quod factò poena post viginti quatuor millia de plebe jam absunta, & Principes non paucos, qui primi sceleris Authores fuerant, contra Solem suspensos, cefavit, DEO ob zelum Phinees placatō.

Purgatis ab Idolatria castris, numeratus est populus, eorumque numerus absque Levitis, quorum erant viginti tria millia, ascendit ad sexcenta millia, mille septingentos triginta, iis omnibus præter Calebum & Josue jam extinctis, qui alias sub ejusmodi censum venerant.

Postea jussu Domini bellum contra Madianitas, qui populum in fraudem ac flagitium induxerant, suscepimus est. Moabitis uti & vicinis Amonitis in gratiam Loti Progenitoris partitum. Misit ergo Moses duodecim millia virorum ex singulis Tribubus mille, qui tam feliciter pugnârunt, ut ne quidem unus desideraretur. Ex hostibus cum proditore Balaam, & quinque gentis Principibus cæsi sunt omnes viri, parvuli ac feminæ virum expertæ, servatis solis virginibus & puellis in ancillas aut etiam inferioris nocte conjuges. Urbes & castella flammis consumpta; non enim Provincia hæc erat habitationi Israëlitarum destinata. Sumptâ de Madianitis ultione, reversi sunt in castra cum ingenti præda. Nam præter universam supellestilem adduxerunt ovium sexcenta septuaginta quinque millia: boum septuaginta duo millia: asinarum sexaginta millia, Puellarum triginta duo millia. Aurum omne fuit à militibus Domino oblatum. Præda tam de pecco-

Rursum nu-
meratur po-
pulus, à vi-
ginti annis
& supra. N.
c. 26.

Ultio in Ma-
dianitas. N.
c. 31.

pecoribus quam de hominibus fuit juxta Domini præscriptum distributa. Reliqua fuit illius, qui rapuit.

Moses Successorem suum Josue designat.

Sub hoc tempus prænuntiavit Dominus Mosi mortem, quam in monte Abarim obiturus erat, jussitque rebus prius compositis descendere montem, indeque promissam Israëlitis terram oculis saltē longē usurpare, quam adire non liceret ob culpam ad aquas contradictionis admissam. Igitur Josue coram Eleazaro & omni populo sibi Successorem, imposita illi manu, designat. Ex quo *Spiritu Sapientiae repletus est. Et obedierunt ei filii Israël.*

Terminus promisse terræ describit.
N. 32. 34-35.

Tum terras devictorum Regum Og & Sehon divisit inter Tribus Ruben & Gad, ita tamen, ut ea pars terræ, quæ Galaad dicebatur, dimidiæ Tribui Manassis cederet. Postea reliquæ terræ promissæ trans Jordanem terminos descripsit, videlicet à meridie desertum Sin & Idumæam; ab occidente mare mediterraneum: ab oriente mare mortuum & Jordanem: à septentrione montem Libanum.

Demum, ubi cœtera ordinaverat, Deuteronomium coram populo recitavit; atque in primis relegere cœpit casus & gesta 40. annorum per viam deserti. Deinde inter alia inculcat præceptum diligendi DEum ex toto corde: jubet stirpitùs excindi Chananæos & Idola eorum, templaque everti: vetat iniri cum ipsis nuptias, aut alia fœdera: hortatur ad accuratam legis diuinæ custodiam ob multiplicitia à DEO beneficia tum accepta in deserto, tum accipienda in Chanaanitide: transgressoribus Legis excidium comminatur: jubet in loco ad id designando offerri DEO victimas, decimas & primitias, & non in montibus & lucis: jussit demum Deuteronomii librum poni in latere arcæ, ubi jam reposita erat urna aurea plena manna, & virga Aaronis, idque singulis septenniis in festo tabernaculorum in solenni populi concione legi.

An. 2493.
Moritur.
Deut. 32. 33.
34.

Jamjam ascensurus in montem intelligit à DEO, futurum, ut se mortuo populus Deos alienos, desertò Dominò, sequeretur. Quare postremò scripsit Canticum illud: *Audite Cœli que loquor &c.* ac coram Majoribus natu atque Doctoribus ad id convocatis recitavit; quod filii Israël memoriam tenerent ac deinceps decantarent, suboque ore seipso arguerent. Demum ubi populo benedixit, cum Eleazaro & Josue super montem Nebo,

par-

partem montis Abarim, in verticem Phasga ascendit, & cum iis terram promissam undequaque contemplatus placidâ morte obdormivit; inadéque divinitus in vallem terræ Moab translatus ac sepultus est. *Centum & viginti annorum erat, nec tamen caligavit oculus ejus, nec dentes illius moti sunt.* Mortuum luxit populus triginta diebus.

Reliquit Moses quinque libros Genesis, Exodi, Levitici, Numeri, Deuteronomii, in quibus per otium digessit totam Israëlitarum Historiam ab origine mundi usque ad tempus suæ mortis. In iis quoque complexus est totam legem, seu omnia, quæ tum ad mores, tum ad Judicia, tum ad DEI cultum & cæremonias pertinent. Nos omissis morum ac Judiciorum præceptis quosdam Hebræorum ritus hoc loco referemus, qui ad sacram Historiam pleniùs intelligendam facere videntur, ut sunt Festa, Sacrificia, aliæque Oblationes.

Libri Mosis.

De Festis Hebræorum.

Festī dies sex præcepti erant Sabbathum, Pascha, Pentecoste, Festum Tubarum, Scenopegia seu Festum Tabernaculorum, Festum Expiationis. Hos celebrarunt non solum ab opere cessando, sed etiam offerendo, orando & interdum etiam animas affligendo sive jejunando, lectioni vel auditioni legis in Synagogis operam dando, tantâ quidem curâ, ut plerique totam legem memoriâ tenerent. Porro dies Festos celebrabant à vespera ad vesperam.

Sabbathum, septimum hebdomadæ diem, summo honore coli jussit Dominus, ut Hebræi ne quidem ad parandos cibos accenderent; quod tamen aliis festis diebus licebat.

Pascha & Azymorum Festum à primi mensis Nisan, sive Martii, decimâ quartâ die, quâ sub noctem Agnum Paschalem comedebant, septem deinceps diebus celebrarunt; per quos non aliis vesci licebat, quam panibus azymis, in memoriam afflictionis Ægyptiacæ int̄pidis; qui tamen ritus azymorum non pertinuit ad tempus peregrinationis in deserto, quando Manna eis loco panis fuit, & omnis obsonii. Quod si ad montem Sinai in secundo Paschate hunc etiam ritum observarunt, ex vicinâ Madianitide farinam ad coquendos azymos panes habuerint.

Sacra Veterum Temp. Histor.

K

Alte-

G. 2. v. 2. & 3.
Ex. 20 v. 8. 9.
10. 11. Ex. 35.
v. 3. Deut. 5.
v. 14. 15.
Ex. 12. Lev.
23. à v. 5. N.
28. à v. 16.

Altero azymorum die falx semper primò in Segetes , quæ per Syriam mense Martio maturescere incipiunt , missa , lectusque novarum frugum manipulus , veluti primitiæ messis , nomine rotius populi Domino fuit oblatus , ut sanctificaretur futura messis . Atque is dies Primitiarum vocabatur , inde messe per quadraginta novem dies perfecta .

Pentecostes Festum quinquagesimo die egerunt ; quo singulæ familiae duos fermentatos panes è novis frugibus Domino offerre debebant .

Festum Tubarum fuit prima die septimi mensis , quem Hebræi Tisrim , nos Septembrem vocamus . Sacerdotes quidem etiam cœtera Festa , uti & cujuscunque mensis primum diem seu novilunium , à quo Hebræi suos menses inchoabant , tubis inflatis solebant indicere . Peculiariter tamen Tubarum clangore hunc diem voluit DÆus promulgari . Unde & Festum Tubarum appellatum ac in memoriam ejus diei , quo tubis clangentibus DÆus legem Mosi in Sina dedit , est celebratum .

Festum expiationis incidebat in decimum ejusdem mensis septimi ; quo solo anni die Ius erat Summo Pontifici intrare in Sanctum Sanctorum ; idque cum multo Cæremoniarum appara- tu , Sacrificiorum vestiumque delectu . Fiebat autem tunc expia- tio solennis omnium peccatorum , quæ per annum fuerant à populo commissa . Expiabatur quoque Sanctuarium ac ipsum Sanctum Sanctorum , quasi populi & Sacerdotum peccatis conta- minatum . Ritus expiandi consistebat partim in immolatione vi- ctimarum ; partim aspersione septena sanguinis victimarum ; partim oratione Pontificis ac precibus ad DÆum ; partim denique afflictione animarum , seu publico totius populi jejunio usque ad vesperam ita , ut non tantum à cibo , sed & à potu , à balneis , ab unguentis &c. abstinerent .

Festum Tabernaculorum , seu Scenopegiæ , à decimo quinto die ejusdem mensis protrahebatur per septem reliquos dies , quos extra domos foris in tentoriis expellibus , linteis , vel arbo- rum ramis subito opere constructis transigebant Sacrificiis auctis conviviis in memoriam 40. annorum , quibus per desertum Patres eorum in tabernaculis habitaverant . A labore feriabantur tantum primo die & ultimo , quo frequentes vel omnes conveniebant ad Sanctuarium ac templum gratias unanimiter actu-

acturi DEO, in primis pro obtenta terra sancta, deinde pro frugibus eo anno collectis, demum pro Festo feliciter exacto.

Ceterum ex his præcipua festa erant Pascha, Pentecoste, & Tabernacula, quibus illi, qui vigesimum inter & sexagesimum ætatis annum erant, omnes ex omnibus Israëlis finibus ad Sanctuarium ac cum tempore Ierosolymam ad templum convenire debebant, ut Sacris interessent.

Præter sex hæc Festa sive Sabbathæ aut dies istos Sabbathicos erant etiam anni Sabbathici, septimus quique, ac annus septies septimus, seu quinquagesimus, qui & Jubilæus.

Volut igitur Deus quovis anno septimo esse Sabbathum terræ, ita ut Hebræis nec agros nec vineas colere eō anno licet; messis verò ex deciduo prioris anni grano nata, vindemiæ, olivæ pauperibus relinquenterunt. Neque tamen propterea fundi Dominus damnum patiebatur, quia præcedens annus sextus duplam semper messem ac vindemiam ad duos annos sufficiam dederat. Præterea erat ille etiam remissionis annus, quod, qui ex Hebræis erant servi, liberi dimitti, & mutuum, quod eō anno quis ob egestatem reddere non poterat, debebat remitti. Demum in Festo Tabernaculorum hujusmodi anni Sabbathici coram toto populo Deuteronomium legi consueverat.

Alter annus Sabbathicus seu quinquagesimus ac Jubilæus præter privilegia septimi anni Sabbathici hoc insuper habuerat, Lev. 25, v. 8. ut terræ frugiferæ omnes cum domibus in agro sitis, licet hactenus sepius venditæ ac alienatæ, tali anno redirent ad veterem ac primum possessorum nullò pretiò redditò; ut sic pauperes, si forte urgente penuria vendidissent agellum, redire possent ad pristinam fortunam; quæ erat una causa legis conditæ in favorem pauperum. Altera causa fuit, ne Tribus & familiæ, quibus à principio possessiones distributæ fuerant, confunderentur. Porro annus hic dictus est Jubilæus, quod eum Levitæ per tubas arietinas seu cornua, quæ Hebræis dicuntur Jobelim, convocato populo indicarent.

De Sacrificiis Hebræorum.

Sacrificia siebant in altari holocaustorum; quæ quod quotidie offerrentur, ignis in eo diu noctuque sovendus erat, sacerdotes & nimir.

K 2

Lev. 6, v. 12.
& 13.

nimirum ille, qui in primo Aaronis sacrificio de Cœlo venerat; & quo solo ad sacrificia uti fas erat. Is, cùm per desertum iter facerent, in vase quodam portabatur; cùm sublisterent, perpetuo fomento nutritiebatur eurā Sacerdotum usque ad tempus, quō Salomon templum dedicavit. Tum enim rursus ignis de Cœlo ad victimas absumentas missus est, quem rursum conservarunt in altari usque ad eversionem templi & captivitatem Babyloniam. Sed ne tunc quidem neglecta fuit illius cura, dum à Sacerdotibus in sicco quodam puteo fuit absconditus; quem solutā captivitate ibi requirentes solum quidem crassam aquam loco ignis repererunt; quæ tamen tempore Sacrificii in ignem reversa est, uti narratur 2. Machab. 1. quem proinde sacrūm ignem ad Sacrificia deinceps quoque foverunt.

Lev. c. 1. Victimæ ex animantibus non aliæ assumebantur pro sacrificiis, quām bœs & vitulus utriusque generis, aries, ovis, hædus, agnus, hircus, capra, turtures & columbae; quæ sola fortassis DEus ex pluribus aliis etiam mundis elegit, eò quod sint in communiore hominum usu, & passim haberi possint.

Lev. c. 1. Victimæ macerarunt Sacerdotes, detracitâque pelle pro sacrificiis juxta ritum præscriptum pararunt ac super altare posuerunt. Sanguinem phiala excipientes nunc super aram fundabant, nunc eō limbum, nunc cornua altaris holocausti imbuebant, nunc cornua altaris incensi illinebant,

Sacrificiorum genera tria potissimum erant præscripta: holocausta sive holocaustata; hostiæ pacificæ; hostiæ pro peccato,

Lev. c. 1. Holocausta dicebantur ea Sacrificia, in quibus victimæ masculæ totæ DEO in suavitatem odoris ejusque honorem crembantur. Holocausta enim præcipue DEI honorem spectabant. Unde optimum sibi ex quoque genere meritò postulabat,

Lev. c. 3. Hostiæ pacificæ, salutares ac Eucharisticæ erant, cùm victimæ mares seu feminæ vel ad imperandum vel ad agendum gratias ita immolabantur, ut una pars, adeps scilicet, in altari cremaretur, altera, pectusculum scilicet & armus dexter cederet Sacerdotibus, tertia offerentibus relinquenter in sacrum cibum, quo cum suis eodem vel altero die in atrio vel domi epularentur.

Lev. c. 4. 6. 7. Hostiæ pro peccato aut delicto vocabantur, cùm in expiationem

tionem peccati victimæ offerebantur; è quibus tamen nihil redibat ad offerentes, sed adipe eum renibus & sanguine DEO litatis, cœtera omnia manebant Sacerdotibus in atrio sancto ab iis foliis comedenda; atque ob id *Osee 4. v. 8.* dicuntur Sacerdotes comedere peccata populi. Quando pro peccato Summi Sacerdotis aut totius populi sacrificium fiebat, totæ victimæ debebant extra castra comburi ad majorem horrorem ac detestationem peccati. Porro pro peccato Pontificis summi hostia erat vitulus pro peccato populi itidem vitulus, pro peccato Principis hircus: pro peccato plebeij ovis vel capra.

In holocaustis & Pacificis hostiis addendum erat libamen quasi condimentum Sacrificii & convivii Divini. Horum libaminum quinque fuere genera: Sireila seu Farina purissima Oleum, Vinum, Thus, Sal; quibus victimæ altari impositæ solebant perfundi, ac cum iis DEO in odorem suavissimum cremari.

*Num. c. 15.
28. 29.*

Libamen ejusmodi præsertim simila tum incocta tum in panes seu in clibano seu sartagine aut craticula cocta admixto Olio, Sale & Thure sœpe per se tanquam principalis hostia DEO offerebatur, maxime à pauperibus; & tunc parte duntaxat modica in altari cremata reliquum Sacerdotis erat. Atque istud ita erat quartum genus Sacrificii: imò pauperes offerre poterant spicas videntes igni tollitas, & in morem farris conftractas.

Lev. c. 2. & 6.

Stata Sacrificia.

Quotidie offerendus fuit anniculus agnus: unus manè: alter vespere cum libamentis suis; atque hoc dicebatur juge Sacrificium, seu Holocaustum.

*Ex. 29. 2 v. 38.
N. 28. 2 v. 3.*

In Sabbatho duo agni anniculi cum libamento similæ oleo consperiat in holocaustum sempiternum.

*N. 28. v. 9.
& 10.*

In Noneniis seu Calendis mensium duo vituli, aries unus, agni septem in holocaustum: in hostiam pro peccato hircus unus cum libamentis suis.

Ex. 29. 11. ad 16.

In primo die Paschæ seu azymorum vituli duo: aries unus: agni septem in holocaustum: & hircus pro peccato; & hoc per septiduum reliquum cum libamentis suis.

Ex. 16. ad 29.

In die Pentecostes vituli duo: aries unus: agni septem: hircus pro peccato cum præscriptis libationibus.

Ex. v. 26.

K;

In

N. 29. à v. 1. In Festo Tubarum vitulus: aries: agni septem in holouau-
ad 7. stum: hircus pro peccato cum libamentis.

à v. 7. ad 15. In Festo Expiationis vitulus: aries: agni septem in holocau-
stum: hircus pro peccato cum libationibus.

à v. 12. In Festo Tabernaculorum primo die vituli tredecim: duo
arietes: agni quatuordecim in holocaustum; hircus pro pecca-
to; & ita etiam sequentibus diebus, nisi quod die altero immo-
larentur vituli duodecim: tertio die undecim: & sic deinceps,
donec die septimo ad vitulos septem esset deuentum cum præ-
scriptis libamentis.

De Oblationibus Lege præceptis.

PRæter Sacrificia cruenta imposuit DEUS Hebreis alias adhuc
oblationes, scilicet Primitias, Decimas, & certam pecu-
niam.

Ex. 22. à v. 29. Primitiae erant, quæ cuique primò ex animalibus, ex homi-
N. c. 5. à v. 9. & nibus, aut ex seminectarre orta sunt. Has igitur Primitias suas
N. 18. à v. 8. quisque tenebatur deferre ad Sanctuarium, reddendas postea
Sacerdotibus. Primogenita hominum & animalium immun-
dorum erant redimenda, cetera in specie danda.

Ex. 22. à v. 29. Decimæ de bobus, de ovibus, de captis, de frugibus terræ,
Lev. 27. à v. 30. de pomis arborum DEO prius oblatæ ad Levitas pertinebant;
N. 18. à v. 21. de quibus vero decimas & ipsi Sacerdotibus debebant.

Ex. 30. à v. 12. Dimidium sulum, in nostra moneta ferè 20. crucigeros,
quivis, qui viginti annos habebat, in usus tabernaculi ac postea
templi offerebat, quoties contigit populum capitatum cen-
seri.

Lev. 7. v. 16. Hæc quidem erant præcepta; præter quæ Hebrei alias
N. 18. v. 11. oblationes non parcè fecerunt sponte vel etiam ex voto; quo
Deut. 23. quandoque res suas, non raro etiam seipso, uti Samson & Sa-
à v. 21. muel, aliisque utriusque sexus homines cultui divino vel in per-
petuum vel ad tempus solum consecrârunt, séque ab aliis pecu-
liari professione Sanctimonie & Religionis separârunt. Unde
& Nazarei viri, & fæminæ Nazareæ vocabantur, erantque ob-
ligati ad quælibet etiam infima ministeria juxta placitum & im-
perium Sacerdotum vel Levitarum; & viri quidem cineres ef-
ferre, ligna convchere, fordes everrere, aquas comportare alia-
que

que his similia præstare debebant: sc̄minæ verò nere, telas te-
zere, Sacerdotales & Leviticas vestes conficere, lavare, re-
parare.

Uti Hebræi ad placandum DEum Sacrificia & dona obtu-
lerunt, ita ad eum exorandum jejunarunt, fleverunt, saccum in-
duerunt, cinere se consperserunt, humi se prostraverunt, atque
varias humiliandi corporis rationes exquisiverunt. Præter je-
junium in die expiationis, quod unicum præceptum erat, alia
extra ordinem jejunia toti populo, quando pietas sua sit, aut
necessitas tulit, publicè indixerunt, idque vel per dies septem,
vel tres, vel usque ad vesperam. Privatum pro sua quisque Re-
ligione illud sibi imperavit.

2. Parad. 20.
à v. 3.
Jerem. 36.
v. 9.
Esdre 1. c. 8.
v. 23.
Judith. 4.
v. 8.

Cœterum etsi DEus eruenta Sacrificia grata habuerit, ma-
gis tamen estimavit Sacrificio Justitiae & Laudis. Sacrificium
Laudis est pietas erga DEum: Sacrificio Justitiae est charitas
erga proximum. Hinc saepius Hebreis per Prophetas indicavit,
nolle se Holocausta & Sacrificia victimarum, sed potius deside-
rare Sacrificium Laudis & Justitiae. *Psal. 49.* cum negasset se Sa-
crificia victimarum ab homine poscere, quod bobus non ege-
ret, demum infert: Immola DEO Sacrificium Laudis, id est,
lauda & dilige Eum. Apud *S. Marcum 12.* cum Scriba dixis-
set, diligere proximum tanquam seipsum majus est omnibus holo-
cautomatibus, & Sacrificiis, JESus videns quod sapienter respon-
disset, dixit illi: *nones longe à Regno DEI.*

Sed & Justitiam seu charitatem jejunio potiorem habuit,
ac magis cordis quam corporis afflictionem, quod apud *Isaiam*
cap. 58. prodidit: *nunquid, ait, tale est jejunium, quod elegi,*
per diem affligere animam suam, nunquid contorquere quasi
circulum caput suum, & saccum ac cinerem sternere? nonne hoc
est magis jejunium quod elegi? dissolve colligationes impietatis,
solve fasticulos deprimentes, frange esurienti panem tuum, &
egenos vagosque induc in domum tuam, cum videris nudum,
operi cum.

Hæc de ritibus Hebreorum; quos tamen omnes nec po-
tentant nec tenebantur observare, donec terram promissam pacifice
possiderent. Hinc ab egressu ex Ægypto semel tantum Pascha
celebrarunt scilicet in deserto Sinai.

Neque DEus ritus istos ac celebritates ita instituit, ut his
cum

cum tempore alias addere non liceret, easque religiosè obser-
vare. Nam præter Festa Mosaica deinceps celebrarunt Festum
Encæniorum, seu solennitatem anniveriarum dedicationis tem-
pli, Festum Victoriæ, quam Esther adversus Aman, & Judith de
Holoferne reportavit; habuerunt quoque in honore diem vigesim-
um quintum mensis Casleu, id est Novembris, quo ignis coele-
stis, quem extinctum post Babylonicum exilium repererunt, su-
scitatus est; aliaque plura Festa ejusmodi observarunt. Quod
enim Moses Deuteronom. 4. dixit: *Non addetis ad verbum, quod
vobis loquor;* accipiendum est de eo, quod repugnat iis, aut mu-
tat ea, quæ ipse præscriptit.

Josue, Dux.

Ab An. 2494-

Josue mittit,
qui urbem Je-
richo explo-
rent. Jof. c. 2.

Sicco pede
Jordanem
cum suis
transit.
•. 3. & 4.

Post triginta dierum iuctum novus Imperator Josue duos mit-
tit, qui transito in loco vadoso Jordane urbem Jericho ter-
ramque circumjectam explorent. Urbe dissimulanter obita pro-
diti quidem sunt, operâ tamen Rahab meretricis servati; ista
enim exploratores domo suâ mœnibus hærente receperat, ac
promissâ prius ipsi ac familiæ indemnitate per funem de fenestra
demiserat, ut ita post aliquot dies elusâ in sequentium diligentiâ
rurus in castra evaseret. Ab his edocitus de rerum statu Josue
iter indicit. Ubi ad ripam Jordanis perventum est, omnes
paratos esse jubet ad transeundum tempore atque ordine per
Præcones indicto; facturum eras Dominum inter eos mira-
bilia.

Postero die Sacerdotes arcam portantes primi procedunt.
Columna nubis quasi officio suo per desertum perfuncta tunc
eos deseruerat. Primam aquam cum arca ingressi, veluti in man-
datis habebant consistunt; cum ecce aquæ procul versus mare
Galilææ intumescunt, & in montem secundum Alvei latitudi-
nem porrectum assurgunt, reliquæ vero rapidè in mare mortu-
um decurrunt, donec omnino deficientes siccum transitum aliquo
milliaribus latum præberent. Ergo Sacerdotes sicco j in
vestigio progrediuntur. In medio alvei rursum subsistunt; dum
omnis populus non sine aliquo horro festinans cum gregibus
& impeoimentis oppositam ripam tenerent. Tunc & ipsi, cum
in tanti prodigiï monumentum positi quoque essent in medio
flumi-

fluminis duodecim prægrandes lapides, ultimi è Jordane egressi sunt, & aquæ salvis jam omnibus magno impetu affluentæ alveum rursus impleverunt.

Ad tam inopinatum prodigiosumque in terras suas ingressum attoniti Chananei nihil movere ausi sunt. Quare Josue nemine resistente in loco, deinceps Galgala dicto castra fixit, ac pone Sanctuarium alios duodecim lapides ad renovandam miraculosi transitus memoriam erexit. c. 4. v. 20. Erat tunc primus anni mensis; quare eos circumcidì jussit, qui per annos quadraginta nati fuerant in deserto. Deinde Pascha ritè fuit celebratum, quo etiam tempore manna, quod hucusque quotidie de Cœlo depluerat, defecit; cum jam novis terræ promissæ frugibüs velcerentur.

Transactis Paschalibus feris! Josue forte extra castra, ubi Jericho deceem ferè stadiis distans in conspectu erat, egressus vidit virum stantem contra se evaginatò gladio. Incertus, essetne Hebreus an Chananeus; eum compellat: *Noster es, an ad versariorum?* at ubi adyvertit Angelum Domini esse, horrore perfusus cecidic pronus in terram, ab eoque postea didicit, quæ viâ quibusque armis Jericho caperetur. Quæ cùm Sacerdotibus populisque nuntiasset, summò manè, parte ad castrorum imbellisque multitudinis custodiā reliqua, reliquum exercitum per urbis circuitum hoc ordine circumducit: in fronte incensit armatorum agmen: hos sequebantur Sacerdotes undecim, quorum septem continuò buccinas inflabant, quatuor arcā gestabant: post hos demum veniebat reliqua multitudo; idque factum est per sex dies quotidie semel circummeundo urbem in magno populi silentio solis Sacerdotibus tubâ clangentibus. Septimo die postquam septies pari ordine circumduxit Imperator exercitum, datò signo repente ab omnibus contentissima voce conclamatur, simulque muri funditus undique corruentes viam in urbem aperiunt. Nec mora, Israëlitæ certatim irrumpentes omnia cædibus implent, interficiunt non tantum armatis, qui undique ad urbem defendendam confluerant, sed & reliquis à viro usque ad mulierem, ab infante usque ad senem. Sola Rahab cum cognatione sua domo, quæ pendente ex ea funiculo coccineo dignoscetur, educta atque servata est, futura posse a uxori Salmonis in Tribu Juda Principis. Exportatò deinde aurô,

Sacra Veterum Temp. Histor.

L gentes

Pascha cele-
brat, & Manna
cessat deplue-
re. c. 5.

Urbem Jeri-
cho capit &
exscindit.
c. 5, à v. 13.
& c. 6.

gentō, ære, ac ferrō in thesauris Domini reponendō flammæ ubique injectæ; quibus urbs tota conflagravit, ac penitus excisa est.

Urbs Hai solo
æquatur.
C. 7. & 8.

Fœdus Deum
inter & po-
pulum reno-
vat. Jof. 5. à
v. 30.
Deut. 27. à v. 4

Gabaonitæ se
sponte Josue
submirtunt.
C. 9. à v. 3.

Josue duran-
te prælio cur-
sum Solis &
Lunæ fuit.
C. 10.

Parem fortunam paulò post urbs Hai habuit. Nam etsi prima contra eam expeditio infeliciter cesserit ob Sacilegium Achan, eō tamen morte punitō stratagema capta est, ac interfectis omnibūs habitatoribūs in acervum lapidum redacta. Rex, qui vivus in potestatem venerat, in crucem actus.

Acceperat Josue in mandatis à Mose, ut in primo promis-
sæ terræ ingressu fœdus DEum inter & populum renovaret lo-
co & ritu præscripto. Igitur cum haud procul essent montes
Hebal & Garizim erecto in priore jugo de impolitis lapidibus
altari id fecit, obtulitque holocausta Domino & pacificas vi-
ctimas immolayit. Excitavit quoque ingentes lapides, in quibus
ad perpetuam memoriam scripsit Deuteronomium legis, veluti
jussus erat.

Interim vicini populi si non tantis prodigiis, alieno certè
duarum nobilissimarum urbium malō atque excidiō debuerant
sapere, ac ad clementiam Imperatoris confugere. Verum Do-
mini sententia fuit, ut indurarentur corda eorum. & pugnarent
contra Israël & caderent. & non mererentur ullam clementi-
am, ac perirent. Soli Gabaonitæ missis Legatis gratiam ac
fœdus apud Josue implorârunt ac impetrârunt magnō suō bonō;
nam simul ad veri DEI cultum transiérunt, Nathinæ deinceps
dicti, quia in perpetuum templi famulatum donati, in usum Do-
mūs Domini ligna cädere aquasque comportare debebant.

Hanc Gabaonitarum defectionem ulturi quinque finitimi
Reges conjunctis copiis Gabaonem obsederunt. At Josue fœ-
deratis suis cum exercitu confestim auxilio adfuit, hostesque im-
provisò aggressus multa cæde ad urbem edita in fugam conje-
cit, dumque fugientibus instat, veritus, ne inclinata jam die
nox suos à perseundo cædendoque hoste retraheret, clamans
in Cœlum Solem ac Lunam stare jussit, donec se plenè ulciscere-
tur gens de inimicis suis. Die itaque ad duodecim adhuc ho-
ras producto hostes plagâ magnâ cæsi sunt & usque ad interne-
cionem penè consumpti tum gladiō Israëlitarum tum grandine
magnorum lapidum de Cœlo cadentium. Quinque Reges pro-
pe urbem Macea ex fuga se in quandam speluncam abdiderant;

quos

quos Josue extractos ex obviis quinque arboribus suspendi jussit, ac deinde eam urbem occupavit occiso cum omnibus incolis Rege.

Inde cum exercitu ad alias munitas urbes transiens expugnavit urbem Lebna, Lachis, Gazer, Eglon, Hebron imposito ubique militari praesidiō ac interfectis per urbes atque oppida omnibus Chanaanis, sine æstatis aut sexus discrimine.

Varias urbes expugnat.
c. 10. à v. 29.

Quibus incredibili celeritate consecutis grassatus est armis usque ad Caderbarne & Gazan. Unde reflectens iter urbem Dabir cepit atque vastavit. Demum cum victore exercitu prædaque infinita reversus est ad castra & ad aream Domini, quæ erant in Galgalis, interfectis hac unius æstatis expeditione duo decim Regibus.

Revertitur in castra, que erant in Galgalis.
c. 10. à v. 38.

Dum Josue in hybernis agit, plerique reliqui Chanaaniti Reges collatis consiliis copias innumeratas contrahunt, quibus Israëlitæ aut terris suis iterum ultra Jordanem ejiciant, aut certe ipsorum victoriis modum ponant; quod cum accepisset Josue, venit cum exercitu ad lacum Merom, ubi illi castra posuerant; tradiditque illos Dominus in manus Israël, qui percusserunt eos & persecuti sunt usque ad Sidonem magnam.

Credit Chanaanios. c. 11.

Exercitu ad sua signa revocato Asoram caput belli diuturna obsidione fatigatam denique occupavit, casisque habitatoriis omnibus incendit, nemini datâ venia ad terrorem aliarum urbium, ut tam funestō exemplō edoctae ultrō imperata facerent. Et quidem Asoram expugnatā magna deinceps inclinatio ad integrum Israëlitarum victoriam facta est; tamen adhuc multo tempore pugnandum fuit contra Reges reliquos; nam non fuit civitas, quæ se traderet filiis Israel præter Gabaon; omnes vi atque armis subjugandæ erant, quæ causa fuit, ut non nisi intra sex annos à transitu Jordanis maximam promissæ terræ partem Josue occupaverit, occisis Regibus triginta & undō.

Asoram & alia loca capit.
c. 11. à v. 10.
& c. 12.

Porro eti⁹ restarent adhuc occupandæ quinque Philistæorum Satrapie aliaeque; versus Aquilonem Provinciæ, Josue tamen jussu Domini post sex annorum bella ad dividendam Tribubus terram processit; quem in finem elegit montem, in quo erat urbs Silo, velut totius promissæ terræ centrum. In hunc igitur montem tribus ferè horis Jerosolyma distantem cum omni populo e Galgalis, ubi haec tenus sex annis castra habuerat, mi-

Castra & area transfert in urbem Silo, & terram promissam inter Tribus dividit.
c. 18. v. 1. & 2. 14. & c. 19.

L. 2

gravit,

c. 14. & c. 19.

v. 14.

gravit, ac Sanctuarium in præcipuâ ac latiore urbis Silo platea erigi jussit, trecentos & amplius annos ibi mansurum. Hanc nimirum Deus Sanctuario suo sedem elegit, quod vellet tum religiosissimum Principem tum reliquos filios Joseph ita honore. Hunc enim montem Tribus Ephraim, ex qua erat Josue, sortitione accepit. Itaque in Silo fiebant deinceps Sacrificia; atque illuc ter in anno convenire Israëlitæ juxta legem debebant. Hic quoque Eleazar Pontifice, Josue, ac Principibus familiarum præsidentibus, Domino autem rem totam moderante, terra promissa ad ostium tabernaculi ita distributa est.

Sors Judæ Tribui Judæ obtigit magna illius pars versus Ægyptum & Idumæam complectens centum & quinque civitates cum suis villis. Inter illas fuit Jerusalem & Hebron. Hanc cum monte pro se suisque petiit ac obtinuit Caleb.

Sors filiorum Joseph. Filii Joseph seu tribus Ephraim & media Manassæ acceperunt inter alias terras eam, quæ erat circa Sichem, c. 24. v. 32. quod etiam ossa Joseph transtulerunt; veluti moriens postulaverat. Josue, qui erat de Tribu Ephraim sibi suæq; familie urbem Tamnath in monte Ephraim sitam elegit. Questi sunt quidem Ephraimitæ oh nimias suæ Sortis in tam numerosa Tribu angustias. At Josue respondit, producerent armis terminos, quos Pherezæ adhuc occuparent.

Sors Benjamini. Benjamitæ Tribui Judæ contermini sortiti sunt præter alias terras & viginti sex civitates agrum Jericho feracissimum vel potius hortum ob balsamum, rosas, palmas, aliisque nobiles plantas deliciosissimum.

Sors Simeon. Simeonitarum hæreditas fuit in medio possessionis filiorum Juda. Ægyptum versus attingebant desertum Bersabee: versus mare magnum terras & urbes Philistæorum, ab his quidem adhuc occupatas, ad Tribum Juda verò pertinentes.

Sors Zabulon. Zabulonitarum fors à mari Galilæ per totam terræ promissa latitudinem porrigebatur usque ad mare magnum.

Sors Iisachar. Iisachar Tribus habitavit media inter Tribus filiorum Joseph & Zabulon.

Sors Aser. Aseritæ post Zabulon occuparunt ultimam septentrionem versus terræ promissæ partem, extendentes se versus mare magnum usque ad Sidonem & Tyrum urbes extra terram promissam maritimæ.

Ne

Nephatali Tribus reliquas & superiores septentrionales plaga-
gas usque ad Jordanem possidendas adivit.

Tribui Dan supra Simeonitas propè Tribum Juda sua terræ
portio assignata est.

Ruben, Gad & media Tribus Manassis suas sedes trans
Jordanem retinuerunt.

In hac terræ divisione filii Levi nullam habuere partem.
Solùm quadraginta octo civitates ipsis assignatæ sunt, in quibus
habitarent. Circum has ad mille passus concessa quoque ipsis
fuere suburbana ad pecora sua alenda, ad hortos & viridaria:
et tamen urbes non omni Jure ad Levitas quasi veros Domi-
nos pertinebanr, sed ad illos, in quorum Tribu illæ erant. At-
que inter has erant sex urbes in fugitivorum auxilia separatæ.
Porro filiorum Levi erant quatuor familie, prima Aaronica seu
Sacerdotalis, cui tredecim urbes in terra Juda, Benjamin, & Si-
meonis habitandæ obtigerunt, Domino providente, ut jam
tunc Sanctuario, postea templo ac futuræ Regiæ urbi Sacerdo-
tes proximi essent. Altera familia Caathitarum, qui in decem
aliis: tertia Gersonitarum, qui in tredecim: quarta Merarita-
rum, qui in duodecim urbibus habitarunt. Unde Sacerdotes &
Levitæ per omnes Tribus dispersi erant, ut ita ubique præstò
essent Magistri atque Doctores, à quibus populus doceretur ea,
quaæ ad DEI Cultum & Religionem pertinerent. Noluit autem
Dominus Levitas præter domos & suburbana alias insuper habe-
re possessiones, quod nolle consecratos DEO & totos Legi ac
Scripturæ officiisque Sanctuarii ac Templi deditos culturæ agro-
rum & vinearum implicari. Interim non deerant ipsis proven-
tus anni divites ac ampli, præsertim Sacerdotibus. Nam Le-
vitæ accipiebant decimas ex animantibus, fructibus arborum,
terræ, & vinearum ab omnibus filiis Istaël, atque adeò unam ex
decem partibus proventuum totius terræ sanctæ, reliquæ no-
vem partibus in duodecim Tribus dispartiendis. Unde Tribus
Levi recipiebat plus quam ulla alia Tribus, licet ipsa omnium
esset minima. Sacerdotum verò redditus adhuc pinguiores e-
rant. Hi in primis recipiebant decimam decimarum à Levitis:
deinde omnes primitias proventuum annuorum, panum etiam
coctorum: cedebant ipsis omnes oblationes spontaneæ & votivæ,
pecunia, quaæ ex redēptione personarum aut rerum confere-

Sors Nephatali
à v. 32.

Sors Dan.
à v. 40.

Sors Ruben.
Gad, & Ma-
nassis.

c. 13. à v. 15.

Urbes & Bo-
na Levitarum

N. 33. à v. 1.

Jos. c. 20. & c. 21

& N. 18. à v. 8.

bantur: omnia boum, ovium, caprarum primogenita in specie danda, jumentorum ac hominum permutanda: victimæ pro pœcato: pectus & armus omnium pacificorum: holocaustorum pelles; quæ omnia ex tam numero populo ingentes afferebant Sacerdotibus paucis divitias.

*Quæque Tri-
bus adit pos-
sessionem
suam. c. 22.*

Confœctō divisionis negotiō Comitia soluta sunt. Socii trans Jordanem, quorum 40. millia sub Josue militaverant habētenuis, ad suos dimissi. Cœteræ Tribus suas quæque terras & Levitæ suas civitates tam ultra quam citra Jordanem adiérunt. Imperator vero in urbe Thamnat habitavit, eamque reparavit atque munivit; cuius exemplum cœteri fecuti in suis fortibus instaurarunt, quæ furore belli fuerant conquassata. Nova quoque ædificia passim extruxerunt, tam quæ communibus usibus, quam quæ privatis deservirent. Omnes denique Israëlitæ terræ lacte & melle manantis dulcedine in summa ubique pace frui cœperunt.

*An. 2510.
Eleazar mo-
ritur & Josue.
Jos. 23. & 24.*

Interea moritur Eleazar summus Pontifex, elque in officio Phinees ejus filius succedit. Josue quoque cum ultimos vitæ suæ dies advenire cerneret, convocavit populum, horatúsque est ad exactam Legis observationem, ad serviendum Domino soli; cayerent non solum connubia & amicitias cum gentibus, sed eas penitus è terris suis extirparent unâ cum aris & djis suis, ne fiant denique ipsis in ruinam; ad quæ cum respondisset populus: *Serviemus Domino, quia ipse est DEUS noster,* renovavit Josue scđus inter DEum & populum eumque dimisit. Et post hac mortuus est Josue servus Domini centum & decem annorum, sepultusque in monte Ephraim. Ad imitationem Mosis scriptas reliquit res gestas sub suo Principatu. Quæ vero adduntur in fine libri Josue, addita sunt vel à Samuele vel ab Esdra; sicuti Josue ea addidit, quæ in libro Deuteronomii post mortem Mosis habentur.

Orthoniel, Judex.

Ab An. 2570.

*Officium Ju-
dicum apud
Israëlitas.
Judicium 1.*

A Morte Josue illi, qui cum summa potestate deinceps in Hebræorum Republica præerant, vocantur à S. Scriptura Juges, id est vindices populi ac defensores, quorum primarium offici-

officium erat bella adversus populi hostes gerere; deinde præter concilium septuaginta Seniorum Rempublicam administrantium etiam populo jus dicere. Fuerunt usque ad Saul Regem Judices: Othoniel, Aod, Samgar, Barach, Gedeon, Thola, Jair, Jephete, Abesan, Ahialon, Abdon, Samson, Heli, Samucl. Eligebantur liberè à populo nunc ex hac nunc ex illa familia ac Tribu. Non habebant potestatem bella gerendi pro arbitrio, sed prout à DEO vel à populo ad id vocabantur; quod etsi quandoque seriùs fieret, tamen antecedentes etiam anni ad tempus eorum gubernationis referebantur. Unde & tempus Præfecturae Othonielis à morte Josue inchoatur, licet post aliquot primū annos dicatur fuisse à Domino suscitatus, ut populum liberaret à servitute Regis Mesopotamiæ.

Paulo post mortem Josue coacta sunt communī omnium Tribuum consilio apud Sanctuarium in Silo Comitia ob Chananeorum aliorūmque populorum, qui hoc nomine comprehensi intra terræ promissæ limites claudebantur, reliquias. Cūmque decretum esset, singulas Tribus sigillatim hæreditatem suam à veteribus incolis perpurgare debere, dubitatum ulterius fuit, quænam Tribus reliquis exemplo præiret. Consultō per Pontificem Dominō Tribus Juda prima omnium arma capere jussa est. Itaque Judæi advocata in belli Societatem vicina Tribu Simeonis in Chananeos, Pherezæos & Jebusæos, qui hinc inde in Iudea hærebant, expeditionem suscipiunt. Ac primò acie vicerunt Regem Chananeum Adonibezec, cui postea capto manus pedesque præcidere, quod ipso fatente constaret septuaginta olim viros Principes ab se captos pari suppicio fuisse affectos. Deinde ipsius Regiam Bezec aliisque munita loca expugnârunt. Exin ad muros Jerosolymæ cum Jebusæis, qui nuper Judæos & Benjamitas conjuratione facta ex urbe inferiore ejecerant, magna utrinque obstinatione dimicatum. Tandem capta est, & in ea flammâ ferrōque fævitum; manente tamen in potestate Jebusæorum Sionis arce seu superiore Jerosolymæ civitate. Inde Caleb exercitum urbi Hebron admovit, ac Chananeos, occisis tribus fortissimis propugnatoribus ae gigantibus, ejicit, ibique reliquam vitam quietus transegit. Othoniel verò urbem Dahir cepit, earum gentium Academiam. Deinde armis in Philistæos conversis tres urbes vi capiunt Gazzam,

Judei vietiis
Chananeo-
rum reliquiis
sedes suas ex-
tendunt.
Judicium c. 16

zam, Ascalonem, & Accaron ; non tamen eos ita debellârunt, ut non cum tempore possent rursus non solum caput erigere, sed toti Israëli etiam gravissima bella inferre ; veluti prædixerat Dominus. *N. 6. 33. à v. 51.*

Cœteræ quoque Tribus terras suas à gentibus purgant.
Jud. 1. à v. 22. &c. 2.

His fratum successibûs animati cœteri in suis quique terris ad arma conclamat : sed nec ipsi, licet ubique vincerent, veteres incolas cum Diis atque aris suis exterminârunt, contenti fecisse vestigales incredibili suô damnô ; nam quotidiana cum his gentibus consuetudine cœperunt paulatim externos mores induere, connubia cum ipsis & foedera jungere, ac demum profano ritu Idolis eorum sacrificare. Quamdiu Josue ac Seniores illi, qui noverant omnia opera Domini, adhuc in oculis erant, se saltē à cultu Deorum continebant, ac post eorum decepsum mōrum disciplinæque in summo otio immemores paulatim ad alia ex aliis virtutis præcipites tandem in voraginem Idololatriæ, primò quidem in Tribu Dan & Nephtali, *Jud. c. 17. & 18.* deinde in aliis etiam Tribubus prolapsi sunt. Impletumque est, quod Moses moriturus populo prædixerat : *Novi, quod post mortem meam iniquè agetis & declinabitis citè de via, quam precepi vobis, & occurrerent vobis mala.* *Deut. 31. v. 29.*

Ob Idolatriæ Israelitæ à Rege Cusan apprimuntur
Jud. c. 3.

Et sanè occurrerunt ; tanta enim impietate provocatus Dominus tradidit eos in manus Cusan Regis Mesopotamiæ, à quo bello petiti, & in acie multos amiserunt, & oppidatim infestati, aut vi, aut deditione in potestatem ejus venerunt. Tribus deinde iniquioribûs gravati, & alias injuriæ ferre sunt coacti per totos octo annos, tam insolita quam acerba ipsis servitute, qui hactenus nonnisi vincere atque aliis imperare consueverant.

Ab Othoniele liberantur abjecto Idolorum cultu.
Jud. c. 3. à v. 9.

Tot mala à DEO Patrum suorum, quem ipsi tam turpiter deferuissent, fuisse profecta facile intellexerunt. Quare resipescentes clamaverunt ad Dominum, cuius veniam atque auxiliō freti, Duce Othoniele contra Cusanum armis insurgunt, eoque cum suis in pugna oppresso, se in pristinam libertatem vindicant. Exterminata deinde per Othonielem Idolatriæ, Deique cultu ac pietate instaurata deinceps rursus in dulci otio ac pace vixerunt,

Aod,

Aod, Judex.

NON diu tenuit Israëlitarum pietas. Nam Othoniele post quadragesima ab obitu Josue annos mortuō, ad veterem impietatem relabuntur, invalescente per omnes ferē Tribus Idolatria. Ut illam Dominus castigaret, Eglonis Regis Moabitum operā utus est. Iste latius dominandi cupiditate incensus Israëlitarum, quos jam vinci posse Rex Cusanus doeuerat, fines cum hostili exercitu ingressus est. Hi exceperunt quidem eum aliquot præliis, sed omnibus vieti demum jugum tributarii subiérunt. Rex victor transitō Jordane, translatāque Jerichuntem aulā, miseros tributis variisque oneribūs per octodecim annos vexavit; neque enim citius ad poenitentiam respexerunt.

Post quos cùm demum clamassent ad Dominum, Aod alter post Othonielem Judex à DEO suscitatus de Tribu Benjamin etate adhuc Juvenis longæ servituti audaci facinore finem imposuit. Attulerat Regi nomine totius Israëlis munera ad deme rendam utique ejus gratiam. Legatione perfunctus socios, quos in comitatu habuerat, ad Jordanem præmittit, ipse vero regreditur, petique loqui soli Regi. Proceribus egredi iussis repente sicari, quam in latere dextro sub veste latenter habebat, educit, ac manu sinistra in ventrem Regis totam defigit. Corruit exanimis Rex; Aod vero relictō in abdomen ferrō, per posticum evadens ad socios properat, sonitūque buccinæ Israëlitas convocari undique jubet, & vada Jordanis occupari; quod dum in patriam reddituri Moabitæ festinant, Aod ingenti eos clade exceptit, pacemque Israëli reddidit, quæ duravit usque ad mortem Aodi, 80. scilicet annis, si hoc numero computemus eos etiam, qui à morte Othonielis ad Eglonis usque cædem intercurrerunt.

Ab A. 2564.
Invalescente
iterum Idolo-
latria à Rege
Moab in ser-
vitum reo
diguntur.
Jud. 3. av. 11.

Sed ab Aodo
in libertatem
restituuntur.
c. 3. av. 15.

Samgar, Judex.

Sub devexam Aodi ætatem Philisthæi quidem vias latrociniis infestabant, prædāsque agebant; quos tamen Samgar, quem nonnulli Aodi filium aut certè affinem fuisse credunt, robore ac viribūs præstans egregiè multavit; nam, dum in semita quadam,

Samgar Philis-
tros egregiè
multat.
c. 3. v. 31.

Sacra Veterum Temp. Histor.

M à latrun-

à latrunculis his frequentatâ locum insidiis opportunum occupat, transeuntes inopinatò invasit, & cùm alia arma ad manum non haberet, vomere sexcentos eorum contrucidavit. Hunc aliqui Judicibus annumerant, alii tantùm privatum fuisse ajunt, fortiter tamen se pro Republica gessisse déque illa benè meritum esse.

Barac, Judex,

Ab A. 2662.
Servi sunt
Regis Jabin.
Jud. 4.

Debbona &
Baracus de-
victò Sisarà
libertatem
reddunt.
c.4. à v.3.

Vix mortuò Aodò Israëlitæ hinc inde ad vomitum redeunt, & pœna DEI mox iterum impios secuta est. Surrexit enim intra terræ promissæ viscera Jabin Rex Chananæorum. Hic cum Israëlitis congressus in tantam desperationem res illorum adduxit, ut incolumitatem tributariâ servitute libenter paciscerentur, quam per viginti annos ferre sunt coacti, præ nimia severitate caput non audentes attollere.

Post elapsos viginti servitutis annos clamanti in Cœlum populo suo misit bonus Dominus in salutem Debboram & Baracum, in quorum societatem venit etiam Jahel uxor cuiusdam ex religiosa familia Cinæorum Jethro Sacerdotis Posteriorum, qui tempore Josue ex Madianitide in terram Israël migrarunt, & per varias Tribus dispersi in desertis locis monasticam vitam agebant. Debbona erat vidua Prophetis, consulebatque à populo, cui responsa dabat divinitus in monte Ephraim. Hæc acceptò à Domino mandatò Baracum suum, ut quidam putant, filium ad se vocavit, et que ita locuta est: *Præcepit tibi Deus Israël, vade & duc exercitum in montem Thabor, tollésque tecum decem millia pugnatorum de filiis Nephtalim & Zabulon. Ego autem adducam ad te in loco torrentis Cison Sisaram Principem exercitus Jabin, & currus ejus atque omnem multitudinem & tradam eos in manus tuas.* In eum deinde locum cum Baraco exercitū Duce profecta insignem de hostibus vietoriam peperit, cæsis plerisque, reliquis in fugam concrevit. In qua Sisara cursu & calore exhaustus, & ad tabernaculum Jahelis divertens, ab hac interemptus est; nam dum hausto iacte consopitus in tabernaculo jacet, illa clavum dormientis capitii applicuit, validoque mallei iactu percussum per tempora in terram afficit, atque ita hostium cladem Ducis cæde cumulavit.

Vi.

Victoriam secuta est libertas & gratiarum actio, Cantico à prophete celebrato. *Jud. c. 5.*

Gedeon, Judex.

Redierunt sensim ad pristina scelera Israëlitæ: & ira DEI iterum cervicibus corum incubuit. Medianitæ cum sociis Amalecitis, Ammonitis & Moabitæ ab oriente venientes prælii vicit jugum servitutis injecerunt tam durum, ut vastata quovis anno messe, abductisque gregib[us] atque armentis cogerentur miseri in montibus antra quererere & speluncas, quod se suaque reciperent, ne fame perirent. Servitutis acerbitate solitudo cœtiūs post septem statim annos compulsi sunt ad pœnitentiam; nec Dominus auxilium distulit, sed missus mox ad Gedeonem de Tribu Manasse Angelō virum hunc fortissimum excitavit, ut liberaret Israël de manu Madian.

Gedeon ut se Ducem divinitus constitutum coram collecto triginta duorum millium exercitu comprobaret, simûlque omnes in spem victoriæ erigeret, vellus in areâ expandit, quod prima nocte solum rore madebat, totâ circum areâ sicca: alterâ verò aream madebat, vellere sicco. Cum nihilominus multi adhuc ad ingentem hostium numerum trepidarent, monente Domino nolens circa se habere alios, quam viros fortes, edici per castra iubet, ut quicunque vellent, ad sua redirent, redieruntque viginti duo millia. Hoc delectu neandum contentus reliquos ad aquas duxit, biberèque jussit, aliud fortitudinis experimentum capturus. Qui aquam flexo poplite biberunt, omnes dimisit; manus haustam lambentes retinuit; quorum non plures erant, quam trecenti, centum triginta quinque millibus hostium opponendi.

Sub noctem trecentis expectare jussis solus Ipse cum famulo castra Medianitarum proprius explorat; dumque vigilum stationi aurem admovet, unus alteri somniâsse se narrat, panem hordeaceum sub cinere coctum devolutum in castra Medianitarum irruiisse, ac tabernaculum Principis subvertisse, folisque æquasse; quod somnium mox alter pro certa Gedeonis victoria interpretatur. His auditis Gedeon non dubius, & somnium & interpretationem à DEO fuisse profectam, actis de tam fausto

Gedeon cum paucis in eos movet.

c. 6. à 36. &
c. 7. à v. 1. ad
8.

Suos lagenis
& facibus ar-
mat. c. 7. à v.
8.

M 2

omine

omine gratis, reversus in castra manipulum tripartitò dividit, singulisque in dextram manum dat tubam, in sinistram lagenam seu hydriam fistilem, ardente intùs face. His armis instructos in hostem ire jubet. Igitur medià nocte terni Duces cum sua quisque centuria versus castra Madianitarum diversis viis silentio progrederuntur. Ubi ad destinatum locum perventum est, datò à Gedeone signo simul omnes per castrorum ambitum tubis personant, lagenas inter se mutuo complodunt, ac demum horrifico fragore confringunt; productis mox facibüs tota castra inimico fulgore perstringentes alternatim nunc tubis ululant, nunc junctis vociferationibus conclamat: *Gladius Domini & Gedeonis, gladius Domini & Gedeonis.*

Et hostes in-
ternectione
delet.
c. 7. à v. 22.
& c. 8.

Insolita pugnæ species usque èd Madianitarum castra turbavit, ut ad primum quidem tubarum ac lagenarum clangorem ad arma cum tumultu procurrerent; at incerti, ad quam partem in tanto undique allabente strepitu se primùm converterent, suos pro hostibus habentes, obvios quosque invadunt, ac Numinis impulso mutua se cæde conficiunt. Qui fugā è castris evaserunt, cæsi sunt partim ab Ephraimitis, ac inter eos duo Principes Zeb & Oreb Madianitæ; partim a iis, qui anteà missionem acceperant, partim à Gedeone cum suis ultra Jordanem eos persequente, duobüs solis Regibus Zehee & Salmana servatis atque in vincula conjectis: quos tamen postea Gedeon, fratres suos ulturus ab his crudeliter maestatos, sua manu interfecit. Acclamatum est victori communi Israëlis voce: *Dominare nostri, & filius tuus, & filius filii tui, quia liberasti nos de manu Madian.* Reddita sic patriæ pace Gedeon deinceps habitavit in civitate sua Ephra.

Abimelech, Judex.

Ab An. 2769.

Abimelech
septuaginta
fratres suos
occidit.
c. 6.

M Oriens Gedeon reliquit septuaginta filios, quos ex pluribus uxoribus, veluti mos tunc ferebat, genuerat. Praeter hos unum habuit Abimelech nomine ex concubina, seu minoris notæ uxore natum, quam amaverat, & sibi accedere solebat in urbe Sichem. Iste post mortem Patris, stimulante ambitione, ad Judicis dignitatem per septuaginta fratribus cædem gradum facere meditabatur. Venit igitur in Sichem, & per suæ Matri

Matris Cognatos egit cum primariis civibus, ut eligeretur in Principem. Imperato horum consensu conduxit validam hominum conseleratorum manum, quorum operâ in oppido Ephra comprehendit septuaginta fratres, eosque super unum lapidem occidit, singulis capite truncatis. Hoc ad Principatum præludiō usus ad suos Sichimitas redit, à quibus etiam Princeps constitutus est juxta annosam quercum oppido vicinam, Joatham minimo Gedeonis filio, qui unus servatus fuerat, è monte Garizin eos dehortante, ac ipsis maledicente.

Israëlitæ statim à morte Gedeonis ad sacrilegos Baalis cul-
tus relapsi erant, præsertim Sichimitæ, ac ipsi etiam Gedeonis
filii à DEO fortassis tam crudeli morte puniti. Duce nunc Abi-
melecho majora adhuc iucrementa accepit impietas, ita ut cum
Baal etiam foedus percuterent, ut esset eis in DEum. At bre-
vi meritas dedere poenastum Abimelech, tum Sichimitæ; ru-
ptâ enim inter illum & hos amicitia, civitas ipsorum à tyranno
capta deletaque est. Propagatō deinde per alias quoque urbes
tyranni odiō ipse, dum captâ civitate Thebes turri, ad quam se
Principes urbis receperant, ignem subdit, faxo à fœmina deje-
cto, percussus interiit, tribusque adeò annis impiè ac crudeli-
ter præfuit.

Israëlitæ Baal
colunt, & A-
bimelech pœ-
rit.
Jud. c. 2. à v.
32. & c. 9.

Thola, Judex.

AbAn. 2772.

Post tyranni mortem Thola de Tribu Isachar Judex præfuit
viginti tribus annis. Quid verò vel pro Republicâ vel pro
Religione gesserit, nihil Scriptura habet, contenta indicasse, eum
potius Abimelech surrexisse, & judicasse Israëlem viginti tribus an-
nis, & mortuum esse.

Thola præf.
23. annis.
c. 10. v. 1. &c. 2.

Hujus tempore Noëmi nobilis fœmina de Tribu Juda redit
in patriam. Migraverat ante annos aliquot famis tempore in
Moabitidem cum viro & duobus filiis. Ibi cùm hi uxores Moa-
bitidas duxissent, non diu post mortui sunt. Orbata deinde
etiam viro in Judæam reversa est, comitante ipsam altera nuru
Ruth nomine, quam postea Booz uxorem duxit, factaque est
Moabitis ista Progenitrix Christi Domini; natus est enim Obed
ex Ruth. Obed autem genuit Jeste. Jeste autem genuit David.

Ruth Moabi-
tis Progeni-
trix Christi
Domini.
Lib. Ruth pes
4. capita.

M 3

Jair,

Jair, Judex,

Ab A. 2795.

Judex eligi-

tur Jair.

c. 10. à v. 3.

Israëlitæ ser-

viunt Idolis

Baal & Afta-

roth.

c. 10. à v. 6.

Jair Galaadites de Tribu Manasse trans Jordanem Thola succedit; & ipse per populi communia suffragia electus; nec enim Thola aut Jair dicuntur à Scriptura nominatim suscitatus, electus aut vocatus à DEO uti Othoniel, Aod, Gedeon.

Primis statim Principatus Jairi annis Israëlitæ graviter servitutis jugo primò ab Ammonitis, deinde etiam à Philistæis opprimi cœperunt. Idolatria nimis aliaque gravia scelera post mortem Gedeonis cœpta hactenus per tot annos invalueré, id quod Scriptura queritur dum ait: *Filiī autem Israël peccatis veteribus jungentes nova fecerunt malum in conspectu Domini, & serviérunt Diis Baalim & Astartoth, Diis nempe & Deabus gentium.* Colebant enim Altarten, Chamos, Moloch & Dagon. Astarthe fuit Dea Sidoniorum juxta quosdam Venus, juxta alios Juno. Chamos erat Deus Moabitarum, scilicet Priapus, cuius sacra tam erant impura, ut non nisi in tenebris obiri possent ut pote ingenuis oculis indigna. Moloch seu Saturnus fuit Deus Ammonitarum. Erat hoc idolum æneum & concavum capite vitulino, de cœtero formâ humanâ, regiis insignibüs ac regiō throno considens, brachia ac manus protendens, quibus pueros oblatos exciperet, pyrā intus accensâ horrendum in morem concremandos, quorum ne audiretur ululatus, Sacerdotes Idoli tympana pulsabant tubisque clangebant. Dagon Idolum Philistæorum superiore parte habebat speciem humanam, ab umblico desinebat in speciem piscis. Horum aliorumque Idolorum cultu nefario se contaminarunt Israëlitæ.

Ab Ammoni-
tis & Philistæi-
is vastantur.

c. 10. à v. 8.

Meridō creditur, & Tholam & Jairum nihil populo indulisse, sed potius in ejus salutem & morum emendationem incubuisse. At irritō conatu, populo penè universo corruptō ac bene monentibus obstrepente. Igitur provocatō rursus ad puniendum Dominō Ammonitæ Galaaditas sibi vicinos primò vexare cœperunt; quorum exemplō Philistæi infestarunt Judeos, Benjamini, & Ephraimitas. Galaaditæ ad satietatem exhausiti Ammonitæ transmissio Jordane Philistæis auxilio venientes sole in terram Juda, Benjamin & Ephraim infuderunt, non quidem

quidem ut stabilem in Israëlide sedem figerent, sed eam vastarent, prædâque onusti in patriam redirent.

Tot malis attriti Israëlitæ clamârunt ubique ad Dominum, maximè in Silo, ubi Sanctuarium inter tot Israëliterum defectio-nes tòrque tyrannorum vexationes serviles inviolatum divina protegente providentia tamdiu perduravit. Respondit quidem Dominus irato similis: *Ite & invoke Deos, quos elegistis: ipsi vos liberent.* Nihilominus ubi de finibus suis alienorum Deorum Idola projecerunt, fœdusque cum DEO in Silo per Amasiam Pontificem renovârunt, *doluit super miseriis eorum.* Galaaditæ autem, quos bellum acriùs premebat, certi reconciliato jam Numine divinam opem sibi non defuturam, Jephten itidem Galaaditem de Tribu Manasse virum, jam antea levioribus aliquot velitationibus contra Ammonitas clarum, Principem assentientibus deinde etiam cœteris Ttibubûs elegerunt.

Jephth, Judex.

Igitur Jephth, *super quem factus est spiritus Domini, coacto ex* Tribu Manasse exercitu in hostem movet, quem etiam facile fuit sugavârque. Vastatis deinde viginti Ammonitarum oppidis secundo octodecim annorum successu inflatos ita compressit, ut de suâ libertate retinendâ potius, quam de alienâ per vim detinendâ cogarent.

Fama tantæ victoriæ per omnem terram Israël vulgata incredibili omnes gaudiô affecit; Soli familiæ Jephthæ ac ipsi maximè viðtori luctuosa fuit. Signa cum hoste collaturus yoverat, se DEO, si vicisset, immolaturum, quidquid revetenti primùm occurrisset. Nunc dum patriam repetenti tota civitas Maspha in occursum effunditur, domumque gratulabanda comitantur; Ecce unigenita filia Parentem exceptura domo egrediens occurrit cum tympanis & sociarum puellarum choris. Cohorruit miserandus Pater. Distulit tamen triste Sacrificium, donec filia per duos menses Virginitatem deplorâasset.

Vix benè Galaaditæ arma suspenderant, quibus toti populo libertatem pacemque pepererunt, cùm ea resumere séque contra Ephraimitas defendere coguntur, qui transmisso repente Jordane terras ipsorum hostiliter invaserunt. Causam belli prætent debant,

Clamant ad
Dominum &
exaudientur.
c. 10. à v. 10.
& c. 11.

Ab An. 2817.
Jephth Am-
monitas fu-
gat.
c. 11. à v. 29.

Jephth filiam
suam ex voto
immolat.
c. 11. v. 30. &c
31.

Bellum inter
Galaaditas &
Ephraimitas.
c. 12.

96 *Jephte, Abesan, Ajalon, Abdon, Judices.*

debant, quod neglecti neque ad bellum contra Ammonitas vocati essent; reverā autem gloriae Jephte invidebant. At commissō prælio magna clade superbia eorum castigata est. Qui supererant, sparsum ad Jordanis vada fugientes à Galaaditis intercepti sunt: à quibus ut transitum impetrarent, Ephraimitas se esse negarunt. At facile fuit eos dignoscere. Iussi sunt enim dicere *Sibboleth*; quod cūm non possent, dicerentque *Siboleth*, jugulati, ac in profluentem injecti sunt. Itaque tum in prælio tum ad vada Jordanis ad 42. millia eorum perierunt. Porro devictis Ammonitis & seditiosis Ephraimitis severè castigatis, Philistæis autem sociorum clade deterritis ac quiescentibus Jephte deinceps populum quietē gubernavit.

Abesan, Judex.

Ab An. 2823.

*Israëlitæ sunt
tributarii 40.
annis. c. 12.
& v. 2.*

MOrtuō post gestum sex annos Magistratum Jephte eligitur Abesan Bethleemita de Tribu Juda, qui Israëli septem annis præfuit. Sexto gubernationis anno, cū filii Israël rursus fecissent malum in conspectu Domini, tradidit eos in manus Philistinorum quadraginta annis; quæ tamen servitus non apparet fuisse cruenta, sed solā ferè pecuniarum contributione consistens; quibūs contenti Philistæi suo illos more arbitrio que vivere permittebant.

Ajalon, Judex.

Ab An. 2830.

*Ajalon solvit
tributum &
pacem habet.
c. 12. v. 11.
& 12.*

Ajalon de Tribu Zabulon decem annis Israëlitæ judicavit, pācēmque habuit pendendo Philistæis tributum, quod decessor ejus inchoaverat.

Abdon, Judex.

Ab An. 2840.

*Et iste tribu-
tum pendit.
c. 12. v. 13.*

Post Ajalonem Abdon electus est de Tribu Ephraim Pater 40. filiorum, quos ex pluribus uxoribus, sicut illa ferebant tempora, suscepit. Pacem & ipse habuit, quia tributum pependit.

Sam-

Samson, Judex.

Post Abdon Samson summum Magistratum, ac Heli summum Pontificatum adit. Ille divinitus sterili Matri promissus natusque in salutem populi sui, ac per Nazæreorum cæmonias DEO consecratus adoleverat inter mirabilia fortitudinis opera supra ætatem jam tum perpetrata; quibus Spiritus Domini, qui cœpit esse cum eo, se manifestabat, ac majoribus ausis præludebat mira DEI providentiæ, volentis Philistæos populi sui oppressores affligere, ita ut vexationis invidia in totum populum non redundaret, sed solum Samsonem injuriæ privatum affici, quam ulciscendò unus ipse hostilem populum probrosis dannis afficeret.

Ab An. 2848.

Samson ado-
lescit ad mira
fortitudinis
opera. c. 13;

Adultus ergo cœpit judicare Israël vexando scilicet hostes ipsius occasione conjugii initi, atque à Philistæis violati. Cum enim forte in urbem Philistæorum venisset amore cuiusdam puellæ, quam viderat, captus, eam à suis Parentibus petuit uxorem. Iste primò quidem renuebant, hortantes, ut potius de sua Tribu Dan aut saltē Hebræam uxorem duceret: demum tamen consenserunt, quod crederent, rem hanc à Domino fieri, ac in lege dispensari in Philistinorum perniciem. Celebratís sponsalibüs occasione occisi à se leonis Philistæis hospitibus ænigma propositum promissō solventi præmio. Solutum est non quidem convivarum ingenio, sed arte sponsæ, quæ per multas lachrymas à Samsonे expositionem denique extorsit, eamque deinde civibus suis manifestavit. Hanc mulieris perfidiam licet indignissimè ferret, tamen iis, qui videbantur ænigma soluisse, in præmium dedit vestes triginta virorum, quos in urbe Ascalone ex Philistæis occiderat; reiectaque uxore ad Parentes suos in patriam recessit. Ubī autem ira deferuit, ad uxorem rediit, utque eam demereretur, ei hœdum dono tulit. Uxor parata erat reconciliari viro. At parens petitionem rejecit, causatus filiam alteri jam fuisse in uxorem datam. Ignominia offensus Samson ab hoc die, inquit, non erit culpa in me contra Philistæos, faciam enim vobis mala.

Mox insolitum ultiōis genus excogitavit. Capti 300. Vulpibus centum quinquaginta præparavit faces, & binis quibus-
Sacra Veterum Temp. Histor. N que

Eorum agros
& vineas in-

cendit. c. 15. que ad caudæ initium colligatis longiusculo fune ne se facilè in
a v. 4. cursu impedirent, medium alligavit facem flammæ tenacem sic
que dimisit binas & binas in agros Philistæorum, quæ dum insa-
no cursu imminentem ignem vitare cupiunt captivæque fune
liberari, & alia alias eminus comitantes conspiciunt, parem
terrorem circumferentes calamitatem quæm latissime spargunt,
à segetibus, nam messis instabat, ad vineas, à vineis ad oliveta,
donec partim incendio, quod circumferebant, periære. partim
adusto fune caudâque semi-ustulata evasere, partim à Philistæis
captæ interemptæ sunt

Aliam iphi plagan infert. c. 15. a v. 16. Philistæi ultionem spirantes injectis ignibus in domum So-
ceri, qui tantæ cladi causam dederat, cum filia Samsonis uxore, combusserunt. Inde Samsonem primarium calamitatis Autho-
rem querunt. At ipse adventantes percussit ingenti plaga, ita
ut stupentes suram femori imponerent.

Afini maxilla mille viros sternit. c. 15. a v. 8. Quieturus erat Samson. At Philistæi cognitò, ipsum in
spelunca quadam, quæ erat in terra Tribùs Juda, delitescere,
cum justo exercitu illuc in hostem tendunt. Judæi sollicitij iis Legatos obviā mittunt, qui causam bellicæ expeditionis exqui-
rant. Illi unum Samsonem peti respondent, eumque sibi dedi-
postulant. Judæis justa visa est ac necessaria hoc tempore po-
stulatio. Mittuntur itaque tria millia virorum de Tribu Juda,
qui Samsonem vinciant, & Philistæis tradant, ut sic intelligent
non à Republica facta esse, quæ ille contra ipsos perpetravit.
Samson propriæ virtutis conscientius, & divini certus auxiliu non in-
vitus se à Judæis vinciri passus est. Ligatus itaque duobus no-
vis funibus traditur Philistæis. Isti lato clamore ad comprehen-
dendum hostem suum procurrunt; sed brevis fuit triumphus:
disruptis enim vi divina vinculis liber evasit, jacentéque ibi ma-
xilla asini veluti clavâ usus, ex Philistæis interfecit mille viros,
tamdiu cædendo, donec viribus deficeret: timens autem, ne siti
in arena moreretur, clamavit ad Dominum & ait: *Tu dedisti in
manu servi tui salutem hanc maximam, atque victoriam: en-
siti morior, incidamque in manus incircumcisorum.* Vix autem
orationem absolvit, aperto molari dente in maxilla asini egres-
sæ sunt aquæ, quibus refocillavit spiritum, & vires recepit.

Gazensee In-
ipso habet Deinceps sat longo tempore quiete judicavit populum
Philistæis occasionis defectu nihil moventibus; quæ ubi primùm
fe

se obtulit, ultiōem veterū injuriarū parārunt. Fortē Sam- ablatā urbis
portā. c. 16.
a v. i. ad 4.
son in Gazam, eorum urbem venit, & mulieris cuiusdam do-
num ingressus est. Gazai, prædam tandem in casses incidisse
rati, circumdederunt cum positis in porta civitatis custodibūs.
tota nocte cum silentio praestolantes, ut factomanè exēuntē mo-
ciderent. At spe sua delusi sunt; nam Samson media nocte ex-
citatus, deque imminente periculo divinitūs edoctus surrexit;
urbēque egressurus apprehendit ambas portæ fores cum posti-
bus suis & ferā, impositasque humeris suis portavit ad verticem
vicini montis egregiō totius populosæ urbis ludibriō.

Sed virum fortē, ac tantis DEI donis illustrem denique
vili muliercula, nomine Dalila, genere Philistæa perdidit: hanc
cum amaret, ac frequentius in valle Sorec habitantem accede-
ret, id animadvertisentes philistæorum Principes, fæminæ singuli
mille & centum argenteos promiserunt, si Samsonem deciperet,
ac fortitudine sua exutum sibi in manus traderet. Infida pre-
ces, blanditias, & lacrymas diu eludentem demum importunita-
te vicit, ut secretum fortitudinis suæ septem crinibus suis adna-
tæ aperiret; quæ nunc certa de sincera confessione somnolen-
lento persuadet, *ut dormiat super genua sua, & in sinu reclinet
caput.* Samson altum jam dormiente jussit moneri Philistæos,
similque consorem adesse, qui crines seu cincinnos cautè abscin-
deret: quod factō Philistæi ex insidiis irrumpentes imbellem
catenis vinciunt, vincito oculos eruunt, in urbem Gazam abdu-
cunt, ac carcere clausum molam asinariam versare compellunt.
Famā hujus eventūs mox ubique pervulgatā tota Philistæorum
terra læcis clamoribūs personuit: *Tradidit Deus noster adver-
sarium nostrum in manus nostras, qui delevit terram nostram,*
& occidit plurimos. Insuper gentis Principes, ut conjunctō stu-
diō sibi, Deoque suo gratularentur, indicto in urbem conventu
magnificas immolārunt Dagoni hostias. Sacram solemnitatem
excepere convivia à Principibus & populo adornata. Mensis
solutis ad complendam lætitiam publicam domum adiérunt,
ubi alias ludi celebrari solebant. Educitur ē pistriño Samson,
ac inter duas columnas positus fuit ludibrium spectantium, &
abjectio plebis Philistææ.

Opere, ludo, vexatione demum fatigatus petit à famulo, Moriens po-
qui cæci gressus regebat, reclinari tantisper ad columnas sub pulu*servi-*

tute liberat.
C. 16. 27. 26.

specie quietis & respirationis captandæ, re ipsa, ut earum crassitatem, atque distantiam exploraret; quod dum facit, & à Spectatoribus errans in tenebris ridetur, consiliō interim suō, viribusque dissimulatis (nam capilli ejus jam renasci cœperant) oratione quam maximè supplici *Domine Deus*, inquit, memento mei, & reddere mihi nunc fortitudinem pristinam *Deus meus*, ut ulciscar me de hostibus meis. Facta hac oratione gemitu cordis potius, quem vocis sonō repente concussit fortiter columnas, ceciditque domus super omnes Principes, & cæteram multitudinem, quæ ibi erat circumfusa. Qui verò Spectatores in solario superiorib⁹ locis confederant ad tria ferè millia, præcipitiō contradicati, consequeūtque periērunt, multoq; plures interfecit moriens, quam vivus occiderat. Atque ita rem bene disponente divina providentia, tot tantorumque virorum cæde accisæ atque afflictæ res Philistinorum, vix post annos plurimos reluctandæ, corruerunt; Israëlitarum verò servitus mirabiliter hoc casu terminata est, quam Philistæi ipsos quadraginta annos oppresserant.

Heli, Judex.

Samuel filius
precum. I.
Reg. 1.

Samsonem occiso Heli, qui viginti annis hactenus summum Pontificatum geslerat, deinceps simul etiam Rempublicam judicariæ potestate administravit. Hoc Pontifice, & Samsonem adhuc Judice, Elcana Ephratæus cum ultraque uxore sua Phenena & Anna, ac reliqua familia pro annuo more ad sanctuarium in Silo ascenderat, obtuleratque hostias pacificas Domino, quarum pars quædam in altari juxta legem succendebatur DEO, pars Sacerdotibus cedebat: reliquum coram Domino epulabatur cum suis. Anna cœteris adhuc prandentibus sola tabernaculum repetiſt, ultimum coram Domino ploratura, sedente summo Sacerdote super sellam ante postes Templi Domini. Procidens in genua inter multas lacrymas oravit Dominum, ut daret sibi filium, promittens, se nasciturum Domino, ejusque famulatui perpetuò mancipaturam. Hic Heli putans eam esse remulcentam, forte ob ardentem faciem, capitlsque ac manuum gesticulationes eum indignatione, usquequā, inquit, ebria eris? digere paulisper vinum, quō mades, & recede à conspectu Domini.

mini. Anna contrā cum omni humanitate: *Nequaquam Domine mi; nam mulier infelix nimis ego sum; vinum & omne, quod inebriare potest, non bibi, sed effudi animam meam in conspectu Domini.* Quo auditō Sacerdos Annam facta precatio-ne dimisit, dicens: *Vade in pace, & Deus Israēl det tibi petitionem tuam, quam rogasti: cum.*

Alterō pōst annō natus est Samuel; ut igitur voto se ex-solveret Anna, ubi primū ablactavit puerum, detulit in Silo, ut maneret ibi jugiter sumptibus Parentum à Sacerdotibus educandus, donec aliquid ministerii in domo Domini exhibere pos-set. Cūm jam muliſ annis sermo Domini in Israēl pretiosus sive rarus fuisset, demum hunc puerum, ubi ad annum circiter duodecimum pervenit, elegit, per quem loqueretur, ac ipsi summo Sacerdoti futuram familiæ suæ cladem prædiceret. Contigit quadam nocte, cūm Heli jaceret in lectulo, ut Samuel, qui juxta eum intra Sanctuarii septa dormiebat, nominatim à Domino vocaretur, Angelo vocem suam ita attemperante, ut vox Pontificis videri posset: qua ille expergefactus, ratisque senem suā operā indigere, oxyū ad eum accurrit, dicens: *Ecce ego, quia vocasti me; idque secundò, & tertio factum est.* Demum Heli, non inscius viarum Domini, intellexit, quod puer nondum poterat suspicari, Samuelem vocari à Domino; Itaque, *vade,* in-quit, & si deinceps vocatus fueris, dices: *loquere Domine, quia audit servus tuus.* Abit puer & dormit: & ecce! quartō Domi-nus venit ad eum, nec vocat solum, ut prius, sed stetit appa-rens ei specie quadam aspectabili, & illustri, ut in tenebris quo-que cerni posset. Et Samuel memor præcepti: *Loquere Domi-ne,* inquit, *quia audit servus tuus.* Igitur Dominus puero in-dicavit, quæ facturus esset Heli & Domui ejus propter iniqui-tatem, eō quod sciens indignè agere filios suos, non tamen eos corripuerit: quæ omnia postero manè poscenti Heli Samuel can-didè aperuit.

Porrò tantorum malorum causam dedit improbitas & ne-
quitia filiorum Heli Ophni & Phinees Sacerdotum; nam in-
primis non capiebant de sacrificio pacifico, quod legē præscri-
ptum erat, sed quod fuscinulā casu extraxerant; tempus etiam
legitimum prævertebant, nempe ante oblatum Domino adipem,
carnem extrahebant nondum elixam, ut tamen Lex ferebat, ut

Nascitur, &
duodennis
domui Heli
mala denun-
tiat. c. 3.

Improbitas
filiorum He-
li. c. 2. à v. 12.

sc eam suo arbitratu assarent: & hoc non benevolè, sed per vim minasque faciebant, quæ omnia populum à sacrificando retrahebant. Deniquæ mulieres, quæ religionis ergo observabant ad ostium tabernaculi, quæque quasi Moniales relicta vanitate sæculari DEO famulari cupiebant, cum magno populi scandalo polluebant; quæ cùm publica essent, & crebris omnium sermonibus usurparentur, filios quidem reprehendit vir alioquin bonus, & timens DEum, mollius tamen, quam tam gravia scele-ra postularent; hinc etiam non audierunt vocem Patris sui populumque id ò magis semper, ac magis à se averterunt, dum interea Samuelis gloria magnis apud totum Israëlem incrementis augebatur.

In prælio arca eapitur, seduntur duo filii, & Heli cervicem frangit. c. 4.

Philistæi à Samsonis suorumque simul Principum interitu continuerant se necessitate magis, quam voluntare; inslauratis verò paulatim apud se rebis, copias contra Israëlitas educunt ad oppidum Aphec, haud procul ab urbe Silo situm. Iste verò castra metati sunt juxta locum, qui posteà dictus est *Lapis adiutorii*. Vix bene cœperat prælium, Israëlitæ terga verterunt, cæsaque sunt quasi quatuor eorum millia. Ubi se fugâ in castra colegerunt, infelicis pugnæ à se mutuò causam scilicetantes adjunt: *Quare percussit nos Dominus?* communi deinde consilio arca fœderis in castra allata est. Verùm hæc quidem erat in medio eorum; at non adfuit pugnantibus Dominus: secundò enim, tantaque clade victi sunt, ut occisis Ophni & Phinees Sacerdotib⁹ etiam arca venerit in hostium potestatem. Needum malorum finis. Ipse etiam Heli Pontifex, dum juxta ostium tabernaculi in Silo sedens latae victoriæ signa expectat, inexpectatō tristique nuntiō percussus de sella cecidit retrorsum, fractis que cervicibus mortuus est.

Samuel, Judex.

Ab An. 2223.

Samuel caram Reipub-
licæ suscipit.

c. 7. a v. 3.

Philistæi pu-
niuntur ob-

R Ebus ita turbatis Samuel communibus omnium suffragiis Judex electus est; qui mox magnâ in DEum fiduciâ Reipublœ curam suscepit, & populum in spem bonam erexit.

Interea Philistæi arcam in urbem suam Azotum portantes deponunt in Templo prope Dagon Idolum suum. At ecce! cùm sacrificuli postridie templum ingrediuntur, vident Dagon cor-

corruisse prostratum in terram ante arcam Domini. Mox igitur, ut DEI honori consulant, restituunt eum in locum suum. At frustra: nam die altera idem accidisse dolentes deprehendunt, sola inferiore Dagonis parte, quæ in pilcem deformata erat, in loco suo remanente intacta. Præterea Azotios Deus percussit ignominiosâ & pudendâ plagâ intestinis pér fædem defluentibus cum acri doloris morsu. Huic accessit altera plaga à muribus, qui passim è terra erumpentes non solum terræ fruges vastabant, sed prominentes quoque illas hominum partes infestis & lethiferis morsibus impetebant. Ut his malis se liberarent, consultis aliarum ciuitatum Satrapis arcam per teliquas Provincias circumducendam putarunt, sperantes, fore, ut aliquo demum loco sine damno consisteret; verum ut primum in urbium aliquam arca pervenit, simul cives pari plaga correpti sunt cum ingenti ubique virorum strage, à parvo usque ad majorem.

Post septem tandem menses, quibus detinuerant arcam, necessitate compulsi statuerunt eam dimittere: itaque consilio sacrificiorum suorum duas vaccas jugo inassuetas jungunt cur- cui novo, eique arcam foederis imponunt; & ut muneribus Deum Israël sibi, Diis suis, ac terræ suæ placarent, pro numero Provincearum Philistinarum capsulae incluserunt quinque annos aureos, totidemque mures aureos, & ad latus arcæ posuerunt. Sic instruто curru vaccæ sine ductore recto itinere detulerunt arcam versus Betsames, quæ erat urbs Levitica, sequentibus usque ad terminos Israëlis, & rem miranribus Philistinorum Satrapis. Ilbi vaccæ agrum cujusdam Betsamitæ attigere, constiterunt propè magnum lapidem, in eo agro positum. Levitæ itaque inter circumfusos gaudentesque Betsamitas deposuerunt arcam; concisisque plaustri lignis vaccas imposuerunt, obtuleruntque holocaustum Domino. Verum breve fuit etiam horum gaudium. Nam cum ad eam spectandam non tantum Betsamitæ, sed vicini etiam certatim confluunt, & curiosius eam introspiciunt, profanis etiam manib[us] atrectant, occisis propterea à Domino septuaginta supra quinquaginta millibus, exterriti Betsamitæ cives urbis Cariathiarim ad eam ad se adducendam evocarunt conseio utique Samuele & Achitobo Pontifice.

Itaque deportata est in eam urbem, depositaque in domo Abinadab. Tabernaculum vero & Silo translatum in urbem Nobe, Deponitur in
domo Abin-
dab. e. p.

Nōbe, simūlque altare holocaustorum & thymiamatis , mensa panum, candelabrum, & reliqua Sanctuarii supellex ad facienda ibi posthac Sacrificia ; quæ quidem extraordinaria saltem, offerabantur etiam coram arca in urbe Cariathiarim. His compotis Samuel deinceps in summa pace Rempublicam administravit, ac Israëlem nunc in Bethel, nunc in Galgalis, nunc in Maspha, potissimum verò in Ramatha , ubi erat domus ejus, judicavit; ibi etiam adificavit altare Domino.

Samuele orante caduntur hostes.
s. 7, à v. 7.

Sed neque Samuel à Philistæis semper pacem habuit. Convocatus ab ipso in urbem Maspha populus solemniter foedus cum Domino paciscebatur, ejurato omni profano Baalim, Astoroth, aliorumque Idolorum cultu. De quo conventu ubi nuntium accepere Philistæi , coacto exercitu magnis itineribus eō convolârunt. Trepidante ad subitum hostium adventum populo Samuel agnum lactentem obtulit in holocaustum clamavitque ad Dominum; & auditus est: Philistæis enim in Israëlitas irruentibus intonuit Dominus fragore magno , & exterruit eos , cùmque territi fugam capesserent, ab Israelitis è Maspha effusis cæsi sunt, urbésque, quas antea cooperant, rursus ereptæ.

Saul, Rex Israël.

Israelitæ Regem sibi dari postulant.
z. R. c. 8.

AT demum fenuit Samuel, filiosque suos ad Rempublicam administrandam in Coadjutores assumpserat: sed quod horum gubernatio, præcipue ob avaritiam & munera, propter quæ pervertebant judicium, populo non probaretur, Majores natu venerunt ad Samuelem in Ramatha hac eum oratione allocuti: *Ecco tu senuisti, & filii tui non ambulant in viis tuis: constitue nobis Regem, qui judicet nos, sicut & universæ habent Nationes.* Inopinata oratione percussus Samuel ad orandum DEum confugit, qui afflictum servum suum ita est consolatus: *Audi, inquit, vocem populi in omnibus, quæ loquuntur tibi: non enim te abjecerunt, sed me, ne regnem super eos.* Tentavit nihilominus Samuel populum à petitione absterrere allatā, qua Reges plerunque uterentur subditos gubernandi potestate. At frustra: erant enim non tam pertæsi avaritiae filiorum Samuelis, quam ambitione regalis glorie, & cæterarum Nationum æmulatione pleni.

Ita-

Itaque habituros Regem Majoribus natu respondit: irent nunc ad suos, se brevi comitia indicturum, ubi Rex, quem postularent, eligeretur.

Interea DEus de Tribu Benjamin virum elegit Saulem nomine, ad captum illius populi extera in primis specie commendabilem, quem, dum errantes asinas quereret, DEO disponente, ad se venientem Samuel, ut à Domino erat monitus, unxit in Regem Israel seorsim, & sine arbitris, donec commodo tempore Comitia celebrarentur, ac ipse Rex publicè proclamaretur. Unde & Saul, dissimulatis omnibus, quæ acta erant, repertis asinis in patriam suam Gabaa reversus, privatam, ut anteā, vitam duxit. Immutavit tamen jam tum ei DEus cor suum: nam cùm in patria in collem DEI oratus ascenderet, insiliente in ipsum Spíritu divino cum Prophetis qui ibi habitabant, eique occurrabant, cœpit prophetare, id est, canere & laudare DEum, quod cùm reliqui mirarentur, eò quòd antea ejusmodi cantionum fuisse imperitus, proverbio datus est locus; *Num & Saul inter Prophetas?*

Paulò pòst indictis à Samuele Comitiis in urbem Masphat convenerunt omnes à Dan usque Bersabée; agcbatur enim res longè maxima, & magnis studiis experta; ipsa quoque rei notitas, & pristinæ gubernationis forma commutanda magnam exercitabat expectationem. Samuel habita ad præsentes oratione jubet populum omnem in Tribus suas, familiásque distribui, locisque disjungi, ne qua confusio oriaretur: conjectis in urnam tredecim Tribuum schedulis, agitatisque, sortitione Tribus Benjamina educta est, quō factō reliquæ Tribus omnes cum suis familiis, domibúsque spe sua exciderunt. Inde ad familias Benjamina processum est, conjectisque rursum in urnam schedulis prodit familia Melchi, deinde domus Cis, demum ex hac persona Saulis, qui rei futuræ jam conscius pro sua modestia non aderat, sed latebat in urbe illa Masphat. Misit igitur Samuel, qui eum advocarent; cùmque veniens sterisset in medio populi, apparuit statura tam excelsa, ut universos toto capite superaret: unctus est igitur secundò coram toto populo in Regem, & secuta est fausta acclamatio: *vivat Rex!* fuerunt quidem non pauci ad seditionem proni, qui dicere: *Nam salvare nos poterit iste?* at Saul prudenter dissimulabat se audire.

Sacra Veterum Temp. Histor.

O

Post

Saul in Regē
inungitur.
¶ Reg. 9. & 10.

Rex procla-
matur.
¶ Reg. c. 10.
av. 17.

Novus Rex ^{21.} **Amonitas** ^{22.} **profligat.** ^{23.} **I. Reg. c. 11.** ^{24.} **& 12.** Post mensem à solutis comitiis exortum bellum novo Regi gloriā, & totius populi benevolentiam conciliavit. Qui trans Jordanem ex Israëlitis erant, præsertim habitatores Jabel Galaad jamjam opprimendi erant ab Amonitis. Sed ubi accepit nuntium Saul, collectio confestim exercitū, Jordanem transiuit, hostēmque tripartito agmine adortus in ipsa castra irrum-pens in vigilia maturina, usque dum dies incaleficeret, excidit plerosque, reliquīs ita dispersis, ut *non relinquerentur in eis du pariter*, magnā Regis novi gloriā. Qua occasione bene animati in novum Regem populi Samuel utendum ratus, ad confirmandum communī omnium suffragiō Saulis Regnum, factamque dudum ejus electionem convocavit in Galgala populum; ubi habita præclara coram Rege & populo oratione, cùm abstinentiæ & integratitatis suæ, atque innocentia tempore suæ administrationis testimonium petiisset, atque accepisset, auctum est de constituendo Regi præsidio, placuitque tria hominum millia in præsidiis esse, quæ in omnem eventum Regi semper ad manū essent, & communib⁹ populi sumptibus sustentarentur.

Reprehendi-
tur a Samuele
I. Reg. c. 13. Igitur dimissa reliqua multitudine Rex sibi retinuit duo millia in Machmis & Bethel: mille autem commisit Jonathæ filio in Gabaa Benjamin, ubi stationem habebant Philistæ. Jonathas gloriae appetens oblata occasione cum suis impetu facto eam stationem delevit. Philistæ propterea ad arma convolantib⁹ Rex quoque Israëlitas in Galgala convocari jussit, expectatus ibi Samuelem, veluti ab hoc jussus fuerat, ut eo praesente Sacrificiis placaretur, & consuleretur DEus, priusquam in hostem moveret. Confluxere magnō numerō Israëlitæ; at cùm hostilem exercitum longe majorem in conspectu haberent, & Samuel in horas expectatus non veniret, animis consternati sensim iterum dilapsi sunt, ita, ut demum soli sexenti viri cum Rege manerent, & hi quidem nullō gladiō, nullā hastā armati. In his rerum angustiis cùm septimus jam dies adesset, sub vesperam jussit Saul per Achiam Pontificem osterri pacifica, & hoicau-stum. Sacrificio vix benè completō adest Samuel, Regemque, quod mandata Domini non custodisset, sequē non expectasset, acriter reprehendit. Nihilominus cum Saule, ac trecentorum virorum manu in Gabaa ascendit ad conjungendas cum Israëlitis vires. Hostes verò castra habebant in edito loco inter Mach-

mas

mas & Gabaa, unde crebris excursionibus pagos, villasque Israëlitarum infestabant.

Jonathas pugnæ avidus quadam die ad Armigerum suum conversus, non est, inquit, *Dominus difficile salvare vel in multis, vel in paucis: ascendamus ad castra incircumcisorum; si forte faciat Dominus pro nobis;* cùmque armiger ad omnia se paratum respondisset, clam Patre per viam asperam & præruptam, ac propterea minus custoditam DEO bene propitiò in castra elutantur; ubi nil morati, vigiles invadunt, ac cædunt, tum proximos quosque semiomnes viginti viros interficiunt. Sequitur totis in castris tumultus primò, deinde prodigiosa strages; dum enim Philistæi pavore turbati Hebræos omnes adesse putant, séque suosque non discernunt, sese mutua cæde passim confere; quod cùm relatum per exploratores esset Sauli, cum suis properavit ad locum certaminis, sed & multi eorum, qui nuper disfugerant, ad socios redierunt, ita, ut Saul circa se jam haberet quasi decem millia virorum: victoriâ igitur utendum ratus hosti suos instare jubet, severè, & sub capitib[us] pœna monitos, ne quis cibum sumat usque ad vesperam, plenamque victoriā, percusseruntque hostes in illa die à Machmis usque Ajalon; ubi dum suos respirare jubet, prope arcam, quæ exercitum secuta fuerat, altare erexit, rogavitque per Pontificem Dominum, an porrò persequeretur Philistæos, an non? at DEUS responsum negavit, non dubio signo offensi à quopiam Numinis. Peti ergo Saul à DEO indicium; missaque forte captus est Jonathas, qui gustaverat paululum mellis in summitate virgæ, quam intinxerat per viam in favum mellis. Et licet non audierat, cùm Pater ejus adjuraret populum, tamen mori debuisset Regius filius, nisi populus uno ore conclamasset: ergo *Jonathas moriatur, qui fecit salutem hanc maximam in Israël?* vivit Dominus, si ceciderit capillus de capite ejus in terram. Quibus vocibus Parens absterritus filium vitâ donavit.

Hoc bellò confectò Saul deinceps victricia arma convertit in alios vicinos populos, Moabitas, Ammonitas, Idumæos, ac quosdam Reges Syriae; demum etiam jussus est per Samuelem veterem illam in egressu ex Ægypto Amalecitarum injuriam ulisci, & non tantum totam excindere gentem, sed etiam flamam ferroque vastare omnia, ne *afino* quidem, aut ullâ aliâ præ-

Jonathas inchoat pugnam feliciter. 1. Reg. 14.

*Parcit Amalecitis contra mandatum Domini.
1. Reg. 14. à v. 47. & c. 15.*

dā retentā. Itaque cum exercitu ducentorum & viginti milli-
um terram Amalec ingressus præceptū Domini executus est;
at non penitus implevit: nam Agag Regem captivum vivum,
& meliores greges ovium, & armentorum, aliāque, quæ pulchra
erant, servavit, & triumphans in terram Israël adduxit; quā
Saulis inobedientiā secundò jam offensus Dominus id Samueli
in Ramatha indicavit, questusque est: p̄nitet me, quād consti-
tuerim Saul Regem. Clamavit quidem Samuel tota ea nocte ad
DEum, quarebatque placare eum. Sed frustra. Itaque cūm
cognovislet, Saulem venisse in Galgala, ut inde rursus dimitte-
ret populum, illuc manē perrexit, holocaustum tunc ex præda
offerentem interpellans, cur contra præceptū Domini versus
esset ad prædam? excusavit Saul factum, inquiens, se interfectis
reliquis omnibus solum Regem Agag adduxisse, populum verō
tulisse oves, & boves, ut primitias eorum immolaret Domino.
Cui Samuel: Nunquid vult Dominus holocausta & viētmas, &
non potius, ut obediatis voci Dominis melior est enim obedientia,
quam viētma! hoc elocutus eidem denuntiavit: Pro eo, quād
abjecisti sermonem Domini, abjecit te Dominus, ne sis Rex. Qua-
denuntiatione ipse, & filii ejus jus ad Regnum funditus perdi-
derunt. Deinde Samuel Agag Regem adduci jubet, ac claman-
tem: siccine separat amara mors! in frusta secari.

Samuel fru-
stra orat pro
Saule.
c. 15. v. 34.
& 35.

Inde reversus in Ramatha multis lacrymis ac precibūs co-
natus est Dominum Sauli conciliare. At DEus orantem incre-
pans, usquequō, ait, tu luges Saul, cūm ego projicerim eum, nō
regnet super Israël: imple cornu tuum oleo, mittam te ad Isai
Bethleemitem; providi enim in filiis ejus mihi Regem.

David in Re-
gem ungit.
¶ Reg. 16.

Igitur clam Saule profectus est in Bethlehem ad Isai, virum
in Tribu Juda primarium, nescius adhuc, quem Dominus ex octo
ejus filiis elegisset. Brevi autem cognovit, esse natu minimum,
Davidem nomine. Hunc igitur ē pascuis, ubi ovium curam ge-
rebat, evocatum in medio fratrum ejus unxit; & directus ēst
Spiritus Domini à die illa in David, & deinceps, Spiritus nem-
pe Rege, ac Principe dignus. Unctione peracta Samuel in Ra-
matha, & David rediit ad pascua, ubi egregia illa fortitudinis
opera perpetravit, quæ postea cum Goliatho certamen initurus
coram Rege jaētavit de leonibus & ursis à se interfectis, & pro-
pria manu laceratis; bonam quoque Psalmorum partem tum-
tem-

temporis componens, ad citharam juvenis modulatus est.

A Saule vero interim recesserat Spiritus Domini, ipsumque ita permittente DEO spiritus nequam invasit; qui melancholica corporis dispositione abutens, miserum Regem ita quandoque vexabat, ut furere atque insanire videretur; nec, post medicas artes frustra adhibitas, in aula amplius dubitabatur, ægri- tuden Regis inhabitanti, aut subinde ventitanti dæmoni ad scribendam; eumque jam tum opinio illa vigeret. Carminibus vim dæmonum reprimi, cohiberi maleficia, & animi corporis que sanitatem posse reparari, ajunt Proceres ad Regem: *Fu- beat Dominus noster, & servi tui, qui coram te sunt, quarent hominem scientem psallere citharam, ut quando arripuerit te spi- ritus Domini malus, psallat manus sua, & levius feras.* An- nuente Rege unus de Aulicis: *Ecce, inquit, vidi filium Isai Beth- leemitem, scientem psallere, & Dominus est cum eo.*

Ablegavit itaque Rex nuntios ad Isai, ac Davidem ad se mitti petiit, qui cum mira hac DEI providentia ad aulam venis- set, Saul dilexit eum nimis; nam, quandocunque *spiritus Do- mini malus arripiebat Saul, David tollebat citharam, & per- cutiebat manus sua, & refocillabatur Saul, & lenitas habebat:* recedebat enim ab eo *spiritus malus.* Exortò autem poste à bel- lō cum Philistæis Davidem quidem dimisit; at brevi cum ma- gna gloria ad aulam redist.

Stabat uterque exercitus in conspectu, sola valle eos divi- dente. Dum autem unus alteri pugnæ initium relinquit, non nulli abiēre dies. Interim venit in mentem Philistæis bellum singulari certamine definire, eoque de alterutrius populi servi- tute, vel dominatione pacisci, cum præsertim apud se haberent virum bellatorem, cui parem opponere Israëlitarum castra non possent. Is fuit Goliathus staturā novem pedem, robore tanto, ut ihs armis facile pugnaret, quæ alius ferre non posset. Ille igitur in vallem progressus Hebræum aliquem ad singulare cer- tamen provocabat. Ad quod cum nullus ex toto exercitu de- scendere auderet, ille ad suos reversus militari more gloriabun- dus jačtabat: *Ego exprobravi agminibns Israël hodie.* Et pro- cedebat quadragesimum jam diem manè & vesperi insultando Israëlitis. Vexilla Regia fecuti fuerant tres Davidis fratres; his ipso quadragesimo die domesticum commeatum David attu-

Saul à spiritu
malo inva-
ditur.
1. Reg. c. 16.
2. v. 14.

David voca-
tur in aulam.
1. Reg. c. 16.
2. v. 19.

Adversus Go-
liath progre-
ditur.
1. Reg. 17.

lerat; cùmque passim, quid in utrisque castris gereretur, audiret, vidisséque oculis suis Philistæum prodeuntem & provocantem, excandescens divini honoris zelò, quis enim, inquit ad circumstantes, est hic Philisteus incircumcisus, qui exprobavit acies DEI viventis? nihilque fratres suos moratus, atque ad Regem adductus, ego, inquit, servus tuus vadam, & pugnabo adversus eum. Obrentaque demum pugnandi copiā accepit baculum suum, quem semper habebat in manibus suis, & elegit sibi quinque lippidissimos lapides de torrente, & misit eos in petram pastoralem, & fundam manu tulit. Sic armatus processit in vallem adversus Philistæum inspectante utroque exercitu, & rei exitum expectante.

Post aliquam procul adhuc verborum velitationem Goliath Gigantem armis expedit, atque adversus hostem progreditur. Nec segnior Sternit.
1. Reg. 17. 2. David positum in funda lapidem ad caput circumducit, subito que excussum in frontem accendentis tanto impetu projicit, ut osse confracto lapis fronti infixus hæreret, Gigasque in faciem cruentus corruerit, quo viso victor accuriens occisi caput proprio gladio præcidit, longaque cæsarie apprehensum inter latos exercitus clamores ad Regis pedes attulit; qui mox hosti totis castris fugienti instari jussit, victoriāmque cædendō usque ad urbem Accaron complevit. Recreatus nonnulla quiete miles dum lætitia triumphans spoliisque dives in civitates suas revertitur, accurrit undique turba desideriō tum videndi Davidem in comitatu Regio vestimentis armisque à Jonatha donatis fulgentem, tum etiam caput Goliathi, quod famulus in conto præferbat. Mulieres quoque in obviis urbibus egredientes chorib⁹; ducentes victoribus occinuere: *Percessit Saul mille, David decem millia.* Quod tamen quasi intercalari carmine identidem repetito, non quidem communem, tamen lætitiam Saulis vehementer turbarunt. His enim Davidis laudib⁹; malè saucius continere se non potuit, quin ad Proceres diceret: *Quid ei superest nisi solum Regnum?* Unde etiam neque rectis oculis Saul aspiciebat David à die illa & deinceps.

At ingratum Regem mox secuta est poena; reversus est Fugit ab aula, enim spiritus DEI malus, à quo hactenus Saul liber fuerat. Igitur & David intermissum anteà ministerium repetit magno autem suo periculo; nam in psallentem quodam die Saul lanceam

con-

contorsit; quod cum vel odio vel furore insaniens secundò incassum tentasset, fugit denique David, nec amplius in aula comparuit.

Pridem constitutum erat Sauli Davidem ē medio tollere; cumque id ipse protegente illum DEO facere nequiret, voluit eum alienā manu sub specie honoris perimere. Ergo in aulam revocat, filiam suam in uxorem promittit, constitūtque Tribunum militum, quos contra Philistæos educeret, eosque crebris excursionibūs vexaret; quod fecit Rex, ut fortissimum Juvenem in ea discrimina conjiceret, in quibus aliquando periret. At inter nec leves nec paucas cum hoste velitationes semper exstitit vīctor; ob quod etiam omnis Israël & Juda diligebat David. Interea Saul promissam Davidi filiam natu majorem Merob alteri tradidit. Postulat ergo David natu minorem Michol, quam demum Rex concessit, at sub dura conditione, ut intra aliquos dies occisis centum Philistæis totidem eorum præputia afferret dotis loco. Attulit, & Michol uxorem accepit.

Saul cùm Davidem ne que inter medios hostes perire posse cerneret, amicos contra ipsum incitare voluit, locutusque est ad Jonatham filium suum & ad omnes servos suos ut occiderent David. Alias ad Jonatham solum, quem sciebat intimum Davidis amicum: *Omnibus, inquit, disib⁹ quib⁹ filius Išai vixerit super terram, non stabiliceris tu neque Regnum tuum.* At Jonathas fidem Davidi datam totō Regnō antiquiorem habuit, insidiisque eidem aperuit, dixitque: *Querit Saul Pater meus occidere te.* Animum quoque Patris ienire studuit adductis Davidis in ipsum & Rēpublicam meritis, valuitque oratio filii, ut Saul juraret, diceretque: *Vivit Dominus, quia non occidetur.*

Sed nec DEO servavit fidem. David Philistæos rursum magna clade affecerat. At quod majora pro Saule & Republica gerebat, eō vehementius in dies urebat Saulem invidia. Nam haud diu post subitō hastam arripiens psallentem *configisset in pariete, nisi citō declinasset.* Incertus quod se recipere, fugit in domum suam, sed nec ibi tutus erat. Adsunt enim continuo satellites, qui jussu Regis omnes domūs aditus obsideant, Davidem ea nocte custodian, & manè interficiant. Evalit tamen arte Michol conjugis suæ. Ab hac enim per fenestram ad latus

Revocatur.
1. Reg. c. 18.
v. 12.

Defenditur 2
Jonathā apud
Patrem.
c. 19.

Rursum fugit
c. 19. v. 8.

do-

domus minus custoditum cautè demissus, ad Samuelem in Ramatha confugit. Utque plus temporis ad elabendum haberet, Michol manè fallaciam commenta est, qua custodes ad aliquot horas detinuit. *Iulit enim statuam & posuit eam super Davidis lectum: & operuit eam vestimentis,* ut crederent Davidem ægrotum necdum surgere posse; donec demum detecta fraus patuit, constititque Davidem evassisse.

Ad Samuelem. Saul, abiérunt uterque Samuel & David in Najoth locum urbem vicinum, ubi Samuel adolescentes instituebat & in lege DEI erudiebat. Re ad Regem perlatā, misit confessim lictores, qui caperent David. At hi cū ad locum appropinquarent, viderentque cuneum cum Samuele laudantium DEum, divino afflati Spíritu & ipsi simul cœperunt prophetare & laudare DEum: atquē hoc contigit viris, quos secundò ac tertio illuc miserat. Ergo Rex ipse se confert in Najoth, ut Davidem perderet. Verum & ipse toto itinere, *facto super eo Spíritu,* ac deinde in Najoth tota die illa & nocte cum cœteris coram Samuele prophetavit & laudavit DEum, & nunc secundò locum dedit proverbio in Israël: *num & Saul inter Prophetas?*

Cum Jonatha amico consilium, quid in tanto vitæ suæ discrimine agendum? consultat. Jonathas pro eximio in Davidem amore suasit, ut in vicino agro juxta certum lapidem lateret, se, quō redditurus Rex in ipsum esset animō, exploraturum, ac deinde sagittæ indicio ipsi nunciaturum, aut si posset, orenens relaturum. Aderant Calendæ, quibüs Rex in speciem conciliatus Davidi sedens ad mensam, vidensque locum alias à Davide occupatum nunc primo ac secundo die vacuum, quæsivit, cur abesset David? respondit Jonathas, rogatum se à Davide, ut apud Regem excusaret absentiā ipsius ob solenne Sacrificium, quod tum celebrareretur à paterna familia in Bethleem. Responsum cum ira exceptit Rex, non dubitans, scire filium, ubi lateret David. Ait itaqne: *Item nunc mitte, & adduc eum ad me, quia filius mortis est.* Rogante Jonatha, quare morietur? quid fecit? Saul magis excedens arripuit lanceam, filium percussurus. At Jonathas surrexit à mensa, jejunisque diem, noctemque commiseratione Davidis informnem duxit. Summo manè cum puerō rerum, quæ age-

agerentur, ignaro in agrum egressus sagittas, veluti cum Davide convenerat, jecit, itaque indicavit Davidi, completam esse Patris sui malitiam, ipsique definitam cædem. Remissò deinde in urbem puerò, Jonathas ipse ad latebras accessit, equibus surgens David, & cadens in terram adoravit tertio filium Regis, & osculantibus se alterutrum fleverunt pariter, David autem amplius. Post breve deinde ac plenum doloris atque amoris colloquium valedicens ei Jonathas dixit: *vade in pace; atque in urbem reversus es.*

David autem properavit in civitatem Nobe ad Achimelech summum Pontificem, sum ut ibi in Sanctuario Dominum Venit in No⁴ consuleret, tum ut vires cibò reficeret. Admiranti causamque be ad sum-
adventus sollicitè roganti responderet, se hoc iter facere in nego-
tio Regis, quod clām ac celeriter esset expediendum, daret sibi
pro se ac sociis, qui se certō locō expectarent, aliquot panes, &c,
si quem haberet, gladium; se enim suum præ festinatione domi
reliquisse. Sacerdos, cūm alios tum non haberet, dedit ei sa-
cros panes propositionis, gladiūmque, quo David Goliathum
pereuellerat, itaque iter vel potius fugam prosecutus est. Hæc
omnia arbitratus fuerat Doëg Idumæus Minister Regius, qui tum
& ipse erat in tabernaculo, cūmque omnia Regi retulisset, fa-
ctum tam iniquō animō tulit, ut ad se citatos Pontificem & 85.
Sacerdotes per Doëgum justerit trucidari, ac insuper translato
priùs in urbem Gabaon Sanctuariō urbem Nobe ad usque bovem
& asinnum ferrōflammāque deleri. Solus Pontificis filius Abia-
thar cum Ephod Pontificio crudelitatem Doëgi fugiendo præ-
vertit.

David interea cūm nuspian intra Saulis Regni fines tutus
esset, confugit ad Achis Gethæum in Palæstina Regem, séque Fugit ad Re-
iuaque ipsi militaria officia obtulit, sperans se hīc inter Philistæ gem Achis,
os ignotum latere posse. Verùm Aulici, qui sciebant Davidem inde in sp-
a Saule toto Regno requiri, paulatim suspicari cœperunt, an non luncam O.
recens in aulam atque militiam Regis admissus esset is ipse; e, 21, à v. 19,
mussitabantque hinc inde inter se: *Nunquid non iste est David*
Rex terra? quod cūm animadverteret David, stultitiam simu-
lavit, atque ita facile contemptus, atque à Rege dimissus fugit
in speluncam Odollam intra Israëlis fines sitam.

Ad ipsum Pa-
ter I^{es}ai cum
domo suā
alique con-
fugiunt.
c. 22.

c. 22.

Cognitā hac Davidis fortunā fratres timuēre, ne denique ira Regis se in totam domum ac familiam Isai effunderet. Quare cū certō nuntiō accepissent, fratrem latere in spelunca Odolla, cum Patre & Matre totāque familia se illuc transtulerunt. Sed & multi alii præsertim *in angustia constituti & oppressi erant alieno & amaro animo* sese Davidi adjunxerant, omnem cum eo fortunā aleam subituri, ita ut brevi quadringentos socios numeraret. David cū cerneret, se satis validā cinctum manu virorum fortium contra repentinōs inimicorum incursus, de parentibus senio jam confectis cum alia imbelli turba in tuto collocandis consilium inīst, ut hac sollicitudine liberatus cum suis liberiūs posset hāc illāc discurrere.

Clausis pa-
rentum ocu-
lis ē Moabiti-
de redit in
terram Juda.
c. 22.

c. 22.

Itaque profectus est trans Jordanem in Masphat Moabitum urbem, in qua pātitā Regis veniā cum suis veluti præsidariis consedit, brevique ducentis adhuc viris tum de Tribu Benjamin, tum de Juda ad ipsum confluentibūs auctus est. Interim moriuntur parentes, eorūmque oculos David clausit in medio fratrūm suorum. Justis utriusque perfolutis nomine DEI per Prophetam Gad jubetur in terram Juda redire; ventque cum fratribus ac sociis in saltum Hareth.

Urbem Cei-
lan liberat,
c. 23. & 22.
à v. 20.

Oppugnabant hoc tempore Philistæi oppidum Ceilan. Civis missis Legatis à Davide contribule auxilium petunt, quem recens in vicinum desertum cum suis venisse cognoverant. Consultus per Prophetam Gad Dominus Davidi responderet: *Vade & percuties Philisteos & Ceilam salvabis.* Illuc igitur festinavit cum suis, solutāque feliciter obsidione in urbem cum magna civium lātitia ac gratulatione victor receptus est. Communem lātitiam diluit proximæ tragœdiæ narratione Abiathar Sacerdos, qui hoc ipso tempore cum Ephod Pontificio ad David commune jam miserorum perfugium sese repererat; quem ut David consolaretur: *Mane, ajebat, mecum, ne timcas. Si quis quererit animam meam, queret & tuam.*

Saulem per-
sequenter
timens ab u-
no deserto
fugit in aliud
c. 23. v. 7.

Saul intereā suorum, maximē Jonathæ, erga se perfidiam in Gabaa non semel perstrinxerat, quod, ubi & quid ageret David, se celarent. Nunc vero certior factus ipsum esse in oppido Ceilan, lāetus, tradidit, inquit, *eum Deus in manus meas*; collectisque copiis ad opprimendum Davidem illuc properavit. David de Regis consilio à suis in aula amicis in tempore moni-
cus

tus per novum Pontificem DEum adivit sciréque petist, an ven-turus esset Saul? responditque Dominus, venturum. Deinde an cives ob metum, ne forte & ipsi simul perirent, tradituri essent ipsum in manus Saulis? iterum respondit, tradituos. Ni-hil ergo cunctandum ratus, Ceilâ relicta, cum suis sexcentis in desertum Ziph se recepit. Verum à Ziphæis, ut Regis gratiam inirent, proditus fugere inde debuit in aliud desertum Maon. Sed & h̄c parūm absuit, quin in manus Regis incideret; Saul enim fugientis restigia premens montem, in cuius altero latere David se turum credebat, totum milite cinxit, ut vel atroci pugnā perrumpere aut se dedere cogeretur. At Dominus periculum discussit; acceptō enim nuntiō, Philistæos in Regnum sese magnō numerō infusisse, recessit. David verò periculo ereptus ascendit in loca tutissima Engaddi, prærupta nimirūm & inaccessa.

At Saul etiam huc, postquam inopinatō superveniens dispersos & in prædam effusos Philistæos repressit, cum tribus millibus delectorum virorum penetravit, magno quidem suō periculō. Erat in iis locis Engaddi ingens spelunca propè viam. In hanc, cùm Saul appropinquaret, sese David cum suis insp̄ante DEO receperat. Transeunte milite Rex ventris necessitate adactus secedit in os speluncæ. H̄ic socii in tenebris Davidem certatim urgent, ne, quem Dominus in manus tradidisset, elabi sineret inimicum. At ipse cautè accedens contentus fuit oram clamydīs præscindere, continuitque socios etiam, ne consurgerent in Saul. Rex quanto expositus fuisset periculo ignarus, cœpto itinere pergit, cùmque aliquousque processisset, David speluncā egressus clamarvit post tergum Saul: quem persequeris Rex Israël? quare audis verbā hominum loquentium: David quarit malum adversum te? vide & cognosce oram clamydīs tua in manu mea. Ad has voces Saul ad clamydem & ad clamantem respiciens cum insigni animi motu dixit: Nunquid vox hec tua est fili mi David? justior tu es quam ego, tu enim tribuisti mihi bona, ego autem reddidi tibi mala. Et nunc quia scio quod fortissime regnaturus sis, jura mihi in Domino, ne de-leas semen meum post me. Et juravit David Saul. Redintegrità hunc in modum amicitiā, Saul reversus est in Gabaa domum suam. David autem & viri ejus ascenderunt in tutiora

Sauli, dum
eum in mani-
bus habet,
parcit. c. 24.

loca; itotes enim gratiam Saulis tam inconstanter expertus, noluit se illi permittere.

Samuel moritur.
c. 25 v. 1.

David iratus
Nabali ab
Abigaele mitigatur.
c. 25.

Dum ista Saulen inter & Davidem geruntur, mortuus est Samuel, & congregatus est universus Israël, & planixerunt eum, & sepelierunt eum in domo sua in Ramatha.

David ex locis Engaddi descenderat in desertum Pharan, quā se in terram Juda porrigit. Hic cūm necessariis vitæ subsidiis careret, misit decem Juvenes ad Nabal hominem in illis partibus potentem & opulentum cum precibus, ut in suos contribuiles aliquā annonā esset liberalis, gratisque quōd alias rapto vivere assueti nihil haec tenus de gregibus ipsius abstulissent, & aliquo jam tempore pastoribus ipsius pro muro fuissent contra latrocinantium Arabum excursiones. Verū ab homine duro nonnisi contumeliosam responsum reportarunt. Igitur David iusta irā commotus quadringentos armatos contra Nabal & familiam ejus educit. Certam cladem Abigail uxor Nabalis antevertit, atque Davidi cum asinis munera portantibus occurrēns mitissima oratione iratum non modò placavit, sed Davidem ita sibi conciliavit, ut paulo post mortuo Nabale, eam post Achinoam & Michol in tertiam conjugem acciperet.

Iterum parcit
Sauli se per-
sequenti.
c. 26.

Interim Saul ad ingenium rediit, ac Davidem, secundō jam à Ziphæis proditum, ad necem rursus quæsivit in colle Hachila dicto. Hic dum Saul cum tribus suorum millibus pernoctat, David, qui superiorem collis partem occupaverat, audaci facinore, solo Abisai suo ex fratre nepote assumpto, descendit in castra, & invenit Saul jacentem & dormientem in tentorio, & hastam fixam in terra ad caput ejus, Abner autem Principem & populum dormientem in circuitu. Lætus Abisai Davidi in aurem insuffrat: *Conclusit Deus inimicum tuum hodie in manus tuas. Nunc ergo perfodiam cum lancea in terra semel, & secundō opus non erit.* At David: vivit, inquit, Dominus, quia nisi Dominus percusserit eum, aut in prælium descendens perierit, propitius sit mihi Dominus, ne extendam manum meam in Christum Domini. Ut tamen Rex, quem persequeretur, rursus videret, dixit ad Abisai: Tolle hastam, que est ad caput ejus & scyphum aque, & abeamus. Cumque transisset David ex adverso, & stetisset in vertice montis de longe, & esset grande intervallum inter eos, clamavit ad populum & ad Abner Principem militiae.

Vide.

Vide, inquit, ubi sit hasta Regis, & ubi sit scyphus aquæ? clamore excitatus ipse quoque Saul: Nunquid, ait, hac vox tua fili mi David? Et David: Vox mea Domine mi Rex. Exprobravit deinde Sauli, quod ab inimicis hominibus se incitari contra fidem servum pateretur, & Saul commotus animo, peccavi, inquit, revertere fili mi David.

At David neque nunc inconstantiae toties expertæ fidendum esse ratus, statuit totô Saulis Regnō excedere, consulto que per Abiathar Dominō ad Achis Regem Gethæum confugit, apud quem jam ante sexennium ementito habitu hospitaverat. Hujus bona viâ cum sexcentis viris horumque familiis habitavit primò in ipsa urbe Regiâ, deinde in oppido Siceleg. Unde cum expedita suorum manu prædas deinceps egit de Amalæticis aliisque populis versus Ægyptum habitantibus; quod cum innotuisset Sauli, Davidem fugisse in terram Philistæorum, non addidit ultra querere eum.

Dimisso itaque exercitu fortissimi quique Duces ac milites ex variis Tribubus transflugerunt ad David in Siceleg. & de Tribu Benjamin quidem egregii pugnatores tendentes arcum, & utrâque manu fundis faxa jacientes & dirigentes sagittas. De Tribu Gad quoque viri robultissimi & pugnatores optimi tenebentes clypeum & hastam vultu quasi leones, & veloces quasi cæpre in montibus; quos cum David animadvertunt pacifice venire, suscepit eos.

Interim Philisthæi bellum contra Israëlitas decernunt, contractisque copiis castra metantur prope montes Gelboë in Tribu Isachar sitos. Quò Saul quoque congregavit universum Israël. David cum suis erat in castris Philistæorum à Rege Achis invitatus, quod cum viderent reliqui Principes, dixerunt ad Achis: quid volunt sibi Hebrai isti? revertatur vir iste. Rex facile intelligens Davidem ipsis esse suspectum, ait ad ipsum: Satrapis non places hortatusque est, ut cum suis recedat. Qui Regi libenter obtemperans, & divinæ providentiae circa se subisque gratias agens, ne in gentem suam perfidus esse cogeretur, altero die summo manè castris excessit. Saul vero è superiore loco montis Gelboë castra hostium contemplatus timuit & expavuit cor ejus nimis; multumque super eventu belli sollicitus expijs Dominum consuluit, at responsum non accepit. Adiit igitur

Iterum fugit
ad Regem
Achis. c. 27.

Augetur nu-
mero virorū
fortium.

1. Par. 12. 2.
v. 1. ad 19.

Saul bello ap-
petitur & Py-
tonissam
consulit.

1. Reg. 21.

mutato habitu Pythonisiam, seu mulierem maleficam haud procul à castris in oppido Endor habitantem, ut ejus operā à defuncto Samuele disceret, quis futurus esset belli exitus. Pythonissa per consueta carmina dæmonem aliquem sub specie Samuelis evocare quidem conata est; at divina virtute atque imperio ipsius Samuelis anima assumpto ex aere corpore, atque pallio apparens: *Quare, inquit inquietasti me ut suscitarer? dabit Dominus Israëlite in manus Philistium: cras autem tu & filii tui cum eritis.*

Tristi responsū penè examinatus Saul cecidit porrectus in terram. Ubi verò post ad se rediit & cibō vires refecit, nocte cum duobus sociis suis regressus est in castra. Postero die pugnam amplius detrectare non potuit irruentibus undique magnā vi hostibüs. Cæsi sunt igitur magnō numerō Israëlitæ tum in loco prælli, tum in fuga, atque inter hos etiam regii filii Abinadab, Melchisua, & Jonathas. Sauldum in fuga non uno sagitte vulnere saucius videt, actum esse de se, de filiis, de regno, in summam rerum omnium desperationem adductus conversusque ad suum armigerum: *Evagina, inquit, gladium tuum & percute me, ne forte veniant incircumcisæ isti & interficiant me illudentes mihi. Quodcum summa in Regiam Personam reverentiæ detrectaret armiger, ipse met arripuit gladium & irruit super eum; eoque vulnere interiit.*

Interim Amalecitæ urbem Siceleg absente Davide non solum spoliarunt, abductis etiam Hebræorum uxoribus liberisque, David prædones Amalecitas cædit. sed insuper incendio fœde deformarunt. Quod ubi è castris Philistæorum reversus vidit, quantâ potuit celeritate prædones secutus, ad torrentem Besor pervenit. Hic relictis ad sarcinas ducentis quadringentos magis expeditos atque alacres elegit, quibuscum duce itineris Ægyptio prædones asssecutus est ipso tempore, quo discubebant super faciem terra ad cœnandum festumque diem celebrandum. Irruit igitur cum cohorte sua, & percosserit eos à vespere usque ad vesperam alterius diei. Et non evasit ex eis quisquam nisi quadringenti viri adolescentes, qui ab ipso cædis inicio ascenderant camelos, & fugerant. Refectis deinde viribus, receptaque omni præda, liberis uxoribusque, inter quas etiam erat Achinoa & Abigail uxores Davidis, redierunt ad torrentem Besor. Hic putabant quidam prædam di-
viden-

Cæso exercitu & filiis ipse proprio gladio interit.
1. Reg. c. 31.
2. Paral. c. 10.

videndam solum inter eos, qui cum hoste confixerant. At David: *Non sic facietis, inquit, fratres mei: aqua enim pars erit descendenti ad prælium & remanentis ad sarcinas.* Id quod deinceps vim legis obtinuit.

Ad oppidum Siceleg cum suis regressus tertio post die nuntium accepit de infelici Israëlitarum in monte Gelboë prælio; auditaque rerum gestarum serie vestimenta sua scidit, omnesque viri qui erant cum eo, & planxerunt & fleverunt & ieronauerunt usque ad vesperam super Saul & Jonathan filium eius & super populum Domini. David insuper ad cohonestandum Saulis & Jonathæ funus lugubre illud carmen edidit: *Considera Israël: in quo dolorem suum nunc ad Saulem convertit canens: Montes Gelboë necros nec pluvia veniant super vos, quia ibi abjectus est clypeus Saul, quasi non esset unctus oleo.* Nunc ad Jo. nathan: *Doleo super te frater mi Jonatha decore nimis & amabilis. Sicut Mater unicum amat filium suum, ita ego te diligebam.* Nunc ad omnes saepius illud repetens: *quomodo ceciderunt fortis?* Interea à tanta clade dispersi huc illuc Israëlitæ præfertim ex Tribu Manassis per singulos dies turmatim veniebant fugitiivi ad David, usque dum fieret grandis numerus quasi exercitus Dei. 1. Par. 12. à v 14, ad 23.

David, Rex Juda.

Lugendi officiō perfunctus, jubente per Pontificem Domino, cum suis è Philistæorum terra venit in Hebron, ubi à Tribu Juda in Regem electus inungitur; cæteris undecim Tribubus, adhinc Abnere militiæ Principe, Saulis superstitione Isbostho adhærentibus. Contra quem, ut Regnum stabiliret, milites in duodecim turmas distribuit, singulisque suis Præfectos dedit, omnibus vero Joabum suum ex sorore Nepotem militiæ Principem præfecit. Idoneos quoque viros assumpsit, qui sibi à consiliis essent; inter quos Jonathan, Achitophel, Chusai, & Jojada eminebant. Non diu post bellum exarsit. Joab Judæos, Abner Israëlitas ducebat. Post acre prælium fugatus est Abner cum suis, quem dum Asaël Joabi Frater, & quartæ turmæ Præfectus ferventius persecutur, ab illo aversa hastâ confossus interist, summo Joabi dolore.

*Luget Saulem
& Jonacham.
2. Reg. 1.*

*Ab An. 2928.
David Rex
Juda Abne-
rem Israelita-
cum Ducem
vincit.
2. Reg. 2.*

Irrita-

Irritatis primo bello animis saepius deinceps ventum est ad manus, stante semper penes Davidicos victoria, donec Abner rem a Joabo occidit.

2. Reg. 3.

Luget Abner defectionem ad Davidem pararet. Abusus fuerat muliere, quae ante a era concubina Saulis. Ob id reprehensus a Rege rem tam iniquè tulit, ut totum Israëlis Regnum in Davidem transferre statueret. Itaque per Legatos primò cum Davide egit; deinde re cum Senioribus jam alias in Davidem pronis communicata, ipse sub specie Micholis, quod Rex petierat, adducenda venit in Hebron. Exceptus est cum magna benevolentia significazione, quod & dilectam sibi uxorem post tot separationis annos redderet, & undecim Tribuum pacificam subjectionem deferret. Post habita de grandi negotio exequendo consilia discessurus: *Surgam, inquit, ut congregem ad te Dominum meum Regem omnem Israël.* Rem pene confectam Joab evertit fratrem cædis vindicandæ studio, fortassis etiam metu, ne se in ordinem redacto Abner fieret militia Princeps; nam cum urbe jam egressus esset Abner, misit, qui eum revocaret, fingensque se nomine Regis ipsum remotis arbitris alloqui velle, sub ipsa civitatis porta occidit. Rex ægerrime quidem tulit facinus, non tamen è publica re esse putavit tunc in reum supplicio animadvertere. Cum funus efficeretur, ipse Rex David sequatur feretrum, & flevit super tumulum Abner.

Isbosethi in-
tersectores
punit.

a. Reg. 4.

Ab hac cæde secutam totius Israëlis perturbationem mox alia longè major exceptit. Duo regiæ cohortis Præfecti Rechab, & Baana Isbosethum in lectulo suo dormientem confoderunt, caputque truncatum in Hebron attulerunt, gratiam, ut putabant, apud Davidem inituri. At Rex sicarios statim interfici ac præcisus manibus pedibusque in crucem agi jussit, Regis autem caput sepulchro Abneris condi, ut sic constaret, se nec hujus, nec illius cædis participem, neque eum esse, qui tyrannicis artibus sibi viam sterneret ad Regnum.

Fit Rex tertius Israëlis.
a. Reg. 5.
a. Par. 11.

Sublato Abnere & Isbosetho, cum undecim Tribus jam nihil amplius retinerent, missis in Hebron Legatis Davidi Regnum his verbis deferunt: *Ecce nos os tuum, & caro tua sumus. Sed & heri & nudius tertius cum esset Saul Rex super nos, tu eras educens, & reducens Israël.* Dixit quoque Dominus ad te: *Tu pasces populum meum Israël & tu eris Dux super Israëlem.* Itaque

que David cùm septem annis, & sex mensibus in sola Tribu Iuda regnasset, deinceps totius Israëlis Rex fuit.

David, Rex Israël.

Jerosolymam jam antea in Regni sedem destinaverat. Verùm inferior civitas habitabatur quidem à Judæis, superior verò in monte Sion cum arce munita à Jebusæis, qui indè à Josue in terram promissam ingressu nunquam ejici poterant. Nunc omnium Hebræorum Princeps ut arcem quasi jugum totius populi DEI cervicibus impositum tandem dejiceret, exercitum admonivit; ac primò quidem hostes ad deditiōnēm invitavit: deinde verò, cùm æquas conditiones non tam rejicerent, quām ridecent, acri ac longa oppugnatione tandem Joabd primò in muros clivante vi cepit, omnibus, qui in arce erant, sine discrimine interfectis. Inde perpurgato ab Idolorum etiam sordibus monte locum in propriam habitationem delegit, ac in perpetuum victoriæ monimentum civitatem David appellavit, utque semper validum haberet contra hostes præsidium, murum opere firmissimum per montem Sion circumduxit, arcemque amplissimam, ac in ea regium palatium excitavit.

Interim Philistæi veriti, ne stabilito Regno Davidis potentia demum opprimerentur, statim in aditu Regni bellum eidem movere decernunt. Quo auditio David divino afflatus Spiritu eximium illum psalmum: *Quare fremuerunt gentes &c.* cecinit, consultoque per Pontificem Domino, audivit: *Ascende, quia tradens tradam Philistium in manu tua.* Igitur in aciem progressus hostes in valle Raphaim profligavit, & in fugam egit, à qua cùm se collegissent, ac rursum pugnam redintegrassent, alterò quoque eos præliò vicit; qua occasione tres viri fortissimi aquam ex cisterna Bethlehem, cui Rex à puero assueverat, & nunc siti astuans ejus desiderio ardebat, per interjecta hostium castra attulerunt; quam tamen tantò virorum periculò emptam postea noluit bibere, sed libavit eam Domino.

Porro tres illi fortissimi erant Jesbaam, Eleasar & Semma. Et primus quidem præter alia fortitudinis exempla occidit so- us trecentos; alias octingentos interfecit impetu uno. Eleasar cum Jerbaam fugientibus coeteris contra Philistæos defendit

Sacra Veterum Temp. Histor.

Q

agrum

Ab An. 2930.
Arcoem Sion
capiet, & in
Regni sedem
deligit Jero-
solymam.

2. Reg. 5. à v.
6.

1. Par. 11.
à v. 4.

Philistæos ge-
minâ elade-
vincit, 1. Reg.
5. à v. 17.
1. Par. 11. à v.
10.

Habuit eires
se vires for-
tes, 2. Reg.
23. &
1. Par. 6. 11.

agrum plenum hordeo, eosque prælio vicit percussione. Semper pariter contra eosdem tutatas est solus agrum lente plenum, iisque percussis dedit Dominus salutem magnam. Post hos habebat David triginta alios robore insignes; inter quos eminabant tres, prioribus illis tribus tamen haud pares, Abisai scilicet Banaias, & verosimiliter Joab, qui, quod primus ascendisset Jerosolymæ in murum Arcis, factus est Princeps suaque virtute evectus est. Abisai frater Joabi tunc potissimum virtutem suam ostendit, quando levavit hastam contra trecentos, quos interfecit. Banaias vero, quando duos leones Moabiticos, aliis ferociores, ac tertium in ipsa fœvea tempore hyemali interfecit. Item quando Aegyptio quinque cubitos alto hastam eripuit, eumque occidit. Inter triginta reliquos fuit quoque Afael frater Joabi ab Abnere in fuga aversa hastâ confossus, cursor velocissimus quasi unus de capreis, quæ morantur in sylvis. Inter eos fuit etiam Urias Hethæus, & Naharai armiger Joabi.

Deinde gemino prælio hostibus perfectisque interea in monte Sion, ac civitate David tam murorum, quam arcis ac Regiae ædificiis ad stabiliendam populi religionem animum, aurisque convertit. Itaque arcam Domini, qua hucusque per quadraginta novem ferè annos in colle Cariathiarum in domo Abinadab Sacerdotis servabatur, cum pompa in montem Sion translatus cum universa multitudine illuc venit. Arcæ super plastrum novum à Levitis imposita triginta millia electorum virorum præcessere. Post hos ibat Rex. Deinde sequebatur arca duobus filiis Abinadabi eam deducentibus, Ahia boves prædente, Oza subsequente cum multa turba reliquorum Sacerdotum & Levitarum. Demum reliquum vulgus omnis ætatis conditionis, & sexus inter variorum canticorum & instrumentorum sonos; nam *David & omnis Israël laudebant coram Domino*. Sanctam populi lætitiam tristis, casus interruptit. Calicitrârunt per viam boves, cumque Oza nutantem ad casum arcam sustinuisse, divinitus percussus ante arcam exanimis concidit; quo suppicio David ita territus est, ut nolleat eam ulterius in montem Sion deferri, sed deponi juberet in suburbio Jerosolymæ in domo cuiusdam Levitæ Obededon nomine. Ubi vero comperit, quod benedixisset Dominus Obededon, & omnia ejus propter arcam DEI, eam post tres menses inde repetit,

&

Arcam trans-
fert in mon-
tem Sion. 2.
Reg. 6.
1. Par. 13. &
15.

& transtulit in civitatem David, collocavitque in ampla area palatio regio vicina, ubi ei tetenderat tabernaculum simile Moysaco, quod adhuc erat Gabaone. Porro translata fuit cum maxima celebritate, convocato rursus universo populo. Levitæ distributi erant in septem choros, quorum tres antecedebant arcam, quatuor sequebantur, & variis omnes musicis instrumentis, vocibusque DEI Laudes concinebant. Quatuor Sacerdotes arcam portantes post sextum quemque passum super preparatam mensam aulæ instramatam eam imponebant; unoque bove, atque ariete immolato Sacrificium faciebant in altari, quod hunc in usum circumferebatur. Rex ipse depositis regius vestibus stolâ byssinâ instar Levitæ indutus saltabat *totis viribus ante arcam*. Qua in parato tabernaculo, seu domo Domini deposita, obtulit David rursum holocausta, & pacifica coram Domino; de quibus cùm universæ multitudini liberale epulum dedit, populum dimisit. Ipse vero Regiam ingressus ab uxore Michol irrisus est & petulanter increpitus. *Quam, ajebat, glriosus fuit hodie Rex Israël discooperiens se ante ancillas servorum suorum, & nudatus est, quasi si nudetur unus de scuris.* At mulieris maledicentiam, fastumque egregiè repressit, dicens: *Ludam ante Dominum, qui elegit me potius quam Patrem tuum, & quam omnem domum ejus.* Deus autem adhuc gravius propterea videtur eam castigasse; ibi enim addit Scriptura: *Igitur Michol filia Saul non est natus filius usque in diem mortis sua.*

Religiosissimo Principi haud satis erat hunc arca Domini honorem habuisse. Secum enim reputans indignum, ut cùm ipse in domo cedrina, arca autem in domo viatoria pellibus solùm tecta habitaret, consilium cepit exstruendi magnificum templum, idque Prophetæ Nathan aperuit. At Dominus per hunc Davidi renuntiari jussit, negotium istud filio, qui ipsi nasciturus esset, relinquaret, alias variis adhuc bellis multùm occupandus. Igitur saltem necessarios ad templum sumptus, atque materiam, belli etiam tempore, deinceps præparavit, locumque, in quo excitaretur, ac formam à DEO ipsi dictatam designavit. *1. Par. 28. v. 19.* Nec diu post prædictum oraculum multis eum bellis Deus exercuit, ut circumpositos populos suæ ditioni subjiceret, & ex victoriarum manubiis, atque hostili præda Templi sumptus paulatim præpararet.

Q 2

Primò

Cogitat Tem-
plum DEO
extruere, in
quo ponere-
tur arca.

2. Reg. 7.
1. Par. 17.

Cum variis
hostibus feliciter pugnat.
2. Reg. 8. 1.
Par. 18.

Rempubli-
cam ordinat.
2. Reg. 8. à
v. 15.
1. Par. 12. à v.
14.

Ignominiam
Legatis suis
illatam bello
ulciscitur.
2. Reg. 10.
1. Par. 19.

Primo pugnatum est contra Philistæos, vi etisque annum tributum impositum. Inde transmissio Jordane in Moabitas bellum traduxit, quibus maxima parte concisis reliquos tributarios reddidit; non minore postea felicitate contra Syros rem gessit. Primum enim Syros Soba versus Euphratem moventes, deinde etiam Syros Damasci prioribus in auxilium venientes ingenti clade affecit, ususque victoriâ totam Syriam Damasci occupavit, & posuit in ea præsidia, factaque est Syria Davidi serviens sub tributo. Denum confecto feliciter etiam hoc bello Jerosolymam reversus est cum magna copia auri, argenti, & æris, quæ omnia in usum destinati Templi conseceravit. Natum quidem postea est etiam cum Idumæis bellum; ait istud solus Abisai Joabi frater confecit, occisis octodecim millibus, & militaris præsidio Idumæi imposito. Cum vero deinde illum iugi impatientes interemisset, ipse Joab cum exercitu missus Idumæos sex mensium spatio ita attrivit, ut omne masculinum deleret usque ad duodecim millia.

Reddita pace Rempublicam ordinavit idoneis ad hoc ministris usus, quorum præcipui tunc erant Joab militiae Princeps, Josaphat à commentariis, Saraias à secretis. Banaias Dux prærat duabus cohortibus, quibus regii corporis custodia commis- sa erat. Filii Davidis erant aulae Principes, inter quos Ammon Primogenitus ex Achinoa, Cheleabus ex Abigaële, Abilon ex Maaha, Adonias ex Haggith uxoribus Hebronem nati. Sacris præfuit apud Regem in domo Domini in Sion Summus Pontifex Abiathar. Sadoc Gabaone apud tabernaculum Mosaicum. 2. Reg. 9. Miphiboseth quoque filium Jonathæ intimi sui, dum viveret, amici superstitem in aulam vocavit, regioque convictu, ac familiaritate honoravit. At brevi iterum ad arma coactus est.

Nas Ammonitarum Rex Davidi fôdere, & amicitia ha-
ctenus conjunctus fuerat. Eo mortuo ad Filium Regni uice-
forem Legatos misit, qui eum consolarentur, simûisque suam ipsi
quoque amicitiam offerrent. Legatio hæc gravissimo bello oc-
casione præbuit. Juvenis Princeps ab Aulae Proceribus per-
veritus, Legatos veluti exploratores ignominiose pœnæ subjecit.
Tulit enim Legatos David, rasitque dimidiâ partem barbe eo-
rum, & præscidit uestes eorum medias usque ad nates, & dimi-
fit

sit eos. Quo per nuntios præmissos cognito jussit David redeuntes in Jericho subsistere, donec barba rursus cresceret. Erant enim *Viri confusi turpiter valde*. Ammonitæ cùm non dubitarent Davidem injuriam ulturum, ingentes Syrorum copias auxiliares mercede conducunt. Joab itaque cum exercitu missus partem copiarum commisit Fratri suo Abisai adversus Ammonitas. Ipse verò aciem instruxit contra Syros. Et isti, & illi vici sunt, fugatique. Víctores autem reversi sunt Jerosolymam in hyberna. Sequenti anno Syri agentibus Ammonitis majores adhuc copias in aciem educunt. Ergò ipse David contraxit universum quoque Iraëlem, transmissoque Jordane movit in hostem. Post acrem pugnam Syri cum militiæ Principe cæsi sunt ingenti numero; reliqui fugerunt, nec potuerunt amplius, aut voluerunt auxilio venire Ammonitis. David verò reduxit suos domum appetente jam hyeme.

Ammonitæ licet altero prælio cum Syris vici necdum tamen satis poenas violati juris gentium Davidi videbantur dedisse. Itaque post annum tempore, quo solent Reges ad bella procedere, Joabum rursus misit cum exercitu ad obsidem regiam Ammonitarum urbem Rabbath. David remanserat Jerosolymis magno suo malo. Quodam die post meridiem deambulans in solario, seu supra tectum domus regiæ, vidensque haud procul lavantem se egregia specie fæminam jussit famulum perquirere, quænam illa esset. Audiens esse Betsabeam Uriæ Belli-ducis uxorem, per eundem cupiditate jam vicitus accersivit in Regiam. Reversa in suam domum Regi, se planè concepisse, clām significavit. Rex sollicitus de occultando crimine Uriam è castris advocat, ut cognita conjugi suum esse crederet, quod erat alienum. At iste nulla Regis arte adduci potuit, ut dominum suam accederet, indecorum arbitratus, ut cùm arca DEI, Joab, cæterique Duces essent in castris sub papilionibus, ipse domi suæ voluptati indulgeret. Remissus est igitur in castra, at cum litteris ad Joabum, quibus jubebatur Uriam maximis quibusque in obsidione periculis exponere. Res Davidi cessit è voto, & imperfecto ab hostibus Uriā Betsabeam, jam viro solutam, uxorem duxit.

Fluxere aliquot menses, nec tamen Dominus vel offensio-
nis, vel David pœnitentia signum ostendit, donec natus est ex

Q 3

adul-

Occiso Uriā
Betsabeam
uxorem du-
xit.

2. Reg. 11.
1. Par. 20.

Agit pœni-
tentiam.
2. Reg. 12.

adulterio filius. Tunc enim missus à Domino Nathan ad Regem ingressus præmissa plena prudentiæ oratione imminentes peccati pœnas, ac ipsam etiam recens natì infantis mortem ei denuntiavit, ad quæ demum ingemuit ex animo David, dixique: *Peccavi Domino.* Mox jejunavit jejunio, & ingressus seorsim jacuit super terram, d: precatusque est Dominum pro parvulo. Verùm Dominus transtulit quidem peccatum, puer tamen die septima mortuus est. Interea Joab longa jam atque acri obsidione Ammonitarum vires ita fregerat, ut urbis expugnatio certa jam ac propinqua esset. Monuit itaque, atque evocavir Regem, ut captæ regiæ urbis gloriam ipse haberet. Venit Rex, captiisque urbe, ac gente Ammonitarum vario mortis genere excisa ferè omni, cum diademate Regis pretiosissimo, multaque alia præda exercitum Jerosolymam reduxit.

Paulò post natus est Davidi ex Betsabea alias filius Salomon magno Parentis gaudio, quod revelatione divina jam ante cogovisset, hunc sibi fore Regni Successorem. Simil autem ab hoc tempore gravissimus domi casibus optimus Rex afflicti cœpit. Ammon suam ex Patre quidem, Absalonis autem etiam ex Matre, sororem ita deperire cœpit, ut simulato morbo eam, dum cibum pararet, ac decumbenti afferret, oppresserit, ac deinde exosam à se ejecerit cum summa indignatione ac tristitia regiæ familie, præferrim Absalonis, rem tamen dissimulantis, & in occasionem vindictæ imminentis. Hæc post duos ferè annos sese obtulit. Tempore tondendarum ovium cum bona Regis venia fratres suos invitaverat in villam suam juxta oppidum Ephraim. In medio convivio cùm Ammon viño jam temulentus esset, signo ab Absalone dato à famulis, ad hoc anteā instructis, interficitur. Conturbata mensa reliqui filii Regis trepidè consendunt mulas suas Jerosolymam properantes. Absalon autem fugit ad Regem Geffur Syriæ; unde nonnisi post trium annorum exilium operâ Joabi reverti Jerosolymam permisus est, neandum tamen sub aspectum iratus adhuc Patris venire, donec post duorum iterum annorum lapsum à Joabo plenè conciliatus etiam in gratiam recepit, osculatusque est Rex Absalon.

At non multò post ingratisimum filium ambitiosa regnandi libido ad immanius adhuc facinus concitavit dejiciendi & sollio

Audit, Absalonem filium

Regem in Hebron
acclamatum.
2. Reg. 15.

Ilo Patrem, ad quod exequendum usus consilio Achitophelis, quem sciebat inde à polluta adulterio Betsabea Nepte sua, aversus in Davidem ani mō, studuit subditorum animos à Rege alienare tanquam negotia publica negligente; sibi verò eisdem conciliare; quem in finem quotidie bene manē consurgens stābat juxta introitum portæ regiæ (ad quam scilicet judicia exerceri solebant) & omnem virum, qui habebat negotium, vocabat ad se, dicebatque: *Non est, qui te audiat, constitutus à Rege. Quis me constituat Judicem super terram? atque ita sollicitabat corda virorum Israëli.* Quæ edilius ad se trahebat, quod esset decorus nimis: à vestigio pedis usque ad verticem non erat in eo ulla macula. Atque his arcibus certus jam de populi erga se studiis adivit Regem, &c: *Vadam, inquit, & reddam vota mea, quæ vovi Domino in Hebron, religionis pallio usus ad invadendam tyrannidem.* Illuc igitur cum magno comitatu profectus confluentibus undique populis Rex acclamatatur.

Accepto de rebellione nuntio non dubitans David, quin Absalon mox Jerosolymam ad se opprimendum advolaret, maluit fugam eligere, quam populum, qui secum erat, imparatum armato opponere. Relictis igitur in arce sotū decem concubinis inter Stipatores, & corporis sui Custodes nudis pedibus egressus transito Torrente montem olivarum ascendit; ubi opportunè aliunde veniens scissa ob fortunam Regis veste Chulai fidus in paucis minister occurrit, cui divino prorsus consilio in mandatis dedit, ut Hebronem properaret, sèque in gratiam Ablalonis veluti transfuga insinuaret ad dissipanda Achitophelis consilia; id quod egregiè præstítit. David verò progressus attigit oppidum Bahurim inter gravissima convitia ac maledicta, quibus fugitivum vir quidam potens de cognatione Saulis Semei nomine invasit.

Interim Absalon cum exercitu Jerosolymam atque arcem Sion ingressus consilio Achitophelis concubinas Patris sui pollluit coram universo Israël; ut sic populus sciens Patrem inexpiabili hoc scelere violatum desperata reconciliatione firimiùs Absaloni adhæreret. Idem deinde suasit celeritate utendum, petiitque, ut se cum duodecim millibus sine mora mitteret ad Davidem ea adhuc nocte opprimendum, dum à fuga lassus, viribus-

Fugit Jeroso-
lymā.
2. [Reg. 15.]
à v. 13. &
2. Reg. 16.

Absalon Je-
rosolymam
intrat. David
trans Jordā-
nem fugit.
2. Reg. 16.
à v. 15. &
2. Reg. 17.

ribusque destitutus est; prudenti utique atque ad perdendum Regem aptissimo consilio, quod tamen DEus opera Chusai disturbavit. Ille enim sententiam rogatus non probavit consilium Achitophelis, fortiores cum Davide esse viros, quam qui à paucitate duodecim millium opprimantur, putavitque Jerosolymis expectandum, donec auctus pluribus copiis Absalon Davidem multitudine obrueret, & majori gloria, & certa victoria; atque hoc consilium prævaluit. Latus Chusai rem Abiathari & Sadoco, qui erant Jerosolymis, mox indicat. Atque hi quisque suum filium occulte ad Davidem mittunt, hortantes, qui posset celeritate Jordanem transire, siveque resque suas in tuto collocaret. Igitur ea adhuc nocte Rex transmisso flumine ex altera parte caltra posuit. Achitophel vero (cujus consilium alias, quod dabat in diebus illis, erat quasi si quis consuleret Deum, & cùm esset cum David, & cùm esset cum Absalom) rejectum nunc esse vehementer dolens, certusque superiorem fore Davidem, sibi que eo rerum potiente misere pereundum, Jerosolyma excessit, domique suæ laqueo sibimet vitam eripuit.

Absalon auditò Davidem esse trans Jordanem, constitutò prius militiae Principe Amasa transivit & ipse, David educere exercitum ipse volebat, at non est permisus à populo. Mansit igitur in urbe Manahim, stansque juxta portam, per quam adversus hostem egrediebatur exercitus, animavit ad fortiter dimidicandum militem, iteratò præcipuis Ducibus Joab, Abisai, & Ethai audiente omni populo præcipiens: *Servate mihi puerum Absalon.* Initio in saltu Ephraim prælio casus est populus Israël ab exercitu David, factaque est in die illa plaga magna vingtii millium, que in acie ceciderunt, multaque adhuc millia in fuga per saltum consumpta sunt. In quo dum ipse etiam Absalon mulo insidens concitus fertur, subter condensam querum & magnam, adhaesit caput ejus querui, & illo suspenso inter cœlum & terram, mulus, cui infederat, pertransivit, cumque nemo alias ei manus inferre auderet, ipse Joab advolans neglecto Regis imperio tribus lanceis pendentem confudit. Dato deinde receptui signo milites de queru sublatum projecerunt in foveam grandem, & comportarunt super cum acervum lapidum magnum nimis.

Nud-

David vincit
Absalonem,
huncque Joab
occidit.
z. Reg. 17.
à v. 24. &
z. Reg. 18.

Nuntios de victoria latus Rex accepit sedens inter duas portas urbis Manahim. At intellecta mox etiam cæde filii tantum tristitia Patrem obruit, ut inter flatus ejulatúsque cænaculum portæ ascendens hominum conspectum fugeret, multisque adventans cum exercitu Joab gravibusque verbis opus habuit, ut dissimulata tantisper filii morte populo de victoria exultanti spectandum daret. Rursus itaque descendit ad portam, Legatosque Tribuum veniam petentes, sèque Regi de novo submitentes admisit recepto quoque in gratiam Amasa, qui apud Absalonem Princeps militiæ fuerat.

Luget filium.
2. Reg. 18.
à v. 21. &
2. Reg. 19.

Sic conjuncti a morte Absalonis omnium Tribuum inter se, & cum Rege animi brevi iterum divisi sunt seditionis hominis perditi vocibus. Cum Rex Ierosolymam reverturus Jordanem transiret, populus de Tribu Juda undique affluens solus Regem cum suis traduxerat. Ubi appulsum est in Galgala, ad sunt decem reliquæ Tribus, atque expostulant cum Tribu Juda quod ad hunc deducendi Regis honorem vocati non essent; cùmque Judæi illis durius respondissent, Princeps de Tribu Benjamin Seba nomine buccinâ cecinit, exclamavitque: *Non est nobis pars in David, neque hereditas in filio Israhel. Ad quas voces rursum separatus est omnis Israël à David, ac soli viri Juda adheserunt Regi suo à Jordane usque Hierosolymam.* Ubi Jerolymam ventum est, mox David mittit Amasam ad militem intratres dies undique cogendum, atque contra Sebam rebellem ducentum, ut priusquam vires hostium crescerent, bellum finiretur. Abisai autem statim jussit persequi Sebam cum prætorianis cohortibus, aliisque, quæ secum erant Hierosolymæ, sperrans, brevi fore, ut se illi Amasa cum summa imperio conjungeret. Joab videns se neglectu profectus est nihilominus cum fratre Abisai. Intra paucos dies ad Lapidem grandem, qui est in Gabaon, convenerunt copiæ. Amasa nihil mali suspicatus utrumque fratrem prior accedit; quem autem Joab inter haec verba, *Salve mi Frater*, pugione confossum in terram dejecit, ac rursus militiæ Princeps Sebam persequi perrexit, Davide hanc quamdam quasi tyrannidem Joabi ferre coacto, præsertim postquam hos motus brevi composuit; nam Seba defectionis auctore intra muros urbis Abela mulieris cuiusdam operâ occiso intestinis bellis impositus est finis.

Intestinis
bellis finem
imponit.
1. Reg. 19.
à v. 40. &
2. Reg. 20.

Sacra Veterum Temp. Histor.

R

At

Philistæos
quatuor præ-
liis vincit.
2. Reg. 21.

Jubet censeri
populum & à
Deo castiga-
tur.
2. Reg. 23. &
24.
1. Par. 21.
& 1. Par. 22.
à v. 1. ad 6.

At post paucos annos ad nova bella vel potius quatuor prælia à Philistæis revocatus est, quæ omnia Davidi feliciter quidem cesserunt: in primo tamen ipse perifisset, nisi accurrens Abigail fuisset præsidio, qui gigantem Jefsibenob Regi ferrō imminentem interfecit. Unde non passi sunt Regem amplius ad tria reliqua prælia descendere, ne, ut ajebant, *extingueret Lucernam Israël*. Animos suscitabant Philistæis Gigantes, qui tunc erant, antiquo illi Goliatho suppares. Qui autem à fortibus Davidis, & inter hos etiam Goliathi frater singulari certamine vici, atque è medio sublati sunt.

Cum deinde alcissima pace frueretur David, omne tempus in gratiarum actione, divinisque laudibus in Templi apparatus, in institutione Salomonis, quem in Regni hæredem informabat, magna cum animi voluptate transegit. Accidit forte ut cùm post tot gesta feliciter bella apud se recoleret facta suorum virorum fortium, subiret eus animum cogitatio universum bellicorum numerum in fastos suos redigendi. Quare Joabo, alisque Principibus Viris in mandatis dedit, ut populum bello idoneum cernerent; quod licet Joab dissuaderet, veritus, ne Deus eo facto offenderetur, persistit tamen Rex in sententia. Iraque profectus est Joab cum Principibus militum à facie Regis, ut numeraret populum à Dan usque Bersabée. Post novem menses ac viginti dies Jerosolymam reversus retulit Regi esse de Israël octingenta millia virorum fortium qui educerent gladium, de Juda quingenta millia Pugnatorum. Duplicuit Domino vanitas ista. Mox enim adfuit Gad Propheta, optionemque Davidi obtulit subeundæ pœnæ, aut triennalem famem, aut trimestre bellum, vel trium dierum pestem. Anxius Rex elegit denique gladium Domini seu pestem, quia melius esse putabat incidere in manus Domini, eo quod multæ miserations ejus quam in manus hominum. Igitur tridui spatio septuaginta millia virorum in Israël peste absumpta sunt, quæ ubi cessavit, memore Gad Propheta, ascendit David in montem vicinum Moria; in quo cùm à viro Jebusæo emisset aream, dedissertque siclos auri justissimi ponderis sexcentos, exstructo altari obtulit holocausta & pacifica Domino, simulque populo denuntiavit, hunc ipsum locum à DEO electum, in quo domus DEI ædificaretur.

2. Par. 2. v. 1. Pro qua quidem jam à longo tempore præpare

rare cœpit materiam, quæ temporis longinquitate nihil vitii caperet, ut aurum, argentum, æs, ferrum &c. nunc autem paravit etiam ligna, currus, variasque machinas, quibus columnæ, lapides, grandiaque onera advehentur, & in altum montem attolerentur.

Sub hoc quoque tempus David convenire jussit omnes Sacerdotes & Levitas, ut cum deinceps haud amplius in tabernaculo portatili, sed in templo stabili essent ministraturi, novum inter eos ordinem ac officia institueret. Erant tunc viginti quatuor familiae, sedecim ab Eleazaro, octo ab Ichamaro Aarons filiis profectæ. Igitur David omnes Sacerdotes, quorum aliquot millia erant, ductis sortibus in viginti quatuor classes distribuit, ac singulis classibus suas vices assignavit, quibus in Templo per annum ministrarent, factumque est, ut bis quotannis recurrerent singularum classium vices, quibus à Sabbato ad Sabbathum integrâ scilicet hebdomada deservirent in domo Domini; ac isti quidem ex eadem classe incensum, isti panes propositionis ponerent, illi sacrificarent, alii aio munere fungerentur. Singulis classibus Sacerdotes veluti capita præerant, qui & Principes Sacerdotum vocabantur. Supra omnes autem erat Summus Sacerdos sive Pontifex, dictus quandoque etiam Princeps Sacerdotum, scilicet omnium. Porro familiarum Principes viginti quatuor tunc erant Joarib, Jedias ceterique 1. Paral. 24. descripti. Inter quos octavus erat Abia, de qua vice fuit postea Zacharias *Luc. 1. v. 5.*

Pari modo Levitæ, quorum tunc à viginti annis & supra numerabantur triginta octo millia, distributi sunt; & Sacerdotum quidem ac Templi Ministri, qui propriè Levitæ vocabantur, in viginti quatuor classes, quarum quævis mille Leviras, & ex his unum reliquorum Principem habebat. Classum & Principum nomina referuntur 1. Paral. 24. Horum quoque officium fuit bis in anno à Sabbato ad Sabbathum mutatis vicibus Sacerdotibus in Ministerio assistere in vestibulis, in exedris, in loco purificationis, in Sanctuario & in universis operibus domus Domini.

Cantores, quorum fuere quatuor millia, in totidem classes divisi per dictas vices debebant canere in organis Domino, in tubis nempe, cymbalis, psalteriis seu lyris, & cytharis, voce au-

Ordinat Sa-
cerdotum in
futuro Tem-
plo Ministe-
ria.

1. Par. 24.

Uti & Levita
rum.
1. Par. 23.

Et Cantorum
1. Par. 25.

tem hymnos & carmina, quae David Rex fecerat, Asaph vero, Idithun & Heman in Musicam redegerant, horum trium filii viginti quatuor nominati sunt Cantorum Principes 1. Par. 25.

Janitorum erant pariter quatuor millia, & viginti quatuor Item Janito- classes. Officium erat per vices ad januas Templi excubare, the- rum. ſtauros Domus Domini custodiri, per gyrum Templi morari in 1. Par. 26. custodiis suis, ut, cum tempus fuſſerit, ipſi mane aperirent fores. Nomina viginti principum habet 1. Par. 26. Iſtorum porro Le- vitarum non fuit vile Ministerium, quod instar Praetorianorum militum ſeu potius Aulicorum excubarent in Palatio Regis Re- gum & Domini dominantium.

Demum ex reliquis Levitis ſexies mille Scribas ac Judices fecit, qui, ut putat Siganus lib. 5. de Republica Hebraeorum cap. 10. tum verba Legis legerent, tum, si opus eſſet, exponerent ac interpretarentur tanquam Legis periti & Doctores; atque adeo 1. Par. 23. v. 4. conſtituti ſunt ad opera forinſecus ſuper Iſraēl ad docendum & judicandum, uti habetur 1. Par. 26. v. 29.

Ordinat rem militarem. Rem militarem jam antea quidem ordinaverat David, & milites in duodecim turmas diſtribuerunt, quibus praefeffent duodecim Principes ex omnibus tribubus ſelecti; nunc autem ſtabilitate etiam numerum cuiusvis turmae, voluitque ut una eſſet viginti quatuor millium bellatorum. Ejusmodi turmae Princeps, Tibuni, Centuriones & Praefecti debebant cum ſuo milite uno roto mense apud Regem eſſe in armis ad quemcunque caſum parati: reliquias vero undecim mensibus, quibus alia & alia turma ſuccederet, poterant domes tica aut alia negotia curare. Quā certa ratione nec gravis cuiquam nec ſumptuosa eſſet militia, cum ſa- cile posſet quivis uno ſolū mense domo abeſſe, & ſub signis pro- priο ære degere. Simul autem Rex habebat recentem & ra- men veteranum militem viginti quatuor millium virorum, & ſi res poſceret, longè plurimum. Principes, qui praefe rant his turmis menſtruis, nominatim reſenſentur 1. 1. Par. 27. Porro totius militiae Princeps eſſat Joab.

Item rem Oe- Eodem capite reſeruntur tum Principes Tribuum, tum conomicam. praefipui Regis Miniftri, Jonathan ſcilicet vir prudens & literatus David Consiliarius: Japhiel, qui erat cum filiis Regis: Chulai amicus Regis, & post Achitophel Jojada Consiliarius Regis. Referuntur quoque Principes ſubſtantiae Regis David, qui eſſerant 1. Par. 27. v. 25. p. 2.

Præpositi super thesauros: super agricultores & opus rusticum: super vinearum cultores: super cellas vinarias: super oliveta & ficieta: super apothecas olei: super armenta: super boves: super camelos: super asinos: super oves.

Interim Salomon conscio sine dubio Patre uxorem duxit Naaman patria Amonitem eam utique lege, ut ad veri DEI fidem cultumque traduceretur; ex qua deinde suscepit filium Roboam Regni successorem. David vero præter alias senectutis infirmitates paulatim insolitus frigus sentire coepit adeo, ut Medicis puellam Abisag nomine venire curarent, quæ semper foveret, elque ministraret; & acquievit quidem David fervorum suorum voluntati, ita tamen ut peccandi periculum evitaret. Unde eam in omnem eventum uxorem duxit

Hac Parentis ægritudine vicinaque morte excitatus Adonias fecit sibi currus & equites, & quinquaginta viros, qui curserent ante eum; nec verò deerat ambitioni fundamentum; fratribus enim prioribus defunctis Regnum ipsi jure Primogeniturae deberi videbatur, eademque Joabol, Abiathari, aliisque viris primariis causa fuerit, cur partes Adonias sequerentur. At is, in cuius manu sunt omnia jura regnum, Salomonem elegerat in Regem, priusquam genitus esset; quod non diffitebatur Adonias, cum diceret: *Translatum est regnum & factum est fratris mei; à Domino enim constitutum est ei.* 3. Reg. 2. v. 15. Ingravecente Davidis infirmitate foras erupit ambitio, sequæ Adonias juxta fontem Ragel ab Abiathare Regem inungifecit inter faustas acclamantium voces tum in ipsa auguratione, tum in convivio mox secuto. Hac re audita Nathan protinus Betsabeam accessit, consiliumque dedit, illico Regem adiret, diceretque: *Nonne tu Domine mihi Rex jurasti mihi ancilla tua dicens: Salomon filius tuus regnabit post me; cur ergo nunc regnat Adonias?* quod cum illa faceret superveniens ex condicto Nathan verba Betsabeæ confirmat, planè ita esse, Adoniam quasi deturbato de solio Davide in mediis epulis Regem à seditionis, & violata Majestatis reis proclaimari. Miratus audaciam David Benaiæ Legionibus Phereti, & Coelesti sive prætorianis cohortibus Præposito mandat convocari statim robur exercitus, & imponi Salomonem super mulam regiam, deductumque ad fontem Gihon inungi à Sadoco, Nathane illi assistente, & sono bucinæ

Senescens
Abisag uxo-
rem dicit.
3. Reg. 1.

Salomonem
Regem pro-
clamari jubet
3. Reg. 1. à v.
5.

acclamari Regem; quæ uti fuerant imperata, ita ordine perfecta sunt omnia, priusquam id Adonias rescriret, qui cum suis adhuc convivabatur in hortis regiis. Unctum oleo rursus in urbem reducunt latris vocibus: *Vivat Rex Salomon*, atque in paterno solio collocant, uti jusserat David. Qui cum filium abdicato jam Regno è lectulo suo videret, ait: *Benedictus dominus Deus Israël, qui dedit hodie sedentem in solio meo viventibus oculis meis.* Quæ cum convivis nuntiarentur, territi sunt omnes, & abiérunt unusquisque in viam suam; Adonias videns se desertum ab omnibus fugit in Gabaon ad tabernaculum, tenuique cornu altaris, donec ei Salomon securitatem polliceretur.

Jubet convocari regni comitia.
3. Reg. 2.
1. Par. 28.
& 29.

David, ut regnum Salomoni stabiliret, indixit totius regni comitia. In his habita ad optimates oratione exposuit, se jam pridem statuisse Divinæ Majestati magnificum Templum ædificare; at responsum accepisse à Domino: Salomon filius tuus ædificabit domum meam; conversus deinde ad Filium publicè hortatus est ad negotium istud quamprimum inchoandum, addita monitione, ne ad fabricam Templi quidquam adderet, demeret, aut mutaret, quam ab ipso architecto DEO esset præscriptum. Demum aperuit, quæ ipse ad hanc fabricam jam colligisset: *Ecce inquietabat ego in paupertate mea preparavi expensas Domus DEI auri talenta centum millia, & argenti mille millia talentorum.* Finita oratione Sadoc loco exauctorati Abiatharis in Pontificem à Propheta Nathan consecratus est; qui deinde Salomonem quanta maxima fieri potuit, solemnitate atque apparatu universis comitiis spectantibus unxit in Regem, ut sic secundò omnium ordinum votis consecratus communiter ab omnibus admitteretur in Principem. Denique post Sacrificia & convivia publica solutis comitiis populus se recepit in domum suam.

Post data f.
lio varia sa-
lutis monita
moritur.
3. Reg. 2.
1. Par. 28.
& 29.

David vero plenus dierum se præparavit ad mortem, edito primùm Psalmo septagesimo primo, quo spiritum judicij atque justitiae filio suo precatur, ut sancte obeat officium suum. Deinde dedit Salomoni varia salutis monita, hortatusque est, ut DEO serviat corde perfecto. Demum iussit de quibusdam noctiis poenas sumere, maximè de Joabo ob eadem Abneris & Amasa, quæ crimina ipse hactenus commodè punire non poterat.

Brevi

Brevi post dormivit David cum Patribus suis, & sepultus est in civitate David, arce nempe Ierosolymitana. Reliquit posteritati Psalmos, quos composuit, centum & quinquaginta. Res verò ejus gestas ab loco, ubi desit Samuel, Gad & Nathan Prophetæ, in Libro primo, & secundo Regum, & initio tertii, prosecuti sunt.

Salomon, Rex Israël.

DEfuncto Davide Adonias rursus ad Regnum aspiravit; quem in finem p. r Betsabeam consilii nesciam à Salomone periit in uxorem Abisag Sunamitiden. At Rex facilè advertens, quorum hæc nova Adonie, & conjuratorum consilia sectarent, amicè cum Matre expostulavit: *Quare postulas, inquit Abisag Sunamitidem Adonie? postula ei & Regnum.* Jussitque sine alia forma judicii Adoniam à Banaia interfici. Mox etiam Joabum, qui ad tabernaculum Domini fugerat apud ipsum altare, cùm inde nollet recedere, trucidari. Erat quidem & Abiathar reus mortis: at Rex noluit eum interficere, quod portasset arcum Domini. Ejecit eum tamen ex urbe regia; & in pagum quemdam veluti in exilium amandavit.

Sublati inimicis cum filia Pharaonis Regis Ægypti nuptias celebravit, ut Regnum tanta quoque affinitate confirmaret. Deinde profectus est in excelsum Gaban ad tabernaculum Domini, ubi mille hostiis DEO sacrificatis, petit à Domino sapientiam tum ad recte gubernandum populum, tum ad dignum ipsius maiestate tem lumen construendum. Placuit DEO petitio, missaque per noctem Angelo. DEI Sapientiam repræsentante abunde una cum divitiis, & gloria eam concessit; ejusque non diu post præclarum specimen dedit, quando contentionem duarum muliercularum mirabili judicio diremit. Domum reversus etiam in arce coram arca fœderis obtulit holocausta, & fecit pacificas victimas, & grande convivium universis famulis suis. *3. Reg. 4. à v. 1.* Inter quos præcipui erant Josaphat Regi à commentariis, Banaias Princeps militiæ, Abisar Præpositus domus, Adonira super tributa. Constituit quoque 12. Praefectos, qui præberent annonam Regi, & domui ejus singulis mensibus.

Ab An. 2963.

Salomon
Adoniam &
Joabum ob-
cidi jubet.
3. Reg. 2.
2 v. 13.

Petit à Deo
sapientiam
& impletat
unā cum glo-
ria & divitiis.
3. Reg. 3.
2 Par. 1.

In-

Parat neces-
saria ad con-
struktionem
Templi.

3. Reg. 4.

2. Par. 2.

Surgunt
Templi fun-
damenta,
porticus &
atria gentium.
3. Reg. 6. 7.
2. Par. 5. 4.
Vilalpandus
in octo ulti-
ma capita
Ezechielis.

Interim dum Rex aulam ordinat, tempii materies recens parata undique advehitur summo sanè labore, quo tam vastæ moles columnarum ænearum, maris ænei, æneorum boum, altaris, luterum, aliorumque id genus valorum Jordanem, trans quem in aræillosa terra fusæ fuerant, debebant trajici, deinde Jerusalem deferri, ac in montem Moria elevari. Sed tanta fuit industria sapientissimi Regis, & peritissimorum artificum, tanta multitudo operatorum, & machinarum copia, quibus in maximis trabibus, & ingentibus faxis, & columnis transierendis, dum David adhuc viveret, usi fuerunt, ut omnia ad præsitutum tempus parata essent, & magnæ illæ moles æneæ, ac lapides suis locis mature collocatae. Hoc quoque tempore vicini Reges Legatos honoris, & amicitiae causâ mittebant, ad quos ipse vicissim scripsit, ut auxilia tam operariorum, quam materia in tem- pli ædificium ab ipsis acciperet.

Igitur jacta sunt fundamenta Templi, cùmque in monte latitudo verticis minor reperiretur, quam ut destinata in Templi amplitudinem caperet, ad laxandam aream Rex substructiones maximas undique excitavit, quæ à radicibus ad verticem exurgentes circumjecta deinde terrâ nativo solo verticis æquabantur; quo simul tempore etiam classem instruere cœpit in sū Arabico, quæ cum Tyriis navigaret in Ophir ad advehendum aurum. Perfectis substructionibus in ipso Templo strenue deinceps est laboratum, quod intra paucos annos stetit architecturæ, splendore, & magnificentia admirabile, ac ipso DEO Archite-
to dignum. Ezech. c. 40. à v. 5. Et primò quidem substructionibus circum circa impositus est, veluti corona peribolus non sine multo artificio, atque ornatu sex altus, tribus millibus centum & viginti quinque cubitis per circuitum longus. Ad hunc ex urbe complurium scalarum gradibus ascendebatur, ex regia verò Salomonis domo, & arce Sionis gemino ponte Templum adibatur. Singulis viis magnifica in peribolo porta respondebat. Inde post vacuum circumquaque triginta, & aliquot cubitorum spatium extructa erat per totum ambitum porticus cum atrio gentium, sic dicta, quod is locus incircumcisus etiam, ac gentilibus pateret. Porticus in latitudine habebat ubique per circuitum quinquaginta cubitos. Quà peribolum respiciebat, muro semicolumnis quadratis, & fenestris æquali ubique distan-

tia

tia distincto, & viginti quinque cubitis alto claudebatur. Portae portis periboli respondebant. Versus Templum sexcentis sexaginta universim columnis pulchro ordine innitebatur. Columnæ cujusvis diameter erat duorum, ambitus sex, altitudo viginti omnino cubitorum, & muri, & portarum, & porticūs, & columnarum multiplex, & mirus ubique erat ornatus, ut & ipsius etiam pavimenti, quod pretioso variorum colorum marmore per porticum & atrium stratum erat. In hoc loco saepe Christus ad populum verba faciebat. Ibi Ethnici Philippum adierunt, ut ejus operā Christum viderent. Ibi Eunchus Reginæ Candacis adoravit. Inde Christus Dominus negotiatores ejexit, loco quidem profano, ad Templum tamen Domini pertinente. Ejus pars orientalis dicta fuit porticus Salomonis adhuc Christi tempore, quod cum Chaldæi cæteras diruerent, ea cladem effugisset, atque ita nomen retinuissest primi authoris. Tabulatum hujus porticus ab inferiori parte laquearibus ornabatur; à superiori æneis laminis constrata erat, cochleisque è quatuor angulis ad eam contignationem ascendebatur; imposita enim erat huic tabulato alia adhuc porticus alta octodecim cubitos, nullo pariete interjecto nudis columnis innixa, ut sic prospectus in atrium Israëlitarum à longè pateret. Tectum ornabatur variis vasis elegantis formæ, & pretiosæ materiæ cum floribus acuminatis ad arcendas, ut ait Josephus, aviculas. Non quidem licebat gentilibus ultra ad porticum Israëlitarum penetrare, per apertas tamen portas videre poterant Templum, altaria, mare, luteres, mensas, candelabra, sacrificia, & omnia, quæ in atrio circa Templum fiebant. Nam illud etiam inter cœtera in maximo hoc Templi ædificio erat admirabile, ut portæ portis, solida solidis, quadratis quadrata, rotundis rotunda ad unguem ubique incredibili proportione dimensa responderent.

Ex atrio gentium ascendebatur ad porticus, & atria sancta, ac longè nobilissima Israëlitarum à Davide jam diu ante in Psalmis celebrata. Forma fuit quadrata; in quovis latere cubitos quingentos habebat, in toto ambitu cubitorum duo milia. Murus, qui quadriporticum cingebat, extrinsecus non admodum dissimilis erat muro atrii gentium: uterque enim sex cubitos crassus erat; par fenestrarum, & columnarum ordo, nisi quod murus atrii gentium foris haberet quadratas, iste rotun-

*Porticus &
atria Israeli-
tarum. Ezech.
c. 40. 2 v. 19.*

Sacra Veterum Temp. Hisbor.

S

das

das semicolumnas. In hoc atrium tres grandes portæ ducebant, una ab oriente, altera à meridie, tertia à septentrione, ad quas per septem gradus ascensus erat. Juxta eas janitores in exequiis stabant ad immundos Israëlitas, omnésque gentiles arcedos. Hæc porticus tota contexebatur arcuum pilis, nisi quod in medio columnæ tabulatum sustentarent; supra quod surgebat secundus ordo columnarum, atque arcuum, ac demum tertius usque ad sexagesimum cubitum altitudinis: ima porticus destinata erat ambulationi. Secunda & tertia Gazophylaciis, & cubiculis, ad quæ per cochleas in angulis ascendebatur. Super portas atque angulos erectus erat quartus ordo prominens à tertio tabulato duodecim cubitis, ut quasi totidem castella efficeret miro totius fabricæ ornamento; ipsum verò pavimentum erat, tam in atrio, quam portico ex pretiosissimo varii coloris lapide. Demum erant varia Gazophylacia in cypriporticibus pro culinis, horreis, cæterisque apothecis aptata.

Porticus &
atria Levita-
rum.
Ezech. c. 40.
à v. 35.
3. Reg. 6. v. 36

In medio magni hujus atrii situm erat atrium Levitarum & Sacerdotum cum portico habente tria latera, orientale, meridionale, & septentrionale, ut & tres portas portis atrii Israëlitarum respondentes. Ab occidente autem erat ipsum Templum, quod eodem Levitarum atrio continebatur. Hæc porticus variis Levitarum & Sacerdotum usibus erant destinatæ, ibique diu noctuque per vices commorabantur tum ad cantandum, tum ad custodiæ Templi, tum ad ignem in altari perpetuè fovendum. Erant præterea ibi sancta refectoria, in quibus sanctificatis cibis vesci permittebatur; erat locus pro consilio Seniorum; demum etiam quædam cubicula sanctorum Virginum; constat enim, jam olim mulieres ad ostium tabernaculi excubasse, de quarum speculis fecit Moses labrum æneum cum basi sua; quæ consuetudo perseveravit temporibus Heli, immo & Christi Domini; quando de ipsis sanctissima Matre gravium Scriptorum testimonio constat, ipsam triennio præsentatam ibi usque ad despositionem cum beato Josepho mansisse.

In atrio Levi-
tarum pe-
nuntur alta-
re, mare 20.

In hujus atrii medio erectum erat altare holocaustorum basi impositum, quadratum, ex quo per quatuor angulos quatuor cornua egrediabantur, decem cubitis altum, duodecim undique cubitorum. In ejus ima crepidine erat fossa, in quam

Sacerdotes sanguinem victimarum fundebant per cuniculos subterraneos derivandam in torrentem Cedron. In eodem atrio positum fuit mare æneum rotundum, in diametro decem cubitorum, duodecim boum ænorum dorsis impositum, per quorum pedes aqua defluebat, qua Sacerdotes & victimæ lavarentur. Aderant & decem luteres, seu grandes conchæ æneæ, in quibus victimæ lavabantur basibus impositæ cum rotis æneis axe æneo conjunctis ad machinam, cum opus foret, circumferendam. Stabant quoque quaternæ mensæ pacificorum, ac totidem holocaustorum, in quibus hostiæ immolabantur, carnes dividebantur, & quæ DEO, Sacerdoti, & offerenti obveniebant, secernebantur. Accedebant harum mensarum, sicut & altaris, & maris, & luterum innumerabilia vasa & instrumenta.

Denique venitur ad ipsum Templum, cuius erant tres partes, vestibulum, Sancta, & Sancta Sanctorum, quæ omnia Templi, domus DEI, & Sanctuarii nomine passim comprehenduntur. Itaque Templum per octo gradus ascendi à primaria, & maxima porta orientali occurrit vestibulum longum viginti, latum duodecim cubitis. A septentrione ad meridiem pervius erat transitus per portas orientales minores. Altera Templi pars aula quædam fuit media inter vestibulum, & oraculum, longa quadraginta cubitis, lata viginti, alta triginta. Fuit hæc Templi pars magnificentissima ab omnibus spectabilis. Tertia pars Sancta Sanctorum fuit locus quadratus, longus, latus viginti cubitis, quot parietes quoque alti erant, super quos erecta fuit fornix cedrina decem cubitis alta. Separabatur à Sancto muro solido, in cuius medio porta fuit sex cubitorum latitudinis, altitudinis duodecim, prætexta velo pretiosissimo ac splendidissimo. Per hanc è Sancto ingressus patebat in oraculum, sic dictum, quod ibi DEUS ex arcæ propitiatorio fundebat oracula.

Quod ad materiæ pretium, & formæ dignitatem pertinet, totum Templum fuit ex marmore pretiosissimo jam ante in lapidicinis quadrato, dolato, & ad mensuram debitam comparato, ita ut deinde in structura Templi opus non esset malleorum, securium, ferrarum, aut aliorum instrumentorum strepitu, quia tabu-

neus, lutes-
res, alia vasa
sacra.

3. Reg. 7.

à v. 23.

2. Par. 4. à v. 1.

Vestibulum,
Sanctum,
Sancta San-
ctorum.

3. Reg. 6.

à v. 15.

2. Par. 3. à v. 8.

Interior or-
natus Templi

z. Reg. 6.

à v. 15.

2. Par. 3. à v. 5.

tabulis tigneis cedrinis in fornice, parietibus, ac laquearibus, in pavimento abiegnis. Atque hæ tabulæ in pavimento quidem erant planæ, in fornice autem, & lateribus figuris Cherubinorum, palmarum, florum & fructuum cælatæ; uti tamen nihil de lapide, ita nihil de ligno uspiam apparebat; nam & pavimentum, & parietes, & fornix, & Cherubini, & palmæ &c. aureis laminis pro subjecta forma inductis, atque inflexis tegebatur. Et ne quid toto Templo non aureum appareret, laminæ aureis etiam clavis tabulis erant affixæ, gemmæ, & lapilliæ in medio auto præsertim fornicis resurgentibus, ita ut cœli faciem serena nocte stellis innumeris intermicantem repræsentarent. Mensa quoque, cui arca, & Cherubini in oraculo insistebant, simili modo vestita erat, primùm tabulis cedrinis, deinde laminis aureis. Itaque in sola domo interiori seu Sancto Sanctorum in laminas aureas sexcenta auri talenta impensa sunt. Unde conicere licet auri copiam, qua ad Sanctum seu domum anteriorem ornandam opus fuit, utpote duplo altero majorem; nam Salomon domum quoque ante oraculum operuit auro purissimo, & affixit laminas clavis aureis, nihilque erat in Templo, quod non auro regeretur. Itaque & janua, quæ è vestibulo in aulam ducebat, fuit laminis aureis obducta non minus ac ostia interioris domus Domini.

Ornatus ex- Externa sacræ domus ornamenta erant portæ, fenestræ cancellis aureis munitæ, columnæ, earumque bases, capitella, terior.
3. Reg. 6. à v. 4. epystilia, coronides, trabeationes, zophori iisque insculpta ho-
& 3. Reg. 7. minis, aquilæ, leonis, & vituli capita, plurésque aliae adhuc par-
à v. 15. tes ex pretiosissimo lapide, marmore pario, & porphyretico
2. Par. 3. à v. 4. summa arte, atque elegantia elaboratae. Præcipue celebrantur duæ columnæ ante vestibulum positæ cum suis capitellis & ba-
 sis triginta gradus altæ, cujusque ambitus sex cubitorum; æneæ non quidem solidæ, quatuor ramen digitis crassæ, & auro pto unius digitii crassitudine connectæ. Porro toti huic tripar-
 titæ domui magnificentissima fabrica nonaginta cubitis alta su-
 perstructa erat, cum turri quadrilatera, quæ à vestibuli porta
 orientali surgebat ad 120. cubitos. Totius fabricæ columnarum, ac fenestrarum, aliarumque partium tum inter se, tum cum
 interiori Templo erat proportio ac dispositio tam mirabilis, ut
 si jam nullum haberetur Scripturæ testimonium, facile archite-
 tum

Etum proderet ipsum DEum. Circa latera hujus fabricæ erat triplex ordo exedrarum, Gazophylaciorum, & cubiculorum ad usus tum Sacerdotum, tum rerum sacrarum; ibi enim reponebantur thesauri, vasa, sacra supellex, sacræ vestes, quas ibi Sacerdotes induebant, & exuebant. Inter sacram suppellectilem erant etiam Mosis & Davidis tabernacula, quæ asservabantur non quidem tensa, sed decenter complicata. Inter vasa erant phialæ, libatoria, lances, crateres, cyathi, acetabula, thuribula, tubæ, aliisque, aurea quidem in quovis genere multa millia, argentea vero duplo plura.

Totam Templi, & atriorum omnium fabricam cum omni ornatu, supellecili, vasis tum aureis, tum argenteis absolvit Salomon paucos sane intra annos; quod tamen nemini mirum videtur, si hominum multitutinem aestimet, qui collaborarunt. Nam cum David jam multa millia conduxisset, qui tum ligna in Libano, tum lapides in montibus cæderent, aliisque præpararent; Salomon numeravit operariorum centum quinquaginta millia, ac tria millia sexcentos Præpositos operum populi, inter quos in primis celebrem artificem, atque architectum acceperat Hiram à Rege Tyri missum præter eos, quos secum habebat in Judæa & Jerusalem. Illata igitur supellecile vasique tum aureis, tum argenteis, tum æreis suo loco collocatis indicta est Templi dedicatio per totam Israëlem.

Itaque octavo die mensis septimi sive Septembri cum singulis Tribubus, quæ pridie undique convenerant, assignatus est et locus & ordo, Sacerdotes & Levitæ veniunt in montem Sion cum Sadoc Summo Pontifice eorumque quatuor arcam in humeros tollunt. Dato signo proceditur inter Sacerdotum tubas ac Psalmos, quos ad hujus diei celebritatem David composuerat, & Levitæ tota via decantabant ab arce quidem descendentes Psalmum 118. Beati immaculati in via; per gradus vero in montem Moria ascendentibus aliquos ex illis, quos graduales vocamus, per atria cæteros, maximè illum Memento Domine David, atque etiam 135. Confitemini Domino, quoniam bonus, quoniam in eternum misericordia ejus. Atque isti quidem cantabant; Rex autem Salomon, & omnis multitudo Israël gradiebatur cum illo ante arcam, & immolabant oves, & boves absque estimatione, & numero. Ubi longo circuitu arcis, inferioris

Omnibus p^{ro}-
tatis indicatur dedicatio
Templi.
An. 3031.
3. Reg. 6.
v. 37. & 38. &
3. Reg. 8. v. 1.

Area ex
monte Sion
in Templum
transfertur.
3. Reg. 8.
2. Par. 5.

ris civitatis, ac montis, denique per atria ventum est ad portum orientalem Templi. Sacerdotes quatuor intulerunt arcam in ornatum Templi, in Sanctum Sanctorum subter alas Cherubin, quos grandes Salomon apud mensam posuerat. Alii candelabra aurea decem, totidemque aureas mensas panum propositionis hinc & inde, in medio autem propè velum oraculi altare thymiamatis collocarunt. Alii denique utrumque tabernaculum Molatium & Davidicum, supellecilem, & vas a in præparatis ad id auxilis, & Gazophylaciis deposuerunt.

Dedicatio
Templi.
3. Reg. 8.
2. v. 10.
2. Par. 6. & 7.

Egressis Sacerdotibus, & oppenso velo illicò fulgida nebula in signum præsentiae divinæ, favorisque singularis implevit domum DEI cum atrio Levitarum; in cuius introitu excitato suggestu æneo Salomon deinde flexis genibus, & expansis in colum manibus orans, converso ad oraculum vultu laudavit impensis Dominum de fidelitate promissionum erga Davidem; tum DEI bonitatem admiratur, qui manufactam domum inhabitare non deditur, oratque, ut in hoc Templo semper exorabilem se præbeat populo ad ipsum per pœnitentiam conuerso. Deinde orat etiam pro alienigenis, qui illuc venturi essent ad adorandum DEUM, quibus in eum finem atrium gentium paratum esset. Denique orat, ut qui versus Templum à longe conuersi in afflictione oraverint, exandiantur. Facta oratione surgens bene precatus est populo, hortatusque, ut in divino timore, & cultu perseveret; tum hostias ad altare adhiberi jussit. *Et ecce ignis de cælo descendit, & devoravit holocausta, & victimas magna miraculi admiratione, & veneratione populi adeo, ut in tetram proni corruerint;* & quia sic DEUS ostendit gratias sibi esse Regis, populque Sacrificia, intra septiduum hujus dedicationis sacrificarunt boum ad viginti duo millia, arierum autem 120000, tum in altari, tum in medio atrii propter hostiarum multitudinem. Exacto hujus solennitatis tempore populus multa cum letitia dimissus est; Sacerdotum verò & Levitarum ministeria, ac vices à Davide institutæ deinceps ad praxin sunt reductæ; uti etiam Sacrificia quotidiana, aliaque ordinaria post hac oblata, quæ Salomon pro sua in DEUM pietate fundaverat.

Salomon adiicit ab aliis ab ima voragine substructionibus ponte junxit, ut planus esset

eret trajectus in Templum. Deinde haud procul ab hoc pon-
te Regiam ædificavit in tres partes distinctam, in cuius una Rex Regiam.
habitaret, in altera Regina filia Pharaonis, tertia pars, quæ dice- 3. Reg. 7. & 10.
batur saltus Libani, inter utramque media recreationi serviret. 8. Par. 9.
Hærum quoque ædium, quæ & ipsæ nonnisi ex fodinis pretioso- 4 v. 15.
rum lapidum, atque ex lignis Libani surrexerant, summa erat
magnificentia tanto Rege, ac sapientissimo architecto digna:
summus ornatus, tum intus, tum foris, atriorum, porticum,
ambulacrorum, aularum, conclaveum. Omnia vasæ convivii
Regis erant aurea, & universa supellex domus saltus Libani de
auro purissimo præter parietes, & laquearia auro ubique ruti-
lantia: in ipso armamentario habebat Rex hastas aureas ducen-
tas, & trecenta scuta aurea. Præcipue vero Solium Regis erat
magnificum. Nam fecit Rex Salomon Thronum de ebore gran-
dem, & uestivit eum auro fulvo nimis, qui habebat sex gradus,
& summitas Throni rotunda erat in parte superiori, & duæ ma-
nas hinc atque inde tenentes sedile, & duo leones stabant juxta
manus singulas, & duodecim leunculi stantes super sex gradus
hinc atque inde. Non est factum tale opus in universis Regnis.
Verbo omnia auro fulgebant; argentum enim in illis diebus
pro nihilo reputabatur ad ornandam scilicet regiam domum;
fecitque Salomon, ut tanta esset abundantia argenti in Ieru-
salem quanta & lapidum.

Porro tantam vim auri argenteique, præter hereditatem à
Patre relictam, Rex recipiebat præcipue ex auri argenteique fo- Opes Sale-
dinis, ad quas navigabat. Nam naves, quæ ibant in annis tri- monis.
bus semel in Tharsis, referebant aurum, argentum, & ebur seu 3. Reg. 10.
dentes elephantorum. Classis, quæ ex portu maris rubri na- 2. Par. 9.
vigare solebat in Ophir, advexit tum ligna thyina nunquam ante in Israël visa, ex quibus Rex fecit gradus in domo Domini
& in domo Regis, citharas quoque & psalteria; tum gemmas
pretiosissimas, tum aurum in tanta quidem copia, ut aliquando
una navigatione Salomon reciperet quadringenta & viginti ta-
lenta, id est quadraginta duo millia quingentas auri libras. Ta-
lentum enim habet centum & viginti quinque libras. Annui
reditus erant sexcentorum sexaginta sex talentorum auri præter
ingentem summam, quam Præfecti vestigalium & mercatores
ærario Regis inferebant. Vicini quoque Principes, aut etiam
re-

remotiores crebrò vel ipsi per se, vel per Legatos Salomonem invisebant, sive ut ejus admirabili sapientia fruerentur, & ut augustissimum Templum, ædes regias, omnem eorum apparatus oculis usurparent. Et deferebant ei munera vasæ argenteæ & aurea, & vestes, & arma, & aromata, equos & mulos per singulos annos: nominatim advenit Regina Saba ex Arabia felicem multo cum comitatu, & divitiis, camelis portantibus aromata, & aurum infinitum nimis, & gemmas pretiosas, quæ cùm audiret sapientiam Salomonis, videret magnificentiam tum Templi, tum regiæ, observaret oblationes hostiarum, mensam regiam, ordinem in aula, ita admirata est, ut non haberet ultra Spiritum.

Sub expletam Templi & Regiæ ædificationem rursum apparuit Dominus Salomoni, responditque Regi in somnis ad postulationem ipsius in dedicatione Templi factam: & primò profitetur, se Regis deprecationem exaudiisse, & exorabilem fore ad afflicti populi preces. Deinde sanctificasse se ait per illa visibilia signa, libique consecrassæ Templum in sempiternum sub conditione tamen observandæ à Rege, populoque divinæ legis, qua violata interminatur omnia pessum itura, Templum & populum à se derelictum iri, & summæ calamitatis exemplum posteritatii futurum.

Exin muros Jerusalem per circuitum instauravit, turres magnas in eis erexit, folsisque ad securitatem vallavit; viarum quoque publicarum curam gesit, præsertim earum, quæ in urbem ducerent, quas silice constravit præter alia publica urbis regiæ privatâque ædificia. Satisfecit quoque Hiram Regi Tyriorum, qui suppeditando aurum, ligna cedri & abietis variæque impensas faciendo fabricam Templi & Regiæ domus per hos viginti annos egregiè adjuvit. Inde ad externa ædificia progressus est, variâsque civitates partim instauravit, partim etiam excitavit, atque munivit, præsertim in Regni finibus, ut non solùm essent ornamento Israëli, sed & præsidio ac munimento adversus hostium incursiones. Demum profectus est ad visendum portum sinus Arabici in Asiongaber, locum, olim trigesima secunda mansione Israëlitarum, hoc verò tempore classibus Salomonis, & Hirami Regis Tyri celebrem.

Do-

DEUS pro-
mittit Salo-
moni, se in
Templo pro-
pitium fore
ad preces po-
puli.
3. Reg. 9.
2. Par. 7.
2 v. 12.

Alia ædificia
Salomonis.
3. Reg. 9.
2. Par. 8.

Salomon à
fœminis ita
depravatur,
ut Idola co-
lat. 3. Reg. 11.

Domum reversus cùm immensa jam pridem rerum abundantia, otio, altissimaque pace frueretur, sese voluptatibus dede-re cœpit impensiūs, atque implere quod postea fassus est: *Omnia qua desideraverunt oculi mei, non negavi eis; neque prohibui cor meum, quin omni voluptate frueretur.* Eccl. 2. v. 10. Nam plurimas, alienigenas præsertim, quas hactenus ex Ægypto, Sidone, Moabitide, Ammonitide, Idumæa, & Hethæa duxerat, mulieres ardentissimo amore cœpit adamare, quæ si fortassis prius verum DEI cultum, ut tanti Regis nuptiis fruerentur, professæ sunt, postea tamen eo sensim neglecto ad pristinam, & patriam superstitionem sunt relapsæ, cùmque viderent se omnia posse apud mulierorum Regem, ausæ sunt postulare, liceret sibi tempa ædificare, in quibus Diis, Deabusque suis ritu patrio famulari possent. Quod si primò fortassis tergiversatus est, denique tamen *depravatum est cor ejus per mulieres*, ut juberet, vel certè permitteret, aliqua circa Jerosolymam fana excitari, Astarti Deæ Sidoniorum, Idolo Moloch Ammonitarum, & Deo Chamos Moabitarum; quin tantæ vir sapientiæ Reginarum suarum amore, atque rogatu eð dementiæ ac impietatis progreſsus est, ut iþtum Tempa inviseret, demum etiam Idola incestis Sacrificiis coleret, nominatim Astarthen Deam Sidoniorum, & Moloch Idolum Ammonitarum, si non verè, ad speciem saltem externam, ne delicias suas uxores & concubinas, ut ait *Augustinus*, contristaret; quo insuper factum est, ut cùm in ejusmodi Tempa, altaria, & statuas immensis sumptibus, & in tantum fœminarum gregem largitionibus thesauri exinanirentur, populum gravissima in plures annos tributorum inductione premere cogeretur.

Sadoc Summus Sacerdos, Achias Propheta, & Nathan (si tunc adhuc in vivis erat) non semel pro sancta libertate sua Regem monuerint, per omnia divina atque humana jura obsecrari, ad DEum sèque ipsum aliquando respieceret, nec tanto scandalo populum porro offenderet. Nihil egerunt. Ipse etiam Dominus miserat ad ipsum Prophetam Achiam, qui Regi diceret: *Quia non custodisti præcium meum, & præcepta mea, disrumpens scindam Regnum tuum, & dabo illud servo tuo, Jero-boamo scilicet, qui erat tributis duarum Tribuum Ephraim & Manasse Præpositus, quænque DEus præter alios Salomoni pro-*

Moritus.
3. Reg. 11.
à v. 9.
2. Par. 9.
à v. 29.

Sacra Veterum Temp. Histor.

T

pter

pter scelera sua suscitaverat adversarium : Ejusdem Domini ius-
su idem Propheta , cùm fortè Jeroboam Jerosolymā egresso-
tur, eidem occurrit, apprehendensque pallium suum novum sci-
dit in duodecim partes, deditque decem fissuras Jeroboamo
cum hac domini denuntiatione : *Ecce ego scindam Regnum à
manu Salomonis, & dabo tibi decem Tribus.* Salomon tamen
re ad ipsum perlata atēd non deprecatus est cum humilitate DE-
um, ut potius Jeroboam ad necem quæreret ; qui autem
mox fugam arripuit in Ægyptum. Atque ita Salomon deliciis
potius, quam annis (nam ultra 60. non pervenit) confectus
mortuus est, & sepultus in civitate David , ubi regium sepul-
chrum paraverat.

Poenitens.
Ecclesiastis
C. I. v. 2.

Scripsit jam olim Cantica Canticorum, iisque nuptias cum
filia Pharaonis in sensu historico celebravit; ultimis verò, du-
bus fortè, annis gravium authorum opinione poenitens scripsit
librum Sapientiæ, librum Proverbiorum, & librum Ecclesiastis,
in quo, ut ait D. Chrysostomus, emisit sublimem illam, & eos
dignam vocem: *Vanitas vanitatum, & omnia vanitas.* Quod
si verum est, poenitentiæ lachrymis per singulas noctes stratum
suum rigarit, similque jusserrit aras, statuasque falsorum Deorum
dejici, fana disturbari, ac solo æquari, quæ si funditus eversa non
sunt, id factum est DEO permittente, ut essent imposterum Sa-
lomonis stultitiae, & resipiscientiae testes. Certiora de novissi-
mis Salomonis, & plura de sequentium Regum rebus haberemus,
si extarent Libri verborum dierum Regum Juda, & Israël. Hi
enim erant quasi annales & fasti publici; è quibus in libros Pa-
ralipomenon aliqua quidem translata sunt, & ad nos devene-
runt; cœtera verò temporum injuriâ perierunt,

Roboam, Rex Juda.

Roboam in-
consultâ re-
spōsitione de-
cem Tribus
assūtit.
1. Reg. 12.
2. Par. 16.

Salomoni filius Roboam anno ætatis quadragesimo primo hæ-
reditario jure successit, eique postea in urbe Sichem, quod
Regni comitia indicta fuerant, communibus populi suffragiis
Regnum stabilitur. Constituto Rege actum est de Regni ne-
gotiis, in quibus erat in primis imminutio tributorum. Igitur
populi Principes, qui universam multitudinem Israëlis repræsen-
tabant, adeunt Regem, rogantque, ut onus tributorum, quod
ipſi

ipsius Pater imposuerat, minueretur. Salomon enim primò tributum indixit ad ædificandum Templum, quod deinde perveravit etiam ad domum Regiam, ad murum Jerusalem, ad instaurationem & ædificationem multarum civitatum, & demum ad excludendam tot mulierum cupiditatem usque ad mortem ipsius. Rex responsum distulit, ac consilium iniit cum Senioribus, qui Salomoni, dum adhuc viveret, erant à consiliis; qui quidem authores ei fuerant, ut hac in re acquiesceret populo. At ille Juniorum potius, quos itidem consuluit, sententiam fecutus jussit populo denuntiari: *Pater meus posuit super vos jugum grave, ego autem addam super jugum vestrum. Pater meus ceccauit vos flagellis, ego autem cedam vos scorpionibus.* Quod cùm audisset populas, superbè ipse quoque ac contemptim: *Quæ nobis, inquit, pars in David, aut qua hereditas in filio David?* Advertit Rex errorem, & ut populum mitigaret, Adoniram Præpositum super tributa ad eum destinat. At iste alias jam propter tributa exosus à furenti populo lapidibus obrutus est; quo facto Roboamus sibi ipsi metuens consenso trepidè curru Ierosolymam festinavit; sicque comitiis magno suo dedecore & danno finem imposuit; nam sola Tribus Juda, & Benjamin, quæ deinceps sub una voce Juda veniunt, in fide eius permanxit. Cæteræ decem Tribus Jeroboamum, Salomone defuncto in patriam reversum, virum alias fortem & potentem Regem constituant, qui memor vaticinii Achiae Prophetæ minimè repugnavit, ipsamque urbem Sichem in Regni sedem delegit.

Roboam interim ut schismaticas Tribus prius, quād mā-
lum morā invaleficeret, sub coronam suam reduceret, exercitū
180. milliūm ex Judæis & Benjamitis colligit, ac sequenti anno
contra Jeroboamum educit. Verū revocatur. In via enim DEO bello
occurrit Seimeia Propheta, qui nomine DEI exercitum reverti persequi
jubet; à me enim, inquit, factum est verbum hoc, Salomonis schismáticas
nempe peccata per imprudentiam Roboami castigante.

Solutus hoc belli timore Jeroboam ab alia non minus gravi
curā seipsum insigni impietate liberavit DEO ingratus. Sollicitus
erat, ne, si populus Ierosolymam ter quot annis pro more Reli-
gionis causā proficeretur, sensim placatus ad domum David peccare facit
se relicto rediret. Itaque sub proximum Paschale tempus eam in Dan & Be-
protectionem interdixit, causatus, eam urbem hostilem adhuc

Jeroboam,
Rex Israël.

Prohibetur à
DEO bello
persequi
Tribus.

3. Reg. 12.
2. v. 21.
2. Par. 11.
Jeroboam
in Dan & Be-

T 2

esse,

beth Idolis.
3. Reg. 12.
2 v. 26. &
3. Reg. 13.
2 v. 1.

esse, & ipsos deserti Principis reos, plenūque adē periculi iter illud fore: colerent DEum in suis terris, ubi pro uno Templo geminum habituri essent; quæ dum idoneis locis excitarentur, ipsi ad menses aliquot vota sua differrent. Credidit populus Templa verò DEO ædificanda; at Jeroboam nuper ex Ægypto reversus Apim & Serapim cogitabat falsos & Ægyptios Deos. Magnâ igitur celeritate duo delubra excitavit, unum ad septentrionem in urbe Dan, ad meridiem alterum in Bethel; ac utrobique vitulum aureum collocavit. Indictâ deinde ad imitationem Salomonis dedicatione simul promulgavit novos Deos clamandô: *Ecce Dii tui Israël, qui te eduxerunt de terra Ægypti.* Igitur alii in Dan, alii in Bethel sunt profecti. Ipse Jeroboam venit in Bethel, atque ante vitulum altare erexit constitutis de fœce populi Sacerdotibus, quod ii, qui erant de Tribu Levi, nollent huic impietati servire, utque novis his Sacerdis Rex autoritatem conciliaret, ipse Sacerdotis munere assumpto ascendit super altare & thus adolevit Idolo; quod dum facit, ecce vir DEI sive Propheta adest de Juda, qui disturbavit solennitatem clamando *altare, altare,* ejusque eversionem tempore Josiae Regis Juda futuram prædicendo, confirmataque mox sunt verba Prophetæ dupli signo; nam altare scissum est, & manus, quam Jeroboam contra virum DEI extenderat, illico exaruit; quæ licet ad preces Prophetæ fuerit pristinæ mollitiei restituta, non tamen reversus est Jeroboam de via sua pessima, ratus, se Regnum retinere non posse nisi retento cultu Idolorum; immò exinde multò pluribus in locis crescente Israëlitarum superstitione luci & nemora montium Idolis fuere consecrata.

Leviticæ alii-
que multi ex
Israele se, ac
sua transfe-
runt in Judæ-
am.

2. Par. 11. à.
v. 5.
Ob peccata
Roboam &
Juda Tem-

Quod cùm viderent Levitæ & Sacerdotes, reliquerunt sub-urbanæ & possessiones, quas habebant in Israëlite, & migrarunt in Judæam. Sed & plurimi alii veri DEI cultores Jeroboamo deserto se cum familiis suis illuc transtulerunt, ut libertate colere possent DEum Patrum suorum; ob quam causam Roboam per Regnum suum multas instauravit civitates, quas auctus semper populus incoleret.

Verum post tres annos Roboam ipse dereliquit Legem Domini & omnis Juda cum eo. Hinc inde enim luci super colles plantabantur, aris & statuis ornabantur, nec vitulis solum sed Pris.

Priapo etiam Deorum spuriissimo sacrificabatur præeunte Maacha turpissimorum Sacrorum Principe Roboami uxore præ cœteris dilecta. At brevi ultio divina adfuit; nam anno Regni quinto Sesac Rex Ægypti cum ingenti exercitu Judeam ingressus capris variis in via civitatibus Jerosolymam usque penetravit. 2. Par. 13. v. 7. Roboam homo rufus & corde pavido cùm non esset ausus infestis signis occurrere; initio cum Optimatibus, qui metu hostis undique Jerosolymam confugerant, consiliò, hosti portas aperuit eâ utique conditione, ut saltem DEI Templo parceretur. Verum Sesac in urbem admissus conditionem non servavit; nam tulit thesauros domus Domini, & thesauros regios & universa diripuit: scuta quoque aurea, quæ fecerat Salomon; tributumque in signum subjectionis imposito, tunc demum recessit.

Fuit hæc manifesta Idolatriæ poena, quam & Semeia, cùm Ægyptius Jerosolymam adventaret, Regi & Principibus Juda in faciem prædixerat, & ipsimet agnoverant, cùm consternati dicerent: *Justus est Dominus;* nec tamen postea sincerius quæsierunt Dominum. Nam etsi Roboam pro scutis aureis ænea confici justerit, eaque sibi Templum adeunti ab excubitoribus suis præferri, adeoque cultum DEI publicè cum populo non deseruerit penitus; tamen abominanda illa sacra, quibus scelerata Maacha prærerat, aliisque deinceps quoque frequentabantur. Unde Scriptura ejus vitam his verbis claudit: *Fecit autem malum, & non preparavit cor suum ut quereret Dominum:* mortuus est autem, sepultusque in civitate David, postquam septendecim annos inter continua cum Jeroboamo bella regnasset,

plum & urbs
spoliatur.
3. Reg. 14.
2 v. 21.

Moritur Ro-
boam.
3. Reg. 14.
2 v. 27.
2. Par. 12.
2 v. 10.

Abias, Rex Juda.

Roboam ex octodecim uxoribus & sexaginta concubinis generuerat 28. filios & 60. filias. Abiam vero Regem designaverat, tum quod natus esset ex Maacha, tum quia sapientior fuit & potentior super omnes filios suos. Novus Rex bellum cum Jeroboamo prosecuturus primo statim Regni sui anno cum quadringentis milibus electorum virorum magnaque in DEum fiducia in hostes movet, licet numerò longè superiores, nam

Ab Am. 3025.
Abias decem
Tribibus in-
gentem cla-
dem infert.
3. Reg. 15.
2. Par. 11.
2 v. 21. &
2. Par. 13.

T ;

eorum

eorum octingenta millia censemebantur. Dum uterque exercitus in conspectu stat, Abias amica planè oratione Israëlitæ hortatur, abjecto vitulorum cultu sponte redeant ad Dominum, quem Jeroboamo Duce reliquissent, nec pugnent contra Dominum DEum Patrum suorum; non enim ipsos ignorare, quod Dominus Deus Israël dederit Regnum David super Israël in sempiternum, ipsi & filiis ejus. Ubi peroravit, se interim hostium multitudine undique cinctum fuisse animadvertit. Quare cum exercitu suo clamavit ad Dominum, Sacerdotes tubis canere cœperunt, omnésque viri Iuda vociferati sunt. Audivit eos Deus & hostes perterriti ita, ut circumquaque fugerent. Judæi fugientes concidunt tantæ strage, ut quingenta millia virorum fortium ex Israëlitis corruerint. Humiliatique sunt ac vehementer debilitati filii Israël in tempore illo. Et vehementissime confortati filii Iuda, eò quod sperassent in Domino DEO Patrum suorum. Nec dubium est, quin totum Israëlis Regnum tamquam clade turbatum occupassent, si hæc victoria uti Abias voluisset vel potuisset, simili fortassis, quæ olim Roboamus prohibitione exarmatus. Tres solum civitatis Jeroboamo eripuit, & postea victorem exercitum in Judæam atque Jerosolymam reduxit.

Moritur.
3. Reg. 15.
v. 3. & 8.
3. Par. 14. v. 1.

Ubi utinam in bene cœptis perseverasset. Jam verò Patris exemplo ad Idola declinavit, à Matre haud dubiè seductus, ambulavit enim in omnibus peccatis Patris sui, quæ fecerat ante eum, nec erat cor ejus perfectum cum Domino DEO suo. Ob quod fortassis breve fuit Regnum ejus; nam tertio anno dormiuit cum Patribus suis sepultusque est in civitate David.

Afa, Rex Juda,

Ab An. 3028.
Afa Judeam
Idolis purgat.
3. Reg. 15.
2. Par. 14.

EX viginti duobus Abiæ filiis Afa Patri successit Religiosissimus Princeps. Subvertit enim primo statim Regni aditu omnes peregrini cultus aras; confregit statuas, succidit lucos, purgavitque universas Idolorum fordes. Insuper Maacham amovit, ne esset Princeps in Sacris Priapi, subvertitque specum ejus, ac confregit simulacrum turpissimum, & combussum in torrente Cedron. Idolorum superstitione convulsa præcepit Judæ, ut quæreret Dominum DEum Patrum suorum, & faceret Legem,

&

& universa mandata. Implevit quoque votum, quod fecerat Pater ejus ante initum cum Israëlitis prælium, & intulit in domum Domini argentum & aurum & vasæ, ut sic prædam Ægyptiorum aliquo modo repararet, cùmque Domino largiente undique pacem haberet, aliquot per Judæam civitates, quas hostibus putavit magis esse expositas, muris circumedit atque munivit.

Interim in Israële Regem Jeroboam Dominus pereussit & mortuus est, omni deinceps posteritati execrandus & detestabilis, quia peccare fecit Israël. Successit in Regno filius Nadab, qui tamen, quod impia Patris vestigia sequeretur, brevi DEI nutu è medio sublatus est, ac per Insidias à Baasa de Tribu Isachar occisus. Tertius igitur in Israële regnavit Baasa, Regnus que sedem constituit in civitate Thersa. Prima ejus cura fuit sèvire in Jeroboami familiam, donec eam funditus excinderet: Id quod Achias Propheta uxori Jeroboam jam tum prædixerat, cùm ab ea de ægritudine filii consuleretur. 3. Reg. 15. v. 16. Deinde Asam post decem annorum pacem bellò appetivit fortassis ut tres urbes, quas Abias Regno Israëlis eripuerat, recuperaret.

Intestino hosti externus accessit longè potentior. Zara Rex Æthiophum inde ab extrema Africa cum incredibili multitudine decies centenorum millium in Judæam venit incertum an aliâ de causa, an exemplo Ægyptii Regis Sefac & similis spe prædæ. Verùm de tanto hoste Asa Rex æquè fortis ac pius illum retulit victoriam. Habuit in exercitu suo portantium scuta & hastas de Juda trecenta millia: de Benjamin verò scutariorum ac sagittariorum ducenta octoginta millia. Cum his Æthiopi progressus obviam instructa ad pugnam acie Dominum intensè pro victoriâ oravit. Secuta est, & exteriti divinitus Æthiopes ad intercessionem Domino cädente contriti sunt. Cùm non amplius essent qui cädentur, victores versi sunt ad ingentem prædam, adeò ut Æthiopia prædæ jacturam ab Ægyptio olim factam compensare videretur. Ut deinde DEO in Templo gratias agerent, immolârunt boves septingentos, & arietum septem millia.

Interim Baasa Rex Israël occupaverat urbem Rama in Ju-dæa sitam, eamque communire cœpit magno Regni incommo-

Damus Jero-boam dele-tur.

3. Reg. 14.

v. 20.

& 3. Reg. 15.

à v. 25.

z. Par. 13. v.

20.

Nadab,

Rex Israel

Baasa, Rex

Israël.

Asa interne-cione delect
Æthiopes.

z. Par. 14.

z. v. 8.

Contra Re-gem Israël

evocat Re-
gem Syriæ.
3. Reg. 15.
2 v. 17.
2. Par. 16.
3. Reg. 16.
2 v. 1. ad 8.

do futuro, si opus perfecisset. Hanc ut à terris suis servitutem averteret Aſa missis per Legatos muneribus Benadad contra Baafam concitavit. Qui & in Iſraēlitidem irruit, eumque ab ope- re cessare coēgit; ob quod tamen factum postea Rex Alā Propheta Hanani objurgatus est, eo quod habuisset fiduciam in Rege Syriæ infideli, & non in Domino DEO suo. In poenam insuper, quandiu vivebat Baafa, nunquam pacem habuit; quo tamen intestino hoste demum anno Regni sui vigesimo sexto Aſa liberatus est. Mortuus est enim Baafa Rex Iſraēlis, cū pri- ūs interfecisset Jehu Prophetam, qui nomine DEI ipſi impieta- tem exprobraverat, ejusque posteritati malè vaticinatus erat.

Mortui Parentis thronum concendit Ela Rex Iſraēlis quartus. Sed brevi dejectus est. Nam Zambri Dux equitum vi- etus ambitione in eum conjuravit, & in Therfa urbe Regia epu- lantem jāmque temulentum interfecit. Ne verò esset, qui occi- citum Regem ulcisci posset, & secum de sceptro contendere, omnes Regis consanguineos, atque adeò totam Baafæ domum ex- tinxit, uti prædixerat Jehu Prophet.

Domus Baa-
fe extingui-
tur.
2. Reg. 16.
2 v. 8.
Ela, Rex Is-
rael.

Zambri quintus Rex Iſraēl septem duntaxat diebus regna- vit. Nam exercitus Iſraēlis, qui tum Gebbethon urbem Phili- steorum obsidebat, auditâ Regis morte Principem milicie Am- ri Regem proclamavit in castris. Iste omisâ priori obsidione cum exercitu festinavit ad urbem Thersa, in qua se Zambri pro Rege gerebat. Fortiter aliquandiu obsidionem tulit. At cùm cerneret, se urbemque amplius servari non posse, Palatum in- gressus se cùm domo regia succedit, & mortuus est in peccatis suis. Amri sextus Rex Iſraēl sublatō æmulō vastatam urbem in- gressus, vidensque Palatum cum tyranno & regia suppelleotide conflagrâsse de querendâ alia Regni sede cogitavit. Nec diu pòst montem in Tribu Ephraim situm elegit, in eoque Samari- am aedificavit. Atque ita Rex iste mutavit quidem sedem Re- gum Iſraēl, non autem impietatem. Nam fecit malum in con- spictu Domini & operatus est nequiter super omnes, qui fuerant ante eum. Pacificè tamen vixit cum Aſa Rege Juda. Post un- decim Regni annos mortuus sepultusque in Samaria, coronam reliquit filio suo Achab.

Achab septimus Rex Iſraēlis, primus, qui ad cultum vitu- lorum aureorum adjecit etiam cultum Idoli Baalis. Ad novam hanc

Achab, Rex
Israel.

hanc impietatem adductus est à Jezabel Sidoniorum Regis filia, quam uxorem duxerat. In hujus gratiam templum in Samaria Baali DEO Sidoniorum ædificavit, aram crexit, & lucum circumquaque plantavit, & servivit Baal & adoravit eum. Regis exemplum etiam populus paulatim urgente Jezabele sequebatur, scelusque novum latè in posteros ad tempora usque Josiae propagatum est.

Israël præter vitulos etiam Idolum Baal colit.
3. Reg. 16.
à v. 28.

Interim Asa ultimis Regni annis ægrotavit dolore pedum vehementissimo, frustraque in Medicorum arte confusus anno Regni quadragesimo primo mortuus & sepultus est in sepulchro, quod foderat sibi in civitate David. *Feeit, quod bonum & platiuerat in conspectu DEI sui. Cor Asa erat perfectum cunctis diebus ejus.* Solumodo excelsa non abstulit, aras scilicet in editioribus locis erectas, in quibus populus jam à tempore Salomonis offerre solebat Sacrificia quædam præsertim spontanea & votiva, DEO quidem vero, non tamen grata; locus enim Sacrificiis deputatus erat Templum Jerosolymitanum. Quod si Prophetæ in gravi necessitate aliis in locis sacrificarunt, id fecerunt ex singulari dispensatione DEI. Porro populus ejusmodi lucis & excelsis mirum in modum afficiebatur veluti ad omnem animi remissionem idoneis; ob quod Asia timens populi offenditionem non ausus est excelsa destruere.

Asa moritur.
3. Reg. 15.
v. 23. & 24.
2. Par. 16.
à v. 11.

Josaphat, Rex Juda.

Josaphat restitutum à Patre DEI cultum non tantum conservavit, sed & plurimum auxit pius, & religiosus Princeps. Statim in principio Regni reliquias effaminatorum, qui remanserant in diebus Asa Patris, abstulit de terra. Aggressus est quoque excelsa auferre; quamquam ob contradictionem populi, & seditionis periculum non videatur pium opus perfecisse. Tertio deinde Regni anno Levitas & Sacerdotes quaquaversum misit, qui populum in divina Lege erudirent. Quod ut cum maiori fructu & autoritate fieret, addidit illis quosdam de suis Principibus qui essent veluti Duces Sacra Missionis.

Ab An. 3069.
Josaphati pro Religione
zelus.
3. Reg. 22.
à v. 41.
2. Par. 17.
à v. 3.

Longè alia Religionis facies erat in Regno Achabi, in quo auspiciis Jezabelis idolatria invalescebat, adeò ut brevi quadringenti & quinquaginta Baalis Prophetæ numerarentur, multique tique

In Regno
Israel invaz.
lascit Idolatria.

2. Reg. 16.
2 v. 31.
1. Reg. 10.
7, 5. & 10,

tique de populo genua fleanter ante Baal cum summo bonorum Israëlitarum dolore, maximè Prophetarum. Fuerat jam temporibus Samuelis certum genus hominum, qui Prophetæ vocabantur. Vivebant à reliqua mundi turba remoti: utebantur certo cultus genere in aliqua communitate sub superiore viventes, quem DEUS illis dabat. Ducebant vitam pauperem & austram: aberrantes à via DEI tum voce tum scriptis revocabant; quique se perfectioris vitae studio illis aggregaverant, filii Prophetarum dicebantur. His DEUS se singulari modo comunicabat, ut futura prædicerent, & sœpe etiam mira patrarent.

Elias fugit, &
ne pluat in
Israel, Domi-
num orat.
3. Reg. 17.

Non deerant in terra Israël etiam tunc ejusmodi Prophætæ, qui clamoribus & adhortationibus Achabum, & populum ad meliora provocarent. Inter hos Elias à puero in veri DEI cultu religiosè institutus hoc tempore prodiit vir potens opere, & sermone. Hic cùm tantam animarum in Israële cladem diutius ferre non posset, oratione oravit ad Dominum, ut non plueret super terram, ut sic Israël intelligeret, à quali & quanto DEO defecisset, cuius benignitatis influxu cestante homines, atque animalia deficerent. Ubi clauso aliquamdiu cœlo sensit se voti compotem factum, *in Spiritu Domini venit ad Regem Achab*, dixitque: *Vivit Dominus DEUS Israël, si erit annis hi-
eros & pluvia, nisi juxta verba oris mei.* Post brevem hanc con-
cionem Samariā egressus DEI monitu in solitudine prope tor-
rentem Corinth se abscondit. Potum præhebat torrens, corvi
verbō panem, & carnes manē, similiter panem, & carnes vespeli
in cibum afferebant.

Fames in
Israel.
3. Reg. 17.
2 v. 7.

Interim fames arescentibus agris Regnum Achabi latè popula-
ta est, quam tamen circumjectæ regiones vix sentiebant,
nisi quod Tyrios etiam, atque Sidonios calamitas attingeret,
unde profecta erat Jezabel præcipua mali causa. Quam qui-
dem ipsa in Prophetas Domini rejecit, ac propterea multos occi-
dit. Elias, qui à Rege verborum ipsius memore vel maximè
perquirebatur ad necem, deprehendi non potuit; nam siccato
interea torrente, cùm non amplius haberet, quod biberet, inde
surrexit, & jussu Domini recessit in terram Sidoniorum; ubi in
urbe Sarepta apud pauperem viduam reliquo sterilitatis & famis
tempore miraculō sustentabatur. Nam cùm ipsa sub adventum

Elias

Eliæ ad coquendum hospiti subcineritum panem non nisi quantum pugillus capere potest farinæ haberet, & paululum olei; tamen ex illa die hydria farinæ non defecit, & lecythus olei non est imminutus, ita ut toto tempore esset, quod comedederet ipse & illa & domus ejus. Præter istam aliud insigne beneficium accepit hæc Sidonia. Filium ipsius ægrotantem oppresserat languor fortissimus, ita ut non remaneret in eo halitus. Mater ejulans ad hospitem quid mibi, inquit, & tibi vir DEI? ingressus es ad me, ut interficeres filium meum? portavit itaque Elias mortuum in cœnaculum, ubi ipse manebat, positoque super lectulum suum puer clamavit ad Dominum dixitque: Domine Deus meus, etiāmne viduam, apud quam ego utcunque sustentor, affixisti, ut interficeres filium ejus? deinde extendit se atque mensus est super puerum tribus & clamavit ad Dominum & ait: Domine Deus meus, revertatur obserro anima pueri hujus in viscera eius. Facta oratione reversa est anima pueri intra eum, & revixit. Tuncque Elias vivum de cœnaculo in inferiore domum, & tradidit Matri suæ.

Demum, cum jam ultra tres annos non pluisset in terra Israël, jussus est Elias de terra Sidoniorum redire ad Regem Achab. In via obvium habet Abdiam Procuratorem Regis, qui & ipse timebat DEum, & Prophetas quinquagenos & quinquagenos in speluncis absconditos rebus necessariis clam Rege, & Jezabele sustentabat. Hunc jubet Elias nuntiare Regi adventum suum. Achab hoc intellecto veniens in occursum iratusque expostulat, inquit: Tunc es ille, qui conturbas Israël? Cui Elias: Non ego turbavi Israël, sed tu & domus Patris tui, qui dereliquisti mandata Domini, & secuti estis Baalim. Monuit deinde Regem, ut si pluvias desideraret, juberet universum populum, & omnes Prophetas Baal in monte Carmelo congregari. Collecto itaque jussu Regis populo, quorum plerique DEO simul, & Baali serviebant. Usquequid, inquit, claudicatis in duas partes? si Dominus est Deus, sequimini eum; si autem Baal, sequimini illum. Deinde modum proposuit, quo decideretur, quis verus esset Deus, ille scilicet, qui missò de cœlo igne Sacrificium sibi oblatum accenderet; quem cum populus uno ore probasset, Pseudoprophetæ, qui coram Rege, & universo populo conditionem

Elias in monte Carmelo
Dominum ipsum esse
Deum mirabiliter ostendit.
3. Reg. 18.

respuere non audebant, bovem maectant, & in frusta dissectum strui lignorum imponunt, ignem à Baale magnis clamoribus flagitant, cultris quoque ac lanceolis corpus incident ad Dfum suum ad commiserationem provocandum, nullo tamen operæ pretio, ita ut insultaret illis Elias. Interim ipse quoque in magna omnium exspectatione altare DEI ex duodecim impolitis lapidibus juxta numerum Tribuum erigit, altari struem lignorum imponit, lignis membra maectati bōvis, omniāque demum duodecim hydris aquae perfundit. Ubi tempus Sacrificii adfuit, oravit Elias Dominum, ut verum se DEum ostenderet, & omnes Tribus iterum ad se converteret. Et ecce cecidit ignis Domini, & voravit holocaustum, & ligna, & lapides pulverem quoque & aquam; quod cūm vidisset populus, cecidit in faciem suam, clamavitque; *Dominus ipse est Deus, Dominus ipse est Deus.*

Elias occasione benè animati in DEum populi usus Prophetas Baal comprehensos & ad vicinum torrentem perductos omnes occidit gladiō. Regressus inde in Carmelum monuit Regem, ut prandium sumeret, multam pluviam imminere. Ipse vero ascendit in verticem Carmeli, & pronus in terram posuit faciem suam inter genua sua, dixitque ad puerum suum, ut septies prospiciat in mare, sibiāque toties referat, quid viderit. Puer sexies retulit, nihil se vidisse. Demum in septimā vice advertit nubeculam parvam quasi vestigium hominis ascendere de mari; quod ubi nuntiavit, citò misit puerum, & Regi dici jussit: *junge currum tuum, & descendene occupet te pluvia.* Achab surgens de mensa dum se vertit hic illuc, ecce Cœli conturbati sunt, & nubes & ventus, & facta est pluvia grandis. Festinanter itaque Rex in currum se injecit, currentēque ante eum accinctis lumbis Elia pervenit in Israël.

Inde Rex illicò misit in Samariam, & Jezabeli omnia, quæ facta fuerant, referri jussit; quæ ob interfētios præcipue Prophetas suos irā furens continuò remisit nuntium ad Eliam cum his minis: *Hec mihi faciant Dii & hac addant, nisi hac hora cras posuero animam tuam, sicut animam unius ex illis.* Quod Elias audiens fugit ex Jezrael venitque in Bersabee Juda, & dimisit ibi puerum suum.

Quæ dum in Regno Israëlis geruntur, Josaphat laudatissimus Rex in urbibus Judæ ædes magnificas erexit, urbes muris, atque

Elias fugit
ex Jezrael.
3. Reg. 19.
à v. 1. ad 4.

Josaphat feliciter regnat.

arque præsidiis munivit, justitiāmque administrando subditos si-
bi ita conciliavit, ut Regi certatim munera afferrent. ipseque in-
finitis divitiis, multaque gloriā floreret, quam suis charis, tam
erat formidabilis externis maximè Philistæis, atque Arabibus,
qui ut ipsum haberent amicum, multa ipsi quoque munera ob-
tulerunt; nam in omnem belli eventum parata habebat unde-
cies centena sexaginta virorum millia.

*a. Par. 17.
à v. 10.*

Elias interim Jezabelem fugiens per desertum Arabiæ va-
gatur, alia ex aliis loca, & latebras per totum reliquum ferè an-
num mutando, ut mulieris evitaret emissarios. Fortè fatigatus,
sedensque subter unam juniperum petiit animæ suæ, ut morere-
tur ex zelo nempe divinæ gloriæ, quam proculcatam videre
nollet; dum dormit jejonus in umbra juniperi, sub vesperum
missus à Domino Angelus cibum cum aqua ad caput dormien-
tis apponit, leviterque motum excitat dicens: *Surge & comedē,*
quo dicto evanuit. Elias circumspiciens panem sub cinere
coctum cum aqua reperit. Comedit ergo, & bibit, rursusque
obdormivit, donec reversus est Angelus secundò, monuitque de-
sumendo jentaculo; ex quo tantum accepit virium, ut quadra-
ginta ipsos dies jejonus perseverans, & per varias ambages, ac
voluntarias aberrationes more fugientium ad montem Horeb
perveniret, ubi in spelunca delituit. Brevi autem à Domino
jussus est reverti in Israelitidem, Jezabele jam aliquorum piorum
hominum cæde mitigata; cùmque in via identidem gemens dice-
ret: *Remansi ego solus*, Dominus ad consolationem certum ipsum
fecit, se multa adhuc millia in Israële conservasse, qui Baali nun-
quam genua flexissent exiguo sanè Eliæ solatio, qui sperare po-
terat Achabum, omnémque populum abjecto Baal post
demonstratam præterito anno in monte Carmelo tam luculen-
ter Idolorum vanitatem ad unius DEI cultum interea rediisse.
Verum in unius scelestæ mulieris gratiam, & Rex & populus
pergebat in utramque partem claudicare; id quod latere non
potuit Josaphatum, qui nihilominus talium Parentum filiam
Athaliam primogenito suo filio Joram uxorem petiit infausta sine
dubio ac malè contracta affinitate; quod postea tum ipsa Domini
reprehensio, tum luctuosa evenita docuerunt.

Elias Israëlitidem ingressus iussu DEI Elisæum ex agro sibi
in socium ac discipulum assumpsit; qui etiam DEO intus im-

*Elias fugiens
Jezabelem
revocatur in
Israelem.
3. Reg. 19.
à v. 4.*

*Elisæum in
socium assu-
mit.*

3. Reg. 19.
2 v. 19. &
3. Reg. 20.

pellente relictis bobus, & aratro eundem secutus est, & ministrabat ei. Non multò pōst DEus Achabo duas insignes victorias largitus est, si fortē his converteretur ad Dominum, qui miraculis non poterat. Rex Syriæ Benadad ob negatum ipsi tributum ingentem exercitum regiæ urbi Samariæ admovit habens secum triginta duos Satrapas, quos Sacra Scriptura Reges vocat. Rege cum suis trepidante iussit Propheta quidam ducentorum triginta duorum Principum Provinciarum pedissequos sive servos honorarios primos egredi & inchoare prælium. Qui cū fortiter in hostem ruerent, territi sunt Syri, & in fugam cum magna clade conversi. Sequenti anno Benadad bellum instaurat, assumptisque loco Satraparum aliis triginta duobus Dicibus in planicie pugnare constituit, dicebant enim Syri : *Dii montium sunt Dii eorum, idè superaverunt nos.* Itaque cum infinita multitudine venit Aphec, quod oppidum situm est juxta magnam planiciem Galilææ. Sed majore quam anteā strage Syri fusi sunt; nam centies mille in acie ceciderunt, & viginti septem millia, qui in oppidum Aphec fugerant, ruinâ murorum oppressi sunt. Regi Syrorum ad se adducto Achab non modò pepercit, sed & petenti pacem dedit, hac inter alias conditione, ut ereptam sibi urbem Ramoth Galaad redderet. Debuerat ipse etiam Rex interfici, quod quia non fecit Achab, à Propheta audiit : *Quia dimisi virum dignum morte, erit anima tua pro anima ejus, & populus tuus pro populo ejus.* Id quod tertio pōst anno eventit.

Achabo ejusque familiæ ac Jezabeli interitum denuntiat.

3. Reg. 21.

Longè adhuc graviorem non tantum in se, sed totam domum suam DEI vindictam confecto bello concitavit. Habebat Achab in Jezrael palatium unum cum regio horto, quo animi causâ ex Samaria subinde concedere solebat. Hortus nimium ipsi angustus erat; ut verò latius extenderetur, obstabat vicina cūjusdam civis Naboth nomine vinea. Huic igitur offert justum pro vinea pretium. Noluit Naboth, quod Lege Mosis vetitum esset hæreditatem Patrum suorum vendere in perpetuum. Res hæc ægerrimè Regem habuit; quod ubi rescivit Regina Jezabel, effecit, ut Naboth per calumniam circumventus, & ab iniquis Judicibus damnatus lapidaretur. Extincto Domino possessionem vineæ vix adiit Achab, cūm adest Elias, eique totius suæ familiæ exterminationem denuntiat, de Jezabel insuper addens:

C.

Canes comedent Fezabel in agro Fezrael. Quæ poena à tanto Propheta intentata ita terruit Regem, ut scinderet vestimenta sua, & operiret cilicio carnem suam, jejunaret, dormiret in sacco, & ambularet demissio capite. Qua demissione DEum utcunque placavit, ut poenam ad Regnum filii ejus saltem differret. Ipse verò tertio post anno poenarum partem morte luit.

Syrus urbem Ramoth etiamnum detinebat contra quam pace conventum fuerat. Igitur Achab exercitum colligit, inque belli socium Regem Juda Josaphatum invitat, qui etiam cum auxiliaribus copiis venit Samariam. Ante expeditionem Josphat Dominum consuli voluit. Jussit igitur Achab adesse quadrungentos Pseudo Prophetas, qui omnes uno ore prosperum belli successum ominabantur; unusque insolentior Sedecias cornua ferrea in capite gestans: *His, inquietabat, ventilabis Syriam,* donec deleas eam. At Josaphat desiderans Prophetam Domini, rogavit, an non aliquis adesset. Respondit Achab, unum remansisse in Samaria Michæam, addens: *Sed ego odi eum, quia non prophetat mihi bonum, sed malum omni tempore.* Ut tamen Josaphato gratificaretur, misit, qui eum vocaret. Adductus Michæas, atque de belli eventu rogatus prospera omnia cum reliquis Prophetis vaticinatus est. Verum Achab ironiam animadvertis adjuravit Michæam, ut non loquatur, nisi quod verum est, in nomine Domini. Itaque liberè edixit, Regem in prælio cæsum iri, & Israëlitas dispersos mox ad sua redituros. Simul ostendit, non esse credendum prospera vaticinantibus, quod permisso DEI spiritus mendax esset in ore omnium Prophetarum. Nihilominus retruso in carcerem Michæa Achab cum Josaphat in aciem progressus est; cumque comperisset, se potilimum bellō peti, mutavit habitum ad securitatem, ne Rex agnosceretur. At nihil ipsi hæc diligentia profuit. Nam fervente prælio sagittâ in incertum emissâ stans in curru suo confossus est; quo cognito Israëlitæ, antequam Sol occumberet, reversi sunt ad sua. Josaphat verò rediit Jerosolymam gravi hæc objurgatione à Jehu Propheta exceptus: *Impio præbes auxilium, & his, qui oderunt Dominum, amicitia jungeris.* 2. Par. 19. v. 1. & 2.

Ochoziam filium Achab jam antea in Regni consortem asumpsérat; Patre verò nunc occiso solus regnávit. Primo Re Ochozias, gni Rex Israël.

Josaphat ob-
jurgatur ob
societatem
belli cum
Achab, qui
cadit in præ-
lio.

3. Reg. 22.
2. Par. 19.

Elias signem
ē cœlo evo-
cat.
3. Reg. 22.
ā v. 49.
4. Reg. 1.
2. Par. 20.
ā v. 35.

gni aditu Josaphatum invitavit, ut classe in portu Asiongaber, hodie Suez à Turcis dicto, simul navigarent in Ophir propter aurum. Placuit Josaphato consilium. Sed res tristem habuit exitum, imò principium; nam tempestate divinitus immissa contractæ sunt naves, antequam ē portu solverent, in pœnam inita cum Ochozia amicitiae, & societatis veluti Eliezer Propheta Josaphato postea affirmavit. Nam Ochozias ambulavit in via Patris sui & Matris sua, ejusque opera fuerunt impiissima, brevissimo quidein tempore, quo regnavit. Nam primo Regni anno exeunte gravi per cancellos cœnaculi lapsu ægrotare cœpit. Sollicitus, an morbus lethalis esset, nuntios misit in Accaron Philistorum urbem ad consulendum Belzeebub DEum Muscarum, sic dictum, quodd muscas locis illis admodum infestas arcere crederetur, quique certiora tunc exteris oracula fundere ferebatur. In via nuntiis occurrit Elias, revertique jubet, ac Regi hæc nuntiare: *Quia consulisti Belzeebub, quasi non esset DEus in Israël, de lectulo, subter quem ascendisti, non descendes, sed morte morieris.* Quo dicto redit Elias in Carmelum, nuntii in Samariam. Audito tristi nuntio Rex quæsivit, cuiusnam habitus & figuræ vir esset; qui istud sibi nuntiari voluisse? cùmque dicerent: *Vir pilosus, & zonā pelliceā accinctus renibus,* illicò advertit Eliam esse, misitque militarem manum quinquaginta virorum, qui eum comprehendenter, atque ad se adducerent, coactus fortasse eum ad exorandam sibi à DEO vitam. Venire in Carmelum, in cuius vertice sedebat Elias. Ad quem Dux militum: *Homo DEI,* inquit, *Rex præcepit, ut descendas.* Sed quod hominem DEI, ut appareret, per ludibrium appellasset, Elias: *Si homo DEI sum, descendat ignis de cœlo, & devoret te, & quinquaginta tuos,* quod illicò factum est omnibus cœlesti igne ablumpis. Nescius Rex, cur vincitum non adducerent, aut saltem nuntium remitterent, misit alium cum quinquaginta viris. Sed & iste cum suis parem legationis fortitus est exitum. Missus est ergo tertius quinquagenarius, qui intellecta in itinere priorum fortuna summa corporis, verborumque humilitate Eliam ad Regem invitavit. *Curvauit enim genua contra Eliam, & precatus est eum.* Itaque descendit, & moribundum Regem adiit, sed terrificum illud carmen repetens: *Quia missi suntios ad consulendum Belzeebub Deum Accaron, quasi non esset*

DEus

DEus in Israël, ideo de lectulo, super quem ascendisti, non descendes, sed morte morieris. Mortuus est igitur altero Regni Joram, Rex anno Ochozias, cùmque liberis careret, successit Joram Frater Israel. ejus nonus Rex Israëlis.

Non diu post ipse etiam Elias ex hac terra abiturus se ad iter paravit. Ac primo dispersa per Israele Prophetarum collegia visitavit, deditque ultima salutis monita. Tum cum solo Eliseo Jerichunte egressus Jordam transiit; ubi cùm nec navigium, nec vadum inveniret percussas pallio aquas in utramque partem divisit, ita ut transirent ambo per siccum, videntibus quinquaginta filiis Prophetarum, qui Jerichunte post Eliam egressi, à longè in editiore loco steterant desiderio vindendi finem: Divinitus enim noverant fore, ut eo die Elias intermortales esse desineret. Dum ambo ex altera ripa inter varios sermones aliquamdiu procedunt, ecce Elias curru igneo, & equis igneis à latere Elisei rapitur in cœlum, nec deinceps amplius comparuit. Eliseus vero rediens pallio, qui ascendentis in currum Eliæ exciderat, Jordam percussit, siccumque, ut antea translivit, cui occurrentes filii Prophetarum proni in terram adoraverunt eum veluti Patrem ac Magistrum suum deinceps futurum. Deductus in Jericho triduo ibi substitit; qua occasione usi cives eum rogarunt, ut praterfluentem aquam alias amaram & terræ noxiā dulcem, ac potabilem redderet; quod & fecit injecto in fontem sale. Inde ascendens ad alterum Prophetarum Collegium in Bethel pet viam incidit in parvos pueros, qui egressi de civitate illudebant ei, clamantes: *Ascende calve, ascende calve*, mox autem perulantiam luerunt; ubi enim eis maledixit in nomine Domini, è vicino saltu accurrerunt duo ursi, qui facto celeriter nunc in hos, nunc in illos impetu lacerarunt quadraginta duos pueros. Eliseus autem post visitatos in Bethel filios Prophetarum, perrexit inde in Carmelum præcipuum Prophetarum coloniam, & locum ordinariæ habitacionis suæ, suos, qui eum montem incolebant, de amissio Eliae consolatus.

Rex Moabitarum, quem David subactum Regno suo subjecerat, subsecuta deinde Regni divisione hæc tenus Israëlitis tributarius erat, pendebatque vestigal centum millia agnorum, & centum millia arietum. Nunc vero occiso Achab jugum excusserat. 4. Reg. 8.

Sacra Veterum Temp. Histor.

X

Eliseus exercevit situm siti per ritum mihi seruat.

serat. Jam quidem Ochozias statuerat ei bellum inferre, sed morte præventus est. Igitur Joram contra fœdifragum le armat, atque in auxilium Josaphatum Regem Judæ invitat; qui etiam ei condixit, licet jam bis ob amicitiam cùm Regibus Israël reprehensus. Coniunctas vires ducunt per desertum Idumeæ, quæ itidem à tempore Davidis Regibus Juda parebat. Hinc istius quoque Regem, vel potius Proregem Josaphat secum ad bellum Moabiticum venire jussit. Septem dierum iter per desertum fecerant in summa aquæ penuria, ita ut Rex Israël denique exclamaret: *Heu! heu! heu! congr. gavit nos Dominus tres Reges, ut traderet in manus Moab.* At Josaphat an non adesset aliquis Propheta Domini inquirit, per quem deprecantur Dominum; cùmque audisset Elisæum esse in castris, cum duobus Regibus eum adit; quem dum prior Joram alloquitur, respondit Elisæus: *Quid mihi & tibi est? vade ad Prophetas Patris tui, & Matri tua.* Vivit Dominus, quod si non vultum Josaphat Regis Judæ erubescerem, non attendissem quidem te, nec respexissem. Deinde jussit Psalten ad se adduci, qui aliquid ex Psalmis Davidis in DEI laudem caneret; quo canente Elisæus Spiritu DEI afflatus, jussit in arido torrente complures fossas erui, quas dein Deus aquis miraculo sic implevit, ut orto sole homines & jumenta abundè biberent. Ubi hostiles exercitus convenere, Moabitæ, veluti Elisæus ante predixerat, cæsi sunt, & latè vastata Regione in urbem Regiam totum belli pondus incubuit. Rex desperata urbis defensione super murum obtulit, & exussit filium suum in holocaustum Deo suo Moloch videntibus Israëlitis; quo aspectu tum indignatione in se ipsos, quod miserum Patrem eò usque adegissent, tum commiseratione ipsius commoti ab urbis obsidione recesserunt, innovatoque fœdere de tributo pristino ex fide pendendo ad sua quisque redierunt.

Oleum viduz prodigiose auger.
4. Reg. 4.

Reversus quoque Elisæus continua ferè deinceps atque insignia patravit miracula. Vidua cuiusdam Prophetæ pauperis, & obærati timebat, ne creditores, quibus ipsa satisfacere non poterat, duos suos filios in servitutem abriperent. Opem postulat ab Eliseo, affirmans, se nihil aliud domi habere, nisi parvum olei, quo se ungat. Hic jubet eam à vicinis quotquot possit vasà corrogare, in eaque infundere oleum, fore enim, ut lecythus

cythus olei non deficiat, donec omnia vasa sint impleta; quod cùm ipsa fecisset, vade, ait Prophetæ, vende oleum, & redde creditori tuo, quod illi debetur; tu autem & filii tui vivite de reliquo.

Sunam oppidum ad radices Carmeli situm frequenter transeunti matrona quædam locuples & magno inter suos loco cœnaculum suppellecstile instructum viro suo probante paraverat, in quo vir DEI cibum sumere, & commodè quiescere posset. Volens gratiam reddere intelligit à pueru suo Giezi, nihil gratius mulieri facturum, quæm si eidem filium à DEO exoraret. Jubet ergo eam vocari, spondetque, nasciturum ipsi filium. Mulier gaudio plena, ac prolis avida, noli, quæso, ait, Domine mi vir DEI, noli mentiri ancilla tuae. Natus est in tempore, & horâ eadem, quæ prædixerat Elisæus. Accidit autem, ut tertio ætatis anno puer tempore messis ad Patrem in agrum delatus, ferventique solis radio tactus malè habere inciperet, ac paulò post in sinu matris moreretur. Afflita Sunamitis posito super lectulum viri DEI puero, stratâque asina properat in Carmelum, sequæ ad pedes Elisei inter singultus & lacrymas abjecit. Vir DEI audita filii morte, misit continuo famulum cum baculo suo, jussisque hunc ponere super corpus pueri. At Giezi brevi reversus rerulit, se quidem id fecisse, neque tamen surrexisse puerum. Itaque ipse cum matre Sunam perrexit, ingressusque cœnaculum suum clausit ostium super se, & facta prius ad DEum oratione ascendit super lectum, & incubuit super puerum, posuisse os suum super os ejus, & oculos suos super oculos ejus, & manus super manus ejus, donec caleficeret & aliqua vitæ signa daret, ubi demum oscitavit puer, aperuitque oculos, & redditivum matri suæ.

Famis tempore, quæ septem annos in terra Israël tenuit, Eliseus habitans tunc in Galgalis inter filios Prophetarum, forte uni de discipulis mandavit, ut deficiente alio cibo, herbas in agro colligeret, offâque pararet. Iste incidit in Colozyndias, quæ est herba agrestis, similis labruscæ, seu viti sylvestri proférens fructus rotundos cucurbitæ similes, & amarissimos. Ratus esse cucurbitas concidit, misisque in ollam, & post coctionem apposuit suis. Cibo vix degustato conclamant omnes: Mors in olla vir DEI, suscipiat herbas esse mortiferas. At Eliseus

Sunamitidi
filium exorat.
Mortuum de-
inde ad vi-
tam revocat.
4. Reg. 4.
à v. 8.

Ollam ama-
ram reddit
dulcem.
4. Reg. 4.
à v. 38.

missa in ollam farinula omnem mox amaritudinem abstersit, ita ut deinde centum viri comedenter.

Multiplicat
panes.
4. Reg. 4.
à v. 42.

Eodem famis tempore quidam opportunè attulit panes hordeaceos viginti; quos licet paucos Propheta iussit communire religiosorum hominum centum mensæ apponi, panesque Dominus ita multiplicavit, ut non tantum omnes saturarentur, sed & reliquæ superessent.

Securitatem
facit
naturæ in
aqua.
4. Reg. 6.
à v. 1. ad 8.

Iudem filii Prophetarum probante Elisæo extruebant ad Jordanem novæ coloniæ domicilium, quia, uti ad ipsum dicebant, locus, in qua habitarimus, coram te angustus est nobis. Dum ligna ad ripam Jordanis cædunt, uni securis de manubrio fugiens in fluvium incidit. De jactura lamentantem homo Dei consolatur, ac manubrium projicit in aquam. Et ecce! lignum recta incidit in foramen ferri, eoque sponte se induit, ita ut natantem securim signator manum extendens potuerit arripere.

Jesaphat mi-
rabilem re-
portat de
Moabitis vi-
ctoriam.
2. Par. 20.

Interea quinto post expeditionem Moabitacam anno gravissimum bellum Judææ incubuit à Moabitis fortassis vindictæ cupiditate concitatum. Nam ipsi & Ammonitæ & qui habitabant montem Seir, collecta infinita multitudine castra in regione Engaddi juxta mare mortuum posuerant. Jesaphat accepto nuntio perterritus illicè jejunium prædicari iussit per universam Judæam, séque totum constitulit ad rogandum Dominum in Templo Domini; quod etiam omnes de urbibus Judæa venerunt ad deprecandum eum. Qui dum starent coram Domino cum parvulis, uxoribus, & liberis, Levitarum aliquis, super quem factus est Spiritus Domini in medio turbæ Regem & populum in ipem victoriæ erigens clamavit: *Nolite timere nec pavecatis hanc multitudinem, non est enim pugna vestra, sed DEI.* Ita bene animatus Rex postero die contra hostem egressus in fronte exercitus constituit Cantores, qui antecederent, & ad laudem Domini canerent Psalmum: *Confitemini Domino, quoniam in eternum misericordia ejus.* Sic instructa acie antequam ad manus veniretur, debellatum jam erat. Nam hostes in semetipso versi mutuis concidere vulneribus, ita ut adventantium Judæorum unicus labor esset inter strata latè per terram cadavera colligere pretiosa spolia, tamque multa, ut omnia portare non possent, nec per tres dies afferre prædæ magnitudine. Quarto dēmum die reversi sunt, & Jesaphat ante eos, ingrediisque sunt in Jerusa-

lem

lem in l^aetitia magna cum psalteriis, & citharis, & tubis in domum Domini.

Post duos ab haec victoria annos dormivit Josaphat cum Patribus suis anno Regni vigesimo quinto, aetatis sexagesimo, Josaphat mortuus est cum eis in civitate David unus ex laudatissimis Regibus Juda. Reliquit septem filios, quibus singulis dedit multa munera argenti & auri, & pensitationes cum civitatibus munirissimis in Juda, Regnum autem tradidit Joram, eo quod esset primogenitus.

Joram, Rex Juda.

Joram ut primum se in Regno confirmatum vidiit, occidit omnes fratres suos gladio. Deinde quod iis vivis minimè ipsi impunè licuisset, excelsa in urbibus Juda fabricatus est, ambulacrum in viis Regum Israël, sicut egerat domus Achab, colendo nimirum Idola, & populum pervertendo seductus ab uxore Athalia Jezabelis filia.

In Israël necesse erat Regem semper in excubiis stare, ne subito obrueretur a Rege Syriæ Benadad; varias enim ipsi struebat insidias; quas quodam tempore eluderet, in suspicionem venit Syrus, ne quis inter suos esset, qui sua eidem proderet consilia. At ubi comperit, Eliseum Prophetam esse, qui indicaret Regi Israël omnia verba, quæ loqueretur ipse in conclavi suo, Eliseum capere constituit: audiensque, eum esse in Dothan oppido haud procul a Samaria sito, misit illuc equos, & currus, & robur exercitus nocte, qui vallarent urbem, civesque metu cogerent ad dendum Prophetam. Sciens istud Eliseus ipse manu egressus est, & a nemine Syrorum agnitus dixit; non esse in hac civitate, quem quererent, secum irent, se ostenturum ipsis virum; duxitque imprudentes, & oculis captos in medium civitatem hostilem Samariæ; ubi poterant a parata jam, & circumfusa ci-vium, ac militum manu ad unum omnes contrucidari. At Eliseus apud Regem intercessit, ut cibo potuque prius benignè habitos ad sua, & ad Regem suum dimitteret. Generosum facinus debuerat delinire Regem Benadad. At ipse beneficium magis exasperatus cum exercitu Samariam venit, eamque fame alias sati exhaustam tam arcta, tamque longa obsidione premit, do-

*Ab Au. 3094.
Joram occisis
fratribus suis
Idola colit.
2. Par. 21.
2 v. 2, ad 8.*

*Eliseus Samariam obsidione liberat.
4. Reg. 6.
2 v. 8.
4. Reg. 7.*

nec caput asini octoginta siclis, ac parum stercoris columbarum quinque venumdaretur. In tota urbe quinque solumodò equi supererant, reliquis omnibus consumptis. Matres proprios filios devorabant. Clamatur ad Regem: *Salva me Domine mi Rex.* At ipse; *Non te salvat Dominus, unde te possem salvare?* videns denique Rex extremam calamitatem exarsit in Elisæum, ut qui fortassis antea pacis consilia Regi dissuassiter, opem è cœlo ad futuram identidem promittens, qualis tamen non apparet rebus iam desperatis, juravitque: *Hæc mihi faciat Deus, inquietus, & hoc addat, si sterterit caput Elisai super ipsum hodie.* At statim mutavit sententiam, postquam Elisæus in crastinum diem modium similæ vilissimo pretio, uno nempe statere, in porta Samariæ venditum iri edixit. Promissis respondit eventus. Nam Deus ea nocte sonitus fecerat audiri in castris Syriæ curruum, & equorum, & exercitus plurimi, ita ut Syri existimantes adventare cum Israëlitis Reges Hethæorum, & Ægyptiorum fugerent in tenebris, & derelinquerent tentoria sua, & equos, & asinos in castris, animas tantum suas salvas facere cupientes. Quod cum relatum esset in urbem ab exploratoriis, quos Rex miserat, egressus manè populus diripuit castra Syriæ, modiusque simile statere uno venditus est juxta verbum Domini.

Deus Regem
Juda ac po-
pulum gravi-
ter castigat.
2. Par. 21.
à v. 8.
4. Reg. 8.
à v. 16.

Eliseus Na-
manum Sy-
rum sanat.
6. Reg. 5.

Eodem tempore Dominus peccata Regis Juda ac populi se-
verè castigavit. Nam in primis Idumæi inde à Davidis tempo-
re vestigales defecerunt. Deinde Arabes & Philistæi in Iudeam irruentes, vastata foedè regione diripuerunt omnem substan-
tiam, quæ inventa est in domo Regis; insuper & filios ejus uno
minimo natu Ochozia excepto interfecerunt. Ipse autem Rex
Joram percussus est à DEO alvi languore insanabili, ita ut pau-
latim per singulos dies vitalia egredenterentur.

Sub idem tempus Elisæus illustri rursus miraculo Principem
virum sanavit. Is erat Naaman Princeps militiae Regis Syriæ,
vir fortis, sed leprosus. Habebat uxor ejus in famulatu ancil-
lam Hebræam parvulam, quam ex Israële captivam adduxerant
milites illi, qui ad comprehendendum Elisæum venerant in ter-
ram Israël. Hæc aliquando ajebat ad Dominam suam: *Utrinam
fuiisset Dominus meus ad Prophetam, qui est in Samaria, pro-
fectò curasset cum à lepra, quam habet.* Naaman his auditis ac-
cedit

cedit ad Regem Benadad, petique commendatitias ad Regem Israël; profectusque cum multis muneribus magnóque comitatu desert ad Joram litteras in hæc verba scriptas: *Cum asceperis epistolam hanc, scito, quod miserim ad te Naaman servum meum, ut cures eum à lepra sua.* Litteras legens Rex Israël scidit vestimenta sua, ajens: *Nunquid Deus ego sum, ut possim occidere, & vivificare?* Conversusque ad suos: *Videte, inquit, quod occasiones querat adversum me.* Suspicabatur enim Rex à se peti, ut lepram abstergeret; quod cùm audisset Elisæus, Regi dici jubet. *Quare scidisti vestimenta tua? veniat ad me, & sciatis esse Prophetam in Israël.* Curatusque est Naaman, postquam se lavit septies in Jordane, ac insuper ad verum Deum converlus.

In Iudea postquam Rex acerrimo viscerum dolore integrum biennium cruciatus fuisset, mortuus est in infirmitate pessima, & sepultus est quidem in civitate David, sed non in sepulchro Regum.

Ochozias, Rex Iuda.

Ochozias unicus Jorami post imperfectos ab Arabibus reliquos filius Patris exemplo ingressus est per vias domus Achab; *mater enim ejus impulit eum, ut impiè ageret.* At breve, unius nempe anni, Regnum ejus fuit.

Mortuus erat Benadad Rex Syriae. Joram Rex Israël, apertum tempus hoc esse ratus recuperandi urbem & arcem Ramoth Galaad, quam ipsi Benadad eripuerat, exercitum unaque Ochaziam expeditionis socrum illuc duxit. Hazaël novus Rex Syriae acriter restitit, ita ut ipse Rex Joram multis vulneribus sauciis bellum deserere cogeretur. Jussis igitur Ducibus, inter quos præcipuus erat Jehu, obsidionem porro urgere ipse interim deportari voluit in Jezraël, donec curatis plagis rediret. Ochozias vero Jerosolymam reversus est. Diutius tenuit ægritudo Jorami, quam credebatur. Quare Ochozias ad eum invisendum Jerosolymis profectus est in Jezraël, ubi Jezabel sedulam ægri filii curam habebat.

Interea tempus, quo Dominus domum Achabi extinxerat, erat, advenit. Ergo Elisæus mittit unum de filiis Prophetarum

Joram moritur ex infirmitate pessima.

4. Reg. 8.
v. 24.
2. Par. 23.
v. 19.

Ab An. 3098.

Ochozias & ipse Idola colit.

4. Reg. 8.
à v. 25.
2. Par. 22.
à v. 1. ad 5.

Regem Israël invisit in Jezraeli.

4. Reg. 8.
à v. 28.
2. Par. 22.
à v. 5.

Jehu igitur Rex Israël.

4. Reg. 9.
2. Par. 22.
v. 7.

tarum in urbem Ramoth Galaad, quam Duces Joram interim expugnaverant ad inungendum Jehu in Regem Israël, addito DEI mandato, ut domum Achab stirpitus extirparet. Ingressus domum, in qua Duces exercitus Joram considebant, sevocat Principem Jehu in interius cubiculum, ac eum in Regem Israël inungit, addens, quæ ipsi Elisæus dici mandaverat.

Ochozias, Jo-
ram, & Jeza-
bel occidun-
tur.

4. Reg. 9.
2 v. 11.
2. Par 22.
v. 8. & 9.

Jehu egressus, & quid novi Propheta attulisset, interrogatus se jussu Domini unctum esse Regem super Israël aperte fallus est; ad quas voces reliqui Duces divinitus excitati compo-
to raptim ex palliis suis solio, eum in illo collocârunt, Regem-
que in exercitu voce, tubâque proclamârunt. Rex novus cau-
tò prius, ne quis ex urbe profugus rem in Jezraël deferret, re-
licta arcis oppugnatione, in quam Syri amissa civitate confuge-
rant, celeriter cum exercitu movet in Jezraël ubi adhuc erant
duo Reges. Joram à speculatori monitus adventare Jehu cum
globo militum, lataque nuntia sperans cum Ochozia eidem in
currus occurrat, queritque, *pax est Jehu?* at ille: *qua pax?* ad-
huc fornicationes Jezebel Matris tua & beneficia ejus multa
vigent. Territus hac voce Joram converso currus ad Ochozi-
am ait: *Insidia Ochozia, volensque per agrum Naboth fugere,*
transfixus est à Jehu inter scapulas, & egressa est sagitta per cor
ejus, statimque corruit in currus suo. Mox Regem Iuda quoque
jam longius fugâ abruptum persequi jussit atque interfici; qui
pariter accepto non uno vulnera mortuus est, posteaque à suis
sepultus in Civitate David. Ipse vero Jehu ad portam Domus
Regiae contendit: ubi Jezebel auditio ejus adventu depinxit oculos
suos fibio & ornavit caput suum; respiciensque per Palatii
fenestram his ingredientem verbis exceptit: *Num pax potest illi
esse, qui interfecit Dominum suum?* At Jehu suspiciens jussit
sceleratam ab astantibus Eunuchis præcipitari deorsum, ubi pedi-
bus equorum prostrata, ac deinde à canibus ex oppido instinctu
divino concurrentibus ita fuit discepta ut, cum Jehu maledic-
tam sub prandio sepeliri præciperet, servi nihil invenirent, nisi
calvariam, pedes, & summas manus. Hæc fuerunt tantum ini-
itia tragœdie.

Tota domus
Achab ex-
ficiuntur.

Erant in Samaria septuaginta filii tum Achabi, tum Joram,
quos ex diversis uxoribus suscepserant. Igitur continuò scripsit
Jehu litteras ad Optimates Samariæ, scirèque petiit, an se Re-
gem

gem vellent, an aliquem ex filiis Achab? Illi missis Legatis se quæcunque ille imperasset, facturos esse respondent. Scripsit ergo secundas litteras, jussitque interfici 70. filios, eorumque capita postridie ad se in Jezraël afferri; id quod Præfecti urbis ac Optimates illa adhuc nocte præstiterunt. Necdum cædium finis. In Jezraël perquisiti sunt, qui Achabum consanguinitate vel affinitate contingenter, omnésque interfecti. Inde in Samariam profectus deprehendit in via latitantes in pastoritia quadam domo quadraginta duos filios fratum Ochoziæ, qui cum ipso Jerosolymis venerant ad salutandos filios Joram; quos omnes, utpote ex Athalia descendentes occidit. Samariam ingressus percussit ibi quoque omnes, qui quoquo modo Achabum, & Jezabelem attingerent. Demum tragediam clausit cæde Pseudo-Prophetarum, & Sacrificulorum Baal. Hos omnes ex univerlo Israël sub pena capitis convenire jussit sub specie solenni Sacrificii Baal. Convenerunt ad unum omnes, & repleta est domus Baal. Qui dum sollicitè omnia ad Sacrificium parant, octogintæ milites in templum immittit, qui stricto ferro punctim, casimique omnes trucidarunt. Postremo Idola Baalis tum comminuit, tum combussit, fana ac templa destruxit, ac in probrofissimos usus, latrinas scilicet publicas, convertit. Itaque Jehu delevit domum Achab, ac Baal de Israël. Boni omnes sperabant post extirpatum Baalis cultum fore, ut Rex Jehu sublatis quoque ex Dan, & Bethel vitulis aureis integrum pietatem Regno Israëlis tandem restitueret. Sed exspectationem fefellerit, eosque conservavit pervercis & ipse politicorum consiliis deceptus, existimantium, Regnum Israël sine vitulis stare non posse.

4. Reg. 10.
2. Par. 22.
v. 8.

Jehu, Rex
Israel.

4. Reg. 10. v. 35.

Joas, Rex Juda.

UT primum Jerosolymam allatus est nuntius de occiso Ochozia, Mater ipsius Athalia surrexit, & interfecit omne semen Regium. Neque tamen crudelis, & impia totam domum David extinxit. Nam durante filiorum Ochoziæ carnificina soror Ochoziæ, & Jojadæ summi Pontificis uxor Josabetha natum minimum filium furata est de medio filiorum Regis, absconditque infantulum cum nutrice sua. Athalia stirpe Regia, ut putabat,

Sacra Veterum Temp. Histor.

X

de-

AbAa. 3105.

Jojadas Pon-
tifex unicum
è Davidis stir-
pe surculum
servat.

4. Reg. 11.

2. Par. 22.
2 v. 10.

deleta, tyrannidem occupat sex annis, quibus collapsum in Israel Baalis superstitionem omni ope fovit in Judæa, atque amplificavit, dum interim Joas in secreto domus Domini cubiculo singulari Jojadæ, & Josabothæ curâ educatur.

Cum Joas septimum ageret annum Jojadæ, quam pridem animo versabat curam in rem deducere magno animo statuit. Vocavit ergo ad se quinque de Levitis centuriones viros strenuos. His ostendit puerum Joam, suaque de inauguratione Regis consilia communicat, adjurans eos, ut rem secretam teneant. Horum industria ex omnibus urbibus Juda convenerere plurimi Levitæ in Templum Domini, quid rerum ageretur ignari. Constituto deinde die omnes lanceis, aliisque armis ex armamentario Templi de promptis Jojadæ instruxit, portasque iis designavit, ubi confisterent ad omnem vim, si opus foret, propulsandam. Jussit quoque armatos cingere totum atrium Levitarum in eoque erigi suggestum, è quo Rex puerulus undique ex omnibus atriis conspiceretur. Rebūs sic ordinatis, ac presentibus Principibus familiarum jam antea rei consciis produxit Summus Sacerdos puerum, regisque insignibus ornatum, unicum Davidicæ stirpis surculum Regem inunxit inter plausus populi per omnia Templi atria clamantis: *Vivat Rex.* Excita his vocibus Athalia è Regia accurrit, vidensque Regem stantem, & Principes, turmasque circa eum, omnemque populum gaudenter scidit vestimenta sua, clamavitque: *Conjuratio, conjuratio!* At iussu Summi Ponticis illico extra septa Templi per centuriones raptata prope regia equorum stabula interfecta est gladio; quod videns populus rediensque è Templo Domini irruit infanum Baalis, Sacerdotes ejus trucidavit, aras destruxit, simulacra contrivit, fanum ipsum à culmine dituit, ac solo æquavit. Rex verò cum insigni Principum ac Legionum comitatu in Palatum deductus sed sit super thronum Regium, regnavitque deinceps quadraginta annis.

Jojadæ sciens, quanti ad DEI gloriam, Regnique felicitatem momenti esset recta institutio Principis, adolescentem Regem ad omnem virtutem pietatemque informavit, eidem, ut par est credere Deuteronomium Legis explicando; qui etiam Sanctissimi Pontificis doctrinas, sive meritis & amore Parentis monita sanctus est, fecitque, quod bonum est coram Domino

648

adolescentem
Regem ad
omnem vir-
tutem pietati-
que insti-
guit.

cunctis diebus Jojadae Sacerdotis. Jehu interim, quod DEum cum vitulis aureis coleret, regnabat inglorius immo infelix. Rex enim Syriae Hazaël non tantum populationibus vastavit Israël, sed eidem etiam Ramoth Galaad, & terras trans Jordanem sitas eripuit. 4. Reg. 8. v. 12. Id quod jam diu ante præviderat Eli-sæus, cum Damasci cum Hazaële tunc nondum Rego loqueretur, fieretque sciens, quæ facturus esset filiis Israel. Demum post vi-ginti octo Regni annos dormivit Jehu cum Patribus suis, & regnavit Joachaz filius ejus pro eo Rex Israëlis undecimus.

In Judæa vero Rex totus erat in cultu DEI augendo. Sar-ta testa Templi cum tempore hinc inde non leve vitium passa indigebant reparatione. Athalia quoque multis Templum orna-mentis spoliarat, ut iis fanum Baalis ornaret. Igitur ut in sta-tum pristinum splendorēmque domus DEI restitueretur, Rex mi-sit Levitas, qui per urbes, & oppida Judææ pro more colligerent pecuniam Lege Moysis ad usum tabernaculi ac postea Templi debitam; quod cum illi negligenter facerent, abrogata hac per Levitas pecuniam colligendi consuetudine nova constitutione voluit, ut in posterum subditi, cum alias ter per annum venirent in Templum Domini ipsi pretium afferrent a Moysi servo DEI constitutum: qua constitutione per Judæam promulgata Regis consilium probarunt, latratique sunt cuncti Principes, & omnis populus, ab isto deinde constitutio in consuetudinem, quæ du-ravit usque ad tempora Christi. Itaque Jojadas præparavit arcam, seu Gazophylacium, aperitque foramen desuper, posuitque eam juxta portam Domus Domini, per quam scilicet ex atrio Israëitarum intratur in atrium Levitarum, brevique tempore congregata est infinita pecunia; nam ii quidem, qui vigesimum annum impleverant, ex Lege dimidium siliquæ quot annis pendere incipiebant: deinde multi ex voto, alii vero sponte offerebant donaria in Templi usum, inter quos fuit paupercula illa vidua, quam Dominus Luce 21. vidit mittentem æra minuta duo. Ex his ergo pecuniis restauravit Domum Domini, mercedem acceperunt artifices, cæsores lapidum, fabri & æris, ex reliqua pe-cuniarum parte facta sunt vasæ Templi in ministerium, & ad holocausta, phialæ quoque, & cœtera vasæ aurea, & argentea. Joachaz interim securus est peccata Jeroboam colendo vitulos aureos, unde iratus est furor Domini contra Israël, & tradidit:

Joachaz, Rex
Israel.

Joas cultum
DEI restituuit,
& Templum
instaurauit.
3. Reg. 12.
2. Par. 24.
& 4. Reg. 13.
2 v. 1. ad 8.

eos in manu Hazaël Regis, & deinde Benadad Regum Syriae; qui adeò attriverunt Joachaz Regem, ut tantum ipsi superessent quinquaginta equites, decem currus, & decem millia pe-
ditum.

In Iudea denique senuit Joas plenus dierum, & mortuus est, cùm esset centum trigesima annorum, sepultusque in civitate David cum Regibus; dignus profecto tanto honore, ut po-
te de Rege, de Republica sacra & profana optimè meritus,

Jejades mo-

ritur, & sepe-

litur in sepul-

chris Regum.

2. Par. 24.

v. 15. & 16.

Mortuus Joa-

da faciem

mutat Iudea,

& Joas in

prælio vulne-

ratur.

4. Reg. 12.

2. v. 17.

2. Par. 24.

2. v. 17.

Mortuo Pontifice mutavit faciem Iudea Principum, au-
torumque animi jam dudum pruriebant ad lucos repetendos,
quos sub Joram, Ochozia, & Athalia frequentaverant. Ve-
rum vivente Joas simula erat Religio. Postquam vero
obiit, petierunt à Rege, licet sibi lucos, & fana, quae ipse Rex
destruxerat, restituere: nec desliterunt, donec Rex precibus fa-
tigatus, eorumque delinitus obsequiis sacrilegæ voluntati ac-
quievit. Ergo impii dereliquerunt Templum Domini DEI Pa-
trum suorum, serviéruntque lucis & sculptilibus. Restiterunt
Prophetæ, quos Deus mittebat; hortati sunt, ut reverenterentur
ad Dominum; clamârunt contra Idolatriam à Rege toleran-
tam, à Principibus, & populo frequentatam. At illi protestan-
tes audire noluerunt. Zacharias præcipue Joas filius impie-
tatem redarguebat; quod cùm fortè in conspectu populi arden-
tius faceret, congregati adversus eum miserunt lapides juxta
Regis imperium in atrio Domus Domini, atque inter Templum,
& altare occiderunt. Itaque Dominus non amplius distulit
iram super Judam, & Jerusalem, Syriaque attrita iam Israële etiam
Iudeam invaserunt. Joas quidem eis obviā cum exercitu
progressus est. At licet permodicus venisset numerus Syro-
rum, tamen tradidit Dominus in manibus eorum infinitam mul-
titudinem interfectis cunctis Principibus populi, eo quod der-
liquissent Dominum DEum Patrum suorum. Dumque Hazaël
parabat ipsam etiam Regiam urbem Jerosolymam obsidere, Joas,
ut obsidionem redimeret, collegit universum argentum, quod
inveniri potuit in thesauris Templi Domini, & in palacio Regis,
misitque Regi Syriae, & tunc primum recessit ab Jerusalem. Joas
vero ex acceptis in prælio vulneribus, aliquaque accedentibus
languoribus lecto affigitur: ubi divina judicia agnoscens sine
dubio præteritarum culparum pœnitentiam egerit, eamque fru-

ctuo.

ctuosam; & Prophetæ, Rege annuente, aliquique viri pii idololatria exterminata pietatem pristinæ dignitati restituerint; præfertim cùm cuncti Principes illi impii cultus restauratores Syrorum gladio occubuisserent.

Interim Joachaz bello à Syriæ Regibus cunctis diebus suis pressus suadente sine dubio Eliæ deprecatus est faciem Domini, & audiuit eum Dominus; vidit enim angustiam Israël, quia attriverat eos Rex Syriæ, & dedit Dominus salvatorem Israëli, nempe filium ejus Joaz, qui Patre mortuo regnavit duodecimus Rex Israëlis. Contra Joas verò Regem Judæ, post quām languores ac cruciarus corporis ultra duos annos jam tolleraverat, surrexerunt servi duo in ultionem sanguinis filii Iudea Sacerdotis, & occiderunt eum in lectulo suo, & mortuus est, sepultusque in civitate David, sed non in sepulchris Regum, fortassis ob pessimam infirmitatem, ob quam olim etiam Joram hac funebri pompa caruit. Successit ei Amasias filius.

Joas in lectulo suo occiditur.
4. Reg. 12.
à v. 20.
2. Par. 24.
à v. 25.
4. Reg. 13.
à v. 4. ad 10.
& 4. Reg. 13.
à v. 22.
Joaz, Rex Israëli.

Amasias, Rex Juda.

AMASIAS primis duodecim Regni annis partes boni ac pii Principis omnino impleverat: ita enim laudatur à Scriptura, ut Amasias pri-
cantum non Davidi æquiparetur, dum ait: *Fecit rectum coram Domino, verumtamen non ut David Pater eius, verumtamen non in corde perfecto.*

Rex Joaz licet ambularet in viis Jeroboam, tamen DEO Regnum Israël, quod jam tum noluerat delere, miserante, aliquot annos à crudeli Syrorum vexatione respiravit, immo vires collegit, ut demum ipso metu bello invaderet animatus ab Eliæ moriente. Magnus hic vir postquam tempore quinque Regum Israëlitarum, Achabi, Ochoziæ, Joram, Jehu, & Joachaz prophetasset, isto regnante demum ægrotabat infirmitate, qua & mortuus est. Cùm apud hunc, uti apud ceteros Reges licet vitulorum cultores in magno pretio esset, Rex è palatio descendens decumbentem invisit in domo, quam habebat in Samaria, flevitque coram eo. Æger, ut Regem consolaretur, ei tres insignes contra Syros victorias pollicitus est per Symbolum emissarum sagittarum.

Atque

Y 3

4. Reg. 14.
à v. 1. ad 7.
2. Par. 25.
Eliæs me-
riens Joaz
Regi victori-
as prædictas.
4. Reg. 13.
à v. 14.

Motus
mortuum in
vitam revo-
cat.
4. Reg. 13.
v. 20.

Elisæ Pro-
phetia imple-
tatur.
4. Reg. 10.
v. 25.

Amasias via-
cit Idumæos,
at vincitur à
Joaz, & male
habetur.
4. Reg. 14.
v. 7.
2. Par. 25.

Atque hæc fuit ultima Prophetia; nam brevi mortuus, atque in agro suburbano sepultus est. Verum qui in vita sua fecit monstra, etiam in morte sua mirabilia operatus est. Non diu post mortem viri DEI Moabitæ quidam latrunculi transmissio Jordane circa Samariam prædas agebant; contigit, ut eodem die mortui hominis cadaver in eundem agrum, ubi jacebat Eli-sæus, esseretur. Vespillones visa haud procul militari turma, territi sarcinam in Elisæi sepulchrum casu tunc, cum transirent, apertum injiciunt, ac se in fugam dant. At ecce! vix cadaver ossa Elisæi tetigit, revixit homo, & stetit supra pedes suos.

Joaz non diu post vaticinium Elisæi Syros bello aggressus, victo triplici prælio hoste, intra paucos annos recepit urbes, quas Hazael Regno Israelis ademerat, sola Regione trans Jordaniem in Syrorum potestate remanente, quæ filio suo Jeroboam post ipsum regnaturo servabatur.

Amasias quoque contra Idumæos, qui ante annos ferè sexaginta à Judæa defecerant, bellum paravit, recensuitque à vi-ginti annis juvenum trecenta millia de Juda. Infuper mercede conduxit centum millia robustorum de Israël centum talentis argenti; qui cum se jam conjunxissent exercitu Judæorum, quidam homo DEI (creditur fuisse frater Amasæ, & Pater Iaiz Prophetæ) monuit Regem, ut hos dimitteret: *non est enim, ajens, Dominus cum Israël.* Reponente Rege, sic perdita esse centum talenta, quæ jam distribuisset militibus Israël, dixit Prophetæ: *habet Dominus, unde tibi dare possit multò his plura.* Dimisit ergo Israëlitas, & cum suis solis in valle Salinarum propè mare mortuum pugnavit ita feliciter, ut decem millia hostium in prælio caderent, decem millibus de alta quadam petra præcipitatis. Verum Amasias domum reversus victoriam corrupti incredibili erga DEum ingratitudine: Inter reliquam prædam etiam Idumæorum Deos, ac simulacra, propter pretium nempe aut artificium conservata Jerolymam reportavit; hos postea instigante dæmone, & forte in eis responsa reddente, demens statuit Deos sibi, & adorabat eos, & illis adolebat incensum: neque audist Prophetam fratrem suum ob id reprehensus, ut potius iratus ei diceret: *num consiliarius Regis es? quiesce, ne interficiam te.* Ad hæc Israelitarum etiam in se iram concitatavit. Victoria enim contra Idumæos relata, elatus ausus est

est Regem Joáz palmis longè majoribus contra Syros clarum provocare elque per Legatos dicere: *Veni, videamus nos mutuò, sperans nempe se Victorem fore*, quod antea à Prophetā audiisset, DEum non esse cum Israël, quasi DEus non jam etiam ab ipso esset alienus. Joaz per apogum se cedro, & ipsum carduo Libani comparans contemptim respondit, simùlque à bello dehortatus est. At noluit Amasias, eò quod DEI esset voluntas, ut tradatur in manus hostium propter Deos Edom. At brevi superbiam posuit. Nam commisso ad oppidum Judæ Bethsames prælio percussus est Juda coram Israël, & Amasias à suis desertus in hostis potestatem venit. Jerosolymam adductus amore vitæ, quam alias perdidisset, civibus persuasit, ut hostem admitterent. Ubi assensi sunt, Joaz ut quasi triumphaus urbem intraret, muros Jerosolymæ dejecit ad cubitos quadrinquentos à porta nimirum Ephraim usque ad portam Anguli. Per hunc hiatum ingressus, thesauros sacros, prophanosque abstulit, Regem subditosque sibi fecit vectigales: utque tributum suis temporibus ex fide persolverent, præcipuarum familiarum filios obsides accepit.

Qua quidem victoria haud diu frui potuit Rex Joaz; nam Samariam reversus hoc ipso anno mortuus est, Regnumque ac thesauros filio suo Jeroboamo reliquit, qui fuit decimus tertius Rex Israëlitarum, cui cum Jonas Propheta hoc tempore florens, victorias prædixisset, inchoatum à Patre suo bellum contra Syros strenue promovit, eisque non tantum Regionem Galaad trans Jordanem eripuit, sed multis præliis fatigatos omnibus iis terris spoliavit, quæ à civitate Emath ad radices montis Libani sita usque ad mare mortuum versus meridiem protenduntur, quarum quidem victoriarum causa non fuit pietas, aut fortitudo Jeroboami, cum & ipse cum Partibus suis vitulorum impietatem sectaretur; sed DEI commiseratio in Regnum Israël, istud tunc needum delere volentis.

Amasias post acceptam à Joazo cladem quindecim quidem annos superstes vixit, sed inglorius, neque ausus est inflam suu, ac Judaicæ gentis nomini maculam, damnaque reparare, & Regnum ab Israëlitarum servitute liberare; quæ fortassis causa fuit, cur obsidum cognati, ac amici in ipsius caput Jerosolymis conjurarent. Fugit quidem in Lachis urbem munitam;

verum

Jonas Israëli
victorias
prædicit.
4. Reg. 14.
à v. 23.
Jeroboam,
Rex Israh.

Amasias oc-
ciditur.
4. Reg. 14.
v. 19. & 20.
2. Par. 25.
v. 27, & 28.

verum cum conjuratorum magnus esset numerus, atque potentia, nihilominus eum ibi occiderunt, reportantisque super equos sepelierunt eum cum Patribus suis in civitate David; merito tamen creditur, eum ad se reversum Idolorum cultum abjecisse; praesertim, quia in Regno filii ejus Ozias non legitur, quod sui Patris Idola sustulerit.

Ozias, Rex Juda.

Ab An. 3174.

Ozias domi
forisque mul-
ta præclarè
agit.
4. Reg. 14.
v. 21. & 22.
& à v. 25.
4. Reg. 15.
v. 1. 2. 3. 4.
2. Par. 26.
à v. 1, ad 11.

SEpulso Amasia ab universo populo filius ejus Ozias annos natus sexdecim constitutus est Rex. Profuit juveni, secum habuisse Zachariam Prophetam. Cum enim sanctis ejusdem doctrinis imbutus requireret Dominum, direxit eum in omnibus, ita ut domi, forisque præclara ageret. Domi quidem Ierosolymam firmavit turribus, & muris, &, si forsitan id Pater ejus neglexit, primo omnium reparavit illam murorum partem, quam Ioaz Rex Israël destruxerat. In turribus quoque diversi generis machinas collocavit, quibus sagittæ & faxa grandia in oppugnantes ejici possent. Ubi vero vigesimum ætatis annum, quo Hebrei militiae idonei censebantur, agere coepit, coëgit exercitum trecentorum milium, quibus distribuit clypeos, & hastas, & galeas, loricas, areuisque, & fundas ad jaciendos lapides. Toti vero exercitui præfecit Duces bis mille & sexcentos omnes viros fortis. Cum his contra Idumæos egressus recuperavit ab eis urbem Elath, & ditioni Iudeæ restituit. Sequentibus annis crebras obtinuit victorias contra Arabes, & Ammonitas, quos denique debellatos tributum sibi pendere coegit. Philistæis eripuit tres celebres urbes Geth, Iambiam, & Azotum, quas deinde muris exutas in pagi formam rededit; contrâ in terris Philistæorum alia oppida munivit ad eos intra fines suos coërcendos. A gravioribus belli, Regnique negotiis liber levabat animum faciliore, ac amoeniore ruris cura; extruxit enim turres etiam in solitudine præter casas, & tuguria ad tutelam videlicet ovium & pastorum. Effodit quoque cisternas plurimas, èd quod haberet multa pecora. Agricolas quoque habuit, & vineas, & vinitores in montibus, erat quippe homo, ut ait Scriptura, agricultura deditus. Ieroboam Rex Israël interea, post quam quadraginta & unum annos regnans restituisset terminos

Isra.

Ibraël, mortuus est. 4. Reg. 14. à v. 25. Et quidem successit Zacharias filius, sed primum post undecim annos, quibus inter regnum fuit ob civiles de Regni successione contentiones.

A tempore Samuelis Prophetarum facta atque oracula solabant inferi communi historiæ temporum, nunc verò regnante in Iuda Ozia ipsi cœperunt scribere suas Prophetias, & originali in tabulario Domus Domini pro posteritate deposito, in libris publicas reddere. Porro ejusmodi Prophetæ universim fuere sedecim; è quibus duodecim minores dicuntur, quodd eorum Prophetiae nonnisi uno libro contingantur. Quatuor maiores, qui singuli suos scripsierunt libros integros. Minores sunt Osea, Joël, Amos, Abdia, Ionas, Michæas, Nahum, Habacuc, Sophonias, Aggæus, Zacharias, Malachias. Maiores Isaias, Ieremias, Ezechiel, Daniel. Qui regnante Ozia cœperunt prophetare, fuerunt Jonas, Osea, Joël, Abdia, Isaias.

Jonas quidem, qui jam olim Jeroboamo felicia contra Syros bella prædixerat, hoc tempore ad Ninivitas Propheta a DEO destinatus fuit. Circa annum ter millesimum centesimum vigesimum, cum Arbaces Medorum Rex tertium jam annum Assyriorum Metropolim Niniven obledisset, Sardanapalus ultimus Assyriorum Rex spe omni salutis & servandæ urbis abjecta, ne in hostium veniret manus, gazam opesque regias, Eunuchos, gemmulierum, sequè ipsum in accensam in palatio pyram conjectit, flammisque absumpsit, totamque adeò urbem tum incendiò, tum ruinâ deformatam cum toto Assyriæ & Babylonie Regno hosti reliquit: quo casu concidit quidem Regnum Assyriorum, quod à Belo mille & trecentos annos steterat, & ad Medos Arbaciisque rerum summa pervenit; tamen aliquanto post intervallo iterum surrexit; nam exolescentibus paulatim Medos & propter ignaviam, ac mollitiem eorum inclinante fortuna defecerunt primò quidem Assyrii Duce ac Principe Assyrio Phul, qui adeò primus novi imperii Assyriorum Rex fuit: deinde etiam Babylonii, qui proprium quoque Regem Belochum habere cœperunt. Restaurata tum ante, tum regnante Phul urbe in pristinam libertatem restituti Ninivite in pristina quoque vita ruerere cœperunt, oblii jam calamitatis, quam sub effeminato Rege Sardanapalo civitas passa erat, adeò ut Deus eam omnino excindere statueret. Verum, qui non Hebræorum tantum, sed

Prophetæ in-
cipiunt scri-
bere suas
Prophetias.

Jonas hora-
tur Ninivitas
ad peeniten-
tiam.

Jonas c. 1. 2.
3. 4.

Sacra Veterum Temp. Histor. Z etiam

etiam gentium DEus semper fuit, noluit planè eos deserere, sed prius opportuno tempore ipsis aliqua salutis præsidia largiri. Igitur ex Israël Jonam Prophetam illuc destinat ad prædicandam civibus pœnitentiam. At ille hanc missionem sibi difficilem, ac uti putabat, periculosa subterfugit, atque è Patria per mare in Tharsis fugere constituit. Discessit igitur in Joppen mediterranei maris portum, ubi consensa navi vela fecit in Græciam. In medio navis cursu excitatur divinitus tempestas. Guberna-
tor suspicatus ventos & fluctus ob alicujus in navi culpam de-
fævre, hortatur ad preces reliquos, deinde etiam Jonam in in-
feriore navi dormientem. Cùm nihilominus tempestas nihil
remitteret, reum forte deprehendere conatur, ceciditque sors
super Jonam. Eum itaque tulerunt nautæ, ac minimè invitum
miserunt in mare; quod mox quievit. Illi navigantes, laudan-
tesque Hebræorum DEum credebant dudum periisse Jonam. At
Dominus, cùm injiceretur, præparavit pîscem grandem, qui ore
& stomacho receptum trium dierum, atque noctium remensio
itinere ad Joppen reportavit, atque in aridam evomuit. Inde
post acceptum iteratò mandatum jam DEO obsequentior in Ni-
niven contendit. Erat Ninive civitas magna itinere dierum
trium. Jonas igitur ingressus tertiam urbis partem concionaz-
bundus obambulavit, crebrò in vicis & plateis subsistens, cla-
mânsque; *Adhuc quadraginta dies, & Ninive subvertetur.*
Fuitque admirabilis Verbi DEI efficacitas; nam *crediderunt*
viri Ninivitæ in DEum, & prædicaverunt jejunium, & vestiti
sunt saccis à majore usque ad minorem. Ipse Rex Phul sur-
xit de solio suo, & indutus est sacco, & sedit in cinere, indixi-
que pœnitentiam edicto regio. Et DEus pro sua misericordia
tunc quidem pepereit civitati Jonâ, qui extra urbem sub tugurio
eversionem urbis exspectaverat, frustra propterea cum DEO ex-
postulante.

Oseas decem Tribibus vaticinatus est captivitatem, Del-
que jussu in uxorem accepit foeminam antea meretricem ad si-
gnificandam spiritualem populi Isaaëlitici fornicationem per Ido-
lolatriam à DEO. Filiam ex ea natam vocavit *absque miseri- cordia;* *Filium non populus meus.* Sub quo ænigmate intelli-
gerent decem Tribus se penitus à DEO abjectum iri, nec ampli-

Oseas pro-
phetat per
14. capita.

us fore populum ejus, nec misericordiam post obstinatam tot annorum pervicaciam aliquando consecuturas.

Joël Tribubus Juda & Benjamin captivitatem Babylonicam prædixit, eisque ad pœnitentiam hortatus est : Prædixit quo- que adventum Messiae, & Spiritus Sancti per eum mittendi, & ultimi judicii diem, locumque congregatis omnibus gentibus in valle Josaphat futurum.

Amos ex pastore Propheta contra Damascum Philistæos, Tyrios, Idumæos, Ammonitas, Moabitas prophetavit, eisque ob sua seelera, & præcipue ob mala, quæ fecere populo DEI, gravissimas minas, ac supplicia intentavit, ab Assyriis nimirum postra infligenda ; Prophetavit etiam contra peccata Judæ, & maximè Israëlitarum, quibus etiam denuntiavit vicinam captivitatem Assyriacam.

Abdias prophetavit contra Idumæos, quibus non solum prædixit exitium, sed etiam illius causam, quia videlicet tempore captivitatis Babylonicae futuri essent socii Chaldæorum contra filios Israël.

Isaias è stirpe regia Judæorum in primis graviter castigat peccata tum præterita, tum futura Principum & populi Judaici. Deinde per sexaginta sex capita prophetavit de futuris rebus, de adventu Christi, de nativitate ejus ex Virgine, de vita, prædicatione, regno, de miraculis, de passione, de sepultura, ac aliis mysteriis, ut Evangelista potius, quam Propheta fuisse videatur. Scriptis etiam de vocatione Gentium, & de gloria Ecclesiæ.

In Israël vicit denique Zacharias Jeroboami filius, thronumque undecim annis vacuum concedit. Sed quodd adversa pars necdum quiesceret, conjuratione facta post sex menses à Sello Regni Candidato imperfectus est. Atque ita etiam familia Jehu sceptrum amisit, quod in præmium deleteræ domus Achab ultra centum annos tenuerat. Sellum nec tam diu regnavit ; nam post unum mensem Manhaen regii exercitus Ductor ei vitam & sceptrum eripuit, ita ut uno anno tres Reges in Israël regnarent, magno collabentis Reipublicæ argumento. Manhaen, ut usurpatum propria autoritate Imperium contra discordem tanto jam tempore, subique infensum ob crudelitatem in quosdam cives populum stabiliret, ad externa confugit auxilia, & Regem Assyriorum Phul recentibus victoriis celebrem ac for-

Joël per 3.
capita.

Amos per 9.
capita.

Abdias per
unum caput.

Isaias per 66.
capita.

Affyrii primi
veniunt in
terram Israël.

4. Reg. 15.

à v. 8.
Zacharias,
Rex Israël.

Sellum, Rex
Israël.

Manhaen,
Rex Israël.

midandum evocavit in Israël, ut esset ei in auxilium, & firmaret Regnum ejus; qui quidem non diu moratus est in terra Israël, sed acceptis in tributum mille argenti talentis, quæ potentes & divites Israelitæ contribuerunt, in Niniven reversus est.

In Judæa Rex Ozias cùm ferè totos quinquaginta annos clarus victoriis, feliciter regnasset, omnem gloriam sacrilego ausu corrupti. *Num. 3. v. 10.* Filio ipsius Joathan natus erat filius Achaz. Ozias nepote auctus, dum post quadragesimum diem puer in Templo offerretur, ipse Templum ingressus præ gaudio voluit in solenni Sacrificio adolere incensum super altare thymiamatis. Restiterunt Azarias summus Pontifex, & octoginta alii Sacerdotes praesentes. Ozias verò tenens in manu thuribulum, ut adoleret incensum, *minabatur Sacerdotibus.* At confessim adfuit supplicium, nam statim orta est *lepra in fronte ejus,* quam sentiens illico è Domo Domini egresus, atque ab hominibus deinceps separatus *habitavit plenus leprâ usque ad mortem,* Regnum administrante filio Joathan.

In Israël Manhaen, postquam decem Regni annos ambulavit per vias Jeroboam, mortuus est, regnavitque Phazeia filius pro eo. Sed nec iste recessit à peccatis Jeroboam. Cùmque bienniō regnasset super Israël in Samaria, Phazea Dux militum cum conjuratis eum in turre domus regiae, in quam confugeat, occidit, regnavitque deinceps pro eo viginti annis decimus octavus Rex Israëlis. Non diu post etiam Ozias Rex Juda, cùm quinquaginta duos annos regnasset, mortuus & sepultus est in civitate David, in agro quidem Regalium sepulchrorum, sed non in sepulturis Regum, eò quod esset leprosus. Fecit quod placitum erat coram Domino, excepto scilicet Templi ingressu sacrilego.

Cum primo sequentis Regis Joathan anno prophanarum rerum certior historia initium duxit; quo scilicet in Græcia certamina seu celebres ludi Olympici restituti sunt. Quæ enim prophani Scriptores de priorum temporum rebus narrant, multarum fabularum admistione, temporumque confusione conscripta esse deprehenduntur. Ab isto verò anno deinceps rerum gestarum tempora accuratè numerantur per ludos Olympicos, seu Olympiades, quæ singulis quinque annis redibant; quæ quidem tempora ac res gestas designandi ratione non solum Græci olim

Ozias leprâ
percutitur.
4. Reg. 15.
v. 5.
2. Par. 26.
à v. 16.

Ozias mori-
tur.
4. Reg. 15.
à v. 22.
2. Par. 26.
à v. 21.
Phazeia Rex
Israel.
Phazea Rex
Israel.

Initium
Olympia-
dum.

olim usi sunt, sed nunc etiam alii Scriptores, sacri quoque, utuntur. Iste igitur primus est annus primo Olympiadis.

Joathan, Rex Juda.

V Iginti quinque annorum erat Joathan, cùm regnare coepis-
set, & sedecim annis regnavit in Jerusalem fecitque, quod erat placitum coram Domino: verum tamen excelsa non abstulit. Quæ Scripturæ reprehensio fuit ipsi cum laudatissimis Regibus communis, quorum nullus à tempore Salomonis ausus est excelsa destruere ac prohibere, ne populus in locis hujusmodi amoenioribus immolaret, & DEO adoleret incensum. Primis statim Regni annis instauravit, & splendidiorem reddidit Tem-
pli portam præcipuam orientalem. Magnam deinde muri par-
tem in urbe construxit cum opportunis propugnaculis, & urbis
ornamentis. Urbes quoque edificavit in montibus Iuda, &
in saltibus castella & turres.

At in Israël coepit Dominus tandem serio ulcisci tam diu-
turnam Regum & populi impietatem. Mortuus erat Phul Rex
Assyriorum, cui Manhaen tributum annum pendere consueve-
rat. Istud exspectavit etiam filius, qui Patri successerat, The-
glaht-Phalassar. Quod quia negabat novus Rex Israël Phazee,
venit Assyrius cum exercitu per viam, quam ante non multos
annos Israëlitæ ipsi suo Patri monstrabant, & occupata magna
Regni parte non tantum trans, sed & cis Jordanem ex Tribu Ru-
ben, Gad, Manasse, & Nephtali transtulit secum in Assyriam plu-
rimas familias, nunquam amplius ad sua reddituras.

Quo tempore Michæas prædixit sicuturam non diu pôst
reliquarum quoque Tribuum captivitatem. Nec mitiora vati-
cinatus est contra Judam, dum ait: *Jerusalem quasi acervus
lapidum erit.* Nam Joathan quidem erat pius Princeps, non
autem populus, qui corruptis erat moribus, atque Idolis clam
hinc inde serviebat. Promittit tamen latum per Cyrum è Ba-
bylonia redditum, & lætiorem adventum Christi, & nativita-
tem in Bethlehem, Gentiumque conversionem ad Ecclesiam
DEI.

Joathan anno Regni sui circiter nono feliciter pugnavit
contra Ammonitas, imposito in singulos annos tributo centum

Ab Am. 32.26.

Joathan pius
Princeps in-
staurat Tem-
pli & urbis
edificia.
4. Reg. 15.
à v. 33.
2. Par. 27.

Affyrii se-
cundo veni-
unt in terram
Israel.
4. Reg. 15.
à v. 29.

Michæas pro-
phetat per 7.
capita.

Joathan feli-
citer pugnat

contra Am-
monitas &
moritur.
2. Par. 27.
à v. 5.
4. Reg. 15.
v. 37. 38.

argentii talentorum præter decem millia coros tritici , & totidem coros hordei. At post paucos annos ipsem et bello appetitus est tum à Rege Syriæ Razin, tum à Rege Israëlis Phazec, qui Regnum Juda hostilibus excursionibus infestare cœperunt, ut scilicet damna ab Assyrio Regnis suis illata Judæorum clade repararent. Quamquam Joathan brevi à DEO subtractus est, ne mala Judææ imminentia videret; nam paulo post cœptum bellum dormiyit cum Patribus suis, sepultusque est cum eis in civitate Patris sui, & regnavit Achaz filius ejus pro eo.

Achaz , Rex Juda.

Ab An. 324².

Achaz Rex
impius à Re-
gibus Syriae
& Israel ma-
gnâ elade af-
ficitur.
4. Reg. 16.
à v. 1. ad 7.
2. Par. 28.
à v. 1. ad 16.

Viginti annorum erat Achaz, cùm regnare cœpisset, & sedecim annis regnavit in Jerusalem. Ambulavit in via Regum Israël. Imò Reges omnes anteriores tum Juda tum Israël impietate superavit. Unde gravissima mala Regnum Juda ferre debuit propter Achaz, eò quod contemptui habuisset Dominum. Nam primo statim anno tradidit eum Dominus DEus ejus in manus Regis Syria Razin, qui percussit eum, magnamque prædam cœpit de ejus imperio, & adduxit in Damascum. Major rem adhuc cladem accepit à Rege Israël Phazee; occisa enim sunt de Juda centum viginti millia in die uno, omnes viri belatores, ducenti verò millia mulierum, puerorum, & puellarum cum infinita præda capta sunt, & perducta in Samariam. Quibus quidem Obed Propheta saluti fuit. Hic enim adventanti cum præda & captivis militi occurrit, Ducibúsque persuasit, ut captivos ad unum omnes liberos, & comeatu liberaliter instrutos ad sua remitterent.

Contra duos
Reges Assyri-
um evocat.
4. Reg. 16.
à v. 7.
2. Par. 28.
à v. 16.

Reges Syriae & Israël non contenti duplici clade castigasse Achazum ob amicitiam potissimum, quam habebat cum Rege Assyrio, hoste suo, junctis consiliis atque copiis conantur ei etiam coronam detrahere, alterique Principi filio Tabeel imponere. *I. 7. v. 6.* Quem in finem conjunctos exercitus Jerosolymæ admovent, eamque obsidione cingunt. Trepidante omni Jerosolyma Isaías jussu DEI Regem accedit de auxilio ex Assyria petendo deliberantem, eumque sine metu esse jubet, nihil esse à duobus Regibus timendum, ipsosmet brevi perituros; spem suam potius in Domino poneret, quam in Rege Assyriorum. *Quod-*

Quodsi verbis suis non credat, signum petat à DEO, qui confirmatus esset, quod diceeret. At noluit Juvenis Rex, misitque nuntios ad Theglath-Phalassar Regem, per quos auxilium his verbis postulavit: *Servus tuus, & filius tuus ego sum: ascend, & salvum me fac de manu Regis Syriae, & de manu Regis Israël, qui consurrexerunt adversum me.* Assyrius tam submissis Achazi precibus, tum etiam munerum promissione incitatus cum exercitu venit in Syriam, eamque latè populatur; quo audito Razin relicta oblidione Jerosolymæ ad defensionem Regni sui accurrit; ubi autem prælio ab Assyrio superatus occubuit, ac ipsi Damascum occupandam ac diripiendam reliquit. Phazee

Osee, Rex
Israël ultimus.

à socio desertus, & ipse reversus est in Samariam; ac non diu pòst ab Osee uno ex conjuratis Ducibus per insidias occisus est juxta verbum Isaiae. Post eum hic ipse Osee decimus nonus & ultimus Rex Israëlis regnavit octodecim annis, sed interruptis.

Achaz ut Regi Assyriorum gratias redderet, spoliata Domo Domini, & Domo Regum, ac Principum, profectus est in Damascum, ac ipsi muneris loco ingentem vim auri, argentique attulit; quæ tamen profusio nihil ei profuit; nam Assyrius nihilominus affixit Aehazum, & nullo resistente Jerosolymam & Judæam postea vastavit. Interim dum Achaz cum Assyrio Damasci moratur, vidi in templo altare Diis Syrorum erectum; quod cùm summopere ob artificium æstimaret, misit illius exemplar Jerosolymam ad Uriam Summum Pontificem; iussisque illi omnino simile in Templo Domini excitari, sancto illo veteri æreo in alium locum amoto, ac super illud fieri consueta sacrificia. *Fecitque Urias juxta omnia, que precepérat Rex Achaz;* ut Damasco redux illud venerari, in eoque ipse Sacrificium suum offerre posset.

Achaz Affy-
rio gratias
refert.
4. Reg. 16.
à v. 3.
2. Par. 28.
v. 21.

Rebus interim Damasci compositis Achaz Regem Assyriæ honoris causâ Jerosolymam deduxit, ac qua potuit magnificenter hospitem exceptit. Verum brevi hostem sensit, quem amicum quæsierat. Nam non nisi prius vastatâ, pecuniisque exhausitâ Judæâ, imposito insuper annuo tributo in Niniven reversus est.

At brevi ho-
stem sentit.
4. Reg. 16.
v. 18.

Qua re afflictus Achaz indignationem, quam non poterat in Assyrium, insanus in DEum effudit; diripuitque omnia vas a Domus DEI, atque confregit, clausitque januas Templi DEI, ut

Idolis, & portas Templi claudit.

4. Reg. 16.
2 v. 12.
2. Par. 28.
2 v. 22.

ut à nemine coli posset. Econtra jussit statuas Baal fundi, erigi altaria in universis angulis Jerusalem, uti & in reliquis urbibus Juda, in excelsis, in collibus, & sub omni ligno frondoso ad commandum thus Diis alienis. Ipse per se Rex immolarvit Diis Damasci victimas. Ipse est, qui adolevit incensum idolo Ammonitarum, & lustravit filios suos in igne juxta ritum Gentilium. Obquæ scelera post Assyrium etiam Idumæi venerunt in Regnum Juda, & percutserunt multos, & cœperunt prædam magnam. Secuti sunt Philistæi, qui aliquot Judæ urbes campestres ad meridiem sitas cum pagis suis nemine resistente occuparunt, & habitarunt in eis. Mala ab hostiis Regno illata ipse Achaz postea auxit, dum pauperes, viduas, pupilos, ut impositum vedi gal Assyrio mitteret, exactionibus oppressit, veluti Isaías con questus est.

An. 3248.

Roma conditur.

Achaz moritur.
4. Reg. 16.
v. 20.
2. Par. 28.
v. 27.

Roma conditur, futura aliquando prima Religionis sedes, & Magistra Veritatis. Conditor fuit Romulus juvenis ex Latinorum Regum sanguine progenitus, cui cùm Numidor Latinorum Rex ac Romuli avus intra fines sui Regni amplum terræ spatiū, quod postea Romanus ager dictus est, concessit, Romulus invitatis multis ex Regno Numidoris tum Nobilibus, tum plebejis, vicinisque accolis locum condendæ urbi designavit, ac postea mœnia, fossam, ac domos moliri coepit; quibus ad præsentem necessitatem utcunque perfectis à populo Rex salutatus constituto Magistratu Rempublicam ordinavit, his quidem initiiis angustam, cum tempore autem futuram Orbis Domina.

In Israël interim res tum propter abductas jam antea quinque Tribus, tum ob recentes Assyriorum populationes erant valde accise, & Osee vix non precariò & gratiâ Regis Assyrii sceptrum imperato, & promissio annuo tributo tenuit. Fecit quidem malum coram Domino, sed non sicut elii Reges Israël; 4. Reg. 17. v. 2. nam ablati nuper ab Assyrio vitulis aureis, subditis per eum licebat ascendere Jerosolymam ad adorandum; quod priores Reges dispositis etiam ad Regni fines præsidii severè prohibuerant. Achaz demum toto Regni sui tempore impius dormivit cum Patribus suis, & sepelierunt eum in civitate Jerusalem; neque enim receperunt eum in sepulchra Regum, regnavitque Ezechias filius ejus pro eo.

Eze.

Ezechias, Rex Juda.

Vlginti quinque annorum erat, cum regnare coepisset, & vi-
ginti novem annis regnavit sedulus Davidis Patris sui per
omnia imitator. Igitur primo statim mense in plateam Templi
orientalem Sacerdotes & Levitas convocavit, ferventique ora-
tione hortatus est, ut Templum Domini expiarent, mundarent
vafa, omnemque suppellectilem, quam polluerat Rex Achaz,
sanctificarent, omniaque pristino nitori restituerent. Id quod
illi bis octo dierum labore sedulò præstiterunt, omni immundi-
tia in torrentem Cedron ejecta. Monitus deinde Rex parata
jam esse omnia, cum Principibus civitatis diluculo ascendit in
Domum Domini; ubi ad placandum DEum pro peccato, pro
Regno, pro Sanctuario oblata sunt inter tubas, aliisque musica
instrumenta, Psalmosque Davidicos canentium voces plurima
holocausta; qua oblatione finita incurvatus est Rex, & omnes,
qui erant cum eo adoraverunt.

*Ab An. 3257.
Ezechias cul-
rum DEI re-
stituit.
4. Reg. 13.
2. Par. 29.
av. 1. ad 30.*

Huic primæ pietatis officio ferè tantum cives Hierosolymi-
tani aderant; derepente quippe hoc fieri placuerat. Ut igitur
Religionis studium in omnium animis rursus accenderetur, cum
consilio suorum Principum Paschalem solennitatem, diu jam in-
termissam mense secundo maximo apparatu, & populorum fre-
quentia celebrandum, ac non tantum suos subditos, sed Osee
Rege permittente, omnes ex universo Israële invitandos esse de-
crevit. Misit ergo quaquaversum cursores cum epistolis, ut re-
verterentur ad Dominum DEum Patrum suorum, hortantes;
ipsum pro sua clementia facturum, ut non tantum ipsi deinceps
ab Assyriis tuti essent, sed etiam Fratres in captivitatem jam ab-
ducti in patriam redire possent. Plerique præsertim ex Tribu
Ephraim, Zabulon, & Manasse riserunt nuntios Regis. Multi
tamen ex his ipsis Tribubus, aliisque venerunt postea Jerosoly-
mam. Ubi dum dies Paschalis exspectatur, Judæi cum Israëlitis
divino zelo incitati destruxerunt altaria, que Achaz posuerat
in universis angulis Jerusalem, omnésque Idolorum fôrdes pro-
jecerunt in torrentem Cedron.

*Invitat Israë-
litas ad so-
lennitatem
Paschalem,
2. Par. 30.
av. 1. ad 15.*

Ipsi porro septem azymorum dies in usitata laxitia inter epu-
las celebrati sunt, post quos placuit universæ multitudini, ut ce-
lebrat Pa-
scha cum

Sacra Veterum Temp. Histor. Aa lebra-

Simma so-
lennitate.
2. Par. 30.
2 v. 15.

lebrarent adhuc alios septem dies, quod & fecerunt *cum inge-*
ti gaudio. Nam Rex præbuerat multitudini mille tauros, &
septem millia ovium: Principes verò dederant populo tauros
mille, & decem millia ovium, & hilaritate perfusa est omnis tun-
ba Iuda tam Sacerdotum, & Levitarum, quam universæ frequen-
tiæ, quæ venerat ex Israël, profelythorum quoque de terra Isra-
ël, & habitantium Iuda, sicutque hilaritas tanto major, quod
ducentis, & quinquaginta annis uterque populus nunquam con-
venerat, nisi quando in mutuam armati perniciem infestis glo-
diis, tellisque concurrebant. Facta est igitur grandis celebratio
qualis à diebus Salomonis in ea urbe non fuerat.

Finita Paschali lætitia domum revertentes junctâ operâ per-
Officia & Mi- fregerunt simulacra, succenderunt lucos, demoliti sunt excelsa,
nisteria Tem- altaria destruxerunt, non solum de universo Iuda, & Benjamin,
pi ordinat. sed de Ephraim quoque & Manasse, donec penitus evertentur.
4. Reg. 15. Præcipue enituit pro gloria DEI Regius zelus; nam ipse diffi-
2 v. 4. pavit excelsa, & contrivit statuas, & succidit lucos, confregu-
2. Par. 31. que serpente aneum, quem fecerat Moyses: siquidem usque ad
illud tempus filii Israël adolebant ei incensum. Cumque re-
gnante Achaz sacra Ministeria in Templo Domini fuissent na-
glecta, Ezechias inter turmas Sacerdotum, & Levitarum mini-
strandi officia distribuit; ordinavitque, ut Sacrificia mandem sem-
per & vesperi, Sabbathis, calendis, & coeteris solennitatibus ritu
posthac fierent, sicut scriptum est in lege Moysis, simul autem pre-
cepit populo, ut primitias & decimas Sacerdotibus, & Leviti-
rursum darent, ut possent vacare Legi Domini. Commodum
eo tempore imminebat messis. Igitur plurimas obtulerunt primi-
tias frumenti, vini, olei, & mellis, & omnium, quæ gigant hu-
mus, decimas obtulerunt; boum quoque & ovium decimas,
ac insuper quæ ex privata pietate DEO voverant in inge-
copia.

Dum hæc fuit Jerosolymis, interim in Ninive moritur
Salmanassar Theglath-Phalassar, eique succedit Salmanassar. Huic vestigia
Rex Assyrinus amplius pensare cunctabatur Osee Rex Israël. Igitur contra-
venit in Isra- eum ascendit Salmanassar. Res tamen sine bello transacta est;
el. nam factus est ei Osee Servus, maluitque se, subisque ultro de-
4. Reg. 17. dere & rursum vestigiales facere Assyriis, quam vires tanti ho-
v. 3. stis cum certo Regni sui excidio frustra experiri.

Ecc

Ezechias quidem & ipse de excutiendo Assyriorum jugo cogitaverit; videtur tamē pactum à Patre suo tributum etiam Salmanassari reddidisse, cū illā eo Judæ Regno redierit in Assyriam. Philistæis autem bellum movit Ezechias, quibus in acie cæsis non tantum recuperavit loca regnante Patre suo ab ipsis occupata, sed usus victoria plures alias, ac præcipuas ipsis urbes eripuit.

Hic demum est decretorius ille, & fatalis annus, qui Regno Israëlitarum finem imposuit, postquam 254. ferè annos steterat. Osee post præstata aliquot annis tributa rursum ad desecrationem respiciens à Rege Ægyptiorum contra Assyrios auxiliares copias petierat. At cū occultas hujusmodi machinationes deprehendisset Salmanassar, rurus venit cum exercitu, omnemque terram Israëlis anteā pervagatus, Osee congregati non aucto, Samariam, in quam confugerat, obfedit. Tertium annum tenuit obsidio. Demum capta est Samaria, Rex in compedes conjectus, Israëlitæ reliqui in servitutem, ac perpetuum exilium in Assyriam abducti. Linde paulatim per totum Orientem diffusi ac gentilibus permixti ita sensim disparuerē, ut cum tempore nullum amplius Tribuum aut Israëlitarum vestigium superesset. *Tob. c. 1.* Tobias, cū ipsius Tribus Nephtali ante triginta quinque annos cum Tribu Ruben, Gad, & media Manasse illuc abducerentur, tum quidem captivitatem effugerat, sed nunc etiam ipse cum uxore, & filio inter captivos erat, divina utique providentia, ut & bonis esset solatio, & malis ad meliorē vitam incitamento.

Ne verò terra, in qua nonnisi pauperes, agricultæ, vinitores, aliisque viles personæ ab hostibus neglectæ remanserant, deserta relinqueretur; Salmanassar ex variis sui imperii gentibus colonias misit, quæ Samariam, aliasque Israëlis civitates inhabitarent, dicti deinceps omnes uno nomine Samaritani. Hi ubi possederunt Samariam, & habitaverunt in urbibus ejus, *unaquaque gens fabricata est Deum suum*, qualem scilicet habuerant in patria sua posuerantque eos in fanis excelsis, & non timebant Dominum. Ob quod immisis divinitus Leonibus non pauci Samaritanorum discepti sunt; quam illi cladem recte iræ Dei terræ tribuentes perferunt à Rege Assyriorum aliquem ex captiuis sacerdotem, à quo discent ritum colendi DEum terræ;

Aa 2

quod cùm fecissent, cessavit plaga leonum; nolente scilicet Dominō nomen suum penitus aboleri in ea terra, quam lacte & melle manantem suo olim populo habitandam dederat. Verū sicut decem Tribus inde à schismate solos Moysis liberos retinuerunt, ita & Samaritani illos tantum receperunt: & sicut illi, ita & isti primam ac præcipuam in iis Legem violârunt; nam circumcisionem, Sabbatham, aliquásque alias cæmonias pentateucho Moysis comprehensas quidem observârunt; at cùm Deum in modo colerent, simul Diis quoque suis serviebant contra primam Legem Exodi 20. Non habebis Deos alienos coram me, non facies tibi sculptile, non adorabis ea, neque cole. Cùmque nihilominus se Judæorum institutis uti, suadente seu necessitate seu publica utilitate, jactarent, hinc natum est illud odium, ut nunquam Judæi conferrentur Samaritanis.

Post abductas decem Tribus Propheta Nahum prædixit vastationem Ninives per Chaldaeos; Judæam verò consolatus est vaticinando non prævalitum Regem Assyriorum contra Jerusalem, sicut contra Samariam.

Ezechias interim re divina bene constituta, confecto felicitate Philistino bello Rempublicam quoque erexit, déque negando deinceps Assyriis tributo, tyrannicè Patri Achaz impedito. propius cogitavit, mortuo præsertim Salmanassar Regi, cùmque indubitatum bellum, obsidionemque prævideret, ad hanc se paravit evocando undique militem, muros urbis instaurando, capita fontium extra urbem obturando, ut Assyriis difficilior redderetur obsidio penuriâ aquarum. Magnam quoque spem posuit in Rege Ægypti, qui & ipse hostis erat Assyriorum. Ita ad bellum præparatus tributum pendere detrectavit.

Non diu post cum exercitu ex toto penè oriente contra eum adfuit Senacherib, & post occupatas jam alias civitates urbem Lachis obsidione cinxit. Primo qui rem erat Ezechias magna in DEum fiduciâ; eaque etiam suos animavit, ita eos consolans: *Plures nobiscum sunt, quam cum eo: cum illo est brachium carneum, nobiscum Dominus Deus noster.* Postea tandem miseratus fortassis tot oppida, quæ à barbaro milite vastabantur, & totum belli impetum Jerosolymam verti cernens, misit Legatos ad Assyrium, qui nomine suo rogarent, ut recederet oblatio, quod postulasset, pretiô. Imperavit Barbarus argen-

Nahum per
tria capita.

Ezechias Assyriis tributum pendere detrectavit.
4. Reg. 18.
v. 7.
2. Par. 32.
à v. 2.

Assyrius Jero-
solymam ve-
nit cum exer-
citu.
4. Reg. 18.
à v. 13.
2. Par. 32.
v. 1, & à v. 9.

trecenta talenta, auri triginta; quibus acceptis non tamen patetis stetit; sed milit cum valida militum manu Legatos, qui Ezechiae ac civibus deditioem suaderent. Petito alloquio Rex ad eos haud procul urbe consistentes tres e suis egredi jussit, qui Assyrios audirent. Inter hos præcipuus Rabsaces, cum potentiam sui Regis primò magnifice exaggerasset, Ezechiae suadere sedixit, ne niteretur viribus suis, aut spem poneret in Rege Ægypti, aut in DEO suo, utpote cuius imperio & voluntate Rex Assyriorum venisset in has terras, ut eas demoliretur; quæ cum altiore voce diceret, ut populus super murum stans exaudire posset, Legati Ezechiae interpellantes rogârunt Rabsacen, non Judaicè, sed Syriacè loqueretur, quam quidem linguam ipsi, non autem populus intelligerent, timentes nempe, ne populus offensus blasphemum sagittis peterent. Ille contra tanto altius ad populum clamavit, ne se seduci paterentur ab Ezechia, nec enim ipsum, nec DEum ipsius posse eos liberare de manu Regis Assyriorum.

Quæ ubi Legati scissis vestibus Ezechiae narrârunt, ipse quoque scidit vestimenta sua, & opertus sacco ingressus est Dominum Domini, missis interim ad Isaiam Legatis, cui omnia, quæ audiissent, referrent. Iste Regem & populum sine timore esse jussit, Regem Assyriorum nuntio accepto confessim ex Judaea abiturum; & verò abiit: nam dum Rabsaces Regi suo refert, Ezechiam & populum Jerosolymitanum DEI sui potentia nixos obsidionem ferre paratos esse, eodem tempore nuntiatum est ipsi, Regem Æthiopum Ægyptiis contra se auxilio adventare. Quare duxit exercitum in Ægyptum Jerosolymam occupatus in reditu, missa interim ad Ezechiam epistolâ; quam cum legisset, ascendit in Templum, litterasque expandit coram Domino, ita orans: *Aperi Domine oculos tuos, & vide, audi omnia verba Sennacherib, qui misit, ut exprobaret nobis DEum viventem. Nunc igitur Domine Deus noster salvos nos fac de manu ejus, ut sciant omnia Regna terre, quia tu es Dominus Deus solus.*

Interim Ezechias ex ulcere gravem morbum contraxit & Isaias ad eum veniens nomine DEI monuit, res suas ordinaret tanquam valetudine jam conclamata. Tristi percussus nuntio convertit faciem ad parietem, dicens: *Obsecro Domine, memen-*

*Isaias Regem
& populum
sine timore
esse jubet.
4. Reg. 19.
2. Par. 3. 2.
2. v. 17.*

Ezechiae vita in quindecim annos divini-

gus protegat, quod modo ambulaverim coram Te in veritate, & incor-
tur.
4. Reg. 20.
2. Par. 32.
v. 24.

to, quæso, quomodo ambulaverim coram Te in veritate, & incor-
de perfecto, & quod placitum est coram Te, fecerim. Flevitque
fletu magno; dolebat Rex optimus illud maximè, quod sine ha-
rede Filio, ex quo juxta promissionem Davidi factam Christus
nasciturus esset, moreretur. Jam abierat Propheta; at à DEO
ex atrio redire, ac dicere Regi Iussus est: audivisse se orationem,
& vidisse lacrymas ipsius; intra triduum sanatum iri, foreque
superstitem annos adhuc quindecim; qui nuntius Regem iterum
erexit. Quod tamen Propheta vaticinia tam sibi contraria bre-
vi tempore ediceret, rogavit, ut posterius signo aliquo confir-
maret. Erat in palatio horologium solare; petente Rege, fa-
ceret Propheta, ut in signum veritatis umbra illius reverteretur
decem lineis; invocavit Isaías Dominum, & ecce! regresso so-
le reversa quoque est umbra horologii decem lineis, sive horis
spectante Ezechia, & toto orbe diem illum prodigiosè longo-
rem admirante. Igitur ab Isaia applicato ulceri cataplasmate
ex fiorum massa confecto curatus est, & tertio die gratias actu-
rus in Templo Domini canticum cecinit: *Ego dixi: in dimi-
dio annorum meorum vadam ad portas inferi.*

Geminā de Ægyptiis & Æthiopibus victoriā præsumidus
Sennacherib fugit ex Israhel Angelo 185. suorum mil-
libus.
4. Reg. 19.
2. Par. 32.
v. 26, & 21.

Sennacherib redibat in Judæam, & Ezechias cum Isaia & popu-
lo constanter DEum orabat; simulque Isaías nomine Domini
Regem ac populum in spem erigebat, dicens: *Rex Assyriorum
non ingredietur urbem hanc, nec immetet in eam sagittam;
per viam, qua venit, revertetur.* Adventavit demum Senna-
cherib, cùmque numerosissimæ copiæ circa civitatem sanctam
jam efflent congregatae, factum est in nocte illa, venit Angelus
Domini, & percussit in castris Assyriorum cæde omnino tacita,
strepitu & clamore nullo centum octoginta quinque millia; &
in iis omnem virum robustum, & bellatorem, & Principem ex-
ercitus Regni Assyriorum. Rex diluculo surgens, visaque miser-
abili castrorum facie exterritus cum reliquis fugit in Ninive
non minus ira quam dedecore plenus; quam cùm in DEum tan-
tae cladis Autorem effundere non posset, in ejus populum filios
Istrael, quos jam antea habuerat exoscos, deserviit, multosque eo-
rum occidit, ita ut etiam Tobias bonis omnibus spoliatus auffu-
gere cogeretur. *Tob. 1. & v. 18.* At post quadraginta quinque
à clade Jerosolymitana dies ipse quoque Tyrannus periiit; nam
cùm

cum Assarhaddonem filium natu minorem in gratiam Matris designasset Regni successorem, duo maiores natu id à grè ferentes Patrem in Templo peremerunt.

Ezechias verò præter memorabilem omni ætate victoriæ cum omni populo suo hostium spoliis vehementer locupletatus est. Nam & quæ Assyrii per Judæam abstulerant, sunt recuperata, & infinita etiam thesaurorum vis & spoliorum, quæ illi Ægyptiis & Æthiopibus sustulerant, est recepta ; ut ita Rex Ezechias dicitur abundat. 2. Par. 32. a v. 27.

Ezechias, uti refert sacer Textus, reliquo vite tempore dives & inclitus valde, & thesauros sibi plurimos congregavit argenti & auri & lapidis pretiosi, aromatum & armorum universi generis, & vasorum magni pretii. Apothecas quoque frumenti; vini, & olei & præsepio omnium jumentorum, causisque pecorum edificavit sibi; habebat quippe greges ovium & armentorum innumerabiles, eò quod dedit ei Dominus substantiam multam nimis.

Regnante Sennacherib Prorex Babylone erat Baladan seu Nabonassar; Eque sub hoc tempus in Præfectura illa successit Filius Merodach. Hic audita Assyriorum ad Jerosolymæ musos clade Regnum Babyloniam in pristinam libertatem afferere, sibi coronam imponere constituit. Igitur secuta insuper Sennacheribi cede, rebusque omnibus in Ninive perturbatis Regem planè agere cœpit, & ut Regnum stabiliret cum aliis Regibus amicitiam contrahere, maximè cum Rege Judæorum, quem ex nupero bello præcipuum Assyriorum hostem esse sciret. Misit itaque ad Ezechiam Legatos cum litteris, & munibus, qui ipsi recuperatam valetudinem nomine suo gratularentur, similique interrogarent de portento, quod acciderat super terram, in Sole nimirum, quod Chaldae Astronomiæ dediti observabant, illudque in gratiam Regis Judæ decumbentis à cœlo factum fama per omnes gentes vulgaverat.

Lætatus Legatorum adventu Ezechias ostendit eis domum aromatum & aurum, & argentum, & pigmenta varia, unguenta quoque, & domum vasorum suorum, & omnia, quæ habere poterat in thesauris suis. Ab Optimatibus deinde conviviis, ludis, festisque gratulationibus exceptos cum litteris ac muneribus

Legatio ad Ezechiam.
4. Reg. 20.
v. 12.
2. Par. 32.
v. 31.

Ezechias Legatis thesauros ostendit.
4. Reg. 20.

à v. 13.
 2. Par. 32.
 v. 25. 26. 27.
 31.

ribus ad Regem suum deferendis iterum dimisit. Has opes ostenderat Ezechias cum quadam elatione animi, non satis me-
 mor esse DEI beneficia; unde post Legatorum abitum adfuit
 Isaías, eique jussu Domini prædixit, hos omnes thesauros Baby-
 lonem deportandos, uti & filios, quos generaturus esset. Au-
 ditio tristi nuntio acquievit quidem Rex divino decreto; op-
 tavit tamen, ne istud fieret se vivente, dixitque ad Isaiam; Bo-
 nus Sermo Domini, quem locutus es, sit pax & veritas in die-
 bus meis. Et vero voti compos factus est; nam Dominus toto
 etiam reliquo vitæ tempore ipsi & populo præstítit quietem per
 circuitum: multi etiam deferebant hostias & sacrificia Domi-
 no in Jerusalem, & munera Ezechiae Regi Iuda; qui exalta-
 tus est post h.ec coram cunctis gentibus. 2. Par. 23. v. 22.
 & 23.

Tobias interim in Ninive, quò post occisum Sennacherib
 Tobias in Ni-
 nive opera
 charitatis ex-
 eret.
 Tob. à c. 2.
 per reliqua.

reversus omnem substantiam suam recuperaverat, quotidie per-
 gebat per omnem cognitionem suam, & consolabatur eos, di-
 videbátque unicuique, prout poterat de facultibus suis, elurien-
 tes alebat, nudis vestimenta præbebat, mortuos sepeliebat, aliá-
 que opera charitatis exhibebat. Assaraddon autem novos misit
 colonos, qui Regnum Israël frequentarent.

Ezechias san-
 ctè moritur,
 & magnificè
 sepelitur.
 4. Reg. 20.
 v. 21.
 2. Par. 32.
 v. 33.

Interim vires Assyriorum expeditione Judaica fractæ ma-
 gis semper ac magis deficiebant, hinc Medis, illinc Babylonii
 prævalentibus, adeò ut Assaraddon Merodacho, olim subditò,
 nunc tributa pendere cogeretur; quod jugum cùm ferre ampli-
 ùs nollet Assyrius, acie cum Merodacho decertavit. At victus,
 cæsusque est; simulque Ninive, ac totum Assyriorum imperi-
 um in victoris iura potestatè venit. Itaque Merodachus
 novus Babylonici Fundator imperii Assyriorum simul ac Baby-
 loniorum Rex ac Dominus evasit. Quia tamen Regni sedem
 Babylone constituit, Rex Babyloniorum potius, quàm Assyrio-
 rum voluit compellari, à Scriptura nunc Aslyriorum, nunc Ba-
 byloniorum Rex vocatur. Ezechias quoque sub hoc tempus
 non pauca de Israëlis Regno vel recuperâs vel acquisivisse vi-
 detur, Samaritanis etiam auditam morte Assaraddonis sese ultro
 submittentibus. Esdræ l. 1. c. 4. v. 2. Verùm non diu post e
 vivis excessit pietate, observantia in DEum & rebus gestis in
 paucis clarus pessimus Patris Filius sanctissimus, pessimus Filii Pa-
 ter

ter sanctissimus. Sepultus est majori magnificentia quam alii Reges, quod tempus mortis tum Rex tum populus praesciret omniaque magnifice apparari poscent. Successit Manasses Filius.

Manasses, Rex Juda.

Duodecim annorum erat, cum regnare coepisset, & quinquaginta quinque annis regnavit in Jerusalem. Infelix Adolescentis ab Aulicis, qui regnante Patre impietatem per summam hypocrisin tegere norant, miserè in fraudem inductus ab ipsa Regni inauguratione plenas Idolatriæ permisit habendas. Nam primò quidem solum excelsa veri DEI, quæ Pater ejus dissipaverat, restauravit; sed paulò post in excelsis collibus aras etiam Baali erexit, lucoque circumdedit. Adoravit omnem militiam cœli, & coluit eam (planetas scilicet & reliqua sidera) in amoreno nemore; ubi ad statuas Jovi, Marti, Veneri, omnique militia cœli dicatas more gentium Sacrificiis, epulis, choreis, Luxuria ipse, aulici, & populus vacabant. His non contentus eidem militia cœli altaria extruxit in ipsa Domo Domini, seu in atrio Gentium, & Israëlitarum. Immo simulacrum, quod præ reliquis honorari volebat, ē Iuco transtulit in ipsum atrium Levitarum, ut undique conspicere & coli posset. Necdum finis superstitionum. Filios suos per ignem traduxit in aliqua valle prope Jerosolymam, qua sacrilega cæremonia eos dæmoni consecravit. Insuper nefarias & diabolicas artes sectatus est per inspectiones astrorum, per observationes somniorum, per avium garritus, & volatus, per Pythones seu ventriloquos, per aruspices sive hostiarum & extorum inspectores. Habuit secum Magos, & incantatores, quin & ipse maleficis ejusmodi artibus inserviebat. Denique fudit sanguinem innoxium multum nimis occidendo sanctissimos homines, qui ejus seeleribus resistebant, atque inter hos senio venerabilem, sanguine proximum, vaticiniis illustrem Isaiam acerbissimo cruciatu serrâ dissectum necavit.

Hac impietate dum perditus Juvenis septimum jam annum DEum irritavit, Judamque seduxit, & habitatores Jerusalem, ut facerent malum super omnes gentes; superinduxit eis Princi

Capitul ac
Babylonem
abducitur.

Sacra Veterum Temp. Histor.

Bb

pes

Ab An. 3284.

Manasses im-

piè regnat.

4. Reg. 21.

2. Par. 83.

4. Reg. 21.
2. Par. 23.
v. 11.

pes exercitus Regis Assyriorum, factumque est, quod Isaías Ezechiae prædixerat. Merodachum jam a longo tempore ad bellum incitabat cupiditas thesaurorum, quos in clade Sennacheribi Assyriis eruptas Ezechias suis Legatis ostentarat. Verum hancenus nullam ipsi justæ offensionis causam Manasses dederat; nunc verò nescio quo Justitiae obtentu tributum à Manasse petit, quo negato arma in ipsum movit missis cum exercitu Dicibus, captusque est Rex, incertum an vi apertâ, ab Assyriis; qui vincitum catenâ atque compedibus duxerunt in Babylonem cum magna Judaicæ Nobilitatis parte, ubi quâ clementia tractatus sit, non constat. Author imperfecti operis in Matthæum agens de vita Manassis in carcere: *Erat, inquit, ligatus & catenatus in domo carceris, & dabatur ei panis hordeaceus ad mensuram modicus, & aqua cum acetô modicus ad mensuram, ut viveret tantum. Et erat constrictus in loribus valde.*

Merodach sive, ut in libro Judith vocatur, Nabuchodonosor post captum Judæorum Regem Medorum Arphaxad etiam in Mesopotamia devicto incredibili arrogantia ad totius orbis Imperium aspiravit; quem in finem Legatos primum in Palæstinam, Syriam, finitimosque populos; deinde verò cum illos sine honore remisissent, iratus Holofernem militiae Principem cum ingentibus copiis misit, jussum nulli Regno parceret, quod contemplisset Imperium suum; ac omnes Deos' terræ extinareret, videlicet ut ipse solus diceretur DEus. Hic devastatis ubique per Asiam flammâ ferrisque obviis Provinciis, urbibusque ac lucis excisis eorum etiam, qui venienti obviam euentes sese ultro dediderunt, in Idumæam Judæe vicinam per venerat. Merito timuerunt Judæi & reliqui filii Israël, ne hostis hoc ficeret Jerosolymæ & Templis eorum. Quare hortante Summo Pontifice Eliakim, qui Rege Babylonem abducto Rempublicam administrabat, & nunc circumibat omnem Israël fauces montium firmo præsidio occuparunt, omnésque aditus per quos Holofernes Jerosolymam posset penetrare: Simul autem eodem Authore Pontifice ad præsidia divina configere: *Clamavitque omnis populus ad Dominum instantia magna & humiliaverunt animas suas in jejuniis & orationibus, principes Sacerdotes & Levites præcincti ciliciis & cincere conspergi Sacrifícia*

Holofernes
Dux Babylo-
nius Judæe
cum ingenti
exercitu im-
minet.

Judith c. 1.2.
3. & 4.

ficia offerebant, & ex toto corde suo omnes orabant DEum, ut visitaret populum suum Israël, qui sanè tunc adhuc multis erat non tantum in Juda, sed & in Regno Israël; plurimi enim, cum Salmanassar Tribus captivas abduceret, hostium effugerunt manus, multi, qui tunc in Judæam, Arabiam & Idumæam profugrant, postea in patriam reversi sunt.

De hoc belli apparatu ubi nuntium accepit Holofernes, vehementer indignatus post subjugatos tot populos Regis sui potentiam non timeri à filiis Israël, ad obviam urbem Bethuliam in inferiore Galilæa sitam exercitum admovit. Ducebat secum Holofernes non tantum Babylonios & Asyrios sed ex Madianitis, Amonitis, Moabitis, Idumæis, Syris cœterisque Gentibus, quas subjugarat, virorum fortium innuenerabilem multitudinem, quam ubi adventantem viderunt filii Israël tum ii, qui erant in urbe, tum illi, qui colles & montes occupaverant, prostraverunt se super terram unanimiter orantes ut DEus Israël misericordiam suam ostenderet super populum suum; assumpisque armis le ad defensionem pararunt. Holofernes urbem in monte sitam, naturâque munitam procul obequitans advertit sine multo sanguine vi expugnari non posse; quare aqueductum, quem reperit, incidi jussit; deinde cum animadvertisset, non longe à muris esse fontes, ex quibus cives furtim aquas haurirent, centenos in singulis fontibus custodes constituit, sperans, cives aquarum penuria adactum iri, ut se urbemque dederent; & sanè cum per viginti dies populis quotidie aqua data fuissest ad mensuram, siccatis etiam cisternis denique tota civitas siti defecit, ita ut Ozias primarius in urbe Magistratus insidente vehementer populo, si intra quinque dies auxilium à Domino non veniret, urbem se traditurum consentiret.

Rebus sic in summum discriminis adductis suscitavit DEus nobilem viduam, Judith nomine, quæ faceret salutem in Israël. Hæc cum ancilla urbe egressa ac veluti transfuga ab exploratoribus ad Holofernem adducta formæ dicendique gratia Barbarum ac circumstantes Duces ita rapuit, ut alter ad alterum dicerent: Non est talis mulier super terram in aspectu, in pulchritudine, & in sensu verborum; ingressura tabernaculum habi- gnatum, copiam petiit nocte & ante lucem egrediendi foras extra caltra ad orationem more patrio. Liberaliter data est in

Bethuliam
obsidet
c. 7.

Judith cap.
Holoferne
urbem & Ju-
dæam liberat,
c. 8. 10. 11.
12.13.14.15.

tres dies, quarto demum die nocte est occasionem exequendi consilium suum, quod ipsi DEus suggesserat. Cœnaturus Holofernes cum primis Ducibus per Vagao Eunuchum suum Hebræam quoque invitavit. Et jueundus factus est Holofernes ad eam, bibitque vinum multum nimis. Sera jam nocte dilapsis ad sua hospitia Ducibus, abiit & Vagao clausis prius diligenter ostiis; eratque adeò Judith sola in cubiculo Holofernisi, qui jacebat in lecto nimis ebrietate sopitus. Hic illa stans ante lectum, oransque cum lacrimis & labiorum motu in silentio, pendentem ad lectuli caput acinacem arripit; totisque viribus insurgens altero istu caput jacentis abscidit; resumpto deinde spiritu conopæo involutum ancillæ ante cubiculum stanti tradidit, jussitque immittere in calathum, in quo antea cibos suos posuerat. Re ita perfecta exierunt ambæ de more quasi ad orationem extra castra. Recepta in urbem confluenti cum luminibus toti populo caput Holofernisi ostentat, remque omnem ex ore suo pendentibus enarrat. Ad extremum voluit illud murorum eminenti ac conspicuo loco suspendi, atque omnes in montibus vicinisque locis paratos esse ad hostem sub ortum solis conjunctis viribus inter clangentes tubas atque ululatus invadendum; fore enim, ut hostes ad excitandum Holofernet concurrentes inventoque sine capite trunco perturbati fugiant, & sub persequentiū pedibus conterantur. Quæ, ut prædictar, facta sunt concilioque in fuga Assyriorum exercitu spoliis & præda ditati sunt universi; quæ tanta fuit, ut vix ipatio triginta dierum colligeretur.

Famâ tantæ victoriæ Jerosolymam perlata Joakim Summus Sacerdos cum magno comitatu in Bethuliam profectus obviā venientem Judith eximia cum laude & gratulatione accepit cum omnibus ita eam alloquens: *Tu gloria Jerusalem, tu lætitia Israël, tu honorificentia populi nostri.* Præcincte deinde Juditha canticum suum simul omnes choros ducentes laudaverunt DEum; & omnes populi gaudebant cum mulieribus & virginibus & juvenibus in organis & citharis. Ut verò non in una tantum hac urbe, sed publicè ab omni populo pro communione omnibus victoria DEO gratiae agerentur, Jerosolymam postea Israëlitæ undique ad Templum Domini profecti sunt, ubi sua quisque vota persolverunt, festosque dies per tres omnino men-

ses agitārunt; ipsaque Judith vasa bellica Holofernīs, & Conopēum DEO in Templo Domini consecravit ad perpetuam tanti beneficīi memoriam;

Interea Rex Manasses quoque libertate donatus pervenērat Jerosolymam. Angustiæ Babylonici carceris ipsi demum aperuerunt oculos, & cognovit, quod Dominus ipse esset DEus. Itaque orāvit Dominum DEum suum, & egit penitentiam valde coram DEO Patrum suorum, deprecatusque est eum, & obsecravit intentē. Et DEus exaudivit orationem ejus, reduxitque eum Jerusalem in Regnum suum. An Merodachus à DEO, in cuius manu sunt corda Regum, motus ultro, an per vim territus, liberum dimiserit, vel an potentiore aliqua DEI manu captivitatē eruptus atque reductus fuerit, ex Sacra Scriptura sat̄ intelligi non potest. Ut primum autem Jerosolymam est reversus, abstulit Deos alienos & simulacrum de Domo Domini; aras quoque, quas fecerat in atriis Templi & in tota urbe Jerusalem, & projecit omnia extra urbem; instauravit altare Domini, & immolavit super illud victimas & pacifica: Precepitque Iude, ut serviret Domino DEO Israēl. Quod quidem obtinuit apud suos, non tamen integrè; nam adhuc populus immolabat in excelsis Domino DEO suo. Restituto divino cultu Regnum contra hostes munivit, præcipue civitatem David, cūjus murum altius eduxit, constituitque Principes exercitūs in cunctis civitatibus Juda munitis, & deinceps servivit soli Domino DEO in toto corde suo, & in tota anima sua omnibus diebus vita sue. Exemplum incomparabilis patientiæ, bonitatis & placabilitatis DEI, ut qui immania scelerum portenta perpetrantem paterno folūm flagello castigavit, atque emendavit.

Regnante Manasse Habacuc Propheta prædixit adventum Chaldaeorum & Babylonicas captivitatem, quam Sacra Scriptura peccatis Manassis potissimum tribuit; dum ait: Factum est autem hoc per verbum Domini contra Iudam ut afferret eum coram se propter peccata Manassis universa quæ fecit, & propter sanguinem innoxium quem effudit, & implevit Jerusalem crux re innocentium, & ob hanc rem noluit Dominus propitiari. 4. Reg. 24. v. 3. Et rursum: Verumtamen non est aversus Dominus ab ira furoris sui magni, quo iratus est furor ejus contra Iudam propter irritationes, quibus provocaverat eum Manasse.

B b 3

Manasses, li-
ber Jerosoly-
mam dimissus
resipuit, &
cultum divi-
num restituīt
2. Par. 33.
2 v. 12.

Habacuc per
3. capita.

fcs

*Ses. 4. Reg. 23. v. 26. Et alibi: Quia fecit Manasses Rex Ju-
da abominationes istas pessimas, & peccare etiam fecit Iudam
in immunditiis suis: Ecce ego inducam mala super Jerusalem
& Judam: ut quincunque audierit, tinniant ambæ aures ejus.
4. Reg. 21. v. 11. & 12. Prædictum idem Propheta vaftationem
eorundem Chaldæorum, quæ deinde facta est per Medos & Per-
fas, & tandem prædictum adventum Christi, passionem, & resurre-
ctionem, & secundum adventum in gloria.*

Tobias obit
in Nînive.
Tob. 14.

Manasses
moritur.
4. Reg. 21.
v. 18.
2. Par. 33. v. 20

Quadragesimo Regni Manassis anno Tobias, cùm filio ac
septem nepotibus ecclerisque monita salutis dedisset, timorèm-
que DEI ac præcipue beneficentiam in pauperes inculcasset, obi-
it in Nînive in senectute bona ac plenus bonorum operum ac
meritorum.

Demum exactis quinquaginta quinque Regni annis etiam
Manasses vivendi finem fecit, sepultusque est *in horto domus sua*.
Et regnavit Amon filius ejus pro eo.

Amon, Rex Juda.

Ab An. 3339.
Impius altero
Regni anno
Interficitur.
4. Reg. 21.
à v. 19.
2. Par. 33.
à v. 21.

VIginti duorum annorum erat Amon cùm regnare coepisset. Ab impiis Aulicis vivo forsitan adhuc Patre corruptus ma-
luit Parentis Juvenis & in omnem impietatis turpitudinem pro-
jecti exemplum sequi, quam ejusdem resipiscientis vestigiis inhæ-
rere. Itaque Idolatriam à Patre relegatam iterum ab inferis
excitavit, & dereliquit Dominum Deum Patrum suorum. Ve-
rū citò impietatis suæ pœnas dedit; nam altero Regni anno
tetenderunt ei insidias servi ejus, & interfecerunt Regem in
domo sua. Qui quidem manus suas regio sanguine haud im-
pune cruentarunt; nam conjurati omnes imperfecti sunt, sepul-
tisque in mausoleo Patris Amone Josias Amonis filius occennis
ab universo populo in solium Davidis evectus est.

Josias, Rex Juda,

Ab An. 3341.
Adolecit ad
omnem vir-
tutem.

Josias à pueritia sapiens, inde optimâ atque ad virtutem na-
tus fecit quod placitum erat coram Domino, & ambulavit
per omnes vias David Patris sui: non declinavit ad dexteram
sive

Sive ad sinistram. Quā pietate ultionem, in gentem suam pri-
dem paratam, non sustulit quidem, distulit tamen, omnem, quan-
tum in sē fuit profanum cultum ex toto Israële profigandō.

4. Reg. 22.
2. Par. 24.

Eodem anno, quo Josias in Regem inauguratus est, cœpit
prophetare Sophonias contra Judæorum Idololatriam & alia pec-
cata minaturque excidium Jerosolymæ & Judææ, simul descri-
bit, planctum & ululatum illius temporis. Etiam prædixit ex-
cidium Palæstinorum, Moabitum, Ammonitarum, Æthiopum
& maximè Assyriorum tum propter blasphemias in populum su-
um, tum propter alia mala illi illata. Demum autem prædixit
destruendum tam Judaismum quam Gentilismum, omnésque
gentes subjugandas Christo, eique servituras humerò unō.

Sophonias
per 3. capita.

Josias duodecimo demum Regni anno grande negotium
aggressus est, & Regnum ab Idololatria mundare cœpit; adju-
toribus Helcia Summo Pontifice, Sophonia, & Jeremia, qui hoc
tempore, cūm esset quindecim annorum adolescens, ad Prophe-
ticum manus à Domino est vocatus, ac deinceps 43. omnino
annos scilicet usque ad undecimum Regni Sedeciae annum pro-
phetavit: Scripsitque vel dictavit insigne volumen, in quo po-
pulum & Principes ejus ad pœnitentiam multis sermonibus hor-
tatus est. Prædixit imminentem ruinam Jerosolymæ & Tem-
pli Domini & totius Regni. Prædixit multa de Christi adven-
tu, de Testamento novo, deque aliis Christianis Mysteriis aper-
tissimè. Ad finem libri sui addidit Threnos seu Lamentationes,
quibus deplorat ærumnas gentis suæ temporales & spirituales.
Addidit denique epistolam ad populum captivum in Babylone,
quā hortatur illos, ut in fide veri DEI persistant; quam Baruch
Minister & Amanuensis Hieremiæ posuit post volumen, quod ip-
semet scripsit de incarnatione DEI, & apparitione in carne hu-
mana. Quod Jeremias DEO excusaverit infantiam suam, inde
intelligitur, Prophetas non egisse nudos recitatores verborum
DEI, sed veros fuisse concionatores ad populum, quarum con-
cionum summa capita mox in scripta referrent.

Josias Idola
destruere, &
Jeremias ad-
olescens in-
cipit prophe-
tare per 32
capita.
2. Par. 34.
v. 3.

Itaque Josias primò Templum Domini, Jerosolymam atque
luburia purgari, omniāque Idololatriæ tum vetera tum recen-
tia monumenta everti, disperdi atque dissipari jussit. Deinde
per Regnum tum solitum sicutum colligi, tum lapides ac ligna un-
dique advehi, ad instaurandum Templum Domini, & sacra vasa

Josias Jero-
lymam & Ju-
dæam pur-
gat ab Ideo-
latria.

repa-

reparanda. Interim ipse lustrato reliquo Regno idem ubique fecit, quod Jerosolymæ, incensis lucis, eversis aris atque idolis in pulverem comminutis. Aruspices & Sacrificulos, qui adolebant incensum Baal, & Soli & Lunæ, & duodecim signis, & universæ militiae Cœli, occidit atque omnino delevit. Sacerdotes verò Domini, qui contra Legem alibi, quam Jerosolymæ in Templo, sacrificassent, à Sacerdotali munere amoti sunt, atque in Levitarum numerum redacti. Excelsa autem contaminata sunt, & animalium vel impiorum hominum cadaveribus ibi sepultis profanata.

Idem facit
per totum
Israëlem ad-
jutore Jere-
miæ.
4. Reg. 23.
à v. 15.
2. Par. 34.
v. 6. & 6.

Jerosoly-
mam reverti-
tur.
4. Reg. 23.
v. 20.
2. Par. 34.
v. 7.
Renovat for-
dus cum Do-
mino.
4. Reg. 21.
à v. 8.
2. Par. 34.
à v. 14. &
4. Reg. 23.
à v. 26.
2. Par. 34.
à v. 29.

E Judæa in Israëlem, quæ tota sese Josiæ permiserat, progressus inde quoque Idolatriam, ubi altiores radices egerat, exterminare exortus est, ac primò altare, quod erat in Bethel primaria sede Idolatriæ, & Excelsum, quod fecerat Ieroboam, destruxit, atque combussit, & in pulverem comminuit, ac lucum succendit. Deinde Samariam, quæ erat in Tribu Ephraim, & illius oppida purgavit; urbes quoque Manassis, & Simeonis usque ad Tribum Nephtalim, quæ erat omnium remotissima à Ierusalem. Ubique evertit altaria, dissipavit Excelsa, succidit lucos, simulacra contrivit in frustra, delubra demolitus est, ferroque jugulatos Idolorum sacrificulos in suismet profanis altariis combussit & loco brutarum victimarum immolavit.

Absoluto demum intra sex omnino annos tam sancto opere post exhaustas innumeræ difficultates superataque impedimenta Rex reversus est Jerosolymam cum Jeremia itineris socio, qui populum hortando, obsecrando, arguendo, minis imminentium calamitatum terrendo in suis concionibus Iosiam egregie adjuvit.

Interea dum reparabatur Domus Domini, ab Helcia Pontifice inventus est in quadam arca pecuniaria seu Gazophylacio Liber Legis, ipsum fortassis Autographum Deuteronomii ab ipso Mose scripti & relicti, quod est quasi compendium Mosaicæ Legis; quem cum per Scribam Saphan Regi misisset, isteque legisset, scidit vestimenta sua Rex præ zelo honoris divini, metuque vindictæ, si neglectas à Patribus suis Leges ipse quoque cum populo suo non obleraret. Igitur convocato populo ascendit Rex in Templum Domini, & omnes viri Iuda, universique qui habitabant in Ierusalem cum eo Sacerdotes & Prophetæ:

ubi

ubi Rex stans in suggestu suo lecto prius Legis volumine percus-
sit fædus coram Domino, ut ambularet post eum & custodire
præcepta, & testimonia & justificationes ejus in omni corie &
in tota anima, acque populus pacto.

Et quoniam tunc Pascha instabat, voluit illud quantâ posset
solemnitate celebrari, simûlque arcam in Sanctuario reponi, un-
de, cùm Templum ab Idolorum sordibus purgaretur, fuerat
educta. Porro ad Sacrificia per septem dies offerenda Josias
largitus est triginta millia ovium, hædorum, & agnorum: boum
& vitulorum tria millia. Principes Regni sponte quod vove-
rant, obtulerunt tam populo quam Sacerdotibus & Levitis.
Principes Domus Domini Helcias, Zacharias & Jahiel dederunt
Sacerdotibus reliquis pecora duo millia sexcenta, boves trecen-
tos. Principes Levitarum dederunt cœteris Levitis ad facien-
dum Phæse quinque millia pecorum, & boves quingentos; toto
verò eo tempore Cantores stabant in ordine suo, & Janitores
per portas singulas observabant: Levitæ & Sacerdotes juxta
verba Legis in suis quisque officiis occupati erant parando
victimas, detrahendo pelles holocaustorum, aspergendo sanguinem,
offerendo holocausta & adipes. Phæse assaverunt super
ignem, juxta quod in lege scriptum est: pacificas verò hostias
coixerunt in lebetibus, & eacabis & ollis, & festinatò distribue-
runt universæ plebi; sibi autem & Sacerdotibus postea parave-
runt. Ob multitudinem Sacrificiorum non fuit Phæse simile
huic in Israël à diebus Samuelis Prophetæ.

Josias uti hactenus, ita deinceps ambulavit per omnes vias
David Patris sui, ac etiam iudæi cunctis diebus ejus non reces-
serunt à Domino DEO Patrum suorum; multi nempe: cœteri
verò saltem non publicè metu Regis, privatim autem passim co-
lebant Deos alienos, & faciebant placetas Reginæ Cœli, Lunæ
nempe; veluti conqueritur Jeremias scribens: c. 7. v. 18. In
civitatibus Iuda & in plateis Ierusalem filii colligunt ligna,
& Patres succendunt ignem, & mulieres conspergunt adipem,
ut faciat placetas Reginæ Cœli, & libent Diis alienis, ob quæ
aliisque sceleræ tum ipse cum Sophonias constanter minabantur
aduentum Chaldæorum & Reipublicæ interitum imminentem.

Et certè videtur DEus jam nunc sumendæ vindictæ initium
sumpissime; dum Iudææ sanctum Regem præmaturâ morte eri-

Sacra Veterum Temp. Histor. Cc puit

Celebrat Pa-
icha cum
summa so-
lennitate.
4. Reg. 23.
à v. 21.
2. Par. 35.
à v. 1.

Josias & pe-
pulus per-
gunt in cultu
divino.
4. Reg. 23.
v. 35.
v. ult.

In prælio vul-
neratur &

moritur.
4. Reg. 23.
21 v. 29.
2. Par. 35.
2 v. 29.

puit. Post Merodachum & Ben-Merodachum Babylone hoc tempore Rex erat Nabopolassar dictus etiam Nabuchodonosor senior. Huic ad Euphratem bellum illatus Necho Rex Aegypti transitum à Josia petiit per Judæam; quod negatō nihilominus Regni fines ingressus est; quare Josias collecto exercitu Aegyptium in campo Mageddo aggreditur. At vix pugnæ initium datum est, sagittâ graviter vulneratus concidit, ac brevi post mortuus est; inde Jerosolymam asportatus conditus est in sepulchro suo, & universus Juda & Jerusalem luxerunt eum. Jeremiah maximè. Reliquit tres filios Joakim, Joachaz, & Sedeciam.

Joachaz, Rex Juda.

Ab An. 3372.

Joachaz via-
tus in Aegy-
ptum abfra-
hirur.
4. Reg. 23.
2 v. 31.
2. Par. 35.
2 v. 1. ad 5.

Iuvénis viginti trium annorum factio populi præ fratre primogenito in solium elevatus est, fortassis quod vel magis strenuus crederetur, vel Religionis libertatem ad vota populi moribüs vivendique licentiā promitteret. *Nam fecit malum coram Domino.* At brevi tum ambitionis sua tum impietatis pœnas dedit; cum enim Pharao ē bello Babylonico post tres menses reverteretur, à Joakime, ut apparet, requisitus, successoris negotium ita composit, ut Joachaz conjectum in vincula amandaret in Aegyptum, Joakimum verò Regem constitueret; à quo ubi extorta à subditis centum talenta argenti, & unum talentum auri tributi nomine recepit, Aegyptum repetiit.

Joakim, Rex Juda.

Ab An. 3372.

Idolatriam
fovet.

4. Reg. 23.
2 v. 34.
2. Par. 36.
2 v. 4.

Viginti quinque annorum erat Joakim, cùm beneficio Pharaonis regnare cœpit, & undecim annis regnavit in Jerusalem, fecitque malum coram Domino DEO suo; non enim minus, quam Joachaz Idolatriam fovit, ut populum benevolum haberet, occiditque Uriam, quod prophetasset adversus Jerusalem & Templum ejus; & projectit cadaver ejus in sepulchris vulgi ignobilis. Fer. 26. à v. 20. Ipse etiam Jeremiah in periculo erat, ne, cùm in atrio Israëlitico ad circumfusam multitudinem prophetaret contra eandem civitatem, poscentibus præterim sacrilegis Sacerdotibus, interficeretur, à v. 11, adeo regnat.

gnantibus Josæ impiis filiis odiosa erat veritas, & pro DEO contra Idololatriam loquendi libertas. Plura alia præsertim crudelitatis, superbiæ & avaritiæ vitia in hunc Regem congeruntum Jeremias tum postea Ezechiel Prophetæ.

Quare Dominus diutius non potuit cohibere manum, quin virgam vigilantem, quam pridem viderat Jeremias, tandem vibraret super Judam & Jerusalem. Annò tertio Regni Joakimi miserat Nabopolassar filium suum Nabuchodonosorem, qui postea Magnus dictus est, ut tum Ægyptium Regem Necho a castigaret, tum Syros, qui rebellaverant, domaret. Rebūs utrinque bene gestis moritur interim Babylone Parenſ. Nabuchodonosor redire coactus imperato venit in Judæam, obsidetque Jerosolymam, ulturus nempe amicitiam cum Ægyptio hoste suo contractam. brevi tempore seu vi seu fraude, seu terrore capit urbem ferendæ obsidionis imparatam; indictoque prius annuo tributo Regem catenis vincitum cum aliquot aliis illustribus captiuis, inter quos de semine regio puer Daniel, Anania, Azaria, Malaël, Babylonem abducit cum parte sacerorum vasorum, quæ reposuit in Templo Dñi sui, atque hinc septuaginta annorum captivitatis Babylonice initium est, quam *Jeremias cap. 25.* populo denunciavit.

Joakim supplex tyranno factus post aliquot menses libertati Regnique suo redditur retentis Daniele & sociis velut obsidibus, qui Babylone variis literis erudi bantur divino potius, quam humano magisterio; nam cùm expleto triennio starent in conspectu Regis, ad omne verbum sapientiae, quod sciscitatus est ab eis Rex, cum admiratione respondebant, decuplo doctiores cunctis Ariolis & Magis Chaldaeorum, erantque etiam formosiores reliquis regiis pueris, licet isti regio cibo vescerentur, illi solis leguminibus & aquæ potu contenti essent.

Joakim Jerosolymam reversus tribus annis Nabuchodonosori tributum ritè persolvit, deinceps vero id reddere cunctatus est, vana spe inductus expeditionis Ægyptiacæ contra Chaldaeos; quod cùm graviter ferret Babylonius, neque tamen bellis aliis implicitus ipse in Judæam recurrere posset, misit nihilominus copias ex latrunculis, id est, milittibus Chaldaæ, Syriæ, Moab & Amon raptim collectas, à quibus subinde variis cladibus affecti Judæi: denique finiente anno undecimo Regni Joakim, plane

Capti urbe
captivus cum
multis aliis
Babylonem
mittitur.
2. Par. 36.
av. 6.
Dan. 1. à v. 1.
ad 3.

Liberatur.
4. Reg. 24.
v. 1.
Dan. 1. à v. 2.

Interficiuntur.
4. Reg. 24.
v. 2.
Jer. 22. v. 18.
& 19.

subacti, & rursum servituti subjecti sunt Rege Joakimo etiam morte sublato, cuius deinde cadaver extra portas Jerusalem projectum, & sepulturā asini sepultum est, veluti Jeremias predixerat; & regnavit Jechonias filius ejus pro eo, jure ad ipsum devoluto sceptro.

Jechonias, Rex Juda.

Ab An. 3383.

Jechonias
eum Judæis
in Babylō-
nem abduci-
tur.
4. Reg. 24.
à v. 8.
2. Par. 36.
v. 10.

Sedecias fit
Rex.
4. Reg. 24.
à v. 17.
2. Par. 36.
à v. 10.

I Echonias decem & octo annorum erat, cùm regnare cœpisset, & fecit malum coram Domino juxta omnia, quæ fecerat Pater ejus. Regnavit tribus solum mensibus, veritus enim Nabuchodonosor, ne memor Patris tam indignè à Chaldæis occisi deficeret, sèque Ægyptiis aut Tyriis, qui jam tunc erant, hostibus iungueret, rursus venit cum exercitu, & Jerosolymam obdizione cinxit. Jechonias diffusus viribus suis de consilio Matris ac Jeremiæ Procerūmque egressus se Babylonio dedidit. Speravit Jechonias, cùm nullius criminis contra Babylonium sibi conscientius esset, eum nihil mali illaturum civitati. At iste Jerosolymam ingressus abstulit primò thesauros Domus Domini, & Domus regia; deinde Jechoniam Regem, Matrem, & uxores ejus, univerlos Principes, decem millia virorum fortium, 8000. opificum, Sacerdotes & Prophetas, inter quos Ezechiel, Josedec & Mardochæus, captivos duxit in Babylonem relictis solis pauperibus iisque, qui huc illucque diffugerant.

Sedeciam verò tertium Josiæ Filium & Jechoniæ Patrium Regem Judææ constituit jurejurando adstriatum, ut fidem servet, nihil in Regno mutet, Ægyptios non juvet, & tributa cum fide pendat. Rebüs ita in Judæa compositis Nabuchodonosor recessit; quod ubi percrebuit, ii, qui magno numero antea metu Chaldæorum in Ægyptum aliaque loca confugerant, reverti sunt, & Regnum Sedeciæ paulò splendidius reddidere.

Sedecias, Rex Juda.

Ab An. 3383.

Jeremias Re-
gem & popu-
lum frustra

V Igésimum & primum annum ætatis habebat, cùm regnaret cœpit, & undecim annis regnavit, & fecit malum coram Domino juxta omnia quæ fecerat Joakim ejus Frater. Jeremias, qui DEI nutu Jerosolymæ remanserat ad curandas populi reliquias,

liquias, s̄pēnūmerō illum adiit, obtestans ut omissis impietati-
bus Justitiae curam gereret, n̄e aut Principibus suis mentem
adhiberet, quōd essent mali plerique, aut falsis Prophetis crede-
ret eum decipientibus. At Sedecias agnoscet quidem Pro-
phetam vera dicere, sed per amicos rurum depravatus abduce-
bat à Jeremaiæ consiliis in diversum, quoconque vellent. Sed
& universi Principes Sacerdotum & populus pr̄varicati sunt
inique juxta universas abominationes gentium, & polluerunt
Domum Domini. Deus illos sollicitè per servos suos quotidie
commonebat; at illi subsansabant nuntios DEI, illudebantque
Prophetis, donec ascenderet furor Domini in populum ejus, &
esset nulla curatio.

ad meliora
hortatur.
2. Par. 36.
à v. 11.

Non minus sollicitus erat Jeremias pro iis, qui Babylonem
transmigraverant. Inter eos quidam sibi nomen Prophetarum
usurpabant, & brevi reddituros in patriam mentiebantur pr̄aci-
pue Achab & Sedecias imposturā & nequitia magis insignes.
Cū igitur Rex Sedecias Legatos in Babylonem mitteret, ulus
occasione Jeremias epistolam scripsit ad exiles, qua ipsis suasit,
ne crederent Pseudo-Prophetis & somniatoribus, se brevi rever-
suros in Judæam; id nonnisi expletis leptuaginta annis futurum.
quare ædificarent domos, plantatent hortos, acciperent uxores
& generarent filios & filias, ut non essent pauci numero. Ne
pr̄ se beatos existimarent, quibus in patria remanere licuit;
brevi enim futurum, ut Dominus persecutus eos in gladio, &
in fame & in pestilentia; & det eos in vexationem, in male-
ditionem, & in stuporem, & in sibilum & in opprobrium cun-
ctis gentibus. Ipsiis verò promittere Dominum multam pro-
speritatem, suāque protectionem, vitarent Chaldæorum mores,
ritus & superstitiones observationes; abstinerent ab Idolorum
cultu; hanc enim captivitatem non alio ex fonte, quam ex ea
impietate promanasse.

Scribit ad ex-
p̄tivos Baby-
lonem.
Jer. c. 29.

Hoc tempore Babylone contigit historia Susannæ, quæ il-
lustrium ejus virtutum nobilissima documenta continet, sicut
& divinæ providentiaz & justiciæ erga probos & improbos. por-
ro duo illi senes, Susannæ accusatores, creduntur fuisse illi ipsi
Pseudo-prophetæ Achab & Sedecias; qui à Daniele puer ca-
lumniæ convicti, cū lapidandi essent à populo, jussu Nabucho
donosoris igne exusti sunt.

Susanna in
Babylone ac-
cusatur & ab-
solvitur.
Dan. c. 13.
Jerem. 29.
v. 22. & 23.

Jeremias ob-
salutaria mo-
nita multa
patitur.
Jer. 51. à v.
59.
Jer. 20. à v. 1.
er. 38. à v. 4.

Quarto Regni anno Sedecias Rex ipse Babylonem profe-
ctus est, nempe ut Jechoniam nepotem in vinculis & reliquum
populum consolaretur, Regem salutaret & Judæis mitiorem red-
deret, tum etiam ut pactum tributum perfolveret, qua occasio-
ne rursum Jeremias ad exules scripsit, hortatusque est tum ipsum
Regem Sedeciam tum populum, ut dominatum Chaldaeorum pa-
tienter ferant ac servitutem; venturum tempus, quo Babylonii
ipsi suorum scelerum pœnas luant. Quoniam vero etiam Jero-
solumæ tum contra falsas promissiones Pseudo prophetarum,
tum contra civitatem constanter prædicaret, multa propterea
absente Rege passus est; cumque aliquando stans in atrio domis
Domini nomine Dei ad omnem populum diceret: *Ecce ego in-
ducam super civitatem hanc & super omnes urbes ejus univer-
sa mala, qua locutus sum adversus eam; quoniam indurav-
runt cervicem suam, ut non audirent sermones meos:* Audiens
hæc Phassur unus ex primis Sacerdotibus, percussit Jeremiam, &
misit in subterraneum carcerem; ex quo altero die eductus ni-
hil quidem à pristina libertate loquendi remisit; querebatur ra-
men, se Prophetam in ea incidisse tempora, quibus sermo Do-
mini esset in hominum derilsum & subsannationem tota die.

Ezechiel per
42. capita.

Quinto transmigrationis anno cœpit prophetare Ezechiel
in medio captivorum super flumina Babylonis, ubi sedebant, &
flebant, cum recordarentur tui Sion, habuitque mirabilem illam
visionem de similitudine quatuor animalium. Post alias deinde
variasque visiones de clade & interitu Jerosolymæ, de fuga
& comprehensione Sedeciae Regis, de publicis privatisque sceleri-
bus Judæorum prædictis reversionem populi ad propria loca:
vaticinatus est de adventu Domini, de baptismo, de aliis Christi
mysteriis, & de structura Templi.

Nabuchodonosor superatis interea Medis subactisque, Ni-
niven, quæ ad istos jam aliquoties defecerat, expugnavit, toties-
que perfidam funditus evertit, atque ita delebit, ut nulla dein-
ceps reperiatur ejus mentio vel in saeris, vel profanis litteris.
Post Medos, Armenos quoque, atque Hyreanos, ac deinde Ela-
mitas sive Persas subjugavit. Amplificato latè per Orientem
imperio arma in Occidentem convertit, ac Tyrum, cuius poten-
tiæ ac superbiam ferre non poterat, obsidere cœpit. Hac
enim urbs paulò post diluvium à Thira septimo Japheti filio in-

Nabuchodonosor
superatis
Medis subactisque,
Ninive
Tyrum
obsidet
Ezech. 26.
à v. 7. &
8. 27. & 28.

insula maris mediterranei condita inventa primò re nauticā ad tantam denique pervenit potentiam, ut tunc toto penè mari mediterraneo longè latèque dominaretur, sèque ipsam præ superbia ob divitias & pulchritudinem non caperet; nam adificavit Tyrus munitionem suam, & coacervavit argentum quasi humum, & aurum ut lutum platcarum. Zach. c. 9. v. 2.

Dum Nabuchodonosor obsidione Tyri occupatur, Rex Sedecias jugi Babylonici, quod septem jam annos portaverat, impatiens, cœpit illud excutere, ratus, si cum Aegyptiis Chaldaeorum hostibus vires conjungeret, nihil sibi fuoque Regno metuendum à Chaldaeis præsertim Tyrio bello distentis; spem quoque faciebant Pseudo-Prophetæ, quibus unus Jeremias, sed frustra, resistebat. Itaque à Nabuchodonosore deficiens cum Aegyptiis societatem iniit, datæ fidei immemor, & jurisrandi.

Audita defectione Nabuchodonosor cum parte copiarum in Judæam irrumpens obsidionem Jerosolymæ inchoavit, ad quod nuntium exercitus Pharaonis egressus est de Aegypto opem Sedeciae latus. Chaldae ne simul cum gemino hoste sibi pugnandum esset, recesserunt ab Hierusalem contra Aegyptios. Timore soluti cives se deinceps à Chaldaeis tutos fore credebant. At Jeremias constanter edixit reversuros; & verò redierunt fugatis Aegyptiis, & extruxerunt in circuitu urbis munitio[n]es, & clausa est civitas atque vallata. Consultus à Sedecia Jeremias tum ip[s]i, tum populo omnino suasit deditio[n]em, si salvi esse velint. Nam ajebat: *quicunque manserit in civitate hac, morietur gladio, & fame, & peste: qui autem profugerit ad Chaldaeos, vivet.* Et: *Tradendo tradetur civitas hæc in manu Regis Babylonis, & capiet eam.* At hujusmodi vaticiniis bonus Propheta non nisi vincula retulit, verbera, carceres, & mortis minas. Interim prevaluit famæ in civitate, nec erat panis populo terra. Secuta est pestis cum innumeris calamitatibus, quæ eō magis augebantur, quod longius extrahebatur obsidio. Paulò ante quām veniret urbs ac Templum in potestatem Chaldaeorum, quidam Sacerdotes horratore sine dubio Jeremiam tabernaculum, arcam foederis, altare incensi, ignem perpetuum, nonnullaque alia, quæ facile asportari poterant, in subterraneo quopiam loco absconderunt. 2. Mach. c. 1. à v. 19. Factum id est

Sedecias f.
dem Nabu-
chodonosori
frangit.

4. Reg. 24.
v. 20.
2. Par. 36.
v. 13.

Jerosolyma
obsidetur, c. 2.
pitur Sedeci-
as, oculis or-
batur.
4. Reg. 25.
à v. 1.
2. Par. 36.
à v. 17.
Jer. 38. à v. 2.
& Jer. 39. 2.
v. 1.
& Jer. 52.

est providè & in tempore. Nam Chaldæi perrupto exteriori muro, apertaque portâ piscium irruentes, secundam quoque interioris muri portam occupârunt; quo viso Rex Sedecias, & omnes viri bellatores fugerunt, & egressi sunt nocte de civitate per viam horti regi, & egressi sunt ad viam deserti. Hostes verò patefacta interim secunda quoque porta in urbem irruentes omnia cædibus, rapinis, infanda omnis generis libidine replent. Ipsa atria Domus Domini, quod miseri magno numero salutis causa confugerant, implera sunt interfectis, solique illi servati sunt, qui tunc furenti per urbem hosti non occurrerunt, sed latebris clausi te servituti reservârunt. Regem fugitivum hostes non procul à Jerichunte assediti sunt; quod videntes amici & Duces fugæ comites, reliquo Sedecia dissipati sunt, quæ quemque spes fugæ tulerat; ipse vûrd desertus cum liberis & paucis amicis in hostium potestate devenit, perductusque est ad Nabuchodonosorem. Erat hic tunc in Reblatha in finibus Judææ sita, exspectans eventum obsidionis tum Jerosolymæ tum Tyri. Ubi in conspectum Nabuchodonosoris venit, iste fœdifragum & ingratum gravibus primò verbis increpuit, mox jussit ipso Sedecia & alis captivis inspectantibus filios ejus & amicos trucidari, ipsi autem, priùs oculis orbato catenas injici, & Babylonem abduci; ubi non multò post præ animi mœror ac oculorum dolore è vivis abiit.

Postquam ferè mensis abiit in cædibus & populatione Jerosolymæ, visum est Regi civitatem omnino delere. Misit igitur Nabuzardem Ducem cum mandatis, ut prius Templum, & regiam spoliaret, deinde in cineres redigeret, muros, turres, & urbem funditus dirueret, ac reliquum populum in Babylonem traduceret relictis solis vinitoribus, agricolis & pauperibus terræ; quod ipse accuratè præstítit. Avecta sunt, quæ à priori spoliatione reliqua erant universa laxa domus Domini tam majora, quam minora, thesauri Templi, & Regis, & Principum cum omni supellestile: muri Jerusalem per circuitum subversi: turres dejectæ: undique subjecti ignes, quibus Templum, Regia, urbs tota conflagravit; cùmque post incendium firma murorum compages adhuc staret in Templo, eos demoliti sunt, & dispersi sunt lapides Sanctuarii in capite omnium platearum. Cives, qui jam anteā se dediderant cum plurimis aliis è Judæa Babylōnem

Jerosolyma
& Templum
incenditur.
4. Reg. 25.
2 v. 2.
2. Par. 36.
2 v. 19.
Jer. 39. 2.
v. 11.
Jer. 40. a v. 2.
Jer. 52. a v.
13.

nem sunt translati, Saraias verò Summus Pontifex cum quibusdam aliis, qui primùm nunc è latebris suis exibant, missi sunt in Reblatha, ubi percussit eos Rex Babylonis, & interfecit. Jeremiah voluit Nabuchodonosor humaniter tractari, quem virum sanctum esse, & deditio nem semper sualisse ex trans fugis audiverat. Quare Nabuzardan eidem potestatē dedit aut demi grandi Babylonem, aut in Judæa manendi, aut quo cunque libuisset abeundi.

Maluit manere in patria apud reliquias populi, deque sacro deposito sollicitus divino monitu in tempore locum adit, in quo nuper arca, altare, tabernaculum, abdita fuerant; eaque per fidos homines trans Jordanem in montem transtulit, ex quo olim Moyses terram Chanaan à longè lustrārat, ibique in spelunca recondidit. Hoc ministerio perfunctus rediit, & Jerosolymam per otium contemplatus jam non amplius plenam populo, civitatem perfecti decoris, Dominam Gentium Principem Provinciarum, gaudium universa terra; sed solam nunc, & desertam, super carbones denigratam factam quasi viduam, sub tributo, derisum omni populo suis lamentationibus amaro animo spirans & ejulans deflevit.

Jechonias, Rex Juda exautoratus & captivus Babylone.

Sæviente hac in sanctam civitatem tempestate è reliquo Regno Judæi magno numero in tutiora loca, & plerique in Ægyptum se receperunt. Iis qui remanserant, aut ex fuga redierunt, Praefectus relictus est Godolias, ab omnibus valde amatius propter bonitatem ejus & humanitatem. At brevi Judæi ereptus est invidiâ Ismaëlis; hic enim eam dignitatem affectans consiliô atque etiam auxiliô Regis Ammonitarum Godoliam & Chaldæos, qui cum ipso erant in Masphath, occidit; qua cæde Judæi non solum afflicti, sed ita turbati sunt, ut turmatim rursus in Ægyptum fugerent, secumque frustra renitentem Jeremiah & Baruch ipsius scribam abriperent, veriti scilicet, ne Nabuchodonosor necem Godoliae & Chaldæorum Judæis omnibus sine discrimine imputaret, eamque ulciceretur.

Ægyptum ingressi considerunt primò in Taphnis, deinde Lapidant Jeremiah,
Sacra Veterum Temp. Histor. D d verò

Jeremias manet in patria.
Jer. 40. v. 6.
2. Mach. 2.

Judæi magno numero in Ægyptum fugiunt & Jeremiah secum abripiunt.
Jer. 40. 2 v. 7.
& Jer. c. 41.
42. & 43.
4. Reg. 32.
2 v. 22.

Jer. 43. à v. 7. verò in Memphim aliasque urbes dispersi sunt. Jeremias sollicitus, ne in terra Idolis dedita relaberentur sui in pristina scelerata, frequenter iis affirmavit, causam desolationis Juda & Ierusalem, omniumque malorum fuisse Idolatriam. Illi verò calamitates potius DEI cultui, pacem autem & felicitatem Idololatri buentes, non horruerunt impudenti ore Prophetæ in faciem dicere: *ex eo tempore, quo cessavimus sacrificare Regina Cœli, indigemus omnibus, & gladio & fame consumpti sumus, quando verò id fecimus nos, & Patres nostri, Reges nostri & Principes nostri in urbibus Juda & in plateis Ierusalem; & saturati sumus panibus, & bene nobis erat, malumque non vidimus.*

unde & passim colebant Deos alienos in Ægypto; ac præsertim mulieres sacrificarunt Reginæ Cœli, eique faciebant placetas ad colendum eam, & libandum ei libamina. Itaque nomine ac ore DEI minas intentans: *visitabo inquit, super habitatores terra Ægypti sicut visitavi super Ierusalem in gladio & fame & peste, & non erit qui effugiat de reliquis Iudeorum.* Quas aliasque ejusmodi minas cum crebrius repeteret, sanctum Prophetam denique furentes lapidibus obruerunt in Taphnis Ægyptiorum, ubi etiam ab Ægyptiis, apud quos magno in honore fuerat, juxta Regis palatum sepultus est.

Orbatus Magistrò Baruch relicta Ægypto in Babyloniam profectus est; ubi Judæis jam certæ sedes attributæ erant, ac inter eos Josedec post occisum in Reblatha Saraiam Patrem Summi Pontificis titulum gerebat; Jechonias verò in carcere detinebatur. Ut captivos consolaretur, librum, quem Jeremia dictante conscriperat, convocatis recitavit, qui audientes plorabant, & jejunabant & orabant in conspectu Domini, miserunt quoque per eundem collectam pecuniam ad Sacerdotes, qui in ruinis Ierusalem morabantur, ut ad placandum Dominum sacrificia offerrent ad aram DEI tumultuario opere in loco pristino excitatam: vexatio nimirum dedit intellectum captivis, ut iam quererent solum DEum Patrum suorum.

Nabuchodonosori demum etiam Tyrii post toleratam tridicim annos obsidionem se dediderunt, cum prius pretiosioribus imposita Carthaginem evexissent, quorum exemplum postquam secuti sunt etiam Sidonii, Rex inde bellum transtulit in Ægyptum, quæ cum magna parte Africæ subjugata inde re-

**Baruch Baby-
lonem ad ca-
ptivos profi-
citur.**
Baruch c. I.

**Nabuchodo-
for Judæos
ex Ægypto in
Babylonem
abstrahit.**

fectens iter Idumæos, Philistæos, Moabitas, Amonitas, Ismaëli-
tas, Agarenos, Syros, Arabes, Cyprum, Rhodum, Cycladas alias.
que maris mediterranei insulas, cœteros demum circumquaque
populos torrentis instar inundavit, *vinoque furoris Domini ine-*
briavit juxta Jeremiæ vaticinium, abduxit quoque innumeros
undique, inter quos non pauci Judæi illi Ægyptiaci, captivos in
Babyloniam, incendit ubique delubra Deorum, & simulacra di-
spersidit, aut in transmigrationem, nominatim Chamos Moa-
bitarum, & Melchom Amonitarum, abripuit. *Jer. 48. 7. &c.*

49. 3.

Pacato jam Imperio, latèque perdomitis gentibus Nabu-
chodonosor mysticum illud somnium vidit de rebus futuris per
grandem statuam adumbratis, quô cùm conterritus esset spiritus
eius, tenuémque solum ac confusam ejus memoriam retinuisse, Daniel oblin-
convenire in Regiam jussit Chaldæos Astrologos, Genethliacos
omnesque somniorum conjectores, ut sibi somnium in memo- terpretatio-
riam revocarent, ac deinde, quid portenderet, explicarent, ra- nem somniis
tus scilicet, eos, qui interpretationem cœlitus scirent somnio- Princeps su-
rum, eodem beneficio etiam somnia inde posse cognoscere. Illi,
placeret Regi, quid somniasset, aperire, se postea somnium inter- per omnes
pretaturos. Rex somnium suum fugisse à se ait, illud ipsi sibi Provincias
rursus indicarent; cùmque illi reponerent, istud hominis non
esse, sed Deorum, Rex in furore & in ira magna præcepit inter- constituatur
fici omnes sapientes Babylonis, veluti impostores. Crudelis Dan. 2.
sententia vix à facie Regis egressa mox executioni dari cœpta
est, quærebaturque etiam Daniel & socii ejus ad necem, quod re-
rum capitalium Præfecti inter Ariolos ac Prophetas non distin-
guerent: quod ubi Arioch Princeps militiæ Danieli indicavit;
Regem adiit, divinitusque per revelationem edoctus visiones
capitis ipsius tam distinctè eidem in memoriam revocavit, tamque
fidelem somni interpretationem addidit, ut Nabuchodonosor
cadens in faciem suam Danielem adoraret, eique hostias & in-
censum sacrificari præciperet; repugnante verò Daniele & talem
honorem soli DEO tribuendum indicante, exclamaret: *verè*
DEus vester DEus Deorum est, & Dominus Regum & revelans
mysteria. Constituit postea Danielem Principem super omnes
Provincias Babylonis, & Præfectum Magistratum super cun-
ctos Sapientes Babylonis; tres verò ipsius socios, Misach, Si- drach

Dd 2

drach

210 *Jechonias, Rex Juda exautoratus &c.*

drach & Abdenago nunc Chaldaicè appellatos, petente Daniele præfecit super omnia opera Babylonis, ut sic Iuis in captivitate apud Regem & Magistratum possent esse præsidio.

Daniel pro-
phetat per
14. capita.

Hoc itaque Monarchiæ Nabuchodonosoris anno secundo cœpit prophetare Daniel, scripsitque multa de Christo, de tempore Adventus, de tempore mortis ejus, de Antichristo & præliis ipsius, item de execratione Judæorum, prædixit progressum quatuor præcipuorum Regnum, & de bellis futuris inter Græcos & Persas, & inter successores Alexandri Magni, tanta perpicuitate, ut aliqui putaverint, sed falsò, ea scripta fuisse multò posterius, quam revera fuerint.

Nabuchodo-
nosor juberet
statuam suam
adorari.
Dan. 3.

Danielis verbis & exemplo, nulli homini quantacunque virtute aut potentia præcellent, sed soli DEO cœli ac omnium Domino adorationem ac sacrificia deberi; tamen non diu post victoriis ac triumphis insolens Monarcha divinitatem affectans imaginem suam sive statuam auream erigi jussit instar novi Dei publicè adorandam, ad id sine dubio incitatus tum adulatione, tum maximè invidiâ Procerum, ut sic tribus Judæis insidias pararent, quos Provinciarum operibus Præfectos esse dolebant, scirentque nunquam Idolum aureum adoraturos. Statua in amplissimo campo Dura Provinciae Babylonis erecta 60. cubitos erat alta, sex lata, incredibili auri pondere, si ex solido auro conflatam esset credamus. Ad dedicationem statuæ convenire jussi sunt ex omnibus Regnis & Provinciis Satrapæ, Magistratus, Principes, Dukes, omnésque Optimates in potestatis constituti, ita ut tribus operum Præpositis abesse non liceret, solo Daniele primo Ministro, cui tunc fortassis Rex solemnitati præsens innitebat, ab hac cæremoniâ exempto. Præsentibûs omnibûs promulgatur edictum Regis de adoranda statua sub comminatione, ut, si quis eam non adoraverit prostratus, eadem hora mittatur in fornacem ignis ardantis ordinarium apud Chaldaeos reorum supplicium. Igitur datô tubis aliisque instrumentis musicis signo procedunt in terram omnes, & adorant statuam, soli tres Judæi stant immoti, mox deferuntur ad Regem, qui cum videret, nulla ratione eos adduci posse, ut Deos suos colerent, & statuam auream adorarent; pedibus vinciti conjiciuntur in fornacem in eodem campo paratam, ac septuplo magis, quam alias, succensam; at illi ceci-

eeiderunt quidem in medio camino ignis ardantis colligati; mox autem vinculis flammā solutis surgentes ambulārunt in me-
dio ignis, ac DEI laudes cantārunt cum Angelo, qui missus à
cōcelo se ipsis sociārat, quo miraculo attonitus Rex evocatos cum
Optimatis congregatis satis contemplari non potuit, ac mira-
ri, quod nec capillus capitū eorum esset adustus, demum in lau-
des divinæ potentia prorupit proposita etiam pœnā, si quis con-
tra DEum Hebræorum posthac convicia jaſtaret; neque enim,
inquietabat, est alius DEus qui possit ita salvare

Unus & alter annus abiit, cū novi fastū ansam Nabucho-
donosori dedit ip̄a regia civitas Babylon; quæ totius Orientis
immensis opibus locupletata, innumeris ædificiorum, præsertim
duplicis palatii, templi Belis, hortorum pensilium, obeliscorum
aliisque regiæ magnificentia miraculis ornata demum perfecta
est, quam in solario supra teatrum palatii fortè contemplans, sé-
que ipsum potius quam urbem admirans: Nonne, inquietabat,
hac est Babylon magna, quam edificari in domum Regis in ro-
bore fortitudinis mea & in gloria decoris mei?

Sed incredibilem Regis superbiam denique DEus porten-
tosā pœnā depreſſit, phantasia ejus ita turbatā, ut se bestiam esse
crederet. igitur abjectis insignibus regiis nudus hominum con-
fortia fugit, sylvestribus se feris aggregat, & quadrupedis in-
star incurvus in sylvis locisque aviis pluvias solēsque perpes-
sus, pilis toto corpore hispidus, unguibus quasi aquilinis arma-
tus, sine articulata voce ejulans atque instar feræ ululans, her-
bis ac radicibus viſtitans per septem annos vitam Rex infelix
post homines natos inauditam traduxit, usurrationis ita destitu-
tus, ut tamen per intervalla ejus & pristinæ dignitatis sensum
haberet, & pœnam suam sentiret; atque ita ex hominibus ab-
jectus est, & fœnum ut bos comedit, veluti Daniel somnium ip-
si de mirabili arbore explicans clarè prædixit.

Exacto demum pœnitentiæ septennio levavit oculos suos
ad cœlum & animi sensum recepit, atque ab Optimatis Regni
requisitus & Regno redditus est magno totius populi gaudio.
exinde Nabuchodonosor non, cessavit mirabilia in se opera DEI
prædicare, Regem Cœli laudare, magnificare & glorificare, do-
nec post annum vitam cum morte commutaret; quam, ut fert
communis opinio, æterna felicitas est consecuta.

Nabuchodo-
nosor ob
magnificen-
tiā urbis
Babylon su-
perbit.

Dan. 4.

Inauditā pœ-
nā per sep-
tem annos
punitur.

Dan. 4.

Moritur.
An. 3420.
Dan. 4.

Novus Rex
Jechoniam &
Danielem in
honore ha-
bet.
4. Reg. 25.
2 v. 27.
Jer. 52. à v.
31.

Daniel Regi
fraudes sacri-
ficularum Be-
li detegit.
Dan. c. 14.

Daniel libe-
ratur è lacu
leonus.
Dan. c. 14.
à v. 22.

Successor in Monarchia fuit filius Evilmerodach, qui Regni curam insano Patre jam habuerat. ut primùm autem thronum concendit, Jechoniam è longo triginta septem annorum carce- re liberavit, eumque non solum regiè habuit, sed & præ coete- ris Regibus, quos è subjugatis populis Parens Babylonem duxerat captivos, honoravit. sed & Danielem non minore honore atque amore quam Parens prosecutus est propter præclara in hunc merita, & spectatam jam pridem sapientiam & sanctita- tem, quam utramque etiam huic Regi duo recens comprobâ- runt exempla.

Rex admodum devotus erat Belo, & ibat per singulos dies adorare eum, falsò existimans esse DEum viventem, quod quo- tidie præter panem sat multum comederebat oves quadraginta, & sex vini amphoras biberet. rogatus fortè Daniel, cur non etiam ipse adoraret Bel, hac occasione usus est detegendi Regi impo- sturam, ostenditque nequaquam Idolum intrinsecus luteum; & forinsecus æreum, sed sacrificulos septuaginta esse cum suis familiis, qui nocte per cuniculum subterraneum ingredierentur tem- plum, & cœnam illam quotidie Belo appositam absumerent; quam fraudem ubi Rex ex vestigiis virorum, mulierum & infantium sparso per pavimentum cineri impressis deprehendit, sacrificulos omnes cum suis familiis jussit interfici; Bel verò tradidit in po- testatem Danielis, qui subvertit eum & templum ejus.

Erat Babylonie in fovea quadam Draco, & colebant eum Babylonii. Rex Danielem rursum tentans fortè ei dixit: *nunc non potes dicere quia iste non sit Deus vivens, adora ergo eum.* At Daniel: *Rex, inquit, da mihi potestatem, & interficiam Dra- conem absque gladio & fuste.* Dedit eam Rex. Tulit ergo Da- niel picem & adipem & pilos, & coxit pariter, fecitque massas & dedit in os Draconis, & disruptus est Draco; quod ubi audie- runt Babylonii, in seditionem versi clamârunt: *Iudeus factus est Rex: Bel destruxit: Draconem interfecit; & Sacerdotes occidit; similique Regem adorti: trade nobis, inquiunt, Danie- lem; alioquin interficiemus te & domum tuam.* Rex vim me- tuens furiosis Danielem permisit; quem illi continuò miserunt in lacum seu subterraneam fossam à septem leonibus devoran- dum. At DEus conclusit ora leonum, ut licet sex totos dies jejuni, servum DEI ne quidem attingerent, ipsi verò Danieli, ne fame

fame moreretur mirabilem mensam paravit; nam Habacuc pultum, quod in Judaea messoribus suis tum coxerat, ferre jussus est Danieli, portatusque capillo capitis sui ab Angelo in Babylonem Danieli in prandium apposuit. Septimo die lacum accedens Rex, cum videret sedentem in medio leonum, exclamavit voce magna Rex dicens: *Magnus es Domine Deus Danielis*, extra Etioque Daniele in lacum injici jussit seditionis Authors, qui devorati sunt in momento coram eo.

Interim Babylone vitam finiit Jechonias Rex infelix ultra quadraginta annos captivus, reliquit filium Salathiel in captitate genitum, quem deinceps Judaei Ducem suum agnoverunt.

Jechonias
moritur.
Esdre 4. v.
16.

Salathiel in transmigratione Dux populi Judæorum.

Salathiel utique & ipse Evilmerodacho gratus fuerit ob commendationem Patris, divinâ providentiâ, quæ Davidis familiam in spem Messiae sustentabat, egregiè patrocinante. Porro non diu admodum illius gratiâ frui potuit; nam Rex vigesimo tertio Regni anno propter injusticias & libidines à Sororis suæ Marito est interfectus. Ei successit in Monarchia Baltasar Magni Nabuchodonosoris Nepos.

Salathiel gratus apud Regem.

Hujus anno primo Daniel in nocturno somnio vidit quatuor celi ventos ac totidem bestias, quibus 4. Imperia significabantur Babyloniorum, Persarum, Græcorum, & Romanorum, quod excipiet Antichristus, cuius dominatus Judicio generali & consumatione sæculi terminabitur. Anno deinde [Baltasar] tertio in spiritu Susas translatus celebrem illam visionem habuit, in qua de eversione Persarum per Alexandrum, deque Antiochi Illustris in Judæos crudelitate, impietate, nefandisque sceleribus vaticinatus est. ægrotavit postea Daniel per dies; sed ubi convalluit, sese regiis negotiis de more iterum applicuit.

Danielis vi-
siones.
Dan. c. 7 & 8.

Balthasar interim Patre suo haud temperantior non tantum sibi, sed & imperio denique perniciem ultimam per ignaviam & voluptates procreavit. Quodam Diis Babyloniis festo die celebrius convivium instituit invitatis ad id mille Optimatibus;

Daniel Regi
Balthazar
verbain pa-
riete scripta

214 *Salathiel in transmigratione Dux populi Iudeorum.*

interpreta-
tur.
Dan. 5.

tibus: jam temulentus jussit ad mensam afferri sacra vasa aurea & argentea, quæ Avus è Domo Domini Babylonem deportaverat. Dum in eis bibunt Rex & Optimates ejus, uxores & concubinæ illius, simûlque laudant Deos suos aureos & argenteos, æreos, ferreos, ligneosque & lapideos; ecce apparuerunt digi quasi manus hominis scribentis contra candelabrum in superficie parietis aulæ regiæ. Rex cum omnibus conterritus ita ut genua ejus ad se invicem colliderentur, fortiterque exclamans convocari jussit Magos, Chaldaeos & Aruspices. verum quod verba scripta essent per capita vocabulorum, conjunctim nihil significantium, Sapientes Chaldaeorum non poterant scripturam legere, nedum interpretari. Reginâ suggestente accersitur Daniel; qui divinam in Regem sententiam tribus verbis *Mant Thecel Phares* expressam Regi denuntiat. Credidit Rex, tristia à Daniele nuntiata longo primùm post tempore eventura; at postremo hoc profanatorum vasorum sacrilegio mensura iniqutatum Regis & populi Babylonici jam erat impleta. Eadem enim nocte conspiratione Principum inprimisque Darii Medisive Nabonidi interfactus est Balthasar, elque in Regnum succedit Darius iste consensu reliquorum conjuratorum Rex Babylonis delectus, qui, quia à Medis oriundus erat & Parentes ejus è Media profugi Babylone consederant, Darius Medus vocabatur, annos natus sexaginta duos.

Daniel divi-
nitus è lacu
leonus libe-
ratur.
Dan. c. 6.

Ab hoc Rege Daniel magis, quam à prioribus fuit honoratus; nam non contentus eum inter tres præcipuos Regni Principes collocasse, insuper cogitabat constituere eum super omne Regnum, ut ipse unus proximus esset à Rege. At istos honores in Iudeum collatos mox iterum Satraparum invidia secuta est, collaborantium, ut Danielem à regiô latere amoverent, cùmque in regiorum negotiorum administratione nec suspicionem culpæ reperire possent, quæsiérunt occasionem perdendi eum in Legi DEI sui. Solebat Daniel quotidie ter, tertiâ nempe, sextâ & nonâ horâ, flectere genua, & fenestrâ apertis conversus contra Jerusalem adorare; quod illi observantes communi consilio Decretum conficiunt, quo vetitum erat, ne ad triginta dies quisquam ab ullo vel DEO vel homine quippiam petat, præterquam à Rege pœnâ propositâ, ut, qui contravenerit, leonibus objiciatur devorandus. Decretum exhibent Regi, atque iste legem tam

eam tam injustam quam inutilem ac difficilem confirmat. Daniel pergit in pristina orandi consuetudine. Hoc illi continuo deferunt ad Regem, & Daniel, inquit, de filiis captivitatis Iuda non curavit de lege tua, sed tribus temporibus per diem orat. Rex videns dolensque se fraude circumventum posuit cor suum, ut liberaret Danielem; at urgentibus ejus inimicis, Decretum à Rege semel constitutum non licere immutari, cessit invitus, ut leonibus objiceretur, ajens ad Danielem: *DEus tuus, quem colis semper, ipse liberabit te, noctemque illam sine cibo & somno transegit Rex sollicitus pro Daniele fidelissimo sibi & amantissimo.* Et verò DEus jam secundò misit Angelum suum & conclusit ora leonum, ne nocerent servo suo; quod ut vidit Rex summo mane festinans ad os laci, plenus gaudio Danielum educi jubet, accusatores contrà cum filiis & uxoribus demitti; qui vix pervenerunt ad pavimentum laci, *aceperunt eos leones & omnia ossa eorum comminuerunt.* Rex verò Darius scripsit universis populis, Tribubus & linguis habitantibus in universa terra hoc Decretum: *Pax vobis multiplicetur: A me constitutum est Decretum, ut in universo Imperio & Regno meo tremiscant & pavent DEum Danielis. Ipse est enim DEus vivens, & eternus in secula.*

Interea Cyrus Persa, qui victo Astyage Medorum & Crœso Lydiorum Regibus, insuper Asiam inferiorem penè universam subegerat, aditum sibi per multiplices victorias ad Babyloniam denique occupandam, & Imperium in Persas transferendum munivit. Itaque Harpagum Ducem Asiae inferiori cœterisque Provinciis, quas Persarum jugum subire coëgit, præfecit. Ipse verò in Babyloniam expeditionem suscepit, victoque, qui cum copiis occurrerat, Dario Medo Babylonii exercitum admovit, quā demum vi occupatā extinctoque adeò Assyriorum & Babyloniorum Imperio Cyrus Persa imperavit.

Cyrus Persa
extincto Ba-
bylonico Im-
perio fit Mo-
narcha.

2. Par. 36.
à v. 22.
Jer. 25, à v.
12.

Cyrus Rex
Persarum
primus.

Zorobabel, Dux Iudeorum.

ISaias c. 44. v. 26, 27. 28. & c. 45. v. 1. 2. 3. 4. ante centum & amplius annos prælixerat, Cyrum fore, qui ad subigendos totius Asiae populos à DEO delectus Judæos tandem iterum liberos in patriam dimitteret, quam de se Prophetiam, cum nunc,

Ab An. 3465.
Judei è capti-
vitare redie-
runt in patri-
am.

Sacra Veterum Temp. Histor.

Ecc

sug-

Esdre 1. & 2.

suggerente fortassis Daniele, qui adhuc in vivis erat, didicisset, eam primo statim Monarchiæ anno implevit, edictoque regio Templum Jerosolymæ instaurari non tantum permisit, sed etiam jussit regiis sumptibus: Reddidit quoque vasā tum aurea tum argentea quinques mille & quadringenta, quæ olim tulerat Nabuchodonosor de Jerusalem, & posuerat in Templo DEI sui. Itaque post septuaginta annorum captivitatem iuxta verbum Jeremiæ c. 29. v. 10. Duce Zorobabele Salathielis filio cum Josue Summo Pontifice iter ingressi magno numero in Iudeam rever- si sunt, & suas rursum suorumve Patrum sedes incolere coope-runt.

Post redditum prima Dueis ac Summi Pontificis cura fuit in pristino loco extruere altare, quod ubi primū super bases suas fuit collocatum, indicto ad illud dedicandum conventu, à pri-mo die mensis septimi, sive Septembri consueta juxta legem Mo-sis Sacrificia simûlque incidens tunc Festum tabernaculorum ce-lebrarunt. Inde de Templo ædificando actum conventumque est cum latomis, camentariis & fabris lignariis de pretio mate-riæ, de vecturis cum Tyriis & Sidoniis quoque, qui de monte Libano ligna cedrina advehherent usque ad portum Joppen Jero-solymæ vicinorem.

Anno secundo adventū jacta sunt Templi fundamenta, quibus perfectis inter tubas & cymbala in hymnis & psalmis DEO laudes sunt cantatæ, totaque latè vicinia tum læto populi clamore, tum magno Seniorum, qui prius Templum viderant, fletu personuit; quod cum audivissent Samaritani, accelerunt Zorobabelem aliisque populi Principes, rogantes, ut ipsi quoque in partem tam pii laboris atque operis admitterentur; nam etiam se querere DEum Iudeorum, eidēque victimas immolare inde a tempore Assaraddonis Regis Assyriorum, à quo in has terras adducti essent; 4. Reg. 17. v. 41. sed quod essent gentes istæ timentes quidem Dominum, sed nihilominus Idolis suis servi-en-tes, rejecta est eorum petitio; qua ignominia offensi quibus po-tuerunt artibus ac fraudibus deinceps fabricam impedire cona-ti sunt, corrumpendō etiam Regios Præfectos, ut nonnisi tardius sumptus suppeditarent, aut alias atque alias, ut fit, causas præ-te-xentes omnino negarent; unde etiam Iudei in opere tum Tem-pli tum mutorum urbis, quos simul erigere utcunque cooperant, lenti-

Altare extru-
unt.
Esd. 3.

Fundamenra
novi Templi
jaciunt.
c. 3. à v. 8. &
c. 4. à v. 1.
ad 4.

lente progrediebantur suis potius & amicorum, quam regiis sumptibus; Cyro, quid in Judæa ageretur, nesciente, ac primis annis in alia Regni negotia, deinde etiam in bella præsertim contra Massagetas ad mare Caspium distracto, à quibus cum etiam acie vicitus cæsusque esset; tum verò apertâ etiam vi Samaritani sese Judæis opposuerunt.

Vix mortem Cyri fama vulgaverat, eisque in Imperio successisse Cambysèm filium, datis ad hunc literis Judæos accusarunt; eos muros Jerusalem instaurare, ut iis perfectis civitas rebellis & pessima tributum & vectigal & annuos redditus Persarum Regibus deneget, ob quam causam etiam olim destructa fuisset; id quod Rex in libris Historiarum scriptumque in commentariis invenire posset; qua quidem accusatione obtinuerunt, ut Rex rescripto prohiberet urbem aedificari. Etsi verò hac prohibitione Templum non comprehendenderetur, studium tamen illius extruendi vehementer refrixit; causam rogatus populus, nondum tempus advenisse dicebat, quod non liceret extruere muros urbis, per quos Templum esset in tuto, cum inter ipso nihilominus sibi domos magnificas extruerent, ob quod etiam sterilitate terræ à DEO puniti sunt. *Aggai 1. v. 3. & 4.*
10. & 11.

Cambyses interim in Ægyptum movet, qua subacta totam Africam domare tentat triplici expeditione; at cum nulla felicitas cessisset, in Ægyptum reversus est, in qua dum crudeliter, præcipue in Ægyptiorum Deos horumque templa saevit, ipsum etiam fratrem in Persidem amandatum Sufis clam occidi curavit; veritus ne aliás somnium, quo in regio solio sedentem vidisset, impleretur, at paulo post ipse etiam, cum femoris musculum acie ferri læsisset, mortuus est in Ægypto. Nuntiò de morte Cambysis in Persidem perlatò Magus quidam Smerdis nomine occiso Regis fratri habitu corporis simillimus Regnum invasit Artaxerxes dictus. Aliquot mensibus Impostor latuit; at tunc re detectâ septem Principum virorum conspiratione occisus est. Novi Regis electio casui permissa est, conventumque inter Principes Regni Candidatos, ut cuius equus sub ortum Solis, quem Persæ adorabant, in campum eductus primus hinniisset, Rex esset. Darii Hydaspis equus famuli industriâ primus hinniit, ipseque Rex est salutatus.

Ab An. 3471.

Structura
Templi im-
peditur.
Esd. 4.
Cambyses
Rex Persa-
rum.

Darius Zoro-
babelis ami-
cus fit Rex
Persarum.

Ab An. 3479.

Zorobabel
susas profici-
scitur & re-
dit.

1. Esd. c. 6.

Aggæus pro-
phetat per
tria capita.

Zacharias
per 14. ca-
pita.

An. 3485.

Dedicatio
Templi se-
cundi.
Esd. 1. c. 6.

Zorobabel auditō, Darium Regem esse, Susam, ubi erat Persarum Regia, profectus & confirmatō antiquō Cyri Decretō, & Darii novo plenam instaurandi Templi potestatem cum necessariis ad id subsidiis obtinuit; sed & plura alia ob veterem Cyri tempore cum Dario amicitiam, & nunc ob novam resolutā sapienter de fortitudine quæstione initam gratiam ab optimo & munificentissimo Rege impetravit. 3. Esd. c. 3. & 4. Itaque reverso Jerosolymam cum multis rursum Judæorum familiis Zorobabele structura Templi conjunctō omnium studiō strenue urgetur, ad quod Prophetarum Aggæi & Zachariæ hortatu vehementer Judæi sunt animati: Hoc enim anno secundo Darii ille Spiritu DEI agi & prophetare coepit mense sexto: iste vero mense octavo,

Aggæus ardenter hortatus est Judæos ad extirpationem Templi, eos increpans, quod diligenter suas quam̄ DEI domum ædificarent. prædixit, Templum hoc secundum, licet de impolito lapide structum, fore multò glorioius, quam̄ primum; quod istud præsentia sua corporeā, doctrinā & miraculis esset ille illustratus, qui veniet desideratus cunctis gentibus. denique vaticinatus est de Christo sub nomine Zorobabelis, ejus Regnum cœteris corruentibus sempiternum fore, utpote à DEO singulari cura conservatum, quasi annulum signatorium in manu sua.

Zacharias pariter hortatus est ad ædificationem Templi, ob cuius neglectum haec tenus non fuissent grata DEO Sacrificia, prædixit multa de futura Ecclesiæ felicitate sub typo Jerusalem; de Christo venturo; de fructu passionis ejus; de Judæorum execratione; de Antichristo, & Christi Regne, cuius vitam penè instar Evangelistæ recenset.

Templum sexto Darii anno ultimam denique manum accipit, dedicatumque postea fuit cum incredibili Judæorum & multorum de cœteris Tribubus gaudio: qua in solennitate oblati sunt vituli centum, arietes ducenti, agnī quadringenti, hirci caprarum pro peccato totius Israël duodecim juxta numerum Tribuum Israël. In hoc novo Templo ut deinceps sacra Ministeria ritè peragerentur, statuerunt Sacerdotes in ordinibus suis, & Levitas in vicibus suis super opera DEI in Jerusalem sicut scriptum est in Libro Moysis. Non diu post dedicationem celebra-

lebratum est Pascha legitimo tempore cum septem azymorum diebus eō majori cum lāetitia; quōd non tantū plurimi de cōteris Tribubus undique à coquinatione gentium separati ad ventāssent ad solemnitatem, sed etiam multi desertis Idolis ad verum DEum facti Proselythi converterentur, ritusque Hebraicos celebrarent.

Dum sic Judæi res tum ad cultum divinum, tum ad Rem publicam pertinentes ordinant, gratiāque Darii patriam suam rursus in pace incolunt, ipse interim gravissimis bellis tum in Asia, tum in Europa fuit occupatus. Prīmō exercitum duxit contra Babylonios, qui ab ipso defecerunt, eōsque vigesimo dénum mense subjugavit insigni facinore Zopyri unius ē septem Principibus, qui Smerdem interfecerunt. Hic præcisus sibimet naribus auriculisque fœdè mutilatus in urbem, veluti hæc passus esset à Dario, transfugit, fide obtentā perquæ aliquot eruptio-nes in Persas confirmatā, clavibūs sibi à Magistratu permis- portas Dario patefecit, qui urbe potitus muros circumcidit, & portas omnes amolitus est; tria millia Procerum patibulis affixa; cœteris venia data. Inde in Scythas Europæos expeditio-nem molitus est, ac per pontem Bosporo, deinde Danubio im-positionum in Scythiam traduxit exercitum, verū cùm Scythis se subducentibus in deserta loca pertraheretur, magna exercitūs parte deletā in Asiam ægrè ipse servatus redire coactus est, re-lictis tamen in Europa 8000. millibus, qui Græciam subjugaverent, unde omnia bella deinceps Græcos inter & Persas pro-simata sunt, donec tandem ipsum Persarum Imperium armis Græcorum & maximè Alexandri Macedonis eversum est.

Sub idem ferē tempus Romæ mutata est Reipublicæ forma. Inde à Romulo Reges habuerat, nunc verò pulsò Româ Tar-quinio superbo, ultimo Rege, extintāque regia potestate ac no-mine, constituti sunt deinceps duo Consules, qui annuo Magi-stratu pari Jure atque authoritate fungerentur, ut alter alterum revereri, & si quando res ferret, in officio continere posset. Pri-mi fuerunt L. Junius Brutus, & L. Tarquinius Collatinus, & re-liquo anno Magistratum hunc gesserunt usque ad undecimum Calendas Maji, quo, cùm is sit conditæ urbis dies, annus apud Romanos inchoabatur; Tum etiam primum fœdus inter Ro-manos & Carthaginenses initum, quo tempore Romani vix us-

Judæi favore
Darii in pri-
stimum sta-
tum rempub-
licam restitu-
unt.
Esd. 1, c. 6.

Rem muta-tur Reipubli-ca forma.
Darii, Zoro-babelis & Jo-sue Pontifici-
mors.

que ad decimum septimum lapidem agrum possidebant. Per
sx subinde copiis aucti post Thraciam & Macedoniam subactam
cœteros quoque Græcos magna ex parte subjugarunt. verum
cum nunc hi nunc isti deficerent præsertim Athenienses, bellum
in multos annos protractum est; donec demum Darii Duces
ab Atheniensibus Duce Miltiade ingenti prælio devicti sunt.
contraxit quidem Darius novas atque innumeratas copias tum
Græciæ tum Ægypti, quæ post Marethoniam pugnam ab Impe-
rio defecerat, injurias ulturus; verum in ipso belli apparatu su-
prenum diem obiit, cum prius Xerxem ex Atossa Cyri Magni
filia suscepimus Regni Successorem instituisse; quo fere etiam
tempore Jerosolymæ mortuus est Summus Pontifex Josue, &
Zorobabel Babylone, quod ut Hebræi tradunt, aptata æde San-
ctuarii reversus est ad Judæorum reliquias, qui ibi adhuc mora-
bantur. reliquit filium Abiud, per quem deinceps propagata est
Genealogia Salvatoris: Josue vero Joachim filium Duce simul
Judæorum & Pontificem. *Esdæ. 2. c. 12.*

Joachim Pontifex, & Dux Judæorum.

Xerxes favet
Judæis.

Xerxes ut Regni, ita & hæres paternæ pietatis fuit; nihil
enim, ut ait Josephus, *L. XI. ant. c. 5.* ex Patris Institutis
circa divinum cultum mutavit, & Judæos summâ benevolentia
prosecutus est, qui tamen miseri nihilominus erant etiam sub bo-
nis Principibus; nam inde à captivitate nunquam deinceps pla-
nè fuerunt sui Juris; & uti nunc Persis, ita postea Græcis, ac
demum Romanis serviérunt, vel potius eorum subditi & vedi-
gales fuerunt in patria sua. Duces & Magistratus quidem ha-
buerunt, verum ex alienigenarum voluntate ac venia. Summi
Pontifices, qui sëpe simul erant Reipublicæ Principes, quamvis
Patribus suis naturali generatione in officio succederent, abi-
lis tamen approbari & confirmari debebant; hinc ab eis sëpe
institutos legimus atque exautoratos.

Xerxes altero Regni sui anno Ægyptum recuperavit, &
fratri suo tradidit gubernandam. Ipse vero comparato per to-
tum quadriennium ex tota Asia exercitu appetente vere gemi-
no ponte Hellesti freto imposito in rebellem Græciam traje-
cit octingenta millia militum non annumerato exercitu navalii
mille

Sumptus ad
Sacrificia ad
exemplum
Patris suppe-
ditat.
Es. c. 6, 2 v. g.

mille ducentarum navium. In aditu Græciæ Lacedæmonii strenuè ad Thermopylas resistunt cæsis Persarum viginti millibus; vicitus deinde Xerxes ad Salaninam per Themistoclem Atheniensum Ducem navalí prælio fugit Helespontum versus, ac relicto in Græcia Mardonio Duce ac Genero suo in Asia minore consedit, unde cùm per biennium quinque præliis suorum clades ac internacionem spectasset, rediit in Persidem, cùmque aliquot adhuc annos regnasset ab Artabano demum regiorum satellitum Principe occisus est, qui si ex Patris Institutis, ut ait Josephus, nihil circa divinum cultum apud Judæos mutavit, ipse quoque Sacrificiorum sumptus Jerosolymæ magna saltem ex parte suppedavit. Eadem in Imperio successit filius Artaxerxes, qui & Assuerus dicitur, & Longimanus ob unam manum alterâ longorem,

Artaxerxes
sive Assuerus
Rex Pers.

Eliasib, Dux & Pontifex Judæorum.

Filius Joachim Esdræ 2. c. 12.

Artaxerxes bellum contra Græciam prosecutus quidem est, at Ab An. 3535. infelici semper eventu Græcis præsertim Atheniensibus ter- Artaxerxes
râ marique præalentibus; ut denique ignominiosam pacem Estherem pu-
inire cogeretur ea lege, ut Græcas Asiac minoris urbes liberas ellam Judæ-
relinqueret, néve ad mare proprius intervallo, quantus equi cur- am in Regi-
sus est, accederet. felicior fuit contra Ægyptios iterum rebelles, nam assumit,
quos licet ab Atheniensibus adjutos demum perdomuit. Ter- Lib. Esther
c. 1. & 2.
tio Imperii anno constitutis ab India usque Æthiopiam per cen-
tum viginti septem Provincias Præfectis aliisque Principibus
viris ac Ducibus ad gloriæ ac magnificenciarum ostentationem
exhibuit grande convivium per 180. continuos dies; septem
diebus ultimis Susanos quoque urbis regiæ cives à minimo us-
que ad maximum mensæ suæ adesse voluit in atrio regiorum
hortorum ac nemorum instructarum. ut verò oculos omnium con-
vivarum insigni aliquo spectaculo etiam delectaret, ultimo con-
vivii die, cùm Rex esset hilarior, & incalusset mero, monuit
Eunuchos, Reginam posito super caput ejus diadematè introdu-
cerent, ut ostenderet cunctis populis & Principibus pulchritu-
di nem ejus; at illa renuit venire. Rex contemptum se putans
à muliere è sententia septem Principum, quos habebat consilia-
rios

rios intimos, eam repudiavit; totoque Regno queri jussit Virgines forma præstantes, è quibus loco Vasthi Reginam eligeret. In harum numerum venit Esther puella Judæa, quam Mardochæus nobilis in aula Judæus mortuo utroque Parente adoptarat in filiam, educata deinceps cum aliis electis Virginibus in domo regia, & assumpta deinde ab Assuero in Reginam ob eximiam præ cœteris pulchritudinem.

**Esdas cum
Sociis in Ju-
dæam venit.
Esd. L. i. c. 7.**

Hoc tempore apud Babylonem degentium Judæorum primarius Sacerdos erat Esdras Legis Doctor & Scriba, ut eum Artaxerxes vocat, doctissimus. Is cùm accepisset Jerosolymis multa tum quæ ad DEI cultum tum quæ ad mores pertinent, esse depravata, statuit illuc cum sociis præsertim Sacerdotibus & Levitis proficisci, ut prolapsos Judæorum mores emendaret, & omnia ad primævam Legis normam corrigeret, cùmque gratiâ valeret apud Artaxerxem, non solum licentiam deducendi novam rursum Judæorum coloniam, sed & literas publicas ab eo obtinuit plenas regiis favoribus cum amplissima potestate veluti Commissarius Regius constituendi Judices & Præsides inter Judæos, horumque delicta pœnis coercendi. Itaque post jejunium fuisseque pro itinere prospero preces cum collectis Babylone milie septingentis septuaginta quinque sociis septimo anno Artaxerxis iter ingressus est, deferens secum vasæ aurea & argentea, multaque talenta auri & argenti, quæ Rex & Optimates aliique in Judæorum Legem & gentem benè affecti DEO Israël offerri voluerunt, instructus præterea literis ad Præfectos regios trans flumen, scilicet Euphratem datis, quibus jubebantur de thesauro & fisco Regis Esdræ præbere sine mora quidquid petierit, usque ad argenti talenta centum; & usque ad frumenti coros centum, & usque ad vini batos centum; sal vero absque mensura.

**Esdas refor-
mat Judæo-
rum mores.
c. 8. à v. 32.**

Intra quatuor menses Jerosolymam venerunt; tres dies quieti & mutuis officiis dati; quarta adventus die appensum est aurum & argentum & vasæ in domo DEI; peractis Sacrificiis tradita sunt Satrapis edicta Regis, qui tam populum, quam Dominum DEI honore ac favore prosecuti sunt visâ Regis in eos tam insigni benevolentia. Inde Esdras reformationis negotium aggressus est, præcipiuus ipsius labor fuit disjungere illegitima cum alieni-

alienigenis connubia, qnibūs non solum multi de populo sed & Principes, Sacerdotes & Levitæ coinquinati erant.

Sub istud reformationis tempus opportunè quoque surrexit Malachias Prophetarum ultimus, & in primis Judæos arguit Malachias ingratitudinis h̄i DEum tantorum bonorum Authorem, deinde prophetat Sacerdotibus negligentiam, socordiam & impietatem exprobrat, Per 4. cap. 12, prædictis abolito Sacerdotio & Sacrificio Aaronico subsecuturum aliud longè nobilius & juge Sacrificium Eucharisticum, reprehendit illegitima cum alienigenis connubia, promittit adventum Christi, ejusque Præcursorum Joannem, ob negatas DEO decimas & primitias minatur perituras Judæis fruges, demum denuntiat extremi Judicij diem, ejusque Prodromum Eliam, qui reliquias Judæorum convertet ad Christum, mortuus demum est adhuc Juvenis, ac in proprio agello juxta majores suos repositus, ut testatur Epiphanius in libro de vita & morte Prophetarum.

Interim Susis gravissima tempestas in Judæos excitata est. Asfuerus Amanum gente Macedonem recens exaltaverat super omnes Principes, quos habebat, eumque juxta Imperium Regis adorabant omnes servi, qui in foribus Palatii versabantur. Iolus Mardochæus prætereundi non flebat genu; quod ille in sui contemptum interpretatus non ipsum tantum in crucem agere, sed totam Judæorum gentem, cuius jam prius hostis erat, perdere decrevit. commodo suis consiliis tempore Regem adit, moneretur, populum quendam per omnes Regni ipsius Provincias dispersum & à se mutuo separatum novis uti legibus & cæremoniis, Regisque etiam Imperia contemnere, haud sanè Regno expedire, eum tolerari, ne amplius insolescat; decernat, ut populus ille pereat. Rex, cuius animus ab Amano possidebatur, dat ei potestatem agendi de populo, quidquid ipsi placeret. Igitur primo mense litteras Regis annulo obsignatas varisque linguis scriptas per cursores regios quaquaversum mittit ad Satrapas & Magistratus, quibus jubebantur die decimo tertio mensis ultimi Judæos omnes interficere à puero usque ad senem parvulos & mulieres, statimque etiam Susis urbe regia pependit edictum cunctis Judæis, qui Susis erant, flentibus. Verum Regina, à Mardochæo monita jam non amplius dissimulatā patriā ac populo suo periculum discussit. Aman iussu Regis audita illius machinatione &

Regina Eri
her gravissi-
mam in po-
pulum suum
tempestatem
avertit. Et-
her c. 3. 4.
5. 6. 7. 8. 9.
& 16.

Sacra Veterum Temp. Histor.

Ff

CRB-

crudelitate in Regem quoque redundante, in patibulo, quod Mardochæo paraverat, suspensus est: Mardochæus, cuius fide & beneficiis ob detectam olim duorum Eunuchorum conjurationem Rex se vivere affirmavit, ad dignitatem & locum Amani elevatus: editum in Judæos irritatum, eisque præterea facultas data est, se de inimicis suis eo ipso die, quo ipsi perire debuerant, ulciscendi, occisaque sunt præter decem filios Aman & quingentos viros in urbe Regia per omnes Regis Provincias septuaginta quinque millia, quo factum est, ut grandis cunctos Judaici nominis terror invaderet, ipsique Provinciarum Judges, & Duces & Procuratores Judæos extollerent timore Mardochæi, quem Principem Palatii & plurimum posse cognoverant. Plures quoque alterius gentis & sectæ Judæorum Religioni & cæremoniis sese junxerunt. Rex vero publicis literis Judæos justis utentes legibus & filios altissimi & maximi semperque viventis DEI, atque hujus beneficio Patribus suis & filiis Regnum esse traditum & usque hodie custodiri testatus est.

Inter tot tantosque jam aliquot Regum favores nihilominus

Nehemias obtinet à Rege facultatem reparandi muros Jerusalēm. Esd. 2. sc. 1. & teret omnium injuriis. 2. Judæi, qui habitabant Jerosolymis, haec tenus semper erant in afflictione magna & opprobrio apud vicinas gentes, præcipue Samaritanos, à quibus deridebantur, quod murus Jerusalem dissipatus adhuc jaceret, nec à tanto tempore licuisset mœnia instaurare, ut tum Templum tum civitas esset in tuto, neque perindea negotia annuit. Erat Susis Nehemias Artaxerxi à poculis & in paucis charus. Hic per nuntium Jerosolymis misum eductus miserabilem murorum urbisque statum captata occasione Regi ad mensam cum Regina sedenti ministrans tristiori vultu exponit. Rogante Rege, quorsum istud diceret, petiit, ut si Regi bonum videretur, mitteret se in Judæam cum potestate ædificandi muros Jerusalem. Esthere negotium promovente annuit. Rex ea tamen lege, ut præstituto tempore Susas rediret.

Nehemias, Dux Judæorum.

Ædificantur muri Jerusalēm. **I**Taque vigesimo Artaxerxis anno cum regiorum equitum comitatu e Perside in Judæam iter ingressus est. Tertio adven-

*Ez. 2. c. 3. 4. &
c. 6. v. 15. &
16.*

ventus sui die convocatis populi Principibus venite, inquit, & edificemus muros Ierusalem, & non simus ultra opprobrium; similius ostendit plenam adesse à Rege potestatem; designata deinde operum Præfectis ea murorum parte, quam quisque haheret instaurandam, simul undique per circuitum admovetur operi manus; surguntque omnibus ex locis muri, turres, portaque duodecim. Non omiserunt Judæorum hostes conferre consilia, si qua ratione possent eos clam & per insidias invadere opusque disturbare, cum aperto Marte regia auctoritate fultos obruere non auderent; at Nehemias implorat DEI auxilio spculatores super muros diurnos nocturnosque confituit, qui adventum hostis nuntiarent: post murum vero variis locis armatorum præsidia collocavit, ut hostem venientem non imparati exciperent; itaque conatus & consilia Samaritanorum elusit, ut irritis omnibus eorum insidiis, minis, calumniis machinisque intra quinquaginta duos dies murus completeretur, quod in ope re tam vasto lane merito mirata sunt omnes vicinæ gentes, quæ stupore simul & timore exanimatae palam professæ sunt, à DEO factum esse hoc opus.

Inde Nehemias voluit murum DEO dedicari, ut peculiari cura protegeret tam mœnia ipsa, quam quæcumque eorum ambitu continentur. itaque misit nuntios, qui Levitas undique convocarent, ut facerent dedicationem & lætitiam in actione gratiarum & cantico & in cymbalis, psalteriis & citharis, cum que tunc incideret etiam festum Scenopegiae, habitarunt omnes filii Israël in tabernaculis, quæ fecerant sub dio ex scenis frondeis per septem dies, & fuit lætitia magna nimis. Esdras autem toto solennitatis tempore quotidie à mane usque ad meridiem in platea, quæ erat ad portam aquarum, coram universo populo legit librum legis, Deuteronomium scilicet; in quo cum audirent horribiles in Prævaricatores Legis comminationes, quas in seipsis experiebantur, solvebantur in lachrymas, quos tamen Nehemias & Esdras consolabantur, & ad lætitiam invitabant.

Quæ quidem eò major fuit, quod per hos scenopegiae dies inventus fuerit sacer ille ignis, quem Jeremias olim ante ruinam Templi de altari sumptum in loco subterraneo abscondi jussérat; qui licet interea in aquam crassam mutatus, nunc tamen insigni

Dedicatio
morum.
c. 12. à v. 17.
& cap. 8. to-
to.

Sacer ignis à
Jeremia olim
absconditus

*invenitur.
2. Mach. 1.
v. 18.
2. Mach. 2.
v. 7. & 8.*

miraculo rursus in ignem reversus inspectante populo sacrificium absumpit. Qua occasione creditur inventam quoque fuisse arcam foederis, tabernaculum Mosaicum cum altari thymiamatis, suoque loco restituta; quanquam graves Authores putent, has Judæorum arrhas à Jeremia defossas etiamnum latere, ac primùm novissimo tempore per Enoch & Eliam producendas in lucem, ut eorum conversioni ad Christum deserviant. Ipsi etiam Thalmudici negant arcam fuisse amplius inventam, sed loco illius in secundo Templo positum fuisse lapidem tres digitos ē terra eminentem.

*Fœdus cum
DEO reno-
vatur.
2. Efd. 9. v. 38.
& 2. Efd. 11.
v. 1. & 2.*

Ab his curas suas Nehemias convertit ad emendandos populi mores. postea renovatum est fœdus DEum inter & populum; ac postremo, ut sancta civitas fieret iterum plena populo, iussi sunt Principes populi, ac decima pars plebis missa sorte Jerusalemis domicilium figere præter eos, qui se sponte obtulerant, ut habitarent in Jerusalem.

*Nehemias in
Persidem re-
vertitur.
Ez. 2. c. 5. v.
14.*

His aliisque rebus compositis Nehemias reversus est ad Regem in Persidem. Esdras verò cœpit Sacrarum Literarum Codices, earumve partes variis locis dispersas ac tempore captivitatis haud diligenter conservatas summa diligentia colligere, ordinare, & in unum quasi corpus, nominatim libros Regum & Prophetarum Psalmosque redigere, aut etiam negligentia Sacerdotum temporibus Regum Juda multis locis corruptas corrige-re. Porro in describenda S. Scriptura usus est characteribus Chaldaicis; nam tempore captivitatis ac deinceps ob commercium Judæis Chaldaeorum lingua facta est familiaris; cumque suæ esset valde vicina ac ferè solis literis differret, antiquas Hebraicarum literarum figuræ mutarunt scripseruntque characteribus Chaldaicis tum quod essent usitatores tum quod facilius formari possent; hinc est, quod ab eo tempore Sacra Scriptura non nisi Chaldaicis literis inter Judæos scripta inveniatur. Antiquum modum scribendi soli Samaritani eorumque posteri retinuerunt, à quibus habemus scriptum Hebraicis literis Pentateuchum. Creditur quoque Esdras per libros Paralipomenon seu Chronicorum res gestas populi antiquas in compendium redigisse, quibus deinde addidit historiam sui temporis, quam ipso, incertum quo anno, mortuō postea Nehemias absolvit.

fīc

Hic enim retenta semper Ducis autoritate post mortem Attaxerxis, quæ contigit quadragesimo Regni sui anno, Jerosolymam rediit; ubi post multa rursus honesta & laude digna opera jam senex defunctus est, vir, ut ait Josephus, ad virtutem & justitiam natus & in populares suos beneficentissimus relicto sepulchro sui monumento in Jerosolymitanis mœnibus.

Cum morte Esdræ & Nehemiac sacra quoque quiescit historia per ducentos & quinquaginta annos; nullus enim sacer Scrip-
tor toto illo tempore fuit, qui nobis quipiam de rebus Judai-
cis scriptum relinquaret; unde pauca, quæ ad Judæos pertinent,
ex profanis Historicis petenda sunt, quorum primus Herodotus
hoc Esdræ & Nehemiac tempore scribere cœpit, ob id à profa-
nis Authoribus Parenis Historiæ appellatus, qui tamen nihil ferè
de Judæorum gente attigit, quod Græcia, in qua scribebat, nul-
lum cum iis bellum aut commercium haberet. Ad pertexen-
dam igitur annorum seriem deinceps præcipua de rebus Regni
Persarum, ac deinde Græcorum indicare placuit, donec iterum
ad sacram Machabæorum Historiam perveniamus.

Nehemias re-
dit Jerosoly-
mam, ibique
moritur.
Es. 2. c. 13.
v. 6. & 7.

Silet His-
toria Sacra per
250. annos.

Jojada, Pontifex Judæorum & Dux.

Filius Eliasib, Esdræ 2. c. 12.

Xerxes hoc nomine secundus, unicus Assueri legitimus filius
post Patrem mensibus solum duobus regnat, quo occiso Sog-
dianus Frater thronum septem mensibus occupat. Istò quoque
à militibus interfecto tertius Frater Darius secundus deinceps
novendecim annis imperavit; eujus auxiliò Lacedæmones post
bellum cum Atheniensibus viginti septem annis gestum ipsas de-
nique Athenas diu obfessas ceperunt.

Jojada succe-
dit Nehemias.
Xerxes II.
Sogdianus.
Darius II.
Ab An. 3575.

Jonathan, Pontifex Judæorum & Dux.

Filius Jojadæ, Esdræ 2. c. 12.

Darius ex hac vita decebens duos filios reliquit Artaxerxem
& Cyrum. Ille Rex, iste Asia Administrator à Patre de-
signatus est. Cyrus regnandi avidus, acceptis à Lacedæmoni-
bus, qui ipsius partes tuebantur, copiis Fratri bellum infert; cui
tamen postea in prælio imperfectus pacatum Imperium reliquit.

Jojada succe-
dit Jonathan.
Artaxerxes.
Ab An. 3594.

F 3

Non

228 Jonathan, Jaddus, Pontifices Judæorum & Duces.

Non diu post Lacedæmones ipsi, qui hoc tempore rebus Atheniensium planè afflictis per Græciam dominabantur, Artaxerxes adoriantur. causa belli fuerunt Græcae in Asia minore civitates; at ob intestina Græciae bella revocati pacem facere coacti sunt eâ lege, ut illæ urbes Regi subditæ manerent. Artaxerxes post aliquot annos in Ægyptios rebelles movens prius Græcos ad pacem inter se ineundam hortatur; quod deinceps quoque, sed frustra, fecit, illis non tam pro patria quam gloria certantibus; donec tandem à Thebanis vici sunt Lacedæmones ad Leuctra Epaminondæ præclarissimi Ducis virtute; quam victoriâ concidit etiam Spartanorum gloria, accisâque est ingens potentia. Post quadraginta Regni annos moritur Artaxerxes secundus, Princeps Pacis insigniter amans, quam & in Regno suo & in Græcia magno studio maximisque sumptibus stabilendam curavit; bellis tamen implicitus penè perpetuis in fratrem, Græcos, Ægyptios, Satrapas rebellantes.

Jaddus, Pontifex Judæorum & Dux.

Filius Jonathan, Esdræ 2. c. 12.

Artaxerxes
III.
Ab An. 3634.

Plurimos Ju-
dæos ex Ægy-
pto in Hirca-
niam trans-
fert.

PerfarumIm-
perium ruinx.

Patris thronum consendit Artaxerxes tertius, à quo rursus primo statim Regni tempore Ægyptus defecit, quod cùm impune fecisset, alii quoque in Asia populi Satrapæque jugum excussere; cùmque Rex omnia per Præfectos ageret, horum vel perfidia vel imperitia non exigua præterea clades accepit. Igitur ipsemēt denique contra defectors arma sumere decrevit, ac primò Phœnices perdomuit; Sidoniorum Regem interfecit simûlque Sidonios miserandâ frage extinxit. Redacta deinde iterum in potestatem Cypro cum magnis tum suis tum Græcorum, maximè Thebanorum amicorum copiis Ægyptum petit, quam potitus ingentem Judæorum multitudinem ex Ægypto in Hircaniam transtulit & ad mare Caspium habitare præcipit; quos, ut scribit Orosius l. 3. c. 7. ibi in hodiernum diem amplissimis generis sui incrementis consistere atque exinde quandoque erupturos opinio est. Artaxerxes vero gloriâ clarus spoliisque onustus Babylonem reversus est.

Interim Philippus Macedonum Rex Magni Alexandri Parrens multis Provinciis Regnum suum auxerat; ita ut Rex Per-

farum

farum nimia jam Macedonis incrementa veritus hostibus contra ipsum auxilia mitteret ; & Thebani & Athenienses Demosthene ad id valde hortante bellum in eum decernerent. At Artaxerxes veneno tollitur, elque succedit filius Arses. Quo post tres annos etiam sublato in Regnum evehitur Armeniæ Satrapa Artaxerxis Patruelis, qui Darii nomen assumpsit, atque hic est Darius hoc nomine tertius, in quo Persicum Imperium interibit, Orbis Monarchia tandem ex Asia in Europam migrante.

Arses.
Ab An. 3660.

Darius III.
Persarum Rex
ultimus.
Ab An. 3664.

Paulò antè quam Darius ad Regnum perveniret, Philippus Athenienses & Thebanos ingenti prælio vicit Alexandro filio in auspiciu futuræ gloriæ cornu alterum regente. Sparsâ deinde famâ de bello à se Persis inferendo ad liberandam tam potenti hoste patriam, indictus fuit apud Corinthum conventus publicus, in quo Græciæ totius contra Persas cum summa potestate creatus est Imperator. Verùm dum omnia apparantur ad bellum, in Cleopatræ filiæ nuptiis inter ludos & spectacula occiditur, filioque gloriam evertendi Imperii Persici relinquit; nam Imperatoria potestas antea Patri concessa celebrato rursus Corinthi Græcorum concilio in Alexandrum translata est ; qui ut tanti dignitatem nominis expleret, viginti duorum annorum Juvenis appetente vere per Hellespontum transmisit exercitum. Primus cum Darii Ducibus confictus fuit in Phrygia, vieti Persæ, & tota littoralis Asia partim vi partim deditio recepta est. Interim Darius ipse cum exercitu adventat; at ipse quoque ab Alejandro in Cilicia ingenti prælio vincitur; fugitque Babylonem ad colligendas ibi bellî reliquias. Alexander verò Damascum, Sidonem aliasque urbes Asiarum in potestatem redigit. Tyrus fortiter resistens properantem septem menses remota est.

Alexander
Magnus in
Persas mover.

Hanc dum obsidet, Iudeorum Religio gravissimum vulnus accepit. Manasses Frater Jaddi summi Pontificis uxorem duxerat Filiam Sanaballat Samaritani, quem Darius Provinciæ illius Praefectum constituerat. Jaddo & Concilio Jerosolymita-no ipsum urgente, ut alienigenam dimitteret, potius ad Schisma Samaritanum defecit. Inde eod impietatis devenit, ut Templum in Samaria erigere cogitaret, cui ipse Summus Sacerdos præcesset. probatò consiliò Sanaballat sacer nunc ejus exequendi occasio-

Templum
Samarita-
nnm in m ox-
te Garizim eri-
gitur.
Jos. l. 11. c. 5:
aut.

nem

nem esse ratus defecit à Dario, assumptisque octo millibus de sua Provincia in Alexandri castra venit. ab hoc libenter acceptus petiit, liceret sibi Templum in sua Provincia excitare, eique generum suum Sacerdotem præficere: facile annuit Rex; atque ita prope Samariam in monte Garizin inchoatum est Templum Jerosolymitani æmulum in ruinam & eversionem multorum in Iraël & perpetuum inter Hebræos rixarum Seminarium.

Alexander
Macedo Je-
rosolymam
venit, & Ju-
dæos in fidem
recipit.
Jos. l. 11. c. 8.

Judæi interea Dario constanter fideles auxilia, quæ Alexander postulaverat, mittere recusârunt; quos ulturus captâ Tyro in via Ægyptum versus iter flectit Jerosolymam; dum autem videt obviâm sibi procedentem Jaddum cum Sacerdotibus ordinis sui solenni cultu, Religione tactus Pontifice complexus est, & ascendens in Templum immolavit DEO ex præscripto Sacerdotis, non utique, ut ait *S. Augustinus*, *l. 18. de Civ. c. 45. ad ejus cultum vera pietate conversus, sed impia vanitate cum Diis falsis colendum putans*; cùmque ei ostensus esset Danielis liber, in quo Græcum quendam Persas debellaturum prædixerat, locum illum pro se interpretatus concessit, quidquid ab eo postulatum, nominatim ut patriis legibus vivere liceret; atque illi non minus Alexandro deinceps, ac antea Regibus Persiæ fidem servârunt.

Alexander
Alexandriam
condit.
Jos. l. 2. 6.
App.

Ipse verò cum exercitu iter prosecutus Gazâ post duos menses expugnatâ in Ægyptum pervenit; quâ occupatâ ad Nili ostium urbem condidit & ex suo nomine Alexandriam vocavit, caput Ægypti futuram permultis undique incolis etiam Judæis illic confluentibus.

Monarchia
orbis ad Græ-
cos transit.
An. 367°.

Rebus per hyemem in Ægypto compositis ad Euphratem contendit, qnô transmissio per Melopotamiam versus Babylonem tendens in itinere intelligit, Darium ad Tigrim fluvium confusile, ibique se transitu prohibere velle. Igitur illuc movet, ac nemine prohibente rapidissimum flumen transivit. Motis inde castris per Assyriam duxit exercitum atque in campis Ninives cum Persis confligit; ubi victus iterum Darius trans montes Armeniae in Medianam fugit. Victor verò Susas profectus in throno Darii consedit. Unde dum in Persidem atque inde in Medianam movet, ac Darium prosequitur, iste à Besso Bactrianorum Dynasta proditoriè occiditur; atque ita Persarum Imperium variis Alexandri incursionibus concussum atque ad ruinam im-

pul.

pulsum denique postremâ Darii clade ac morte planè prostratum est.

Tanto Imperio necdum contentus Caucasum Taurūmque montes transgressus Bactrianos deditio[n]e accepit; inde ultra Tanain movens Scythas, qui hactenus invicti esse credebantur, devicit. Tum reliqua Sogdianorum regione perdomita Indiæ fines ingressus victo Poro Rege ad Gangem usque penetrâsset, si adducere potuisset milites vi[ct]oriis jam dudum fessos. Igitur reversus est Babylonem, ubi auditis totius ferè orbis terrarum Legatis febri per potûs intemperantiam contractâ mortuus est. An. 3676.

Onias, Pontifex Judæorum & Dux,

Cum Alexander Successorem designare noluisset, vastissimum Regnum inter præcipuos ipsius Duces divisum est; inter quos Ptolomæus Ægyptum, Seleucus Syriam, cuius pars erat Ju-dæa, ac Babyloniam obtinuit; qui tamen nonnisi post victum cæsiumque Antigonus, cui in illa partitione Asia obtigerat, suum stabilivit Imperium, cœptaque Rex Syriæ atque Asiae neminem Superiorum agnoscere; unde & qui sacram Machabæorum historiam scripsit, ab hoc mundi 3688. veluti primo Imperii Græcorum anno exordium ducit, ac si Alexander hucusque regnasset.

Confirmato Regno Seleucus urbes condidit; ac in primis Syria Metropolim ac Regni Sedem ad Orontem fluvium, quam à nomine Patris sui Antiochiam appellavit; deinde Laodiceam à Matri, Apameam ab uxoris, Seleuciam à suo nomine dici voluit.

Simon, Pontifex Judæorum & Dux.

Accipere Judæi novum Pontificem Simonem Oniæ filium, Ab An. 3702. cui justo cognomentum fuit propter sollicitam in Deum Religionem & pronam in suos cives clementiam. Iste reparavit substructiones, quibus Templi fundamenta fulciebantur, curavit quoque, ut aquæductus restituerentur.

Seleucus verò in eas urbes, quas hactenus ædificavit, Judæos quoque transstu'it; Jus eis Civium pari cum Græcis Jure In novas ur- Sacra: Veterum Temp: Histor. Gg per. bes Judæi

quæque mi-
grant.
Joh. 1. 12.
Ant. 6. 5.

permittens; vixeruntque deinceps Judæi quietè tum in patria tum per reliquam Syriam in novis his civitatibus secundum leges & ritus patrios sub isto & sequentibus Regibus Syriae & Asiae, sed & in Aegypto eos Ptolomæus stabilivit.

Eleazar, Pontifex Judæorum & Dux.

Ab An. 3713.

Eleazar mir-
dit Regi A-
gypti 72. Ju-
nos, qui li-
bros sacros
vertant in
linguam Gra-
cam.
Ptolomæus II.
Philadel-
phus dictus
Agypti Rex.

Mortuo Simone, qui duodecim ferè annis Pontificatum san-
ctè atque utiliter administravit, successit Eleazar Simonis
Frater, non Onias Simonis Filius, quod tum adhuc parvulus es-
set. Non diu post moritur Ptolomæus Aegyptiaci Fundator
Imperii; successit Filius Ptolomæus secundus, quem consortem
Imperii præ aliis Filii vivus adhuc Pater assumpserat. Ille Re-
gni sui initio iussit in Insula prope Alexandriam celebrem Pha-
rum seu altissimam turrem construi; ne nautæ in Insulam im-
portuosam provecti in portu naufragium facerent, sed maturè
dum adhuc in alto navigarent, accenla in Pharo face moneren-
tur. Erat quoque Rex iste literarum atque doctorum hominum
valde amans; unde celebrem Alexandriæ Bibliothecam erigere
coepit; quam ut etiam Hebræorum libris, quos ipsi divinos pro-
fitebantur, ornaret, ab Eleazaro Summo Pontifice per epistolas
petiti peritissimos quosque probatissimosque Interpretes, qui
eos in Græcam linguam, tunc in Syria ac Aegypto etiam inter
Hebræos jam valde communem verterent. Annente itaque
Eleazaro in urbem regiam Alexandrinam convenere septuaginta
duo Judæi utriusque lingue insigniter periti, quorum opera
Sacri Codices in linguam Græcam summa fide translati sunt di-
vino planè beneficio, ut sic ethnicis quoque Nationibus præpa-
raretur salus, apud quos Græca tunc lingua, ut in Græcorum
Imperio, frequentabatur.

Romani sub-
a & à Italia
et am in mari
dominari im-
cipiunt.
Antiochus,
Rex Syriae,

Dum hæ fiunt in Aegypto, Seleucus ex commilitonibus
Alexandri Magni ultimus superstes per insidias occiditur; Sy-
riaeque ac Asiarum Rex fit ejus filius Antiochus. Ptolomæus vero
missis ad Romanos muneribus amicitiam cum iis primò pepi-
git, quâ re delectati Romani vicissim Legatos in Aegyptum mi-
seré, qui à Rege magnificè donati redierunt. Porro Romani
subiecta demum post quadringentos & octoginta annos pacata-
que ferè tota Italia potentiam suam hoc tempore etiam foras
pro-

Ab An. 3719.

producere cœperunt. Eos excivit nimia Carthaginensium potestia non in Africa solum sed & Hispania, Corica, Sardinia, vicina Sicilia, terra marique dominantium; quare etiam nunc primum rem nauticam attigerunt, classemque pararunt, primo quoque argentum signarunt, postquam collegerunt ingentem illius vim ex debellato Pyrrho Epirotarum Rege & tam multorum jam populorum tributis.

Manasses, Pontifex Judeorum & Dux.

E Leazaro in Pontificatu successit Manasses filius Patruus. Antiocho vero pariter mortuo filius Antiochus secundus; quo regnante totius ferè orientis ultra Euphratem populi à Macedonibus, qui à tempore Alexandri eis dominabantur, defecere; sed & jam antea certantibus inter se Alexandri commilitonibus excusso Græcorum jugo surrexerant Regna Ponti, Bythinia, Pergami, Armeniæ, & Cappadociæ, quod ultimum Mithridates Pater & Filius fundarunt.

Varia Regna
excusso Ma-
cedonum ju-
go in Asia
surgunt.
Antiochus II.
Ab An. 3737.

Inter Reges quoque Ægypti & Syriæ ab aliquot annis enat sunt hostiles iniurictiae, quibus ut demum finem imponeret Ptolomæus, filiam suam Berenicem Antiocho uxorem dedit unde cum ingenti auri argenteique summa dotis nomine; ob quam alii asque dotes eidem Antiochus coronam imposuit locoque Reginæ habuit, Laodice, quam jam antea uxorem habuerat, in concubinæ locum derrusâ; quæ contemptum ultura post aliquot annos Antiochum primò, deinde etiam Berenicem ejusque filium necavit, simûlque nefariis his cædibus suo filio Seleuco adiutum ad Regnum patefecit. Itaque post Antiochum regnavit in Syria Seleucus hoc nomine secundus. Eodem anno in Ægypto vivere desit Ptolomæus secundus, & imperare cœpit ejus filius Ptolemaeus tertius. Sed & Manasses hoc tempore senex moritus est; cui in Pontificatu successit Simonis Justi filius.

Pax inter
Ægypti & Sy-
riæ Reges.

Seleucus II.
Ab An. 3752.

Ptolemaeus
III.

Onias II. Pontifex Judeorum & Dux.

Ptolemaeus infanda Laodices scelera ulturus cum exercitu in Syriam venit, quam etiam victo Seleuco ac Laodice intercepta totam ferè occupavit, multisque deinceps annos tenuit, Judæa venit unâ in potestatem

G g 2

unâ

in potestatem

Regum Agypti.

unà cum Judæa; quæ paulò post gravissimè calamitatis discrimen subiit Summi Pontificis culpā. Haec tenus Judæi Regibus Syriæ annum tributum viginti talentorum argenti solverant, Onias mutatō nunc Dominō Patriam hoc onere levaturus illud pendere omisit, id quod Ptolemæus gravissimè accepit. imminentem calamitatem avertit Josephus vir nobilis ad Regem ablegatus.

Onias accipit literas à Lacedemonibus.
I. Mach. c. 12.
av. 20.

Sub hoc tempus ad Oniam venire literæ ex Græcia à Spartanis datae, quæ sic habebant. Arius Rex Spartiarum Onia Sacerdoti Magno salutem: Inventum est in Scriptura de Spartatis & Judæis, quo hi sunt fratres, & quod sunt de genere Abraham, & nunc, ex quo hæc cognovimus, benè facitis scribentes nobis de pace vestra, sed & nos rescripsimus vobis: pecora nostra & possessiones nostræ vestræ sunt, & vestræ nostræ; mandavimus itaque hæc nuntiari vobis. fuerit nempe colonia aliqua Abrahamicarum ex Cetura aut Agar Susceptorum in Græciam agrumque Spartanum deducta, résque ipsa ad posteritatis memoriam annalibus, quos hic Rex Arius Scripturam vocat, commendata. Non diu post acceptas has literas Onias ex hac vita deceffit, ac Simon ejus filius Pontifex esse cœpit.

Simon II. Pontifex Judæorum.

Ab An. 3785.

Rex Agypti adhuc tenet Judæam.

Seleucus III.

Antiochus III. postea Magnus datus.

SEleucus Syria magnaque parte Asiæ à Ptolemæo spoliatus dum hostem fugit, equo præcipitatus interiit, & Regnum satris jam angustum filio natu majori reliquit, qui dictus est Seleucus III. Hic dilato in aliud tempus contra Agyptium bello prius movendum censuit in Regem Pergami, qui regnanti adhuc Patri omnem cis Taurum Aliam eripuerat, at ubi Taurum magno cum exercitu jam esset transgressus, dolo appetitus occiditur. Recuperata verò nihilominus cis Taurum Asia per strenuum fidumque exercitus Ducem Antiochionum Fratri restituitur, qui postea dictus est ob res gestas Magnus. Prima quidem hujus consilia fuere Agyptios è Syria ejicere; at cum audivisset Mediæ & Persidis Satrapas à se defecisse, illuc arma convertit. Itaque Euphratem transmisit, assumptisque, quas ibi habebat copiis præcipuum Mediæ Satrapam vicit; simul vicinis earum partium Dynastis terrorem injecit, ne posthac tam facile Satrapis in defectione auxilio essent.

Interim Alexandriæ vivendi finem fecit Ptolemæus III. Ptolemæus
cœptque regnare filius ejus Ptolemæus IV, qui cùm lascivia ac IV.
turpi otio torperet, Syriae Præfector infamis vitæ contemptu
redeuntem ex Asia Antiochum vocavit, eique Ptolemaidem ac Prælio vincit
Tyrum tradidit, quibus receptis quasdam adhuc alias per Syriæ
urbes partim vi partim ditione sibi subjecit; sperans se
reliqua conditionibus pacis, de qua per Legatos Alexandriæ
agebatur, accepturum. at Ptolemæus consiliis præcipuorum Du-
cum excitatus ac potius prælio decernendum ratus ineunte ve-
re adversus Antiochum septuaginta millia peditum, equitum
quinq[ue] cum septuaginta tribus elephantis educit. victus prælio
Antiochus, atque Antiochiam reversus de pace Legatos misit
ad Ptolemæum, & inducias in annum impetravit.

Ptolemæus verò tres menses in Syria commoratus etiam
Ierosolymam venit, ubi Templi pulchritudinem admiratus etiam
adyta penetrare voluit. Simone verò ac Sacerdotibus sese ve-
hementer opponentibus Deique opem implorantibus cum atro-
cibus in Judæos minis Alexandriam recessit; irāmque in Judæos
Ægyptios effudit, nam primò Judæorum gentem famosis libellis
vexare cœpit; deinde etiam ad ejurandam Religionem & ad
rictus Ægyptios compellere. & multi etiam voluntati Regis af-
fenserunt.

Cœteros in Religione patria constantes Alexandriæ in hip-
podromo convenire jussit ab efferatis elephantis numero quin-
gentis proterendos discerpendosque; qui tamen divinitus libe-
rati Rege DEum ipsorum protectorem agnoscente, iterum ad
sua liberi dimissi sunt; nam primo quidem die præparatis jam
omnib[us] longiore Regis somno crudele spectaculum impeditum
est, alterò animum Regis oblivio divinitus ita occupavit, ut
jam amplius nesciret, quid de Judæis antea statuisset, cùm verò
non ita multò post monitus decretum suum exequi vellet, ip-
sique elephantis prodeuntibus in hippodromo jam adesset, duo
terribiles visu Angeli è Cœlo descendentes Rege inhorrescente
rem disturbârunt. Deinceps Ptolemæus recuperatione urbium
in Syria contentus factâ post unius anni inducias omnimoda pa-
ce pristina otia reperiit, donec demum vitæ turpitudine infa-
mis decessit reliquo filio quinquenni Ptolemæo V. cùm jam ali-
quot annos antè Simon Summos Sacerdos funditus esset vitâ, ei-
que successisset filius Onias III.

Rex Ægypti
Ierosolymæ
præsumis
adyta Templi
intrare.

I. 3. Mach.

Ægyptios Ju-
dæos ele-
phantis pro-
terere tentat.
at illi divini-
tus liberan-
tut.

I. 3. Mach.

Ptolemæus
V.

Gg 3

Onias

Onias III. Pontifex Judæorum & Dux.

Ab An. 3805.

Judea tedit
ad prikinum
Dominum
Syriæ Regem.
Jof. 1. 12.
ant. c. 3.

In collectâ Ptolemæi IV. morte Antiochus, qui haec tenus in Asia circa montes Taurum & Caucasum præclarè gesserat, fedus cum Philippo Macedonum Rege init ad inferendum communibus viribus Ægypto bellum. Qua conspiratione intellecta Alexandrini Romanum Legatos misere, rogantes, Romani tutelam Ptolemæi Pupilli susciperent, Regnumque Ægypti turarentur, quod inter se Philippum & Antiochum factâ pactione jam divisiſſe dicebant. Romanis, qui devicta cum Annibale Carthaginē jam latè terrā marique dominabantur, grata Legatio fuit, causam belli adversus Philippum jam diu quærentibus, ut qui Carthaginensibus contra se favisset. Itaque in Græciam copias mitunt contra Macedonem, ad Antiochum vero Legatos, qui Pupilli Regnō abſtinere juberent. At iste Syriam ab Ægyptiis dudum occupatam, ad se autem & majores suos pertinente nihilominus invadit. Scopas, qui Ægyptiacæ militiæ Dux præterat, fortiter ubique se irruenti opponit, positō, ut in aliis urbibus, ita & Jerosolymis ac in ejus arce Sion forti praſidiō; donec commiſſo ad fontes Jordanis prælio Scopas superatus est; tunc enim urbibus Syriæ ſe paſſim viatori dedentibus Judæi quoque ultro deditiōnem fecerūt, receptūmque intra mœnia Jerosolymæ Antiochi exercitum liberaliter aluerunt; & opugnantibus præſidium, in arce à Scopa relictum, impigre auxiliū tulerunt; quapropter Antiochus etiam benignè cum Judæis egit.

Romanī An-
tiochum Ma-
gnum terrā
marique vin-
cunt.

Philippus interea post varia clades à Romanis pacem petuit & impetravit; hanc inter alias conditione, ut Macedoniz antiqua possessione contentus Græcas omnes civitates liberas esse ſuisque legibus uti permetteret. Eadem anno Antiochus quoque pacem cum Ptolemæo iniit, huicque filiam suam Cleopatram despondit. Coacto ad pacem Philippo Romani quidem Græcos ab ipsis ſervitute liberaverant, at ut illos ſuo paulatim jugo affuefacerent; quippe tres urbes veluti Græciæ compedes Demetriadem, Colchidem & Corinthum ſibi retinuerunt, quod Græci ægrè ferentes Antiochum contra Romanos evocarunt; atque hic, quodd ipſem et corum potentiam amplius ferre non posset.

posset, iis bellum inferre decrevit. Annibal, qui ante tres annos ex Africa ad Antiochum profugerat, Author ipsi fuit ut bellum in Italiam transferret, ibi tantum Romanos vinci posse; at ipse in Graeciam trajecit, ubi primo ad Thermopylas, deinde etiam navalii prælio victus rursus in Asiam regressus est, ubi sero ipsum poenituit, non fuisse secutum Annibalis consilium.

Sed istud gravioris pugnæ præludium fuit; sequenti anno Scipio, cui Senatus Romanus Graeciam Provinciam decreverat, cum fratre suo Africano, qui ipsi Legatus additus fuerat, trajecto Hellepondo primus Romanorum in Asiam duxit exercitum, & Antiochum prope Magnesiam adortus tanta elade affecit, ut pacem petere cogeretur. data est hac lege, ut tota Asia, quæ eis Taurura sita esset, cederet, totasque belli impensas redderet. Itaque Scipioni interea, dum satisfaceret, obsides misit, in quibus fuit junior ipsius filius Antiochus; qui deinde Romam cum Legatis ad pacis confirmationem profecti sunt. quarto post anno dum Antiochus tam gravi pacis tributo à Romanis pressus pecunia inopia Templum Jovis in Susianâ deprædari nocte aggreditur, reprorita concursu Incolarum cum omni militia occisus est; Regnumque Syriae ac Asiae adiit filius natu major Seleucus IV.

Scipio Antiochum in Asia rursus ingeniti clade afficit.

Seleucus IV.
Ab An. 3809.

Heliodorus
sacrum æra-
rium spolia-
re tentat.
z. Mach. 3.

Hoc regnante Simon unus è Præpositis Templi Jerosolymitani iniquum aliquid in civitate moliebatur; cui cùm resisteret Pontifex Onias, ille ad Apollonium, in iis partibus Seleuci Præfectum, se contulit, ut per hunc voti compos fieret; atque ut hominem in suas partes traheret, Templi gazophylacium prodidit, eoque viam ostendit, quā ex eo Rex Seleucus exhausto suo ærario succurreret. Re per Apollonium intellecta Rex, qui ingenti adhuc tributo Romanis erat obnoxius, Heliodorum regiis negotiis Præfectum mittit Jerosolymam, ut sacras pecunias regio arario vindicaret. Ille Jerosolymam profectus mandata Regis Onias Pontifici exhibit, eoque frustra rationibus preciobusque obnitente, ærarium Templi vi cùm suis spoliare attentat; at hic Deus ostento singulari se præsentem ac Propugnatores sancti loci ostendit. Ingredientibus enim apparuit Eques ornatus splendido armis aurō rutilantibus, vultu minaci; & equus in Heliodorum iusburgens anterioribus ungulis impulsu prostravit in terram. Jacentem invadunt duo insigni gloria & de-

core

core Juvenes plagiisque afficiunt, donec multa caligine circumfusum famuli rapuerunt atque in sella gestatoria positum ex g. zophylacio ejecerunt. periisset; at offerente pro ipso Sacrificium Onia restitutus est sanitati, reversusque ad Regem à destituto Sacrilegio eum revocavit. Simon vero cùm post tam illustre miraculum tamen Jerosolymis turbas cire ac Oniam calumniari pergeret, Onia ad Regem profecto demum auctoritate regia jussus est cessare à stultitia sua, c. 4. à v. 1. ad 7.

*Incipiunt Iu-
stuosa Reipu-
blice Judaicæ
tempora.*

Ptolemaeus
VI.
Antiochus
IV. Epiph-
anes Syriæ Rex.
Ab An. 3821.

Antiochus
dejecto Onia
Jasōnem
Pseudo Pon-
tificeem creat.
2. Mach. 4.

Interim in Ægypto ex hac vita decepsit Ptolemaeus V. Reginique harem reliquit filium adhuc adolescentem Ptolemaeum VI. ex Cleopatra natu majorem. Antiochus vero Seleuci frater tertium decimum jam annum obses Romæ agebat, quem ut tandem Seleucus repeteret, Legationem misit ad Romanos unâ cum filio suo Demetrio; ac illi dimiserunt quidem fratrem, filium vero Demetrium ejus loco detinuerunt. Interim Seleucus per insidias occiditur; quo audiro Antiochus iter accelerat, & Regnum Syriæ, quod Demetrio debebatur, invadit. Atque hic est Antiochus hoc nomine quartus, in quo s. Hieronymus inc. 11. Dan. Antichristi Præcursorum agnovit; nam cum hactenus sancta Jerosolyma civitas habitaretur in omni pace, leges etiam optimè custodirentur, cùm & ipsi Reges & Principes locum summo honore dignum ducerent, & Templum maximis muneribus illustrarent; nunc vero cum Regno hujus Antiochi, atque hoc Regni Græcorum anno centesimo trigesimo septimo incepere luctuosissima Reipublicæ Judaicæ tempora, quæ duo Canonici Machabæorum Libri describunt.

Onias Pontificatum annos benè multos gesserat contra spem Jasonis, qui Fratri jam pridem succedere optabat; longioris demum moræ impatiens nunc novum Regem adit, magnam auri vim promittens, si se Pontifica dignitate ornaret. Antiochus per uniarum tam avidus quam indigus perturbato Onia Jasonem intrudit, qui obtento Principatu nefario ac inaudito scelere ad vota Regis statim cœpit gentilium instituta ritusque profanos inducere, eosque contribules non pauci ipso Authore atque hortatore deserta Religione secuti sunt, & recesserunt à reflamento sancto. Ipsi Sacerdotes jam non circa altaris officia dediti erant, sed contempto Templo & Sacrificiis neglectis festinabant ad theatra & palæstras, ut participes fierent præmiorum, quæ

que in ludis i^{xi} & luctis erogabantur victoribus, patriosque honores jam nihil habentes, Gr̄cas glorias optimas arbitrabantur.

Antiochus interim ubi se in Regno Syriæ atque Asiae confirmatum sensit, Ægypti quoque Sceptrum, quod Ptolemaeus adhuc pupillus gerebat, sub specie Tutoris ad se rapere moliebatur. Itaque in Ægyptum misit Legatum, qui cum Optimatibus ageret, ut sibi tanquam Avunculo Tutelam Regis committerent; quod cū illi consiliorum ejus non ignari recusassent, vi Ægyptum invadere constituit; Tyroque protectus joppen & inde Jerosolymam veniens a Pseudo Pontifice magno cum honore suscipitur, pergens inde in Ægyptum redactis in potestatem aliquot urbibus Alexandriam tamen expugnare non potuit; quare solutā obsidione cum multis spoliis in Syriam rediit relicto tamen Pelusii valido præsidio, ut cū vellet, rursus in Ægyptum exercitum induceret.

Jason ex quo ante tres annos Pontificatum emit, ne cum Regi satisfecerat, nunc debitum haud amplius differendum ratu collectam denique pecuniam per Menelaum, Simonis sacrilegi illius proditoris fratrem, fidum sibi, ut credebat, hominem Antiocho mittit. Iste Jasone non minus ambiciosus hac occasione in rem suam usus adulazione ac promissis insuper trecen- tis talentis Summum Sacerdotium decepto ac dejecto Jasone obtiner, homo eo gradu non solum indignus sed etiam ineptus, ut qui de Tribu Benjamin etiam generis defectum haberet. Accepto hoc nuntio Jason in Amonitdem profugit; Menelaus verò Jerosolymam reversus Pontificatum adiit; qui tamen quod postea Regi pro pecuniis verba tantum daret, brevi amotus est Lysimacho ejus fratre ipsi suffecto, aut potius ab officio suspensus, donec promissam pecuniam expediret. Interim Rex in Ciliciam excurrit ad componendas quasdam turbas, quæ ibi erant exortæ, relicto Antiochiæ Pro Rege Andronico, hunc ut sibi demereretur Menelaus, aurea quædam vasa e Templo furatus donavit Andronico & alia vendiderat Tyri & per vicinas civitates; quod cū innotuisset Oniæ, haec tenus Antiochiæ latenti, continere se non potuit, quin magno zelo Sacrilegium argueret; quod ille non ferens, Virum Sanctum ab Andronico prope Antiochiam ex asylo dolo eductum interficiendum curavit.

Sacra Veterum Temp. Histor. Hh debe-

Antiochus
Jerusalem
venit.
2. Mach. 4.
¶ v. 21 ad 25.

Menelaus
Pontificatum
vendit, qui
postea Oni-
am occidit.
2. Mach. 4.

debebatur quidem ab Onia morte Sacerdotii summi dignitas
Oniae ejusdem filio; at iste deturbato ante quatuor annos Pa-
tre profugus erat in Aegypto; & Menelaus Lysimachus ob multa
consiliis Fratris perpetrata in Templo Sacrilegia ab iratis civi-
bus juxta aërarium Templi occiso, Pontificatum iterum gerere
à Rege permisso est.

Jason Jeroso-
lyma multa
civium strage
Menelaum
depellere
tentat.
a. Mach. 5.

Non diu post Antiochus alteram expeditionem in Aegy-
ptum suscepit. Dum est in via, Jerosolymis visa sunt ad dies
quadraginta militaria in aëre ostenta futurorum malorum præ-
nuntia, quibus initium dedit apostata ille Jason; nam cùm fal-
sus percrebisset rumor, Antiochum in itinere Aegyptiaco esse
mortuum, Jerosolymam, à civibus fortassis, qui ipsius partibus
studebant, monitus cum mille viris advolat, Pontificatum sibi
rursus vindicaturus; urbemque improvisò irrumpens multa ci-
vium cæde grassatur, ita ut Menelaus in arcem Sion fugeret,
neque tamen obtinuit Principatum, sed conglobatā civium ma-
nu urbe rursum expulsus est. veritus postea, ne à Rege propterea
ad mortem quæreretur, fugiens de civitate in civitatem ad La-
cedæmonios in Græciam se recepit, apud quos demum miserè
periit.

Antiochus
Jerosolymam
cædibus re-
plet, Tem-
plum diripit.
a. Mach. 1. erga se malè affectos, nunc etiam defectionem ad Regem Agy-
pti veterem Dominum moliti suspicabatur, suspicionem auxil-
tum sparsus de sua morte rumor ac gaudium, tum quod cum
exercitu adventans portas urbis videret clausas à majori fortas-
sis civium parte, quæ discessa in factiones urbe adversaretur Me-
nelao atque adeò Regi, qui illi Pontificatum reddiderat. Ergo
vi irrumpit, fit cædes nullo sexus ætatise discriminé, ita ut tri-
duo ferro caderent quadraginta millia, totidemque servituti
manciparentur, ausus est etiam intrare Templum & sacra vala
diripere; ablatisque insuper mille & octingentis talentis de
Templo Antiochiam reversus est, relictis tamen Præfectis uno
quidem Jerosolymis, altero in Samaria, qui gentem Judæorum
per fortunarum expilationes, servitutes ac cædes pergerent affil-
gere;

gere; cui utrique adjunxit Pseudo-Pontificem Menelaum totius hujus tragœdiæ auctorem & architectum.

Nondum hīc stetit furor Tyranni; nam post duos annos misit Apollonium alias odiosum Judæis Principem Jerosolymam iussum omnes perfectæ ætatis interficere, mulieres ac Juvenes vendere; qui pacem aliquandiu simulans, demum quodam die Sabbathi improvisò cum armatis prorumpens ingentem multitudinem peremit eorum, qui ad spectanda Sacrificia aliisque festo Sabbathi propria in publicum processerant, Judæis propter festi solemnitatem non ausis arma capere & Tyranno resistere. Deinde postquam accepit spolia civitatis, & succedit eam igni, & destruxit domos ejus & muros ejus in circuitu, validum in arce Sion, quam instauravit murisque ac turribus munivit, præsidium collocavit, nusquam ut Judæi se commovere possent.

Quod verò summum malorum erat, misso Jerosolymam & in omnes civitates Juda diplomate regio voluit, ut Judæi relinquerent patrias & DEI leges, & sequerentur leges gentium terræ, quem in finem vetuit Jerosolymæ amplius Sacrificia fieri; iussit Sabbathæ & dies festos tolli; antiquavit ciborum delectum, circumcisionem morte proposita prohibuit; novam quoque Templo dedicationem aut execrandam potius profanationem fieri iussit decima quinta die mensis noni, quō altari holocaustorum impositum est magna celebritate abominandum Jovis Idolum, temploque Jovis Olympii nominatum. Idem siebat per universas civitates Juda: ædificabantur aræ: ante januas domorum & in plateis incendebantur thura, & sacrificabatur; sacri Libri comburebantur igne, & apud quem inveniebantur, aut qui Legem Domini observabant, ex Regis edicto trucidabantur; eumque extra terram Juda dispersi essent Judæi, decreto suo obligatos voluit esse etiam proximas gentilium civitates, ut pari modo & ipsi adversus Judæos agerent, ut sacrificarent: eos autem, qui nollent transire ad instituta gentium, interficerent, erat ergo videre miseriam.

In hac tanta Religionis ac morum ruina Judæi quidem multi se ad eos aggregarunt, qui jam prius cum Jasone dereliquerant Legem Domini; inventi tamen sexus utriusque sunt, qui constantes pro patriis Legibus etiam usque ad mortem decertarunt; ita duæ mulieres quodd infantes suos circumcidissent, na-

submittit
Apollonium,
qui post mag-
nam rursus
civium ce-
dem in aree
Sion præfidir-
um ponit.
l. 1. c. 1. à v.
so.
l. 2. c. 5. à v.
240

Antiochus
jubet Judæos
ad instituta
gentium
transire.
l. 2. c. 6.

Multè præ pa-
triis Legibus
fortiter mor-
tem oppe-
runt.

I. 1. c. 1. v.
55. & I. 2. c. 6.
& 7. tote,

tis ad ubera suspensis per muros præcipitatæ sunt : alii latenter in speluncis diem Sabbathi celebrantes flammis suffocati : pro ciborum delectu Eleazar & Mater cum septem filiis de immani Tyranno in ipsa urbe regia Antiochiæ egregiè triumpharunt, Funditus propemo dūm, quod quærebat Antiochus, perierat Hebræorum Respublica, Leges, Religio, Sacerdotium ; cùm DEus hæc ipsa sublevavit juxta vaticinium Danielis auxiliò parvuli Mathatiæ videlicet & filiorum ejus.

Mathatias, Dux Judæorum.

Ab An. 3834.

Mathatias se
cum filiis suis
Tyranno op-
ponit.
I. 1. Mach.
c. 2.

Cum præteritō anno Apollonius Jerosolymæ omnia cædibus repleret atque vastaret, inde fugerunt habitatores Jerusalēm non pauci ; inter quos Mathatias Sacerdos cum quinque filiis suis Joanne, Simone, Juda, qui nominabatur Machabæus, Eleazar & Jonatha se recepit in oppidum Modin, h̄c dum mala Israëlis & civitatis sanctæ deplorant, scindunt vestimenta sua, operiunt se ciliciis & plangunt valde ; adventat Præfetus regius, qui, uti in aliis urbibus Juda factum jam erat, in hoc quoque oppido cogeret Judæos Idolis sacrificare. Ergo jussu Regis omnes conveniunt, &, Mathatias præcipue Princeps & elatissimus in ea civitate, à Præfecto invitantur, ut Regi obediant, sicut fecerunt, inquit, omnes gentes & viri Juda, & qui remanerunt in Jerusalem ; monuit simul Judæum ad id jam constitutum, ut reliquis exemplo præiret ; qui cùm accessisset in omnium oculis sacrificare Idolo, Mathatias zelo divinæ Legis accensus, & insiliens trucidavit eum super aram ; conversusque Præfetus quoque regium interfecit, simul populum ad defectionem evocat voce magna clamans : *Qui zelum habet Legis, exeat post me.*

Plerique Judæorum læti adesse, qui eos duceret, vexillū pietatis ac Mathatiam urbe egressum in montana secuti sunt ; quibus seb̄ brevi alii ex aliis per Judæam locis aggregarunt tanto numero, ut exercitum conficerent. Hi Duce Mathatia armis undique circumferentes perséquentur regios Præfatos, Judæos suis, circumcidunt pueros, quotquot invenerunt in finibus Israël.

Quz

Jungunt se
alii & armati
regios Prafe-
tos pro-
sequuntur.
I. 1. c. 2. & v. 29.

Quæ dum strenue aguntur, appropinquaverunt dies Ma Mathias tathiae moriendi & appositus est ad Patres suos in Modin, cùm moritur. prius domui suæ Simonem, belli verò Ducem Judam Machabæum filios suos præfecisset.

Judas Machabæus, Dux & Pontifex.

Hujus clarissimi Dicis auspiciis Judæi non respirare modò sed Ab An. 3835. & hostibus terrori esse cœperunt. A morte Patris colle- Judas contra ëta sub signis habebat sex millia virorum. cum his invocatô pri- Præfectos re- us divinô auxiliô superveniens castellis & civitatibus improvi- gios felicitor sus succendebat eas, & opportuna loca occupans non paucasho- pugnat. stium fruges dabat. post has quasi velitationes justis etiam præ- l. 1. c. 3. & liis contra Duces Antiochi pugnavit, & primò quidem Apollo- l. 2. c. 8. nium sibi cum ingenti exercitu occurrentem vicit, ipsumque suomet gladio occidit. Pari felicitate alterum prælium habuit cum Serone Apollonii Successore, quem cum auxiliis impiorum, apostatarum scilicet Judæorum, octingentis occisis fugere coëgit.

Antiochus minoribus viribus nihil agi contra Judæos cer- Antiochus nens congregavit exercitum universi Regni sui, militique sli- cum exerci- pendia prærogavit in annum; utque exhaustum sic ærarium re- tûs parte in pararet, statuit ipse partem exercitûs trajecto Euphrate ducere in Persidem aliasque Asie superioris Provincias ad pecunias in Perfidem de tributis colligendas. Alteram exercitûs partem tradidit Ly- abit, reliquo in Syria Pro- sia, quem Pro regem constituit, cum mandatis, ut, donec ipse Rege Lygia. è Perside rediret, funditus deleret Judæorum nomen; alisque l. 1. c. 3. & v. 27. deinde populis terras eorum habitandas sorte distribueret.

Igitur Rex commendatâ Lysiae Regni & filii sui Antiochi curâ profectus Antiochiâ cum exercitu trajecit Euphratem. Lysias verò tres belli Duces Ptolemæum, Nicanorem & Gorgiam contra Judæos misit cum quadraginta millibus peditum, septem millibus equitum, & magno numero persugarum Judæorum. Judas nonnisi septem millia virorum secum habebat congrega- Judas Præfe- tos in Mapha veteri & publico orationis loco; ubi cùm inter- cto à Lysia Pro - rege missos vincit. jejunia, cilicia & cincres unanimi prece cœlestem opem implorasse, aciem partitus est in quatuor partes, quarum singulis singulos fratrum suorum præfecit, hortatusque ad mortem po-

tius pro patria & legibus subeundam, quam vitam in ignava seruitute trahendam movit in hostem, qui castra posuerat ad Emmaum haud procul Jerosolymis. Gorgias cognito Judæorum adventu cum sex millibus eis obviam processit, ut eos nocte in suis castris adhuc imparatos oppimeret. At Machabæus usus opportunitate invadendi divisum hostem tota nocte iter fecit, atque ad ortum Solis ad Nicanoris castra pervenit, cum quo absente adhuc Gorgia congressus eum vicit novem millibus in acie cæsis, coeteris cum Nicanore in fugam actis; in qua insuper ad tria millia ceciderunt, erant deserta ab hostibus eastra opimis spoliis plena; Dux autem militem à prædando cohibuit, veritus ne redeunte è montibus Gorgia invaderetur. at iste, ubi procul advertit suos fugisse, & Judam stare paratum ad prælium, congregdi non ausus fugientes & ipse secutus est, sequere recepit ad Ptolemæum; à quo missi postea alii Duces Timotheus & Bacchides prælium quidem redintegrarunt, at cum majori adhuc clade, amissis viginti hominum millibus. Judæi hymnum canebant & benedicebant DEum in Cœlum, quoniam bonus est, quoniam in sæculum misericordia ejus; usique victoriis munitiones excelsas obtinuerunt.

Dum hæc fuit per Judæam, Onias audiens in Ægypto Judæam ab Antiocho vastatam & Templum desolatum, petuit à Ptolemæo, liceret Templum sibi excitare, & in eo Levitas & Sacerdotes ex suo genere constituere, futurum sine dubio, ut plures Judæorum Religionis ergo in Ægyptum confluerent, ac sedes suas transferrent. Assensus est Rex, locumque Templo extruendo assignavit in tractu Heliopolitano haud procul Memphi distantem. Itaque Onias cum Judæis Templum extruxit ad similitudinem Jerosolymitanæ, licet magnitudine dispar; duravitque profanum hoc & contra Legem Mosaicam excitatum Templum usque ad tempus Vespasiani, quo uti Jerosolymitanum, ita istud excisum est.

Lysias ob acceptas præteritò annò clades dolore animi & vindictæ cupiditate ardens ipse sexaginta quinque millia electorum virorum contra Machabæum educit. Hic, qui non nisi decem millia circa se habebat, viso tam numero exercitu ad nota fidaque orationis præsidia confugit, nec frustra; nam commissio prælio ceciderunt de exercitu Pro-regis quinque millia, cùm-

Templum
Heliopolita-
num Judæo-
rum in Egy-
pto.

Jos. I. 13.
ant. c. 6.

Judas vincit
ipsum Lysiam.
I. 1. c. 4. à v. 27.

cumque Lysias reliquos à fuga continere non posset, videret que Judæos insolitâ audaciâ esse paratos aut vivere aut mori fortiter, abiit & ipse Antiochiam, plures adhuc copias collecturus.

Interim dum copias suas instaurat Lysias, Judas, qui hactenus strenuè explevit Ducis officium, nunc pii quoque ac religiosi Pontificis curam suscepit, ac consilio cum fratribus inito divinum cultum restituere statuit. Itaque cum suis Jerosolymam venit, quam etiam facile occupavit; nam *Jerusalem non habebatur, sed erat sicut desertum.* I. c. 3. v. 45. contra hostile verò præsidium, quod erat in arce, dispositi partem copiarum, ut præsidiarios, si forte erumperent, repellere possent. primò itaque mundarunt tum Sanctuarium sublatis Idolorum sordibus statuis scilicet, basibus, & aris, ac in locum immundum projectis; tum porticus & atria, in quibus jam nata erant virgulta sicut in saltu; altare verò holocaustorum. Jovis Olympii statua & Sacrificiis profanatum, dejecerunt repositis in apto montis loco lapioibus, donec, quid de iis aliud fieri oporteret, per Prophetam aliquem intelligerent. deinde verò novum altare excitant ad prioris similitudinem, exedras quoque & pastophoria seu Sacerdotum ad latus Templi cubicula diruta restaurant; faciunt vas sancta nova; nam priora abstulerat Antiochus; inferunt candelabrum septiceps, altare incensi, & mensam. rebus omnibus ita paratis concepto ex percussis silicibus igne offeruntur Sacrificia, accenduntur lucernæ, ponuntur incensum super altare, & super mensam panes propositionis, dumque ista fiunt inter hilares Cantorum & Organorum Musicorum sonos, *cecidit omnis populus in faciem, & adoraverunt, & benedixerunt in Cælum eum, qui prosperavit eis, & facta est lætitia in populo magna valde,* ad dies octo propagata; statuitque Judas & universa Judæorum Ecclesia, ut hæc encœnia, seu festum hoc dedicationis, deinceps quot annis per octiduum celebrentur à quinta & vigesima die mensis Casleu seu mensis noni cum lætitia & gaudio. Demum ne locus sanctus prædæ & profanationi Impiorum deinceps pateret, in monte Sion arcem construxerunt ex opposito arcis hostilis muris altis & turribus firmis munitam, cuius præsidiarii & ipsum locum sanctum & populum ad Templum adeuntem protegerent.

Judas mun-
dat Tèm-
plum, & cul-
tum divinum
restituit.

I. 1. c. 4. à v.
36.
I. 2. c. 10.
à v. 1. ad 9.

At

Judas varios
hostes ma-
gnis cladibus
afficit.
l. i. c. 5.

At gentes vicinæ dum vident surgentem rursus restituto altari & Sanctuario in pristinum florem Judæorum Religionem, quam penitus oppressam optabant, irata sunt valde, cœperuntque Israëlitæ, qui erant inter eos, variis modis vexare, persequi, ac etiam occidere, Idumæi maximè, Beanitæ, Amonitæ, & Gentes, quæ erant in terra Galaad. Rebus igitur Jerosolymæ compositis primò Idumæos magna clade affecit; tum Beanitas, qui latronum instar è turribus suis irrumpentes Israëlitis insidiabantur, eorumque turres incendit eum omnibus, qui in eis erant; inde Amonitas, qui Ducem habebant Timotheum, multis præliis contrivit capta etiam eorum civitate Gazer cum pagis suis. Reversus in Judæam accipit literas nuntiantes, etiam in terra Galaad Israëlitæ opprimi à gentibus Dux Timotheo. Nec dum absolverat epistolam, adsunt Nuncii de Galilæa auxilium postulantes contra Tyros & Sidonios, quibus plena jam esset Galilæa. Misso igitur quamprimum Simone cum tribus milibus in Galilæam, ipse Judas cum Fratre Jonatha & octo milibus virorum transmissio Jordane properavit in terram Galaad, reliquo ad custodiā Judææ Josepho & Azaria cum residuo exercitu. Judas rebūs fortiter ac præclarè gestis profligatique duobus præliis Timotheo universos Israëlitas, qui erant in Galaadite, à minimo usque ad maximum secum deduxit in Judæam, in quam jam antea Simon quoque contritis post multa prælia gentibus redierat cum multo pariter Israëlitarum numero, qui antea habitabant in Galilæa, ut sic tuti essent ab infidelium vexatione, simul terram Juda cladibus desolatam ac pene desertam populiforem & ad resistendum gentibus fortiorem redderent. Communem ob tot victorias lætitiam corrupti Josephi & Azaria infelix expeditio; cùm enim contra quām Judas mandaverat & ipsi æmulatione virtutis & cupiditate gloriae copias suas reliqua statione ducunt in hostem, à Gorgia cæsis duobus Judæorum milibus cum reliquis acti sunt in fugam; nec enim erant de femine virorum illorum seu de familia Machabæorum, quorum opera Deus uti voluit in liberando populo suo, quam tamen cladem Judas citò hostibus reposuit ereptis aliquot in Samaria & Palestina urbibus, nominatim Hebrone & Azoto, in quibus etiam diruit aras eorum, & sculptilia Deorum succendit igni, & cepit spolia civitatum & reversus est in terram Juda.

Sed

Sed mox iterum ad arma evocatus est; nam Gorgias non cessavit Judææ frequentibus excursionibus molestus esse. Idum quoque cum Judeis apostatis, quos in suas munitiones & castella receperant, eam incurvabant. Horum turres, castella, munitiones ubi expugnavit, & eorum plus quam viginti millia peremit; ecce adventat Timotheus cum equitatu Asiano, atque exercitu ex Thracibus, Lydis, Galatis, aliisque exteris nationibus collecto, quasi armis Judæam capturus. Machabæus viso periculo cum suis Templum ascendit, ubi caput terra aspergentes lumbosque ciliciis præcincti, atque ad altaris crepidinem provoluti deprecati sunt Dominum; sumptisque armis hosti obviam processerunt. ad solis ortum inita est pugna, que cum vehementer esset, apparuerunt adversariis de cælo viri, Angeli scilicet, qui in equis, ducatum Judæis præstantes: quorum duo Machabæum medium habentes, armis suis circumseptum incolumem conservabant, in adversarios autem tela & fulmina jaciebant; interfecti autem sunt viginti millia quingenti, & equites sexcenti. Timotheus fugiens se mœnibus urbis Gazaræ quidem inclusit, at ea post quatuor dies virtute ac fortitudine viginti Juvenum capti interemptus est.

Parvo post tempore majorem adhuc victoriam de ipso Lysia Pro-Rege Machabæus obtinuit. Ille, ut post tot irritas Ducum Regis expeditiones Judæorum gentem juxta mandatum Antiochi tandem certò sub jugum mitteret, cum octoginta milibus peditum & universo Regis equitatu & elephantis octoginta Judæam intravit; jamque Betsuram, præcipuum Judæe in angusto loco situm, & non nisi quinque stadiis Jerolymam distans munimentum, ejusque præsidium expugnabat. Quod ubi Machabæus, & qui cum eo erant, cognoverunt, expugnari scilicet præsidia, cum fletu & lachrymis rogabant Dominum, & omnis turba simul, ut sicut contra Timotheum, ita & nunc bonum Angelum mitteret ad salutem Isræl. & sanè misit Dominus. cum enim Machabæus Jerolymis egressus suos in hostem duceret, apparuit precedens eos Eques in veste candida armis aureis habbam vibrans. quo cœlesti auxilio vehementer animati. leonum more irruentes hostium prostraverunt undecim millia peditum, & equitum mille sexcentos reliquis in fugam actis. sed & ipse Lysias turpiter fugiens evasit.

Sacra Veterum Temp. Histor.

I i

Sub

Judas duobus
Angelis sti-
patus Timo-
theum prælie-
vincit & oc-
cidit.

1. 2. c. 10.
a v. 14.

Judas Duce
Angelo eri-
am Lyiam
ingenti præ-
lio vincit, &
fugere cogit.
2. Mach. c.

xi.

Antiochus in
suo è Perside
reditu divi
nitus peref-
sus misere
perit.
I. 1. c. 6.
I. 2. c. 9.

Sub idem tempus adhuc tristior nuntius Antiochiam venit de morte Antiochi Regis. Post corrasas per Superiora Alia regiones pecunias non modicas è Perside Babylonem revertebatur, in via nuncium accipit de prosperis Judæorum rebus; audiens gestorum seriem ita expavit & commotus est, ut plenus minarum æ cædis jussorū agitari currum suum, sine intermissione agens iter, properansque ad subvertendam funditus Jerosolymam omnésque Judæos sub ejus ruina sepeliendos. dum ita in DEI populum surit, repente à DEO insanabili atque invicibili plaga percutitur, aediro viscerum dolore torquetur, cùmque nihilominus Rex supra humanum modum superbia elatus urgeat aurigam, isto violentius currum incitante, excutitur, terræque illiditur tam gravi corporis collisione, ut agitationem currus amplius non ferens, humili in gestatorio portari deberet, sed doloribus in singula momenta incrementum capientibus cum rupta cute & vermes scaturirent, & carnes effluarent, factum est, ut præ foetoris intolerantia nemo ipsum amplius portare sustineret, quare in montano aliquo Persidis oppido depositus vindicem DEI manum suamque culpam agnoscens ait: *Fussum est subditum esse DEO & mortalem non paria DEO sentire, atque ita orabat secessus Dominum, à quo non esset misericordiam consecuturus, sanitatem scilicet corporis, quam suis preci- bus ac votis unicè quærebat. Non cessantibus doloribus mor- ti semper vicinior ad se vocavit Philippum inter amicos præci- puum elque copias suas & insignia Regni ad filium Antiochum perferenda commisit, rogans simul, ut novennis adhuc pueri Re- gni que curam haberet Lysias in ordinem redacto. itaque homi- cida & blasphemus peregre in montibus miserabiliter obitu viti- functus est.*

Antiochus V.
dictus Eupa-
tor.
Ab. A. 3839.

Judas imit-
pacem cum
novo Rege
& Lysia.
I. 2. c. 11. à v.
13.

Lysias vero ab ultima clade satis intelligens, invictos esse Hebreos omnipotentis DEI auxilio innitentes misit ad Judam Legatos de pace, atque is publicæ utilitati consulens acquievit precibus Lysiae sub hac potissimum conditione, ut liceret patriis Legibus atque Institutis vivere, quæ hactenus erat unica belli causa, atque hanc conditionem, ut Lysias iniret, Rex præcepit ita ad eundem scribens: *Rex Antiochus Lysia fratri salutem. Patre nostro inter Deos translato, nos volentes eos, qui sunt in Regno nostro, sine tumultu agere & rebus suis adhibere dilig- fiam,*

iam, audivimus Judæos non consensisse Patrimeo, ut transferrentur ad ritum Græcorum, sed tenere velle suum institutum ac propterea postulare à nobis concedi sibi legitima sua. Volentes igitur hanc quoque gentem quietam esse, statuentes judicavimus Templum restituī illis, ut agerent secundum suorum Majorum consuetudinem. Bene igitur feceris, si miseras ad eos, & dexteram dederis, ut cognita nostra voluntate bono animo sint, & utilitatibus propriis deserviant.

At citò iterum rupta sunt pacis fœdera. ansam dederunt quinque vicinorum locorum Præfecti, qui non sinebant Judæos in silentio agere & quiete. Joppitæ verò cùm rogasset Judæos, qui in ea urbe habitabant, ascendere scaphas, quas paraverant, in altum perductos ac nihil mali suspicantes submerserunt non minus ducentos; quam in suæ gentis homines crudelitatem ulturus Judas noctu superveniens cum suis flammas in portum navésque injectit, atque succendit. idem fecit in portu urbis Jamniæ, cujus cives simile facinus meditari cum incolis Judæis rescierat, sultque incendium tam magnum, ut Jerosolymæ videretur, quæ tamen stadia ducenta & quadraginta distabat. Inde post victos Arabes grassatores, quorum quinques mille quingenti occurserant, civitatem Casphin, à promiscuis gentibus habitatam, cepit, in eaque, quod blasphemasset, locutique essent, quæ fas non est, innumerabiles cædes fecit, ita ut adjacens flagrum sanguine interfectorum fluere videretur. Tandem post iter stadiorum septingentorum & quinquaginta Timotheum, qui Judæis erat infestus magis, assetus de ejus copiis, tum quæ in præsidii fuerant, tum quæ in aie steterant, interfecit prope centum millia viorum. Post celebratam deinde Jerosolymis Pentecosten contra Gorgiam Idumææ Præpostum egressus est; cùmque haec tenus incurias divinitus victorias retulisset, victo fugato que Gorgia tamen contigit paucos ruere Judæorum, causam comperit, cùm corpora prostratorum tolleret; nam sub tunicis interfectorum inventa sunt de donariis Idolorum, quæ apud Jamniam fuerunt, à quibus Lex prohibet Judæos. Deut. 7. v. 25. quod omnibus manifestum factum est, ob hanc casu eos corruisse. Judas autem tam idonea occasione oblata suos horratur, ut præsenti sociorum animadversione commonici DEI offensam reformident; indicisque per exercitum contri-

Rumpuntur
pacis fœde-
ra, & Judas
pro occisis
Judæis jubet
in Templo
offerri Sacri-
ficia.
l. 2.c. 12.

butione duodecim millia drachmas argenti misit Jerosolymam offerri pro peccatis mortuorum sacrificium, et a peccatis solvantur.

Rex cum Lysia & ingenti exercitu venit in Iudeam.
l. i. c. 6. av. 13. ¶ l. 2. c. 13.

Interea absente Juda regii Praesidiarii, qui erant in arce Sion, crebros faciebant incursus in eos, qui Templum Sacrificiorum aut Orationis causam adibant; quod auditore reversus Jerosolymam cogitavit eos disperdere, & admotis machinis arcem obsecutus. Rex jam antea iratus, nunc tum ab obfessis per nuntios rogatus tum a perfugis Judaeis incitatus Antiochiam congregavit ingentes copias peditum equitumque cum magno numero elephantorum ac curruum falcatorum; Lysiaque comite ipse ad solvendam obsidionem iter ingressus est. Aderat in exercitu eum aliis apostatis etiam Menelaus ill. Pseudo-Pontifex, de quo in via edocitus a Lysiᾳ Rex cum malorum omnium causam esse, solito facinorosorum suppicio impium jussit necari. Per Iudaeam deinde veniens praecepit populo, ut die ac nocte Dominum invocarent; ipse vero dilata arcis obsidione Jerosolyma egreditus castra posuit haud procul a castris regiis. ingruente deinde nocte usus, ac Praetorium Regis aggressus ad quatuor millia Græcorum interfecit castrisque hostium metu ac perturbatione repletis ad sua redivit. Excitatus tanta Judæorum audacia Rex surrexit ante lucem ordinavitque exercitum, elephantos quoque ut acuerentur in prælium, potari jussit vino ac mororum succo: singuli eorum circa se habebant mille pedites, & quingentos equites: et turribus ligneis, quas bestiae humeris portabant, ad pugnandum in quavis stabant dispositi duo & triginta sagittarii: totus exercitus in duas partes erat divisus; insignis armorum apparatus, ut, cum refulsi Sol in elypos aureos & æreos, resplenderent vicini colles ab eis. sed & Machabæus cum suo exercitu appropiavit in prælium, primoque pugnæ impetu ceciderunt de exercitu Regis sexcenti viri, & Eleazar Judæus Frater unius cæde liberatus populum suum insigni facinore casus hinc & inde hostibus penetravit usque ad eminentem præceteris elephantem, credens ei Regem insidere, succedensque sub ventrem confudit, & ipse simul pondere corruentis belluæ oppressus suo sepultus est triumpho.

Post

Post tam glorioſa pugnæ initia tamen Judas attento hostium non tantum numero sed & virtute recedens, Jerofolymam ſe cum suis recepit, arcemque rurus obſedit. Rex verò Betsuram pergens oppugnare, eam denique deditione accepit, & totas vires Jerofolymam traduxit, quā etiam facile potitus est dilabentibus propugnatoribus ob victū inopiam. eſcē enim non erant in civitate ob Sabbathā terrā ſive ob annum septimum ſabbaticum, quo per Legem non licebat arare terram, vel ſerrere, vel fructus colligere; reliquias verò earum, quæ repositæ fuerant, conſumpſerant illi, qui remanferant in Judæa de gentibus. Templum dies permultos Judæi fortiter defenderunt ex propugnaculis, quæ Judas ante aliquot annos contra arcis Sion præſidiarios erexerat, ſed denique etiam ipſi ſe ac Templum coacti fuiffent ob victū penuriā dedere, niſi DEus neceſſariam deditioñem per ipſos hostes præveniſſet.

Dum enim Rex in Judæa cum exercitu agit, Philippus rebus in Perside, Babylonie, aliisque superioribus Asia Regionibus poſt mortem Antiochi ordinatis cum copiis à moriente Rege ſibi commiſſis Antiochiam adventat, ac utpote ab eodem conſtitutus ſuper Regni negotia urbe recipitur. Lysias accepto hoc nuntio conatus æmuli quām primū totis viribus in eum converſis infringendos ratus Regi Ducibꝫque perſuadit, ut pacem darent Judæis permitta eis libertate vivendi juxta ritus patrios. cumque pax placuifſet Judæis, & utrinque Jurejurando firmata eſlet, Rex amplexatus eſt Judam, intravit Templum, obtulit mu- nera & ſacrificia. non tamen integrè ſervavit juramenti fidem; nam propugnacula, quæ defendebant Templum ab incuſionibus Præſidiariorum arcis, jussit deſtruī; quo factō Antiochiam properavit, & Phiippum urbe ejecit; qui poſtea fugit in Aegyptum ad Rēgēm Ptolemaeū.

Interea nuntius de morte Antiochi quarti etiam Romam ad aures Demetrii pervenerat; qui annos bene multos obſes auditā Patrui morte in Curiam ingressus à Patribus poſtulavit, ut per populum Romanum in Regnum paternum, ab Antiocho ſibi fraude creptum reſtitueretur; quod cūm à Senatu, cuius rationibus tunc magis conducebat Syriæ Rēgēm eſte puerum quām virum, impetrare non poſſet, clam elapsus, cum octo probatis ſimae fidei ſociis Tripolim Syriæ appulit; ubi à Syris magna

Rex occupatā Jerofoly-
mā Templum
obſider.
I. 1. c. 6. à v.
47.
I. 2. c. 13. à
v. 18.

Rex & Judas
pacem ince-
unt.
I. 1. c. 6. à v.
55.
I. 2. c. 13.
à v. 23.

Demetrius
Romā in Sy-
riam venit, &
Antiochus
cum Lysia
occiditur.
I. 1. c. 7.
à v. 1. ad 5.
I. 2. c. 14.
v. 1. & 2.

omnium gratulatione acceptus est, & pro legitimo Rege agnitus; certusque etiam de Dueum Antiochi totiusque exercitu erga *ic* voluntate comparatis copiis contendit Antiochiam, cuunque nollet Antiochum & Lysiam comprehensos ad se adduci, occidit eos exercitus, sicque sublato æmulo *sedit Demetrius super sedem Regni sui.*

Demetrius
Rex Syriæ.
Ab Aa. 3841.

Demetrius
cum exercitu
Bacchidem
mittit in Ju-
dæam.
L.1.c.7.2 v.5.
L.2.c.14.2 v.3.

Vix bene Regum adierat Demetrius, venerunt ad eum *viri iniqui & impii ex Israël, apostatae scilicet, & Alcimus Dux eorum.* qui cum occiso Menelao in Pontificatu Antiocho annente successisset, nunc à Demetrio eundem sibi confirmari petiti, idque muneribus, quæ sacrilegè è Templo ablata esse videbantur, facile obtinuit. Intelligens autem sibi hanc patere vivo Machabæo accessum ad altare, Judam ejusque amicos & socios quasi Regni perturbatores apud Regem accusat, eos bella narrare, seditiones movere, nec pati Regnum esse quietum; quādū supere *est* Judas, impossibile esse, pacem esse negotiis. tantumque apud Regem efficit, ut Bacchidem veteranum Ducem & tunc Mesopotamiae Praefectum in Judæam mitteret cum exercitu, ut in reos animadverteret, simulque Alcimum in Pontificatus possessionem mitteret. Terram Juda ingressi per nuntios Judam & fratres ejus invitârunt ad colloquium, pacem simulantes, at quod veniscent cum exercitu magno, cautores eis non adhibuerent fidem. Alii contra non pauci *Homini Sacerdoti de semine Aaron* sine dubio fidendum rati tractârunt cum Alcimo; è quibus autem postea sexaginta primæ notæ viros comprehendit, & contra fidem datam occidit in una die prope Jerosolymam. Ne paucos etiam Bacchides maceravit, qui Alcimi perfidia territi fugere tentaverant. Non diu pōst Bacchides Antiochiam ad Regem reversus est, præsidio militari Alcimo tanquam Judæorum Duci & Pontifici reliquit. Iste ut Principatum suum contra Judam stabiliret, cum fidei desertoribus, qui magno numero undique ad ipsum convolabant, per hostiles excursiones fecit plāgam magnam in Israël sed cum denique videret Judam prælere & eos, qui cum eo erant, ipse quoque regressus est ad Regem, eumque contra Machabæos rursum exasperat.

Mittit igitur Demetrius Nicanorem Praepositum elephan-
torum cum mandatis, ut Judam quidem caperet, comites vero
ejus dispergeret, & Alcimum in Pontificatus possessionem mit-
teret.

Judas duobus
prælitis vincit
Nicanorem

teret. Nicanor, ubi Ierosolymam advenit, concius fortitudinis ludæ maluit cum eo amicè agere, quam ferro decernere. at *Præfectum*.
 ea de re ab Alcino apud Regem delatus, iterumque jussus Machabæum citius vinclum mittere Antiochiam, cùm amplius Regi resistere non posset, opportunitatem observabat, quā præceptum perficeret. Id subodoratus Iudas paucis suorum congregatis occultavit se à Nicanore. ruptâ sic amicitia ad pugnam ventum est, cecideruntque de Nicanoris exercitu ferè quinque millia; Nicanor se cum fugitivis in Sionis arcem recepit, quam regii milites adhuc occupabant. Inde forte in Templum transiens obviā honoris causa venientes habuit Sacerdotes, qui etiam ostenderunt ei Sacrificia, quæ pro salute Regis ipsius offerebantur DEO. at ipse irridens sprevit eos; cùmque luspicaretur Iudam Ierosolymæ alicubi latere, minatus est, se, nisi eum vinctum sibi tráderent, Templum funditus excisurum, cùm regressus fuerit in pace. His dictis rediit in arcem; Sacerdotes vero in Templum regressi divinam opem contra Nicanorem suppliciter implorarunt, ut ejus blasphemias ulcisceretur; quod brevi factum est. Copiae auxiliares, quas expectabat Nicanor Antiochiæ, haud procul amplius aberant; quo cognito Ierosolyma egressus, easque sibi conjungens contra Iudam movit exercitum, qui stabat cum tribus milibus in locis Samaria. Iudas visa hostium multitudine hortatus est suos, ne formidarent ad adventum nationum, in mente haberent præteritas victorias & adjutoria sibi facta de Cœlo, sperarent etiam nunc ab Omnipotente sibi affutaram vitioriam. quoddque omnes velimenter recreavit, addidit, vi-
 sum sibi esse in somnio, Oniam Summum Sacerdotem manus protendentem orare pro omni populo Judæorum; Jeremiam vero Prophetam Dñm I extendisse dextram & dedisse sibi gladium aureum dicentem: *Accipe sanctum gladium munus à DEO, in quo dejicies adversarios populi mei Israël.* quibus verbis egregie animati statuerunt dimicare & configere fortiter. Cœterum Nicanor non nisi die Sabbathi pugnandum sibi censuit, ratus fortasse Judæos ut olim 1. Mach. c. 2. à v. 34. ad 42. ne arma quidem ad sui defensionem capturos, sed in sua simplicitate morituros. at aliter accidit; nam cum inter tubas & cantica proplus accederet hostis, Judas extendens manus in Cœlum: *Tu Domine, inquiebat, qui misisti Angelum tuum sub Ezechia Rege*

Juda

Juda, & interfecisti de castris Sennacherib centum octoginta quinque millia: & nunc Dominator Cœlorum mitte Angelum tuum bonum ante nos in timore & tremore magnitudinis bachi sui, ut metuant qui cum blasphemia veniunt adversus sanctum populum tuum. finita oratione Judæi manu quidem pugnantes sed Dominum cordibus orantes prostraverunt non minus triginta quinque millia: & contrita sunt castra Nicanoris, & cecidit ipse primus in prælio; cuius deinde caput & dextram, quam extenderat superbè contra domum sanctam Judas jussit suspendi contra Jerusalem, idque in memoriam perpetuam tum victoriæ tum ultionis divinæ.

Judas Legatos Romam mittit ad in-eundum fœdus.

I. i. c. 8.

Post continua tot annorum felicia quidem bella optabat Judas cum gente sua denique posse in pace vivere. Verum hanc salvis patriis institutis jam sperare non poterat à Rege Syria, nisi eum major quædam authoritas atque potentia a vexatione gentis suæ absterret. Itaque initio cum suis consilio Romanos fœdere sibi conjungendos putavit, quorum potentiam Demetrius præcipue timebat. & elegit Judas Eupolemum & Jasonem, & misit eos Romam constituere cum illis amicitiam & societatem; & ut afferrent ab eis jugum Græcorum. Qui ubi Romanam venerunt, Curiam ingressi dixerunt: *Judas Machabæus & Fratres ejus & populus Judeorum miserunt nos ad vos statuere vobis eum Societatem & pacem, & conserbere nos socios & amicos vestros. Quibus postulatis Romani libenter acquieverunt, ut sic quasi frœno Demetrium in officio retinerent; simul & has literas ad eundem scripserunt: Quare gravasti jugum tuum super amicos nostros & Socios Judeos? si ergo iterum adierint nos, adversum te faciemus illis judicium, & pugnabimus tecum terra marique.*

At interim Rex deleto Nicanoris exercitu misit Bacchidem & Alcimum, qui novum exercitum applicuerunt ad Jerusalem. Et cum cognovissent, Judam posuisse castra in Laisa, illuc abierrunt cum viginti millibus peditum, & duobus millibus equitum. Fuerant quidem in castris Judæ tria millia electorum virorum; at nunc conspecta hostium multitudine timore correpti plerique subtraxerunt se de castris Judæ, & non remanserunt cum eo nisi octingenti viri; qui quidem & ipsi disuaserunt pugnam. Verum Judas, absit, inquit, istam rem facere, ut fugiamus ab eis:

Judas in prælio contra Bacchidem occubuit.

I. i. c. 9. à v. 1.

& si appropinavit tempus nostrum, moriamur in virtute propter fratres nostros, & non inferamus crimen glorie nostra. His dictis movit in hostem; equites divisi erant in duas partes, fundibularii & sagittari præbant exercitum, & commissum est prælium à mane usque ad vesperam. Demum contritum est dextrum cornu Bacchidis, & persecutus est eos Judas usque ad montem Azotum; quod cùm vidissent hostes, qui in sinistro cornu erant, persecuti sunt ipsi Judam & eos, qui cum ipso erant, à tergo, & ingratum est prælium; & ceciderunt utrinque vulnerati multi; ac demum fortissimè pugnans ipse etiam Judas cecidit, & cæteri fugerunt. Ionathas verò & Simon tulerunt Iudam fratrem suum & sepelierunt eum in sepulchro Patrum suorum in civitate Modin. & sleverunt eum omnis populus planum magno & lugebant dies multos; illud identidem repetentes: quomodo cecidit potens, qui salvum faciebat populum Israël? verè potens magnusque Princeps, si vel ista solum, quæ saeræ literæ annotarunt, gesisset; nam cætera verba bellorum, & virtutum, quas fecit, & magnitudinis Ejus non sunt descripta; multa enim erant valde. i Mach. c. 9. v. 22.

Post obitum Iudæ undique emerserunt iniqui apostatae, qui antea metu illius latuerunt. Cùmque tune etiam esset famæ magna valde, omnis Regio Iudææ & loca munita se se Bacchidi dediderunt, nihil ut jam tutum fratribus & amicis Iudæ remaneret; cogereturque Ionathas, cùm priùs à reliquiis Bonorum rogatus Principatum conjunctumque illi Pontificatum suscepisset, se se cum suis trans Iordanem recipere.

Jonathas Fra-
ter Iudæ co-
gitur cum
paucis se
trans Jordani-
nem recipi-
re.
l. i. c. 9. à v.
23.

Jonathas, Dux & Pontifex.

Bacchides auditio Ionathan surrexisse loco Iudæ fratri sui, & confidere ad ripam Iordanis, illuc cum exercitu venit die Sabbathi ad opprimendos Iudæos. Ionathas cernens se circumventum nec esse fugæ locum; breviter suos hortatus, ut clament in Coelum, in hostem ruit, cæstisque jam mille viris in ipsum Bacchidem sibi occurrentem ferrum strinxit. At cùm iste citum effugisset, & agmina hostilia undique irruerent, cum sociis chides verò reversus Ierosolymam, nec ausus Ionathan amplius

Ab An. 3841.
Jonathas
confudit cum
Bacchide, &
transit cum
suis Jordani-
nem.
l. i. c. 9. à v.
43.

Sacra Veterum Temp. Histor.

Kk belli

bello laceſſere , ſolū loca Iudææ ad rēfīſtendum idonea com-
muniuit additiſ cum cōmmeatu p̄ſidiariiſ , qui ſubinde excu-
ſionibus vexarent Iudæos. Alcimus int̄erea ſua opinione Sum-
muſ Sacerdos Pseudo-Pontificem Ierosolymæ in Templo age-
bat. At cūm hoc tempore res novas moliretur ac c̄cepiffet de-
ſtruere murum in atrio domū ſanctæ , percuſſus eſt diuinitus , ne-
ultra potuit loqui verbum , & mortuaſ eſt cum tormento . Cujus
morte territus Bacchides recurrit Antiochiam ad Regem , fortal-
liſ nempe , ut eum de alio Pontifice conſtituendo conſuleret.
Quo abſente toto biennio pax & quies à bello in Iudæa fuit ; Io-
natha cum ſociis trans Iordanem agentibus.

At pacem rurſus turbārunt impii dēſertores ac Machabæo-
rum æmuli , qui eos omnino deletoſ eſſe cupiebant. Hortan-
cem iñit cum tur igitur Bacchidem ut rediret in Iudæam , nunc ionathan ejus-
Bacchide . que locios in ſilentio habitare confidenter , ac facile comprehen-
di poſſe eos omnes una nocte . Ille ſe venturum per occulta
l. 1. c. 9. à v. 53. epiftolas reſpondit ; curarent iþi interim , ne elaberetur. Atre-
dececta ionathas apprehendit potius malitia Authores & Prin-
cipes , quorum erant quinquaginta , & occidit eos. Seceſſitque
cum ſociis in dēſertum Ierichuntinum , ac ſe recepit in oppidum
Bethbessem , quod communivit armis , viris & cōmmeatu. In-
terim adeſt Bacchides cum exercitu multo , intelligensque inſi-
dias fuſſe irritas vi agendum ratus oppidum obſedit dies mul-
tos adhibitis etiam machiniſ. At ubi ionathas relichto ad dē-
fensionem oppidi Simōne egressus collecta per viciniam militum
manu in caſtra irruit , ſimilque Simōn eruptione faſta incenſi-
que machiniſ hoſtem repellit , contritus eſt ab eis . qua clade Bac-
chides valde afflietus iras omnes vertit in hujus expeditionis
Authores , & multos ex eis occidit. Oblatam deinde à ionatha
pacem libenter accepit , redditisque captiviſ juravit ionathæ , ſe-
nihil ei mali amplius facturum omnibus diebus viæ ſuæ , rediit-
que Antiochiam ad Regem. Ionathas verò degens in oppido
Machmas , quod erat in conſinio Tribuum Benjamin & Ephraim
cœpit Rempublicam administrare , & in Religionis patriæ dēſer-
tores ſeverè animadvertere , eōſque exterminare.

Quatuor annis ceſſaverat gladiuſ ex Iſraël ; cūm res lu-
dorum in exſpectatō eriam ſine armis cōpere reflorefcere. An-
tiochus quartus prater filium Antiochum , qui poſt iþum regna-
vit ,

Reſ Judæo-
rum reflo-
reſcunt.

vit, reliquerat alterum adhuc filium Alexandrum. iste post obitum Patris cædémque fratri hactenus Romæ moratus consilio atque opera amicorum potestatem à Senatu obtinuerat Regnum Syriae dejecto Demetrio occupandi. conducto igitur milite veniens in Syriam Ptolemaidem facile occupavit proditione militum, qui eam tenebant præsidio. Demetrius, ut æmulum citò opprimere, copiosum congregavit exercitum, ac in belli societatem Jonathan invitavit, datâ ad eundem epistola, quâ potestatem dedit colligendi exercitum armisque instruendi, veritusque ne Judæi memores injuriarum turbatis nunc rebus Alexandri partes adjuvarent, eis obsides reddi jussit, quos hactenus detinuerat in arce Sionis. Jonathan favore Demetrii utendum ratus Machinis concessit Jerosolymam, & cœpit ædificare & innovare civitatem pridem ab Antiocho & Apollonio vastatam: murum quoque contra præsidiarios arcis à Juda erectum, sed deinde ab Antiocho quinto destructum, reparavit, ac lapidibus quadratis communivit. Qui in aliis præsidiis ante annos aliquot à Bacchide collocati fuerant, tum alienigenæ, tum apostatae auditio Jonathan Jerosolymam adventu omnes fugerunt, exceptis iis, qui Betsuram tenebant.

Non minus sollicitè amicitiam Jonathan Alexander quoque quæsivit missâ ei purpurâ & coronâ aureâ unâ cum literis plenis humanitate; quibûs eum fratrem, & amicum vocavit, summumque Sacerdotem constituit, qui quidem jam antea erat. Demetrius hæc audiens contristatus est valde, promissisque longè majoribus Judæos studuit ab Alexandro avertere, ubique demereret. Verum Jonathan & populus recordati malitia magna, quam Demetrius fecerat in Israël, adhæserunt partibus Alexandri, commissaque præliō Demetrius vietus cæsusque coronam Syriae Alexander reliquit, sed à filiis suis Demetrio & Antiocho, quos providus Pater ante pugnam procul in tutum locum cum magnâ auri pondere amandarat, post aliquot annos repetendam.

Alexander ut partum sibi Regnum affinitate firmaret, Ptolemai Regis Ægypti filiam Cleopatram in uxorem petiit Syriae Seleucidarum exitio fatalem postea fœminam. Nuptiae celebratae sunt Ptolemaide præsente Rege Ægypti in magna gloria conviviorum seilicet, ludorum, certaminum, spectaculorum.

Jonathan
contra Demes-
trium adha-
ret Alexan-
dro.
I. i. c. 10. à
v. 15.

Alexander
Syria Rex,
Ab An. 3852.

K § 2

L. I. c. 10.
¶ T. 60.

& conuentū virorum Principum, in quibus Jonathas ab Alexander invitatus ac per honorificē habitus est & reversus est Jonathas in Ierusalem cum pace & latitia, ac uti præteritō anno cœpit publicē stolam sanctam seu Pontificium cultum in die solenni Scenopegiae induere ; ita rebus nunc quietis summi Sacerdotis solenniore quovis festo explevit officium.

In Egypto
Templum Je-
rosolymz
contra Samari-
tanos legi-
timum esse à
Rege decer-
nitur.
Jes. I. 13.
ant. a. 6.

Alexandriæ in Ægypto jam diu inter Judæos & Samaritanos Ægyptios controversia agitabatur, ex qua hoc tempore fere seditione exorta est. Judæi contendebant, juxta Mosis prescripta Jerosolymitanum Templum esse legitimum, Samaritanus Garizitanum, cuius Religio sub Alexandre Magno fuerat inducta. denique provocatum est ad Regem ejusque consilium ea lege, ut cuius partis Causidici succumberent, morte multarentur. Itaque Rex multis amicis in consilium adhibitis consedit causam auditurus. Sabbæus cum Theodosio Summariarum causam defendebat: pro Iudeis Andronicus stabat, qui prior diceret orsus probavit primū ex Lege Mosis sacrificia & celebritates præcipias ter in anno fieri oportere in loco, quem elegisset Dominus, deinde locum illum Ierosolymis suisse electum; ibique jussu Domini Templum à Salomone constructum, ingentibus postea prodigiis sanctificatum, ac à Regibus ipsis honoratum, postrem Sacerdotium per continuas Pontificum successiones ad hæc usque tempora propagatum, horum vero nullum vel Garizitano vel Heliopolitano convenire, quæ nuper admodum per seditionem extructa esse constaret. Partibus auditis Ptolemaeus decrevit, Ierosolymitanum esse ex sententia Mosis conditum, Sabbæum vero & Theodosium affici jussit supplicio.

Jonathas do-
ficiens ab
Alexandro
Apollonium
vincit.
Mach. I. r. c.
10. à v. 69.

Quintum annum regnabat Alexander in Syria, cum Demetrius natu major occisi Demetrii filius ex insula Creta, ubi habens latitatem, cum auxiliis Cretensium trajecit in Ciliciam, Regnum suum hereditarium recuperaturus & Patris cædem ulturus. Antiochenes primi se novo Regi dediderunt; paterni quoque milites passim signa ad Demetrium favore adolescentis accensi transtulerunt. Ionathas vero in fide Alexandri persistit. Ægrè id ferens Apollonius Cælesyriæ Praefectus, qui & ipse ad Demetrium defecerat, atque cum exercitu apud urbem Jamiam stabat, eum cum magna jactantia è suis, ut ajebat, montibus in apertum campum provocat; quibus commotus Ionathas ele-

git

git decem millia virorum assumptoque secum Simone Fratre ad urbem Ioppen exercitum admovit. Præsidium Apollonii param quidem erat urbem defendere; at cives obsidione territi apertis portis deditioñem fecerunt. Amissa Ioppe Apollonius versus Azotum progressus expectavit in sequentem Jonathan equitatu, in quo multum confidebat, per insidias ita disposito, ut Iudæi à fronte & à tergo cœdi possent. at elutis insidiis pedites Apollonii contriti fugatiisque sunt; equites vero sparsi per campum fugerunt usque in urbem Azotum, quos persecutus Ionathas & urbem & templum Dagon, in quod plerique confugrant, succendit; perieruntque tum gladio, tum incendio ad octo virorum millia. Inde Ascalonem movit. cuius autem cives venienti obviā exierunt magna gloria atque honore eum excipientes; sicque Ionathas vicit in Ierusalem cum exercitu præda & ipoliis onusto reversus est. Alexander vero Rex his auditis mirè latus perrexit honorare Ionatham, & misit ei fibulam auream, insigne scilicet ornamentum militare nonnisi cognatis Regum concedi solitum. præterea donavit ipsi urbem Accaron, & omnes fines ejus in possessionem.

Inter hæc Rex Ægypti Ptolemæus Syriam cum validissimis copiis ingreditur specie quidem ferendi Genero suo Alexandro contra Demetrium auxiliū, reverā autem ut Syriam adderet Regno suo. venienti, ita Alexandro jubente, urbium portæ omnes patuere. at is, cùm in aliquam civitatem introiret, imponebat ei præsidium militare. Azotum prætereunti occurrit Ionathas magnifico cum apparatu, Regemque aliquousque comitatus honoris causa, reversus est Ierolymam expectaturus in tuto, quem res exitum esset habitura. at brevi patuere Ptolemæi consilia. cùm enim Seleuciam maritimam urbem venisset, vocato ad se Demetrio Cleopatram filiam, Alexandro tanquam Regno vitæque suæ insidiante erexitam, uxorem dedit, volens eo uti tanquam vasallo potius, quam ut ipse Demetrius regnaret in Regno Patris sui. nam cùm postea Antiochiam intrasset, ambitiosus Rex imposuit duo diademata capiti suo Ægypti & Asiae. Alexander, qui tum erat in Cilicia ad compescendos rebelles, accepto. nuntio de inauditâ Soceri perfidiâ cùm suis copiis contra inexpectatum hostem movit. at primo congressu fulus fugatusque in Aram se recepit, ut ibi protegeretur à gentis illius Principe. ve-

Jonathas Je-
rosolymæ in
tuto spectat.
Regum Syriae
& Ægypti pu-
gnas.
1. Mach. c. 11.

rūm miser in iamanem proditorem incidit. nam Arabs abfūlit caput Alexandri & misit Ptolemaeo. qui autem ipse etiam in die tertia mortuus est ex vulneribus, quæ in pugna acceperat. atque ita Regnum Syriæ universum cessit. Demetrio hoc nomine secundo. Ptolemaeo verò sexto successit Ptolemaeus septimus.

Demetrios II.
Ab An. 3857.
Ptolemaeus
VII.

Jonathas à
Demetrio
honoribus &
donis augē-
tur.
l. 1. c. 11.
à v. 20.

Jonathas De-
metrium in-
gratum expe-
ritur.
l. 1. c. 11.
à vi. 38.

Horum in Syria tumultuum occasione Regumque Asia & Ægypti mutatione usus Jonathas arem Sionis tot jam anni in Syriaco præsidio detentam obsedit. Quare à perfidis Judais comperta Demetrius venit Ptolemaidem, sic psitque Jonathæ, ne ob sideret arem, sed ad se venire festinaret collatus secum super hoc & pluribus aliis negotiis. Itaque prefectus ad Regem honorifice, illimè exceptus & amplissimis dignitatibus auctus est. obtinuit quoque, ut tota Judæa & annexæ Præfecturæ, item Samaria & ejus confines civitates immunes essent ab omni extero præsidio, ab omni tributo, ab omni onere. Remisit præterea Rex Iudæis areas salinarum sive stagna salis, in quæ transfusa maris aqua calore Solis in sal concreceret. quod ad arem Sionis attineret, promisit, se tutos ab injuriis prædiariorum Iudeos redditurum.

Rebus sic cum Ionatha compositis Demetrius, cùm nullum amplius haberet Regni æmulum retento solum peregrino milite, quem ex Creta aliisque Insulis adduxerat, totum reliquum exercitum ex legionibus Syriacis & Asiani constantem dimittit; quare veterani milites offensi passim murmurabant: Antiochenes verò seditionis furor ita concitavit, ut in forum civitatis centum & viginti millia convenienter, vellentque interficere Regem; quod & factum esset, nisi à Ionatha submissa tria virorum fortium millia in tempore auxilio venissent. hi enim concilis maximæ strage centum hominum millibus, succensaque civitate liberarunt Regem; & gloria ipsiusque insignes regressi sunt in Ierusalem. In illo rerum articulo Rex Ionathæ ejusque genti maxima promissa fecerat, si auxilia mitteret. at nunc lopita seditione nihil præsticit ingratus; imo imprudens abalienavit à se Jonatha & vexabat eum valde. Interim Tryphon inter primos antea Alexandri Duces unus filium Antiochum adducit ex Arabia, ubi post occisum Patrem haec tenus servabatur. vix Syriam ingressus est, dimissi nuper à Demetrio milites omnes turmatim ad ejus signa convolârunt, facileque cum sua paucitate vicitus Demetrius fugit in Ciliciam.

An-

Antiochus verò puer adolescens imposuit sibi diadema, & Tryphon Pupilli Tutor cœpit Regnum administrare. Inter pri-
mas Regni curas fuit ad Jonatham literas dare, eique non solum
Sacerdotium Principatūnque confirmare, sed & eum & Simo-
nem insignibus muneribus atque honoribus decorare. Quare
Ionathas pro Antiocho victoriam prosecutus trans Iordanem
adjutus Syriacis Legionibus omnia Damascum usque eripuit De-
metrio & adolescenti Regi Antiocho subjecit. At interim qui
dam Duces Demetrio adhuc adhærentes invaserunt cum exer-
cita multo urbem Cades, in Galilæa sitam; quo audito Simo-
nem iatra Iudæam reliquit, ipse verò occurrit illis ad lacum Ge-
nezareth. ubi instructa acie dum Iudæi ab insidiis à tergo posi-
tis non satis carent, circumventi aguntur in fugam paucis apud
signa militaria remanentibus, ita ut Ionathas super suorum timi-
ditate scinderet vestimenta sua. at ubi posuit terram in capite
suo & oravit, cum paucis illis instauravit prælium, hostesque
convertit in fugam; interfecitque tribus eorum millibus rever-
sus est in Ierusalem. Simon verò interea Bersuram post multo-
rum dierum obsidionem deditio accepit, eique præsidium Iu-
dæorum imposuit.

Jonathas nunc opportunum tempus esse cernens renovandi
cum Romanis fœdus jam à Juda fratre suo initum, misit duos
Legatos Numenium & Jasonem Romam, monitos, ut in reditu
etiam Lacedæmonios salutarent, eosque cognationis ac pristini
federis admonerent. Hi ubi Romam venerunt, Curiam in-
trantes dixerunt: *Jonathas summus Sacerdos, & gens Iudeo-
rum miserunt nos, ut renovaremus amicitiam & societatem se-
cundum pristinum.* cumque omnia impetrassent, quæ volebant,
rediēre cum literis commendatiis ad Præfectos locorum, per
quæ transiuri erant, ut sic dederentur in terram luda cum pace.
In Peloponesum, dum redirent, appulsi, Spartanis obtulerunt lite-
ras Jonathæ, quibüs renovabat memoriam federis jam pridem
tempore Onia Pontificis initi; simul eos certos faciebat, se
subisque pro ipsis preces & sacrificia offerre DEO. Demum ad-
didit commemorationem maiorum & cladi, quibüs Judæi
diu multumque fuissent exerciti, nunc autem cœlesti auxilio li-
berati inciperent respirare.

Ionathas
contra De-
metrium ad-
hæret Antio-
cho Trypho-
nis Ducis pu-
pillo.

l. i. c. 11.
2 v. 14.

Ionathas re-
novat fœdus
cum Roma-
nis.

1. Mack. 12.

Interea

Jonathas
persegitur
Demetria-
nos, & Präsi-
diarios arcis
Sion fame ad
deditioinem
compellere
tentat.
l. 1. c. 12.
à v. 24.

Judæi Jero-
solymitani
scribunt ad
Judeos Ægy-
ptios.
2. Mach. c. 1.

Jonathas à
Tryphone
dolo com-
prehenditur.
• l. c. 12.
à v. 39.

Interea autem Duces Demetrii longè majore, quam an-
tea, numero redeunt; quo comperto Ionathas celeriter occurrit
eis, priusquam Judæam ingredierentur. cùmque per exploratores
didicisset, consilium hostium esse castra sua noctu invadere, sus-
cit suos tota nocte in armis stare; quod illi animadvententes ni-
hil tentare ausi sunt, sed exortatis crebris per castra sua ignibus,
ut crederentur adesse vigiles & expediti, clam fugam capesser-
runt. Insecutus est quidem eos Ionathas manè, quō primum
fraudem agnovit: at frustra, nam illi jam transierant flumen, ne
tamen expeditio omnino infructuosa esset, vicinos Arabes Za-
badæos, rapto vivere assuetos percussit, & acceptis spoliis venit
Damascum, & perambulabat omnem Regionem illam inquirens
& persequens Demetrianos. Simon vero certior factus, Jop-
penses favere partibus Demetrii, numerosius interea urbi præ-
dium imposuit. Reversus Jerosolymam Ionathas adhibito Se-
niorum populi consilio statuit reparare muros Jerusalem præter-
tim ex parte respiciente torrentem Cedron, ubi omnino cor-
ruerant, cùmque videret arcam Sionis, à Gentilibus semper ad-
huc infessam, difficulter vi expugnari posse, coepit altissimo mu-
ro eam secludere à civitate, ut Præsidarii, neque emere quid-
quam à civibus neque vendere possent; itaque demum fame do-
miti succumberent, sicut & factum est.

Hoc quoque tempore Judæi miserunt epistolam ad Judeos,
qui habitabant in Ægypto, quā significabant, quanta post defes-
tionem Jasonis passi essent usque ad tempus, quo Iudas Ma-
chabæus rursum emundavit & dedicavit Templum in mense Cas-
leu; ad quam proin anniversariam celebritatem frequentandam
hac epistola Ægyptios Judeos invitabant.

Tryphon interea Tutoris dignitate non contentus ambie-
bat sublatō Antiochō pupillō diadema assumere ac ipse regnare,
unicum timebat Ionathan, ne pro Antiochō contra se arma su-
meret, quarebat ergo comprehendere eum & occidere, vñique
cum copiis in Bethsan alias Scythopolin Syriæ oppidum non
procul Tiberiade. Jonathas nil mali veritus illuc Tryphoni ob-
viā venit; sed quodd secum duceret quadraginta millia præ-
stantissimorum militum, non ausus est extendere in illum manus;
sed dissimulatā perfidiā exceptit Ionathan cum honore, simul
amicè ad speciem, ei exprobrans, quod ad se, veluti hostem,

cum

cum exercitu venisset; adesse se potius ut ipsum mitteret in possessionem Ptolemaidis aliarumque trium urbium, quas ipsi Antiochus primā ad ipsum datā epistola promisisset, c. 11. v. 57.; veniret igitur cum paucioribus secum in Ptolemaidem. Credidit Jonathas versipelli, & dimisso in terram Juda exercitu duo millia misit in Galileam retentis circa se solum mille viris, cum quibus Tryphonem secutus Ptolemaidem profectus est. ut primum urbem cum suis intravit Jonathas clausis portis ipse comprehensus, milites autem ipsius ad unum omnes concisi sunt, tam tristi nuntio Ierosolymam perlato, omnes planixerunt Jo-
nathan, & eos qui cum ipso fuerant valde: & luxis Israel lu-
du magno.

Tryphon autem consternatione Judæorum utendum ratus congregavit exercitum copiosum, ut veniret in terram Juda & astereret eam. Interim autem & Simon magno consensu populi loco Fratris in Ducem electus cœpit boni Principis munere fungi, militem colligere, murorum instaurationem absolvere, & Joppen periclitantem novo firmare praesidio. cūmque accepisset, Tryphonem movisse Ptolemaide, ut veniret in terram Juda, ipse quoque castra sua metatus est juxta campum latissimum propo urbem Addus, quam antea ipse muniverat c. 12 v. 38. Tryphon, qui secum habebat Jonathan in vinculis, videns Simonem ad pralium esse paratum, congredi non ausus, dolum rursus excoxit, quo & impetum Simonis elusit, & capti Jonathæ filios ambo obtinuit & insuper grandem pecuniam summam Judæis extorsit, mittit ergo Legatos, fingitque, Jonathan non hostili animo à se captum, sed solum ob centum talenta argenti, quæ regiis rationibus deberet, detineri: mox liberum dimissum iri, ubi accepit argentum simulque duos ejus filios obsides, ne dimissus vincula sua alias ulciseatur. benè agnovit fraudem Simon: ne tamen populo ansam daret queritandi, quasi ex avaritia neglexisset Fratri succurrere, ut ipse rerum potiretur; & quia amor in Fratrem omnia, ut servaretur, tentare suadebat, neque certus omnino erat, Tryphonem consilia tam perfida & crudelia capturum, misit petitam pecuniam & pueros, nec tamen dimisit Jonathan, sed quærebat motis sibi castris irrumpere in terram Juda, ut contereret eam. at non poterat, Simone ubique ejus vestigia premente, & castris castra opponente. Demum despe-

Et cum due-
bus filiis oe-
ciditur.
c. 13.

Sacra Veterum Temp. Histor.

L1

rato

rato ingressu occidit Jonathan & filios ejus, & conversus abiit in terram suam. ubi tyrannus non diu post Antiocho quoque adolescentem, dum cum eo iter facit, per fraudem interfecto Regnum invalit. Simon verò ossa Jonathæ & filiorum ejus condidit in civitate Modin extructo ibi magnifico sepulchro, & planxerunt cum omnis Israël planctu magno.

Simon Dux & Pontifex Judæorum.

Ab An. 3860.

Simon adhæret Demetrio, qui propterea Judæis plena concepsit libertatem.

I. c. 13.
à v. 33.

Simon è Gaza cives gentiles ejicit & Judæos immittit. I. c. 13.
à v. 43.

Simon ut Judæam contra Tryphonis tyrannidem communiret, non solum præsidia omnibus ad defensionem necessariis instruxit; sed etiam ad profugum Demetrium Regem Legatos misit eum muneribus suam ei amicitiam offerens, simûlque petens remissionem ab oneribus & tributis, quibus Tryphon Judæam de novo per vim & tyrannidem gravarat. Demetrius legationem hanc valde gratam habuit, scripsitque perhonorifice ad Simonem, se non solum remissionem onerum, quam postularet, Judæis indulgere, sed & illa omnia de novo firma rataque esse velle, quæ jam olim constituerat, c. 11. v. 34. atque ita hoc anno centesimo septuagesimo Regni Græcorum, denique ablatum est jugum gentium ab Israël; factique sunt deinceps Judæi Regum Syriæ non subditi sed amici, & planè sui juris tantâ universi populi lætitia, ut ab hoc temporis veluti epocha annos numerarent, scriberentque in privatis instrumentis & scripturis publicis: *Anno primo sub Simone Summo Sacerdote, magno Duce & Principe Judæorum.*

Inter hos motus à Tryphone excitatos Gazæi ante tres fere annos à Jonatha subacti jugum rursus excusserant. Eos ut ad officium Simon reduceret, urbi exercitum machinásque admovit, breviisque seditiosos cives adegit, ut cum uxoribus & filiis supra murum scissis tunicis suis clamarent *voce magna postulantibus à Simone dextras sibi dari*. & flexus Simon eos non quidem delevit, ejecit tamen è civitate; & postquam eam ab omnibus Idolorum sordibus emundavit, veri DEI cultores cives introduxit, in eaque sibi ipsi domum construxit, in quam se subinde conferreret.

Arcem Sionis recuperat. Quod verò longè magis optatum, tandem etiam arx Sion sese dedidit, postquam præsidiarii à tribus ferè annis esuriérunt valde

valde, & multi ex eis fame perierunt. Igitur purgatam à con-
taminationibus arcem Judæi post viginti septem annos iterum
intrârunt cum laude & ramis palmarum, & cinyris & cymba-
lis, & nabis & hymnis & canticis. Simon verò in monte
Templi arcem à Juda extructam novis munitionibus auxit atque
perfecit, ibique deinceps habitavit, Gazensi palatio Joanni filio
suo relicto, quem copiis omnibus militaribus præfecit.

Interim Demetrius è Syria pulsus per superiores suas Asie
Provincias copias & auxilia contra Tryphonem colligebat. dum
autem etiam fines Regis Parthorum inconsulto cum copiis ingre-
ditur, captus aliquot deinceps annos in custodia, quamvis ho-
norificè, detinetur; de cuius captivitate ubi uxor ejus Cleopa-
tra, quæ se Seleuciæ cum filiis suis post fugam Demetrii inclu-
serat, certum nuntium accepit, Antiochum Demetrii fratrem ex
insula Rhodo in spem Regni evocat; qui ut Judæos sibi adver-
sus æmulum Tryphonem devinciret, adhuc ex insulis maris lite-
ras honoris plenas misit ad Simonem, quibus confirmat omnes
immunitates, quas Judæi jam ante à Regibus acceperant; ad-
ditque insuper jus cudendi monetam in signum supremi dominii;
vult, Jerusalem sanctam esse & liberam, & præsidia, quæ modò
Judæi tenent, ipsis manere. ad extreum pollicetur, se, ubi ob-
tinuerit Regnum suum, glorificaturum Simonem & gentem Ju-
dæorum, & Templum gloria magna. Ita Simonis amicitia fre-
tus bellum contra Tryphonem & naves parat.

Judæi verò toto felicis sub Simone Imperii tempore jucun-
dissimâ pace fruebantur. Sedit unusquisque sub vite sua, & sub
fculnea sua, & non erat, qui eos terroreret. unusquisque colebat
terram suam cum pace: & terra Iuda dabit fructus suos: & li-
gna camporum fructum suum. Seniores in plateis sedebant, &
de bonis terra tractabant: Juvenes ornatabant se ueste pretiosa,
& triumphali, spoliis nempe hostium, ac stolis bello partis. Un-
de & Simon summa apud suos erat gratia, ut quos etiam potentes
terra marique reddidit. Nam ipse Joppensem portum jam alias
celebrem instruxit ad celebranda cum insulis maris commercia.
dilatavit fines Judææ occupatis plerisque Palæstina locis, ut Ga-
za, Azoto, Joppe, Ascalone. plurimos Judæorum, qui variis lo-
cis captivi tenebantur, vel gratia vel pretio redemit. Afflictos
opportuniis remediis & auxiliis confirmavit: facinorosos verò

Ll 2

&

Capto à Par-
this Demetrio
ab Antiocho
hujus fratre
literas acci-
pit, quibus
ille amiciti-
am Judæo-
rum querit.
I. i. c. 14.
à v. 1. ad 4.
& c. 15.
à v. 1. ad 10.

Gratus Ju-
dæorum ani-
mus in Simo-
nem.
I. i. c. 14.
à v. 4.

& publico bono noxios è medio sustulit. Jerosolymam recepti Sionis arce & Betura intus & foris à servitutis jugo liberavit, denique non tantum Princeps sed & bonus Pontifex gloriam, ornatum, splendorem Sanctuarii & Templi DEI ejusque vasto magno numero auxit. Obquæ aliisque præclarè gesta ut Simonis aliquo modo grati existerent Judæi, in conventu magno Sacerdotum & populi, & Principum gentis & Seniorum Regionis consenserunt eum esse Ducem suum & summum Sacerdotem & posteros ejus in æternum, donec surgat Prophetæ fidelis, Messias scilicet; item permiserunt ipsi ejusque familiæ Jura regia, vestitum purpureum & usum fibulae aureæ, quæ & alia in his comitiis legi curarunt, atque ad rei perpetuam memoriam tabulis æreis inscribi.

Partem felicitatis attulerunt quoque Legati Romæ ac Læcedamone interim reversi, cùm referrent se ubique gloriösè foliæ receptos; qui tamen cùm literas redderent, solæ Spartiarum ad Simonem novum Pontificem erant directæ, cùm enim de cœdc Jonathæ primum nuntium accepissent, jam in redditu & longè Romæ aberant. Quare Simon Numenium rursus in urbem remisit cum clypeo aureo magno mille mnarum, seu centum milium aureorum ad statuendam cum eis aut renovandam amicitiam jam cum fratribus Juda & Jonatha initam.

Atque is denuo Romæ cum honore exceptus retulit epistles in gratiam Judæorum scriptas ad Ptolemæum Ægypti Regem, ad Demetrium Syriæ, ad Attalum Pergami, ad Ariarathem Cappadociz, ad Arsacem Persarum & Parthorum Reges: item ad novendecim alias minores Regiones, in Cyprum, Rhodum, Cyrenem, in Cariam, Pamphyliam, Lysiam &c. Porro literæ eadem formâ, mutata solum inscriptione, ita habebant. Ptolemaeo Regi salutem. Legati Judæorum venerunt ad nos amicinostri, renovantes pristinam amicitiam & societatem, missi à Simonе Principe Sacerdotum & populo Judæorum. Attulerunt autem & clypeum aureum mnarum mille. Placuit itaque nobis scribere Regibus & Regionibus, ut non inferant illis mala, neque impugnent eos, & civitates eorum, & Regiones eorum: ut non ferant auxilium pugnantibus adversus eos. visum autem est nobis accipere ab eis clypeum. Si qui ergo pestilentes refugerunt de Regione ipsorum ad vos, tradite eos Simoni Princi pi Sacerdotum, ut vindicet in eos secundum legem suam.

In-

Romam Si-
mon Legatos
misit.
1. l. 14. à v.
24.

Redit Legatus
cum Roma-
norū literis
ad varios Re-
ges datis.
8. 15. à v. 15.

Interea Antiochus accepta conditione Regni atque conju-
gii, quam Cleopatra ipsi obtulerat, Seleuciam ad ipsam venit;
quod mox etiam omnes ferè Syriacæ legiones confluxere deserto
Tryphone, cuius superbiam amplius ferre non poterant. Itaque
Tyrannum ubique per Syriam persecutus est, donec se include-
ret in Doram urbem maritimam; quæ cùm valde munita esset,
obsedit eam cum centum viginti millibus peditum & equitum
octo millibus terra marique. unde elapsus Tryphon cùm navi in
orthosiada perfugisset, hic quoque translato exercitu obfessus ac
demum urbe vi capta imperfectus est; quod sublatō Antiochus in
Syria regnare coepit, erantque adeò duo Reges Demetrius & An-
tiochus, ambo fratres, ambo unius uxoris Cleopatræ viri, alter
cum Regni Jure in Perside captivus, alter cum Regni possessione
in Syria dominans.

Durante inter Tryphonem & Antiochum bello Simon mi-
serat Antiocho duo milia electorum virorum in auxilium cum
argento & auro variisque armis bellicis. at Antiochus latus re-
rum successibus mutatus noluit ea accipere; misitque ex castris
Legatum ad Simonem, qui Gazam, Joppen, & arcem Sionis,
veluti civitates Regni sui, repeteret, tributa, quæ extra fines col-
lecta ab ipso fuissent, exigeret; vel certè pro tributis & damnis
Regno suo illatis, mille talenta postularet, bellum minatus Si-
moni, ni imperata ficeret. respondit Simon, se & gentem suam
nihil alieni possidere aut detinere. nam arcem Sionis seu civita-
tem David esse hæreditatem Patrum suorum, quam injustè ali-
quo tempore ab iniiciis possessam rursus vindicassent: Gazam
verò & Joppen in suam redigisse potestatem jure belli, eodem
que etiam damna Regno Syriæ ad vim repellendam intulisse,
offerre se tamen centum talenta argenti, id est, 120 millia au-
reorum ad redimendam scilicet vexationem.

Hoc responsum & simul gloriam Simonis & claritatem in
auro & argento & apparatum copiosum cùm Legatus Antiocho
retulisset, iratus irâ magnâ cùm ipse præpeditus persecutione
Tryphonis expeditionem suscipere non posset, misit cum parte
exercitū Cendebæum classis suæ Præfectum jussum urbem Ge-
dor in ingressu Judææ sitam munire, ut inde per eruptiones &
excursiones militare præsidium tutò posset vastare Judæam; quod
ille diligenter executus est. nam ubi Jamniam pervenit, mox
capit,

Antiochus
Tryphonem
persegitur
ac demum
interficit.
c. 15. à v. 10.
ad 15. & v. 25.
37. & 39.

Simon Anti-
ocho arcem
Sion, Gazam
& Joppen re-
perenti ne-
gat.
c. 15. à v. 26.
ad 36.

Antiochus
contra Simo-
nem copias
mittit.
c. 15. à v. 38.

cæpit, dum Gedon munitur, excursionibus vicinos irritare, cædibusque ac rapinis infestam habere Judæam.

Quod visio Ioannes Gazæ, ubi habitabat, Jerosolymam ac-

Simonis filii
exercitum
Antiochi
fugant.
z. Mach. c. ult.

currit ad Patrem, & quæ gererentur à Cendebæo, Simonis refert. Simon, cum ipse jam senuisset, continuò mittit Ioannem & alterum filium Iudam (natu minore Mathatia secum retento) cum viginti millibus belligatorum & equitibus animans eos his verbis: *egressi pugnate pro gente nostra: auxilium vero de Calvo vobiscum sit.* Itaque contra hostes profecti pernoctarunt in Modin, oppido ipsorum natali. Manè egressi in campum pervenerunt ad torrentem, ultra quem Syri stabant. cœteris transire formidantibus Ioannes prior vadum ingressus est sequente Ducem omni populo, quem ita divisit, ut equites in medio peditum positi eos protegerent, & vicissim protegerentur ab ipsis contra ingentem hostium equitatum. Disposito milite Sacerdotes exclamaverunt tubis sacris, & in fugam conversus est Cendebæus & castra ejus, & ceciderunt ex eis multi vulnerati. Iudas Frater Ioannis fugientium tergo ob acceptum vulnus hærere non potuit. Ioannes autem eos persecutus ad duo hominum millia cœcidit. & succensis turribus & locis munitis in agro Azorio in terram Juda reversus est in pace.

Simon cum
duobus filiis
proditoriè
occiditur.
z. Mach. c. ult.
z. v. 11.

Sed non diu post præclaram victoriam excepit injüstissima cædes Optimi Principis Simonis. Hic Ptolemæo filiam suam uxorem dederat, & Provinciae Jerichuntinæ præfecerat. Gener ingratus cum auro & argento abundaret, stimulante ambitione proprio nomine Regionem obtinere cupiens cogitabat dolum adversus Simonem, & filios ejus, ut tolleret eos, consciō sine dubio consilii Antiochæ, qui in præmium sceleris eam dignitatem Proditori patriæ & Religionis daturus erat, dum patrandi facinoris occasionem quærit, contigit Simonem Iufrantem Judæ Regiones descendere in Jericho cum duobus filiis Juda & Mathathia. Ptolemæus in domo præsidaria parat hospitibus convivium magnum. at ubi jam liberalius potarunt, surgit repente Ptolemæus, atque armatus cum Sicariis, quos absconderat, irruit, ac Socerum senem eundemque Pontificem cum duobus filiis & aliquot famulis interfecit; statimque de patrato scelere Antiochum certiorem facit, petens ab eo exercitum, ut ei Regionem omnem Judæorum cum civitatibus in manus traderet, simul

simul misit sicarios in Gazam, ut tertium quoque filium Ioannem tollerent; qui autem in tempore monitus eos antevertit ipsosque occidit.

Atque h̄ic cum vita Simonis sacra veteris Testamenti Historia omnino desinit; nam gesta, bella, & virtutes Joannis, ex quo factus est Princeps Sacerdotum post Patrem suum, scripta quidem fuerunt in libro dierum Sacerdotii ejus, sed liber ille interiit, quare deinceps unicus in Historia Judaica Dux erit Iosephus Judæus à lib. 13, antiquitatum c. 14. & sequentibus. quam antequām prosequamur, de Judæorum hæresibus ac Synagogis pauca referemus.

Finis sacrae
veteris Testa-
menti Histo-
riæ.
c. ult. v. 23.
& 24.

De Judæorum Hæresibus.

Joannis ferè tempore ortæ sunt inter Judæos duæ præcipuæ hæreses sive sectæ Saducæorum & Phariseorum; quibus accesserunt duæ aliae Scribarum & Herodianorum tunc, cùm Christus suam doctrinam prædicaret, maximè vigentes.

De Secta Sadducæorum.

Sadducæi à Sadoc sectæ Principe appellati dicebant non esse resurrectionem mortuorum; neque Angelum neque spiritum. sed & animas unâ cum corporibus simul & eodem tempore extingui putabant. In reliquis sentiebant cum Samaritis; nisi quod, Judæi cùm essent, Jerosolymis Sacrificia ficerent. Huic sectæ adhærebant non quidem multi, sed tamen dignitate præcipui, ut Principes Sacerdotum & ferè Optimates Judæorum, libertatem carnis præ aliis sentantes.

De Secta Phariseorum.

Pharisei ab Hebraica voce Phares latinè Separatio ita nominati, eò quod ab aliis separati essent doctrina, sanctitate, habitu, omnia, quæ Sadducæi negabant, admisere; multas tamen inaneas cæremonias, superfluos ritus ac superstitiones traditiones obser-

observârunt, eorumque doctrina præcipue in componenda ext-
riori pietatis specie versabatur. Hos populus magnificiebat &
festabatur.

De Secta Scribarum.

Scribæ sive Legis periti & Doctores, quorum multi erant Pharisæi, superfluam & sophisticam interpretationem legis inducentes secundum eam vivebant, & veluti ad sinceritatem ac sanctitatem dispositi crebro manus lavabant, crebroque purificationes quasdam per lavacra adhibebant. Hi quoque erant, qui, dum ficerent eleemosynam, caneabant tubâ ante se specie quidem, ne quis egenus beneficium excuderet, reverâ autem, ut multos haberent benificantiæ suæ spectatores.

De Secta Herodianorum.

Herodiani putabant Herodem esse Messiam, in scripturis & prophetis prænuntiatum, decepti ex illo loco: non deficit Princeps ex Iuda neque Dux de femoribus ipsius, donec veniat, qui mittendus est. hinc colligebant hunc missum esse Herodem, quod non esset Judæus natus sed alienigena.

Harum quatuor Sectarum Discipuli Christo Evangelium prædicanti præcipue se opposierunt, ipsiisque tentandi causa variis hinc inde interrogationibus fatigârunt. quos autem Ipse quoque acriter insectatus est, & hypocrisim aut falsam doctrinam eorum detexit. sic *Matt. 22. v. 23.* Accesserunt ad eum Sadducei, qui dicunt non esse resurrectionem. *Matt. 16. v. 6.* Cavete à fermento Phariseorum & Sadducæorum. *Matt. 23. à v. 2.* Super Cathedram Moysi sederunt Scribæ & Pharisæi, id est, teneant locum Moysis & jus, habentque autoritatem docendi, explicandi legem: dicunt, & non faciunt: omnia sua opera faciunt, ut videantur ab hominibus. *Lucæ 20. v. 46.* Attendite à Scribis, qui volunt ambulare in stolis, & amant salutationes in foro, & primas Cathedras in Synagogis, & primos discubitus in conviviis. *Marci 8. v. 15.* Cavete à fermento Herodis, ab absurda scilicet secta Herodianorum Herodem pro vero Messia obtru-

den-

dentium, Romanis in pensitatione tributi blandientium, & nil nisi terrena ambientium. *Marsi 12. v. 23.* Mittunt ad eos quosdam ex Phariseis & Herodianis, ut eum caperent in verbo dicentes: Licet tributa dare Cæsari, an non?

De Synagogis Iudeorum.

Præter Templum Jerosolymitanum præcipuum orationis & legis explicande locum habebant Iudei ædes sive Synagogas, in quibus ad orationem publicam ad divinæ legis explanationem, & sacram concionem, maximè in Sabbathis conveniebatur. Origo earum non videtur esse vetusta; neque enim in Historia Iudicium aut Regum ulla Synagogarum memoria celebratur, fortassis in Babylonico exilio primùm construi coeperunt, ut Iudei, cùm Templo carerent, in quo aut orarent, aut docearent, locum aliquem similem Templo haberent, in quem ejusmodi officii gratiæ convenienter; usum vero Synagogarum semel institutum, cùm è captivitate rediissent, retinuerunt, non tantum extra Iudeam in Provinciis, in quibus Iudei dispersi versabantur, sed etiam in ipsis Iudeæ civitatibus, è quibus Jerosolymam adire non erat cominodum. Tempore Christi Domini complures Synagogas fuisse in Iudea & Galilæa, discimus ex *Matt. 4. v. 23.* Circuibat Iesus totam Galilæam docens in Synagogis eorum. *Luc 13. v. 10.* Erat Iesus docens in Synagogis Iudeorum Sabbathis, *Ioan. 18. v. 20.* Ego semper docui in Synagoga & in Templo, quò omnes Iudei conveniunt. Fuisse jam antea Synagogas, ac etiam extra Iudeam, Acta Apostolorum habent c. 15. Moyles à temporibus antiquis habet in singulis civitatibus, qui eum prædicens in Synagogis, ubi per omne Sabbathum legitur c. 9. Paulus petiit à Pontifice epistolas in Damascum ad Synagogas. c. 13. Paulus & Barnabas cùm venissent Salaminem, prædicabant Verbum DEI in Synagogis Iudeorum. c. 17. venerunt Thessaloniam, ubi erat Synagoga Iudeorum. c. 18. Paulus disputavit Corinthi in Synagoga per omne Sabbathum. c. 19. Ephesi ingressus Synagogam cum fiducia locutus est per tres menses disputans.

Sacra Veterum Temp. Histor.

Mm

Por-

Porro sicut in Templo Sacerdotes & Pontifex Principatum gerebant, sic in Synagogis Scribæ; & horum Princeps Archisynagogus dicebatur: Magni quoque probri loco Judæi habebant, si quis è Synagoga exclusus esset. unde est apud Joannem c. 9. conspiraverunt Judæi, ut si quis confiteretur eum esse Christum extra Synagogam fieret. & 12. Ex Principibus multi crediderunt in eum, sed propter Phariseos non confitebantur, ut è Synagoga non ejicerentur. Hæc de Sectis & Synagogis Judæorum

Ab A. 3863.

Joannes Hircanus, Dux & Pontifex.

*Jerusalem obsesta libe-
ratur.
Jos. I. 13.
ant. c. 15.*

*Hircanus An-
tiochum in
Persidem co-
mitatur.
c. 16.*

Joannes, licet ipse cædem evasisset, non dubitavit tamen, Antiochum brevi cum exercitu ad muros Jerusalem adfuturum, ut ex perfidi Ptolemæi consilio sibi Judæam subjugaret. Ergo Gazæ advolat, susceptoque principatu omnia ad strenuam defensionem parat. Venit Antiochus, eoque vehementius obsidionem urbit, ut urbe subacta majoris momenti expeditionem contra Parthos, apud quos frater ipsius Demetrius adhuc captivus detinebatur, susciperet. Verum contra spem secuta paulo post pax & urhem servavit, & Parthicum iter promovit. Inciderat Festum Tabernaculorum, quod cum inter arma celebrari non posset, Pontifex à Rege periit, sacri temporis gratiâ septem dierum inducias concederet. Rex eas non tantum concessit, sed & magnificas victimas deauratis earum cornibus è castris in urbem misit; pocula quoque tam aurea, quam argentea varii generis aromatibus referta. Quæ pietas paci aditum aperuit. Eam enim Joannes per Legatos petiit, ac impetravit conditionibus sat æquis, inter quas una erat, ut contra Parthos auxilia mitteret.

Facta igitur pace Antiochus exercitum duxit in Persidem, & Hircaniam; eumque cum auxiliaribus Judæorum suorum copiis Joannes ipse secutus est, ob quam expeditionem Hircani cognomentum accepit. Intra unius anni spatium Phraatis Parthorum Regis vires secundis aliquot præliis ita fractæ sunt, ut occupata Babylonia Parthis præter antiquos fines suos ferè nihil superesset. Quo in bello Judæorum non solum fortitudo eminuit, sed & Religio venerationi fuit, cum, ut ipsi Sabbathi diem in sancto otio celebrarent, totus reliquus Antiochi exercitus qui-

quiesceret. Phraates undique pressus ut Antiochum ad sua tenuenda à Parthia revocaret, Demetrium ex Hircania liberum in Syriam ad recuperandum Regnum suum dimisit. Cujus autem consilii mox ipsum, sed serd penituit, Antiocho hoste interim morte sublato, & in Naneæ Deæ templo, dum Sacerdotum fraude illectus pecuniis inhiat, lapidibus obruto. 2 Mach. c. 1.

Hircanus, qui jam ante cum suis in Judæam redierat, audita nece Antiochi, tempore utendum ratus, varia Syriæ oppida expugnat, Sichimam Samaritanis eripit, templumque Garizitum funditus evertit. Cujus tamen ruina Samaritanos haud absterruit, quò minus pergerent, eo in monte adorare. Altero post anno Idumæos quoque non modò subegit, verum etiam ad legem Moysis, & circumcisionem veluti Elau & Abrahæ filios compulit, nisi mallent solum mutare; qui eam amore patriæ etiam receperunt imposterum viventes juxta ritus Judaicos.

Demetrius vero Regno ac Cleopatræ pristinæ uxori suæ redditus cum populum humaniter tractare debuisse, asperitate morum ita se omnibus exosum reddidit, ut quarto post redditum anno Syri ab eo deficerent, missaque ad Ptolemaeum Aegypti Regem Legatione ab eo Regem postularent. Is è Cypro, ubi tunc morabatur, Alexandrum Zebinam ad eos mittit: à quo Demetrios commisso prælio vixit dum in Ptolemaidem ad Cleopatram fugit, ab uxore exclusus, ejusque postea autoritate interfectus est. Itaque Zebina Syriæ sceptrum ad se rapuit, sed brevi iterum cum vita amisit. Cleopatra ex duobus fratribus maritis suis generat tres filios, ex Demetrio Seleucum & Antiochum Grypum; ex Antiocho in Perside cæso Antiochum Cyzicenum dictum. Seleucum natu majorem, quod post Patrem injussu suo regnare vellet, necavit; quo sublato Grypum Athenis, ubi tunc erat contra tyrannum Zebinam advocat in spem Regni paterni, sic ut ipse Regis nomen haberet, ipsa regnaret. Qui dt primùm armatus cum copiis Syriam intravit, milites à Zebina deficere coepérunt. Igitur prælio decernitur, vixus que Alexander, atque è fuga retractus à Grypo interficitur. Dum ita mutuis præliis, cædis, direptionibꝫque fætæ Reges Syriæ conficiunt, res Judæorum magnis auctæ fuerunt incrementis, cùm Joannes totius Iudææ proventibus securè frueretur. De quo rerum suarum felici statu Iudei Ierosolymitani nomine

Mm 2

Hircanus
templum Sa-
mariaæ ever-
tit & Idumæ-
os ad Legem
Moysis com-
pellit.
c. 17. & 14.

Jerosolymi-
tani scribunt
Judæis Agy-
ptiis.
2 Mach. c. 1.
& 2.

Antiochus
VII. Grypus
dictus.

cæterorum Iudæos, qui erant in Ægypto certiores faciendo esse putavere per prolixam epistolam, quam hoc tempore ad eos scriperunt: hortantes inter alia, ut & ipsi veluti fratres celebrent annua festa ignis, tempore Nehemias divinitus dati, purificatio-
nis Templi, scenopegiae, & instauratiois divini cultus, quæ Iuda Machabæo facta fuerat ante annos quadraginta mense Cas-
leu: idque faciant secum in gratiarum actionem, quod divinitus à magnis periculis & calamitatibus liberati fuerint, tum tempore Iuda & fratrum ejus, tum nuper tempore Hircani Antiocho in Perside extincto in fano Naneæ. Demum his verbis claudunt epistolam: *Speramus, quod citò nostri (DEUS) miserebitur, & congregabit te sub cælo in locum sanctum, sublato scilicet tem-
plo Heliopolitano, in Ierosolymitanum, solum juxta legem re-
tentum.*

Hircanus ca-
ptam Samari-
am solo
æquat.
Jos. 1, 13. 6.
13.

Grypus recuperato Regino paterno externisque insidiis li-
beratus appetitur domesticis. Cleopatra Mater dominandi cu-
piditate furens post necatum Patrem Demetrium, & Fratrem Seleucum etiam ipsi mortem machinatur, ac forte ab exercitatio-
ne quadam venienti, atque astuanti specie humanitatis poculum
veneni porrigit. At Grypus præcitis jam antè insidiis veluti
pietate cum Matre certaret, bibere ipsam coëgit, atque sic pessi-
mam foeminam demum è mundo expulit. Abhinc octo annis
pacifice regnavit; neque tamen ausus est quidpiam mouere con-
tra Judæos Syriæ tot gravibus bellis magis attritæ, quam ut Ju-
dææ pacem turbare posset. Sed nec ab Ægypto quidquam Ju-
dææ timendum erat, ubi defuncto Ptolemæo septimo successit
Ptolemæus octavus natu major ipsius filius Lathurus dictus; qui
ipse in Regno suo haud satis tutus erat, quod Mater ejus Cleo-
patra natu minorem filium Alexandrum regnare maluisset. Cy-
zicus Grypo fratri pacatum Regnum deinceps quoque reli-
eturus esse videbatur. At nunc collectis Cyzici copijs etiam
ipse fratri bellum intulit. Primo quidem vicit Grypus, sed de-
mum à Cyziceno vicitus est. Exin fratres alternante fortuna cer-
tantes plures annos simul, quamvis inviti regnârunt. Fratribus
autem mutuo se bello atterentibus Judæi sub Hircano magna pa-
ce opibüsque fruebantur. Ac Joannes utroque contempto ex-
ercitum duxit ad Samariam vi occupandam infensus ei propter
injurias colonis Judæorum & sociis illatas. Cùmque urbem
fossâ,

foſſa, duplice muro per stadia octoginta cinxiffet, obſidionis
præfecit filios Antigonus & Aristobulum; qui ad eam famis
necessitatem obſeffos redigerunt, ut cibos homini insuetos uſur-
parent, ac demum Cyziceni Victoris opem implorarent. Quo
autem ab Hircani filiis profligato Samaria post integri anni ob-
ſidionem capta, ſolōque æquata eſt.

Interea uti in Syria inter fratres, ita in Ægypto inter Ma- *Hircanus*
trem & filium turbatæ res erant, Cleopatræ Lathorum Regem *moritur.*
perpetuis odiis laceſſente, ut denique Ægypto pulsus in Iſulam *Jof. 1.13.c.*
Cyprum Regibus Ægypti haſtenus ſubjeſtam, ſele recipere co- *18.*
geretur, ſeptimque fratri Alexandro ad votum Matris relin- *& 1.1.de bel.*
quere, Judæis, qui in Ægypto erant, Cleopatræ tyrañidi fa- *lo.*
ventibus. Jeroſolymis verò Joannes Hircanus post gemitum tri-
gista & unum annos Pontificatum vivendi fine fecit. Primis
quidem annis Pharisaïſ favit, ſed quodd extraordinarias in Re-
publica eorum opes ferre non poſſet, ad Sadducæorum ſectam
translit; ac leges Pharisaorum (novæ traditiones erant præter
antiquas Mosaicas) ſuſtulit magnò ob id in ſuam familiam con-
fato Pharisaorum odio.

Aristobulus, Rex & Pontifex Judæorum. Ab A. 389.

Reliquit Hircanus quinque filios, è quibus Aristobulus natu-
maximus ipſi ſuccellit; qui volens Principatum, ut ſcribit
Iofephus, in Regnum vtere, primus post Sedeciam in captivita-
tem Babylonicam abductum diadema ſibi imposuit, Rēque appellari voluit. Antigonus fratrem amavit, & in ſocietatem domi-
nationis admiſſum futurum aliquando ſuccellorem designavit.
Tres verò reliquos fratres in vinculis habuit. Ipfam quoque
Matrem, quodd illam Hircanus rerum Dominam reliquiffet, in
carcerem coniecit, ac demum fame necavit.

Brevi tempore, quo regnavit, magnis, ut idem Josephus
ait, patriam auxit beneficiis, magnamque partem Ituræ, cui
bellum intulit, Iudææ adjecit; majora ſine dūbio facturus, ſi mi-
nus uxori ſuæ Salome credidiffet. hujus enim calumniis & arti-
bus inductus eſt, ut post Matrem etiam Antigonus fratrem tan-
quam Regni æmulum interfici jufferit. Mox quidem ſraternæ cæ- *Necat & An-*
tigonum fra-
trem & mo-
ritur.
c. 19.

Mm 3 dis

276 Alexander Jannæus, Rex & Pontifex Judeorum.

dis pœnitentiâ ductus est, at simul ægritudine, qua decumbebat,
ita vexari cœpit, ut eodem anno & loco, quo fratris sanguinem
effuderat, animam cum sanguine vomeret.

Alexander Jannæus, Rex & Pontifex
Judeorum.

Ab An. 390.

Jannæus Pro-
lemaidem
obfider & re-
sedit.

s. 20.

Post Aristobulum regnavit Alexander Jannæus tertius Hircani filius, & Salomen, quæ eriam Alexandra dicebatur, fratri defuncti uxorem duxit. Duos fratres vinculis quidem exemis; brevi tamen ex iis unum sibi insidianem peremis. Alterum vitâ privatâ contentum in honore habuit. Rebus domi constitutis altero Regni anno Ptolemaidem obfiderit, volens sibi subjicere totam illam oram maritimam, dum Grypus & Cyzicenus in Regno Syriae pergerent se se cladibus consumere. At oppidanis Ptolemaeo Lathuro tum in Cypro regnante auxilium petiere; qui eum magna spe rei in Syria etiam pro se bene gerendæ Cypro insula solvens, triginta millia militum adduxit: Et licet cum cives mutato consilio excluderent, milite tamen alibi expo-
sito, ac Ptolemaidem adducto, Jannæum obsidionem solvere coegerit.

Magnâ elade
afficitur.

s. 20.

Jannæus istud ægrè ferens inita specie tenus cum Lathuro amicitiâ, clâm per Legatos Cleopatram, quam sciebat plusquam hostili in filium esse animo, evocat ad eum junctis viribus op-
primendum; quod ubi Lathurus comperit, contra Jannæum exercitum duxit, ejus perfidiam ante Matris suæ adventum ultarus. Diu anceps fuit prælum, demum inclinante ad Lathurum victoria cæsa sunt tum in acie, tum in fuga triginta Judeorum millia præter eos, qui capti, addictisque sunt servituti. Rediens vîctor Ptolemaidem, quod nuper ipsi portas clausisset, expugna-
vit, ac simul Gaza urbe potitus est.

Gazam vs-
stat.
s. 21.

Cleopatra accepto hoc nuntio ob crescentem filii potentiam Ægypto timens, navales, pedestresque copias excivit, ac duobus Ægyptiis Judæis Ducibus cum Alexandro filio Phœnicem appulsa Lathurum è tota Syria rursus in Cyprum fugavit. Quo expulso brevi Ptolemaidem recepit, initoque ibi cum Jan-
næo, qui cum muneribus ad eam venerat, foedere in Ægyptum reversa est. Jannæus metu Lathuri liberatus cum suis Cœle-
syri.

syriam ingreditur, ibique Gradatam post decem mensium obsi-
dionem, & Amathunta cepit, amissis prius decem suorum milli-
bus. sequenti verò anno Gazam, quod Lathurum contra se in
auxilium accivisset, obsedit; & proditione occupatam, permis-
sa prius militi prædandi cædendique licentiâ vastari ac dirui
jussit.

Interea Antiocho Grypo interfecit Seleucus ejus filius na-
tu major successit. Vix autem Principatum adiit, patruo An-
tiocho Cyziceno bellum intulit, præliisque captum neci tradi-
dit. At Patris mortem Antiochus pius dictus egregiè ultus
est, nam Seleucum uno prælio victum tota Syria expulit in Ci-
liciam; ubi cum tributa vehementius urgeret, Mopsuestiaz à ci-
vibus una cum regia injectis ignibus concrematus est. Tenta-
vit quidem Antiochus Seleuci frater, & alter Grypi filius perdi-
ta reparare, sed & ipse vitam simul amisit & exercitum. Post
duos Grypi filios supererant adhuc duo Philippus & Demetrius.
Philippus maluit aliqua Syria parte contentus esse, quam cum
Antiocho pio prælio decernere, fratri exemplum fecutus De-
metrius etiam ipse partem circa Damascum retinuit; ut adeò
nunc tres essent Syria Reges Antiochus pius, Philippus & De-
metrius. Sed paulò post cùm Antiochus bello contra Parthos
gesto fortiter pugnans cecidisset, penes duos fratres totum Sy-
ria Regnum permanxit. Jerosolymæ verò contra Jannæum orta
seditio est; in qua quibusdam injuriis populariter appetitus con-
sumeliam sex millium cæde ultus est; cùm tamen pauci admo-
dum essent in culpa; ob quam crudelitatem cùm insidiis domi
peteretur, veritus, ne tumultus cresceret, expeditionem foras in
Arabiā, ac vicinam Moabitidem & Galaaditidem suscepit. Ve-
rum cum Arabum Rege congressus, atque in insidias deductus
totum ferè amisit exercitum camelis obtritum ipse ægrè clapsus
Jerosolymam fugi pervenit.

In Ægypto eum Cleopatra filio suo occultis insidiis exiti-
um machinaretur, ab eo intersecta est; quod ubi civibus in-
notuit, Alexandriâ pulsus, ac ipse quoque Navargi manu ceci-
dit. Ptolemæus verò Lathurus per vim Matris suæ ac tyranni-
dem hactenus exul in Regnum suum ē Cypro revocatur. In Ju-
dæa ob acceptam nuper ab Arabibus cladem civiles tumultus
magis in dies augebantur, adeò ut populus Pharisæis, quos Jan-
naeus

Cum Arabe
infeliciter
configit.
c. 21.

Bellum habet
cum Phari-
seis.
c. 28.

næus persequebatur, authoribus seditionis bellum moveret in Pontificem, missisque ad Demetrium Legatis auxilia peteret, cùmque in Judæam exciret. Judæam intranti se rebelles jungunt; quibus cùm Jannæus cum fex mercenariorum, & virginis factionis Judæorum milibus occurrisset, dimicatum est, & victoria penes Demetrium stetit. Qui tamen, quod fratrem Philippum metueret, ea non est usus, sed Judæa rursom excelsit. Pharisæi auxilio Demetrii destituti bellum contra Alexandrum propriis viribus prosequuntur; à quo tamen semper vici multos è suo numero amittebant. Demum ut Jannæus civili bello finem imponeret, eorum potentissimos, quos cœperat, numero octingentos, epulans cum concubinis, atque excelsiore loco prospectans immani facinore jussit crucibus suffigi, & in conspectu adhuc viventium uxores eorum & liberos jugulari; Ob quod deinceps non Pontifex sed Popa Judæorum audit.

Demetrius interim fratrem suum oppugnans Arabum ac Parthorum supervenientibus auxiliis captus, ac non diu post in captivitate morbo consumptus est. Itaque Philippus solus Syriæ Rex esse cœpit. Non autem diu Regno frui lieuit, nam brevi post & ipse fatis concessit, similque cum ipso Seleucidum genus, unâ cum Regno Græcorum in Syria extinctum est. Deinceps Tigranes Rex Armeniæ majorem Syriæ partem, Atetas Arabs Cœleſyriam cum Damasco tenuerunt; donec victoriis Pompeji Magni omnia in Romanorum potestatem cesserunt. Apud Judæos res hoc tempore domi erant pacatores, foris autem Iannæo Duce, homine armis magis & castris assueto quam facris, pugnarunt contra Arabes, Phœnices, Syros, Idumæos, multaque oppida, ac munita castella Iudæa circumposita suis nibus adjecere. Quibus triennio gestis Iannæus copias reduxit Ierosolymam; ubi ita receptus est, ut res illæ prosperè gestæ omnia in eum populi sui odia restinxisse viderentur.

Post tres autem ferè annos vivendi finem fecit. Nam ex temulentia morbo contracto, & triennio integro quartanâ laborans, nec tamen abstinentis à castris officiis tandem exhaustis viribus fato concessit in Gerasenorum finibus obſidens Rāgaba castellum ultra Iordanem situm. Morti vicino cùm Alexandra Regina assistens suam, suorumque liberorum orbitatem lamentaretur sciens populum Iannæo, ejusque familiæ infensum,

Contra vici-
mos feliciter
pugnat.
e. 23.

Jannæus
moritur,
e. 23.

uxorem consolans hortatus est, ut capto castro morte sua tantisper celata Pharisaeos sibi majori indulgentia demeretur, sic ipsam populo, qui illis plurimum tribueret, sine dubio acceptam fore, simul uxori potestatem dedit, quem ex filiis vellet, constitueri Pontificem, ipsa vero Regnum administraret.

Hircanus II. Pontifex Judæorum.

Alexandra capto Castello victi Mariti monita accurate observavit, omniāque arbitrio
Phariseorum fecit; qui ad plebem progressi Reginam populo
quoque charam reddidere. Ex filiis Hircano natu majori filio
Pontificatum permisit: Aristobulum antem natu minorem fecit
militia Principem. Atque ita dum Alexandra nomen Reginæ
haber, Regni autem administratio penes Pharisæos est, horum
instituta, quæ à Joanne Hircano antiquata fuerant, non solum
denuo sunt sancta, sed & dissimulante Regina à Pharisæis mul-
te cædes sunt perpetratae eorum, qui Jannæi, dum viveret, amici
fuerant; adeò ut potentiores cum Aristobulo apud Reginam
conquererentur, ab eaque impetrarent, ut per castella Judææ
distribuerentur, in quibus à Phariseorum insidiis vitam suam
tuerentur.

Interim in Ægypto post mortuum Ptolemæum Lathurum regnavit Ptolemæus Auletes Paren's Ptolemæi Dionysii & Cleopatra, in quibus postea stirps Lagidarum defecit. In Judæa pergebat Pharisæi Alexandræ indulgentiâ abuti, suæ factionis exultibus redditum, vinctis libertatem procurare, in Jannæi verò amicos favire, ac in eos maximè, qui eidem authores fuerant, sumendi de octingentis simul viris supplicii. Ita Jerosolymis ac tota Judæa dominabantur Pharisæi in nonum usque Regni Alexandræ annum, donec in lethalem morbum incidit septuaginta trium annorum anus. Tum verò Aristobulus Regiminis materni jam dudum pertusus, fratrem verò Regno parum idoneum esse ratus, Regnum occupare aggressus est, & intra quindecim fermè dies duo & viginti castella occupavit. Quod ubi relatum est decubenti Alexandræ, voluit quidem moriens Hirananum cum Pharisæis Regni administrationem suscipere, eā tamen defunctā Aristobulus fratri aperte bellum intulit. Ventum

Ab An. 3927.
Pharisei in
Judea domi-
nantur.
c. 24.

Aristobulus
Hireanum
fratrem vinci-
vit & regnat.
Ios. l. 14. c. 1.

est ad prælium; quo ad Jerichuntem commisso vicitus Hirca-nus Jerosolymam fugit in arcem Templo vicinam. In qua quod victor nollet amplius fratrem persequi, actum est de conditionibus pacis, initumque est inter utrumque fœdus, ut Hirca-nus Pontificatu, & suis facultatibus contentus esset, Regnum Aristobulo cederet. Hoc fœdere in ipso Templo sancito post mutuo complexus Aristobulus in regias, Hirca-nus in Aristobuli ad digressi sunt.

Ab A. 3928.

Aristobulus, Rex Judæorum.

Frates co-
ram Pompe-
jo causam su-
am discep-
tant.
c. 5. & 8.

Pompejus ca-
ptā urbe Ju-
dæos Roma-
no Imperio
subjicit.
c. 8.

Aristobulo in tertium annum regnante Pompejus ob res in Africa gestas dictus Magnus post bellum Piraticum feliciter confeatum Romanorum signa victoria per Asiam usque ad mare Caspium circumferens, debellato Mithridate, & Tigrane tota Syria decidere iusto Damascum venit, Syriamque in Provincia Romanæ formam rededit. Ubi constituit, eum Damasci appulisse, præstò fuisse Legati ex universa Syria, Ægypto & Judæa cum muneribus. Aristobulus ad eum misit vitam auream quingen-torum talentorum. Hirca-nus tunc erat in Arabia apud Regem, ad quem ante duos ferè annos confugerat. fugam hanc ei persuasit Antipater, qui tune erat Jerosolymis genere Idumæus, for-tunâ potens, naturâ factiosus & industrius, Hirca-no amicus. Idem Aretæ lusit, ut Hirca-num Regno, quo per injuriam deje-ctus esset, restitueret. Quod quidem ille tentavit, victumque acie Aristobulum in Templo obsedit; at metu Romanorum re-infecta redire cum Hirca-no & Antipatro in Arabiam compulsus est. Nunc Hirca-nus causam suam coram Pompejo aucturus Da-mascum proficiuntur; quo etiam venit Aristobulus. Hirca-nus querebatur, se à fratre per vim Regno spoliatum. Alter con-tra, Hirca-num Regno excidisse propter ignaviam, se verb id a-sumpisse, ne ad alios transferretur.

Pompejus auditis partibus, & improbata Aristobuli violen-tia, fratrem utrumque apud se manere jubet, donec urgentius negotium expediisset. Verum Aristobulus clām fugit in Ju-dæam, ut vim & arma pararet, veritus, ne leeptrum Hirca-no red-dere cogeretur. Qua re offensus Pompejus hortantibus Hir-

cano

eano atque Antipatro Ierosolymam cum exercitu petit. Ap-
propinquanti obviam venit Aristobulus facti p̄sonitens, & pacem
promittens, pecuniamque. Sed quod hanc cives conferre nol-
lent, injectis Aristobulo vinculis urbem expugnare parat. Ci-
ves inter se dissidebant. Qui partes Aristobuli sequebantur, no-
lebant Pompejum urbē recipi, séque in Templum maturè reci-
pientes ad ferendam obsidionem omnia parant. Cœteri exer-
citu intromisso urbem & regiam Pompejo tradiderunt. Is itaque
Templum excitato aggere, & admotis machinis verberat, ter-
tioque mense quodam Sabbathi die capit, cæsis circa Templum
duodecim ferè Judæorum millibus. Vicit ingressus quidem est
Templum cum primis Ducibus, ipsumque oraculum perlustra-
vit, nihil tamen præ pietate, ut ait Josephus, attigit, sed hic quo-
que sui similis fuit, & nihil commisit indignum cœteris virtuti-
bus. Quod etiam confirmat Cicero tum Romæ Consul scribens:
Pompejum captis Ierosolymis victorem ex illo fano nihil atti-
gisse, ne in tam superstitione & malefica civitate locum sermoni
obtrectatorum relinquere. Altero die Hircanus Pontificatus
dignitatem reddidit: dirutis Ierosolymæ muris Iudæam antiquis
fiulis contentam ac populo Romano deinceps stipendiariam
esse jussit: urbes à Iudæis jure belli captas liberas esse, & Syriæ
tantum Præsidi parere voluit. — His aliisque dispositis Scauro
Questori suo Syriam regendam reliquit. Ipse verò in Ciliciam
profectus est habens secum vincitum Aristobulum cum duobus
filiiis Alexandro, & Antigono, ducturus eum postea Romæ in
triumpho. Atque ita Iudæi libertatem, quam Simone Pontifice
obtinuerant, Romanorum nunc Imperio subiecti rursus amife-
runt dissensione duorum fratrum.

Hircanus II. Dux & Pontifex Judæorum.

Ab A. 392.

Hircanus sedi suæ restitus nihil antiquius habuit, quām ut
Romanis adhæreret eorumque in Syria Præsides variis of-
ficiis eoleret. Itaque cū Scaurus veluti à Pompejo iusflus fue-
rat contra Arabes exercitum duxisset, & Hircanus militem Ro-
manum annonā laborare intelligeret, mōx per Antipatrum ex Ju-
daea & alia necessaria præberi jussit. Et verò necesse fuit ad se
stabilendū Romanos habere protectores. Alexander natu ma-

Hircanus Ale-
xandrum Ari-
stobuli filium
ope Romana-
rum vincit.
c. 10.

Na 2

jor

jur Aristobuli filius in itinere Rotram è vinculis elapsus in Judæam redierat. & primò quidem occultis tantum artibus res novas moliri cœpit; deinde verò Judæam incursionibus cum duodecim armatorum millibus vexare, Castella occupare, atque munire, denique Hircano graviter imminere, adeò ut is veritus obsidionem murum à Pompejo disjectum reparare moliretur. At Gabinius post Scaurum Syriae Præfactus cum copiis tum Romanis, tum Judaicis, quas Antipater ab Hircano missus adduxerat, Alexandro occurrit, confertoque prope Jerosolymam prælio tria millia hostium cœdit, nec pauciores cepit. Alexander fugiens Alexandriam se recepit, præcipuum suum & rebellium Judæorum castrum, & receptaculum; quod cum longa obdizione premeret Gabinius, oppugnatione fessus Alexander veniam petiit, & interventu matris suæ etiam à Gabinio impetravit, redditis tamen omnibus castris, quæ ante occupaverat. His peractis Gabinius Judæam ordinavit, eamque in quinque iuridicos Conventus distribuit, assignatis urbibus Jerosolyma, Gadaris, Amathunte, Jerichunte, & Sephori, unde jura Judæi pertinenter. Itaque dum Judæi libertatem quærunt, servitutis suæ vincula arctius adstrinxerunt.

Verùm altero pòst anno ipse Aristobulus cum Antigono Vincitur ipse altero filio Româ profugus adest, & castrum Alexandrinum præterito anno dirutum denuo munire conatur, ac Judæam perturbare cum octo Judæorum millibus, qui Romanis infesti ad ipsum confluxerant. Sed & isti à Romanis jussu Gabinii citè dissipati sunt, occisis circiter quinque eorum millibus. Aristobulus cum paucis fugit in aliud castrum. Cum verò non ultra biduum sustinere posset oppugnationem, multis acceptis vulneribus captivus cum Antigono ad Gabinium adductus, atque Romam renfusus est, diligentius deinceps asservandus.

Post patrem Alexander novas rursum turbas ciet. Gabinius cum copiis in Ægyptum abierat, ut Ptolemaeum Auletem Regno expulsum restitueret. Hac absens Gabinii occasione captata Alexander Judæos ad defectionem sollicitat, collectoque exercitu Regionem obeundo non paucos interfecit Romanos, reliquos in montem Garizin compulso oblitus. Gabinius ex Ægypto rediens præmisso Antipatro conatus est tumultuosos verbis ad saniora consilia reducere. At Alexander triginta milibus,

Alexander
secundo à Ro-
manis casus
est. c. 15.

s. 10.

ibus Iudeorum ferox ausus est occurrere Gabino, prælioque decernere, sed infelici rursus eventu. nam ex acie Judaica desiderata sunt decem millia. Hac victoria Gabinius præfecturæ sua tempus clausit; nam brevi post Romam abiit relicta Syriæ administratione Crasso, qui præterito anno cum Pompejo Romæ Consul fuerat.

Crassus ut primum in Syriam venit, parari jussit expeditio-nem in Parthos. Ipse inrerim Syriam ac etiam Judæam lustrat; & ut narrat Josephus, ne nihil in pacata Provincia ageret, Tem-plum Jerosolymitanum invisit, & ex sacro ærario, quod Pompejus ne quidem attigerat, duo talentorum millia abstulit. At bre-vi sacrilegii poenas dedit; à Parthis enim cum toto Romanorum exercitu deletus est, auro liquato in os demortui injecto. Solus Cassius Crassi Quæstor cum quingentis equitibus ex fuga in Syriam rediit, cui deinceps Romæ præesse jussus est. Quo Præside quiescebant quidem Judæi, qui partibus Aristobuli ad-hærebant, instigante tamen Antipatro multos eorum in captivi-tatem abstraxit, & præcipuum Ducem interfecit.

Sed denique ipsi etiam authores Iudaicorum tumultuum Aristobulus, ejusque filius Alexander è medio sublati sunt, oc-casione belli civilis, quod in Romano Imperio inter Pompejum & Cæarem clarissimos in Republica viros, fortissimosque exer-cituum Duces exortum est; quorum ille Romanum Imperium per Orientem, iste per Occidentem maximis, creberrimisque vi-ctoriis longè latèque amplificarunt. Belli causa fuit ambitio, cùm alter parem, alter superiore ferre non posset. Igitur cùm Cæsar fugato ex Italia in Epirum Pompejo, Romam cum legio-nibus suis armatus ingressus esset, Aristobulum Romæ vincitum, liberum dimisit cum duabus legionibus, ut in Syria aliquid con-tra Pompejum moveret. At is in itinere à Pompeianis, qui ver-sus Syriam terra marique dominabantur, veneno sublatus est. Pompejus autem veritus, ne filius ejus Alexander vel Patris mortem ulturus, vel Iudeam sibi vendicaturus Cæsarlis & ipse partes in Syria foveret, eum à Præside Syriæ, qui hoc anno Me-tellus erat, jussit securi capite truncari.

Verum hæc duorum Principum Iudeorum cædes nihil Pompejo ad rem suam profuit. Nam à Cæsare in Pharsalicis Græciæ campis vicitus, fugatusque est in Ægyptum; ubi vitam quo-

Templi era-
rium Ipoliza-
tur.

c. 11. & 12.

Aristobulus
& filius Ale-xander occi-duntur. c. 13.

Hircanus Cæ-sari in Ægy-
ptum auxilia

mittit per
Antipatrum.
c. 14. &c. 15.

quoque, quam ex acie per mare fugiens servaverat, in amicis, ut credebat, littore perdidit. Nam cum duobus suorum milibus navibus adventans, & quod de Regno Aegypti bene meritus esset, amicis se exceptum iri sperans, milis ad Ptolemaeum, qui cum Cleopatra fratre Auleti successerat, ut cum suis Alexandriæ reciperetur, atque illius opibus in calamitate protegeretur. Rex tredecim annorum adolescens, misit quidem Praefectum suum regium, & Tribunum militem, qui lembo exceptum adducerent; at cum ad littus appropinquaret, consilio auxiliorum à Tribuno interemptus est. Cæsar Pompejum in Aegyptum usque persecutus cognita morte, visusque ejus capite, atque annulo, in quo tria trophyæ insculpta erant, illacrymatus est. Cum deinde dissidia ex Patris testamento inter Ptolemaeum, & Cleopatram sororem componere conatur, ortus est primò tumultus, deinde, Alexandrinis dominatum Cleopatræ, in quam propensior erat Cæsar, non ferentibus, bellum. Ad quod cum ex Syria auxilia petiisset, misit quoque Hircanus Pontifex Antipatrum cum tribus Iudeorum milibus, qui Cæsarem adjuvarent. Quo in bello, dum in portu acerrime pugnatur, & Cæsar Aegyptiorum naves numero centum viginti incendit, flammis correpta quoque celeberrima illa Bibliotheca à Ptolemaeo Philadelpho erecta, & haec tenus aucta, irreparabili damno conflagravit. Ptolemaeus cum Alexandrinis vicit, receptusque in navim ob multitudinem hominum demersam periit aquis haustus, agnitus postea ex aurea lorica. Cæsar vero victoria & Alexandria potitus Cleopatram, ejusque fratrem natum minorem, quamquam adhuc puerum, Reges constituit, ne Aegyptii solius fœminæ imperio addicti denuò tumultuantur.

Hisce rebus novem mensium spatio in Aegypto peractis classe devehetus in Syriam magnos honores contulit tum in Hircanum, cui confirmavit Pontificatum, tum in Antipatrum, quem non solum civitate Romana, & Dynastia donavit; sed etiam Iudeæ Procuratorem sub Præside Syriae declaravit; quibus ille ad Iudeæ Regnum suis viam paravit. demum etiam Iero olympe muros à Pompejo disjectos, restituī permisit. Hac occasione usus etiam Antigonus Cæsarem accessit, quæstusque est, Patrem suum, dum res ipsius ageret, veneno extinctum; fratrem vero iussu Pompeji esse securi percussum. Qua narratione poterat Cæsar

*Hircanus à
Cæsare con-
firmatur &
Antipater Ju-
deæ Procura-
tor constitu-
tur, c. 15.*

ris erga se misericordiam commovere; sed quod simul accusaret Hircanum & Antipatrum, charos Cæsari viros, causam suam nec meliorem fecit, nec corum deteriorem.

Cæsare è Syria contra Pharnacem, qui concessò à Romanis Regno prope Pontum non contentus, durante bello civili Armeniam minorem, & Cappadociam incursare cœpit, profecto Antipater ante omnia mœnia Jerosolymæ reparavit. tum obeundo Provinciam novarum rerum cupidos compescuit, tum ministrans, tum consiliis; fore enim, ut, si Hircano Principe contenti sint, feliciter degant: sin novas ibi spes & lucra ex rebus turbatis polliceantur, habituros tum Cæsarem tum Romanos acerbos hostes; cumque omnia posset apud Hircanum, hujus ignavia abusus Phalaëlem è filiis suis natu majorem Jerosolymis, & circumpositæ Regioni Ducem præposuit; Herodem vero secundò genitum Galilææ. Ipse Antipater non ut Procurator, sed Regis instar à tota Judæorum gente colebatur.

Cæsar interim post Pharnacem in ordinem redactum ex Asia trajecit in Africam; In quam utpote Cæsari parùm amicam, plerique Pompejò devictò belli renovandi causa erant profecti. Quos cùm una cum Rege Juba ingenti prælio cæsis quinquaginta millibus attrivisset, Romanum denique reversus de Ægypto, Pharnace & Juba triumphavit, Senatumque ac populum metu suspensos non solum multa verborum lenitate consolatus est, sed & muneribus, certaminibus, spectaculis, epulisque recreavit. Iude ad anni Romani castigationem conversus est; quo nihil ex omnibus Cæsaris actis præstantius, aut immortali nominis fama dignius exticit: adhibitòque Sosigene, & aliis Mathematicarum artium consultis, annum ad eam, qua Christianus orbis hodie utitur, formam redegit, annum ad solis cursum accommodando, ut trecentorum sexaginta quinque dierum esset, & unus dies quartu quoque anno intercalaretur. Antea erat res valde indigesta, &c. ut scribit Suetonius, vitio Pontificum per intercalandī licentiam ita turbata, ut neque messium feriæ astatim, neque vindemiarum autumno competenter. Anni quippe ratio sexaginta septem omnino dies à legitimo loco digressa erat, solstitiumque aëtivum à fine Junii usque ad initium Septembris defluerat; quo factum est, ut annus præcedens haberet dies quadragesitos quadraginta quinque, atque ob id annus confusionis vul-

Hircanus
omnia per
Antipatrum
agit. c. 16.

Cæsar factos
corrigit.
Plinius l. 18.
c. 25.

gō

gō diceretur. Itaque hic est primus annus Julianus; cœpitque ad solis cursum compositus à Calendis Januariis rectā, æquabiliterque deinceps procedere.

Cæsar in Senatu occidatur.

At Pompeji filii contra Cæsarem adhuc Hispaniam tenebant. Itaque ut civili bello ultimum demum finem imponeret, Cæsar in Hispaniam profectus est, magnisque itineribus Saguntum pervenit. Postquam levioribus aliquot præliis variā fortunā certatum, denique ad decretoriam pugnam ventum est, in qua Pompeiani vici Cæsari plenam victoriam totamque Hispaniam reliquerunt. Ita bellis omnibus civilibus consecatis Romanum reversus à Romanis Pater patriæ, & vitato Regis nomine apud Romanos iāde à Tarquinio odioso, Imperator novo quodam modo acclamatus est, sed mox extra vivos amandandus. Nam licet Cæsar potestate, quam non tam Senatus ipsi dederat, quam ipse sibi comparaverat, modestè uteretur; cūm tamen nihil præter nomen Regis ac diadema ipsi deesset, quod ipsum non levibus indiciis ambire videbatur, non pauci ē Senatu desiderio avitæ libertatis in eum conjurârunt; quos inter primi fuere Cassius & Brutus Cæsari alias in paucis familiaris. Itaque Idibus Martii dum Senatum ingressus in sella considerat, conjurati ultra sexaginta eum adorti pugionibus ad Pompejī statuam pro voluntum certatim confecere.

Judea affligitur exactiōnibus.
Jos. I. r. de bello c. 9.

Non reliquit Julius Cæsar alium filium, quam Privignum Octavianum, quem tamen in familiam, noménque adoptârāt, & hæredem scriplerat. Hic Octavianus Cæsar, cūm intellecta Patris morte ex Græcia, ubi Juvenis novendecim annorum studiorum causa fuerat, in Italiam venisset, magnus ad eum factus est amicorum Cæsaris, militumque concursus. Urbem deinde ingressus Ciceronis operâ Senatu valde commendatus est. Non diu post Consul invito licet Senatu factus cum Lepido & Antonio, qui fuerat Collega Julii Cæsaris, & Magister Equitum, confilia confert de constituenda Republica, deque tollendis, aut proscribendis tum Julii Cæsaris percussoribus, tum suis quoque inimicis, factaque sunt cædes & proscriptiones multorum clarissimorum Virorum, Equitum Romanorum, ac Senatorum, inter quos etiam Cicero Antonii jussu interiit. Relicto deinde Romæ Lepido Triumviro ac Consule Cæsar & Antonius cum copiis navigarunt in Orientem contra Brutum & Cassium præcipuos

phos publicæ libertatis assertores, & necis Julii Cæsaris authores. Brutus Macedoniam Romanam Provinciam administrabat; Cassius Syriae Praeses erat, qui in hoc rerum Romanarum tumultu gravia tributa exegit, & maximè Judæam afflixit imperatis plus quam septingentis argenti talentis; quorū cùm magnam partem Herodes ex Galilæa attulisset, maximam apud Cassium gratiam iniit; obtinuitque, ut juberet interfici Malichum magnæ apud Judæos authoritatis virum; qui, cùm nuper apud Hircanum cum Antipatro Patre Herodis epularetur, corrupto Pincerna eum veneno necaverat.

Cassius acceptò per amicos Romānuntiō, Brutum primum bello petendum, Labienum ad Parthorum Regem misit, ut inde quoque auxilia evocaret. Ipse verò cum suis copiis è Syria in Macedoniam contendit, ut se cum Bruto conjungeret, qui Philippis castra habebat. Cassius & Brutus sub signis numerarunt octoginta peditum millia, duodecim millia equitum. Cæsar & Antonius tredecim millia equitum, peditum aliquanto plures quam Cassius & Brutus. Commisso prælio par quidem numerus utrinque ac universim centum quinquaginta millia Civium Romanorum cecidere, victoria tamen penes Cæsarem & Antonium stetit. Brutus à suis desertus servo se occidendum dedit: Cassius voluntaria cede se ipsum interfecit. Quorum duorum clarissimorum virorum interitu simul Romanorum libertas omnino prostrata est. Nam confecto Philippi bello Cæsar & Antonius Imperium Romanum inter se diviserunt nulla neque Senatus neque populi Romani autoritate, ac ne Collegæ quidem Lepidi exspectato consensu, ut orientales Provinciæ Antonio cederent, Cæsari occidentales. Post peracta deinde pro victoria sacrificia, laudatosque & præmiis donatos milites Cæsar cum parte exercitus italiam repetiit; Antonius cum altera parte in Asiam, atque etiam in Syriam venit; Unde profectus in Ægyptum apud Cleopatram Reginam, quæ interea, ut sola regnaret, fratrem suum veneno sustulerat, hyemavit, eamque consuetudinem cum ipsa contraxit, quæ utrique perniciem, Ægypto attulit servitutem. In hoc itinere dum Antonius Asiam ac Syriam transit, Hircanus Pontifex Legationem publico gentis Judææ nomine ad eum misit cum munere aureæ coronæ. Nec omisit

Sacra Veterum Temp. Histor.

Oo

Hircanus ad
M. Antoni-
um Legatos
mittit.
Jofl. 14.c.22.

He-

288 *Antigonus, Dux & Pontifex Judeorum.*

Herodes eundem sibi quoque contra adversarios, ex Judæis Pri-
mates, pecuniis conciliare.

Antigonus
Aristobuli fi-
lius Dux &
Pontifex fuit.
e. 23.

Labienus interim apud Parthorum Regem auxilia pro Cal-
sio & Bruto urgebat. Nuntiata verò nunc eorum clade, quod
nullam à Victoribus veniam sibi speraret, ejurato Romano no-
mine apud Parthos vivere decrevit, Parthisque author fuit, ut
Syriani Romanis eriperent, eique bello se Ducem obtulit. Per-
suasus Rex ei suum Pacorum filium cum magnis copiis commit-
tit; quorum Labienus præsidia ab Antonio in Syria relicta facile
deditioce accepit; occupataque Apamea & Antiochia tota Sy-
ria potitus est excepta Tyro, quam Parthi neque vi, quod clavis
carerent, neque suasione à Romanis abducere potuerunt. An-
tigonus hac occasione utendum ratus Pacoro mille talenta pro-
mittit, si Regnum Judææ in se transferret, Phasaëlum & Herod-
em alienigenas & Romanis addicatos interficeret. Igitur Pa-
corus in Palæstinam progressus Hircanum Pontificatu exxit, An-
tigonom Regem Judææ renuntiat; & ne Hircanus populi favo-
re in pristinam restitueretur dignitatem, mutilatis auribus cum
abduxit, ut & Phasaëlum Herodis fratrem; qui autem vinculo-
rum impatiens capite ad laxum illiso mox vitam finiit. Herodes
fugâ elapsus primò in Arabiam, inde in Ægyptum, denique Ro-
mam ad Antonium & Cælarem confugit.

Ab A. 3958.

Antigonus , Dux & Pontifex Judæorum.

Herodes An-
tipatri filius
Romæ Rex
Judææ nomi-
natur. 3961.
e. 26.

H Erodes cùm Antonio omnia narrasset, quæ cum fratre atque
Hircano à Parthis & Antigono passus esset, commiseratio-
ne commotus Antonius magis adhuc quam antea Herodi favere
cœpit; eidēque etiam Cæarem propensum reddidit propter
Antipatrum Patrem, & pecuniæ vim ingentem, quam polliceb-
tur. Itaque convocato Senatu cùm docuisset Antonius con-
ducere ad bellum Parthicum, quod parabatur, Herodem in Ju-
dæa regnare, Antigonus hostis est declaratus; Herodi verò Re-
gis nomen præter spem omnium suffragiis delatum est. Dimisso
deinde Senatu Antonius & Cæsar medium habentes Herodem
exiverunt, Consulibus, ceterisque Magistratibus sequentibus, ac
in Capitolium deducentibus; ubi post sacra ibi facta novus Rex

ab

ab Antonio grandi convivio exceptus est invitato Cæsare, Se-
natū, & cunctis Senioribus Romanis.

Interea cum copiis ab Antonio Ventidius in Syriam mis-
sus rem contra Parthos benè gessit, eōsque aliquot præliis vi-
ctos totā Syriā ejecit. Venit quidem etiam in Judæam, verū
ab Antigono largitione pecuniarum à Jerosolyma oppugnatione
repulsi, & ab Antonio revocatus Romam rediit, ut de Parthis,
qui à Crassi clade Romanis terrori fuerant, triumpharet. Post
hujus discessum Antonius Provinciam Syriæ regendam Sosio tra-
dedit cum exercitu, & mandatis, ut junc̄tis copiis Herodem in
Regnum Judææ immitteret; qui, ex quo Romā profectus Pto-
lemaidem appulit, non mediocres copias tum ex conductitio-
nē, tum ex gentis suæ milite collegerat. Itaque cùm prius in Galilæa
cum Antigoni Duce feliciter confixisset, inde exercitum Jero-
solymæ admovit, cui se brevi pōst Sosius cum copiis Romanis
junxit, & obsidionem vehementer ursit, quæ tamen ultra quin-
que menses protracta est. Ea durante Herodes Samariam di-
gressus Mariamnam Alexandri filiam & Hircani Pontificis Ne-
pitem, sibi jam ante desponsatam uxorem duxit, ut ob hanc affi-
nitatem regii generis mortuo Antigono, à Judæis Regno tantò
dignior censeretur. Interim obsessis non labore tantum sed &
fame, quòd tunc annus Sabbathicus esset, fatigatis, demum ipsa
Jejunii die capta est urbs sancta, cædibúsque repleta Romanis
longa obsidione exacerbatis. Antigonus Sosio ad genua pro-
cidit, quem tamen, nihil ejus fortunam miseratus, in vincula
conjecit, vincitumque secum Antiochiam duxit, ubi tunc erat
Antonius.

Herodes veritus, ne Antigonus ab Antonio Romam per-
duc̄tus apud Senatum Jure secum contenderet, docens se regio-
natū sanguine, Herodem verò plebejum, multis pecuniis, preci-
busque instituit apud Antonium, ut Antigonum tolleret, negans
se Regem fore, quamdiu ille viveret. Qui etiam exoratus He-
rodem hoc metu liberavit, & Antigonum Antiochiæ cruci affi-
xum jugulavit, non aliam ob causam, quam quòd avitam hære-
ditatem servare adversus Romanorum & Herodis tyrannidem
conatus esset. Itaque Machabæorum, imo & Judæorum Prin-
cipatus desit, cœpitque impleri Jacobi Patriarchæ vaticinium de
non afferendo sceptro de Juda, donec veniat, qui mittendus
est.

Oo 2

Herodes Je-
rosymam ca-
pit.
c. 26. & 27.

Antigonō
jugulatō Ses-
prum de Ju-
da & Judæis
auffertur.
Jos. 1.15. c. 1.

est. Hactenus enim Judæi, licet subessent, ac servirent nunc Assyriis, nunc Babylonis, deinde Persis, Græcis, Ægyptiis, & Romanis; semper tamen habuerunt Principes ac Pontifices à se electos ex gente & Regno Judaico, qui Rempublicam administrarent. Nunc verò primum Herodes ex Patre Idumæo, aut ut aliivolunt, ex Ascalonita, & Matre Arabe natus, atque adeò Idumæus aut Ascalonita invitò populi Judaicò Romanorum ammis atque potentiam in Regnum intruditur, & regnat, dum Messias jam prope est in januis.

Ab A. 3964.

Herodes, Rex Judæorum.

Herodes vi-
vō Hircañō
Ananelum
creat Ponti-
ficiem.
Josl. 15. 6. 1.
&c.

Ei substituit
Aristobu-
lum, quem
autem brevi-
è medio tol-
lit.
c. 2. & 3.

Herodes jam rerum Dominus, ut se undique tutum redderet, Optimates, quotquot Antigono favere suspicio fuit, sustulit, appositis ad portas custodibus, qui etiam sandalias mortuorum scrutarentur, ne quis effugeret. Hircaus interim ante tres annos abductus à Parthis degebat Babylone in magna Judæorum ibi frequentia, qui Pontificem suum ita reverebantur, colebantque, ut non admodum præsentis eum fortunæ pœniteret. Hic ubi respexit Herodem Regem esse, obtenta à Partho licentia redit in Judæam, sperans Herodem ob pristina in eum, totamque ejus familiam beneficia gratum fore. Et verò Herodes senem in honore habuit, ubique primum ei locum tribuendo. Quia tamen ob deformitatem non decebat, mutilatum auribus Pontificia dignitate fungi. Ananelum quendam de genere sacerdotali è Babylonia adductum Pontificem creat, Judæis omnibus frenemtibus, & injuriā sibi, Deoque fieri non obscurè significantibus.

Præcipue Alexandra Hircaui filia, & Herodis Soerus impatientissimè tulit, filium suum Aristobulum, quem præter filiam Mariamnam Herodis jam uxorem habebat, homini obscuro posthabitum. Unde nihil non egit, ut filius Pontifex fieret, quem etiam Herodes denique ad sedandas discordias domesticas Ananello iterum deposito Successorem dedit. Erat Aristobulus iste septendecim annorum adolescens, spes unica regii generis apud Judæos. Unde timens Rex, ne, Alexandrā id per Cleopatram, apud quam plurimum poterat, agente, aliquando se dejecto in Regnum suorum Majorum ab Antonio evehernetur, Juvenem tollere constituit. Cumque non diu post Aristobulus in festo Sce-

no.

ne pugnare cæmonias Pontificias decentissimè tractasset, & populi oculos ad se, studiisque convertisset, invidiam Herodis magis accedit, ut cædem maturaret. Fortè ab Alexandra convivio exceptus Aristobolum comiter ad piscinas, quæ circa aulam erant, pertraxit, ubi natantes quosdam è sociis, & famulis spectabat, qui deinde provocante Herode iis se se immiscerunt. Cùm illi, prout iussi fuerant, natantem quasi per ludum ac petulantiam sub aquis tam diu detinuerunt, donec aquis præfocaretur. Herodes quidem modis omnibus operam dedit, ut ab hac cæde planè alienus esse crederetur; Alexandra tamen per litteras apud Cleopatram perfecit, ut Antonius Herodem Laodiceam evocaret, causam apud sè de hoc facinore dicturum, ad quod quidem faciendum Cleopatra Antonium è libentiùs incitavit, quod ipsa Judæam pro uno ex suis filiis affectaret, quos tres, unum à Julio Cæsare, duos ab Antonio præter filiam suscepserat. Verum ubi Herodes ad Antonium venit, effectis artibus suis & pecunia, ut absolveretur, imò ne deinceps rebus suis Cleopatra implicaretur; reversusque Jerosolymam Alexandram vincitam conjectit in carcerem, Ananelum verò pergere jussit in Pontificatu.

Apud Romanos gliscentes interim jam à multo tempore Cæsarem inter & Antonium inimicitiae nunc in apertum, & gravissimum bellum erupere. Causa præcipua fuit Cleopatra Ægypti Regina, cujus amoribus irretitus Antonius ipsis, liberisque ex ea suscepitis non tantum immensa munera, sed integras etiam Romanas provincias per testamentum donaverat; quod cùm Cæsar publicè legisset in Senatu, bellum in Cleoparam & Antonium decretum est. Antonius rebus, quæ Romæ contra sè actæ erant, per amicos intellectis Actium Græciæ urbem ineunte Vere profectus est, omniaque ad bellum apparavit. Suasè quidem Duces, terrestri Marte dimicare; at evicit Cleopatra, ut classe decerneretur. Itaque ad Actium commissa est tertio Septembbris navalis pugna, quæ Octavianum Cæsarem Monarcham fecit. Vix Antonius cum Cleopatra sua in Ægyptum fugit. Cæsar autem reliquo Antonii exercitu sine pugna sibi adjuncto, rebusque pro tempore constitutis, media hyeme rursus in Italiam vela fecit. Perlato hoc de Actiaca pugna in Judæam nuntio Herodes vehementer percussus est, sibique propter amicitiam cum Antonio jam infelici timens ad Cæsarem ire constituit. Priùs ta-

Hircanum
Senem occi-
dit.
e. 3.

men Hircanum Pontificem optimum Senem calumniis appetitum interfecit: Alexandram & Mariamnem per fidum sibi Quæstorem Castello inclusit, jussum eas quoque interficere, si quid gravius Cæsar in se statuisset; ne scilicet è regio Machabæorum semine supereriset, qui regnare posset; sed Regnum Judææ libris suis conservaretur.

Devictò An-
toniò Cæsa-
ris amicitia-
m quærit.
c. 10.

Cæsar cùm nonnisi viginti & aliquot dies Brundusii in Italia, quo universus Senatus Romæ excurserat, moratus esset, rediit in Græciam, ut consensis cum exercitu navibus Antonium in Ægypto quanta posset celeritate opprimeret. Rhodum adventanti occurrit Herodes, positoque diademate ad alloquium admissus, præter spem suam à Cæsare amicè acceptus est; nam restituto diademate hortatus est eum, ut rebus nunc mutatis non minus suam, quam prius Antonii, amicitiam coleret. Inde Cæsar Ægyptum ingressus primò Pelusium, deinde victo pedestri certamine Antonio etiam Alexandriam occupavit. Confugit Antonius ad classem; at navibus plerisque ad Cæsarem transfugientibus, etiam ab ista desertus, ne vivus in hostiis protestem veniret, quodque putaret, Cleopatram jam mortuam, nudato gladio se ipsum interemit. Cleopatra maluisset quidem supervivere, etiam sine Antonio; sed quod timeret, ne in triumpho, quem mille mortibus acerbiorem æstimabat, duceretur, ac discriminatoria in hunc finem veneno illita brachium leviter sauciavit, eoque vulnere celerrimè ac sine dolore & ipsa sibi mortem attulit.

Cæsarem ma-
gnifice exci-
pit. Mariam-
nem & Ale-
xandram oc-
cidit.

c. 11.

Atque ita superatis jam pridem in Macedonia, aliquot ante annos in Syria, & nunc in Ægypto Magni Alexandri Successoribus Græcisque universis plenè emersit quarta Monarchia Romanorum. Cujus author Cæsar, ubi Romam rediit, de Actiaco bello, & de subiecta Ægypto triumphavit; magnaque simul usus in omnes ordines munificentia, ac munerum largitione omnium Romanorum laudem ac benevolentiam promeruit. Vicissim autem etiam à Romanis magnos, variisque accepit honores, ac inter alios Imperatoris nomen, non quale supremis exercituum Ducibus antiquo more tribui solebat, sed quo Imperii summa deferebatur. Præterea novo cognomine appellatus fuit Augustus, quasi venerandus & hominis naturâ amplior; Augusta enim, quæ honore dignissima & sanctissima sunt, dicuntur. Sed & di-

vin-

vini honores erexit templis, sacrificiisque celebratis eidem colati sunt; quod sacrilegium ab his ortum initii ad reliquos deinde Imperatores propagatum est. Atque hoc maximè tempus est, ad quod respexisse videtur sanctus Leo, dum sermone primo in natali Apostolorum Petri & Pauli ait: Roma ignorans suæ profectionis authorem, cùm penè omnibus dominaretur Gentibus, omnium Gentium serviebat erroribus: & magnam sibi videbatur assumisse Religionem, quia nullam respuebat falsitatem. Unde ne quis Deorum, se Romæ non coli, queri posset, M. Agrippa Augusti amicorum intimus, hoc tempore insigne templum Dñis omnibus ædificare cœpit, quod propterea Pantheon appellavit. Antequam Cæsar ab Ægyptiaca expeditione Romam navigaret, per Syriam transiit, qua occasione benè usus Herodes demerendi Cæsarem, magnifice illum exceptit, & octingentis talentis donavit præter magnam vim pecuniae in Optimates Romanorum eum comitantes effusam. Jerosolymam reveritus brevi post Mariamnam uxorem ut adulterii suspectam, ac beneficiam per Senatum suum ad mortem damnandam curavit. At postea desiderio occisiæ uxoris tam magnis intemperiis agi cœpit, ut etiam morbum gravem contraheret, quem quidem superavit, ita tamen affectis morbo corporis & animi viribus effratus est, ut quavis de causa ad sæviendum esset promptissimus. Unde & Alexandram Soerum & cæteros, qui ad Machabæorum cognationem pertinebant, occidit, sed & alios quosdam sustulit, quorum excellebat dignitas, ut ita arbitratu suo posset agere quidquid vellet, nemine amplius resistente.

Hinc Ananelo Pontificem Jesum substituit, cuius tamen Pontificatus admodum brevis fuit; captus enim amore puellæ Herodes filiam Simonis Sacerdotis uxorem duxit, atque ut nuptiæ Iudeorum Rege non indignæ viderentur, Patrem ad Summi Pontificatus dignitatcm evexit. Cumque theatra, arcus triumphales, templa, aliisque insignia ubique, Romæ præcipue, in honorem Augusti facta opera celebrari audivisset, accensum est etiam ipsius studium simili opere Cæsarem demerendi. Itaque ædificavit in superiori urbis parte Regiam, in eaque duo palatia auro & marmoribus exornata; voluitque ut unum dicetur Cæsaris, alterum Agrippæ. Non contentus profanis ædibus, etiam duo templa excitavit, unum in Samaria pulchritudine cum

Varia ædifica-
cia molitur.
c. 11. & 12.

quo-

quovis alio conferendum; alterum ad fontes Jordanis ex candido marmore positum, eaque Cæsari dedicavit. Instituit quoque athletica certamina, & spectacula apud Judæos hactenus insitata. Quæ autem cùm primo Ierosolymæ in theatro Cæsaris trophæis splendidissimè ornato exhiberentur, gravis in Herodem conjuratio decem civium excitata est, quibus hæc theatra contra receptos mores à Rege induci, ac non nisi in patriæ disciplinæ dissolutionem tendere videbantur. ii tamen conjuratione detecta mox per omnes cruciatus necati sunt. Atque ut à Majoribus forte posthac orituris ejusmodi motibus tutum se præstaret Herodes, Regiam suam & arcem communivit. Samaram quoque instauravit, quam de Augusti nomine Græcè Sebasten dixit. Condidit & in littore maris Cæsaream à Cæsaris quoque nomine appellatam, aliásque in aliis locis arces excitavit, ut in omnibus Regni partibus haberet præsidia ad subitos populi motus compescendos.

**Templum Je-
rosolymita-
num instau-
rat.**
c. 14. &c. 1. 1.
de bello c. 35.

Dum Herodes totus est in ædificiis, Augustus reliqua Agrippæ urbis administratione in Provincias Romano Imperio subjectas profectionem suscepit, orbique terrarum præsentia sua pacis bona circumferens venit etiam in Syriam, ubi Herodem, licet variorum criminum accusatum non absolvit modò, sed & ejusdem Regno post donatas jam aliás urbes Gazam, Samaram, Joppen, aliásque plures, etiam Tetrarchiam inter Galilæam & Trachonitidem sitam adjecit. Qua accessione auctus, ut placaret suorum animos profanis operibus offensos, cœpit etiam saeris rebus manum admovere, ac instaurare Templum Domini, ejus spatia dilatando, porticibus novis exornando. Longè enim majus spatium terræ, quam antea fuerat circa Templum, è valle murō amplexus est quadringtones cubitos altos, saxis constructo quadratis, sex cubitos altis, viginti longis, ut adeò apud sanctum Marcum c. 13. 1. Discipulus meritò ad Dominum diceret: Magister aspice quales lapides, & quales structuræ. Totum opus non nisi post novem annos absolvit ingenti sumptu, & magnificencia singulari.

**Duos filios
Romam mit-
xit, Agrippam**
Inter has ædificiorum curas duos filios suos, quos ex Marienne suscepérat, Alexandrum & Aristobulum Romam misit, ut apud Cæsarem erudirentur, cuius domus tunc erat sapientia & virtutis officina, exceptique sunt summa humanitate ab Augusto,

gusto, propter Parentem. Ipse vero M. Agrippam ab Augusto in Iudeam misum, ac in Iudeam invitatum magnificè exceptit, gnificè excipit. tractavitque in Cæsariensi portu, exercitusque recens conditis urbibus & arcibus, per quas eum circumduxit; præcipue vero Ierosolymæ omne genus deliciarum, & magnificentia ipsi exhibuit, quippe quem sciret secundum Cæsarem posse omnia. Agrippa honoribus atque etiam munieribus oneratus postquam Ierosolymæ Deo hecatomben immolavit, appetente hyeme navigavit in Ioniam, ibique hyemavit. Exacta nondum plenè hyeme Herodes rursus ad ipsum properavit, ac pedestri itinere Ephesum, inde per mare Samum honoris causa comitatus est. quo in itinere Agrippa ad preces Herodis multorum Iudeorum necessitatibus per singulas ferè civitates, in quibus Iudei dispersi erant, subvenit, præsertim Ioniæ Iudeorum. quos indigenæ vexabant, nec suis patiebantur legibus vivere, ac oneribus gravabant contra concessa per Romanos privilegia. Ob quæ cùm Herodes nomine omnium gratias egisset, post mutuos complures Agrippa Romanum, Herodes Cæsaream navigavit, & inde Ierosolymam repetiit.

Interea in Nazareth Gallilæa oppido octavo Septembbris ex Ioachimo & Anna Parentibus genere & virtute Nobilibus nata est filia à DEO electa præ omnibus, ut esset Mater Filii sui in carne nascituri ad redemptionem Israël, & totius mundi; ipsa que indictum est Maria nomen, quod gratiam habendam esse DEO de tanto munere testaretur. Post triennium à Parentibus Ierosolymæ in Templo oblata est DEO, veluti Anna, si Mater fieret, voverat, nutritaque est deinceps in sacris ædibus seu exedris cum aliis Virginibus Numini consecratis.

Herodes vero Romam profectus Augusto felicem ex Hispania, Gallia, atque Germania, quas Provincias interea visita verat, redditum gratulatus est; rebusque suis ibi compotitis filios, quatuor jam annis Romanis disciplinis satè instructos, Ierosolymam reduxit; ubi deinceps & à Patre tenerè amabantur, & populi oculos, animosque ob corporis atque animi ornamenta ad se rapiebant. Verum publicum istud in juvenes Principes studium magnam ipsis invidiam conflavit apud eos, quorum calumniis Mariamne eorum Mater oppressa fuerat, præcipue apud Salomonem Herodis sororem; quæ timens, ne terum potiti necem

Sacra Veterum Temp. Hister.

Pp

Futura Mater
Dei Virgo
Maria nasci-
tur.
Nicephorus
l. 2. c. 3.
Suarez t. 2.
in 3. p. d. 7.

Herodes Re-
mam profici-
scitur, & fili-
os reducit.
Jof. l. 16.c. 1.
& 6.

Matris, cùjus ipsa præcipua causa fuerat, aliquando uicifcerentur id egit, utq[ue] incautis quandoque voces in Mariamnes intercessores exprimeret, quibus Herodes ipse involvi videbatur. Quæ cum ad Patrem malitiosè relata essent, ipse ut filiorum retundet animos, Antipatrum ex Doride Arabe sibi natum, quasi designatum Successorem Romam misit, & Augusto impensis commendavit; qui, quod iam præsens fecerat cum Salome, nunc etiam longè ablens conatus est fratres suos magis semper suspeccatos reddere per litteras.

Per Romanum Imperium à tempore correctorum à Julio Cæsare Fastorum Kalendarium per triginta sex annos ritè, ut putabatur, fuerat ordinatum. At Augustus culpâ Pontificum rufus depravatum esse nunc deprehendit. Cum enim hactenus intercalari debuissent dies tantum novem, intercalati fuerunt dies omnino duodecim; quem errorem, ut emendaret Augustus duodecim annos sequentes sine bis sexto transigi jussit, ob quod Sextilis deinceps ab ipsis nomine Augustus appellari coepit; sicut olim Quintilis à Julii Cæsaris nomine Julius cognominatus est.

Herodi filios suos reconciliat.
Ioh. 1. 16.
cœp. Jerosolymis in aula Herodis Iuspiciones ac domestica dissidia in dies crescebant, adeò, ut statueret in duos Mariamnes filios animadvertere. Ne quid tamen temerè & per iram agearet, veritus offendit Cæsaris, si sine ejus præscitu charos ipsi Juvenes, atque in ipsis auctoribus educatos plesteret, cum ipsis Romanis navigavit, eosque apud Augustum beneficii, quo sibi ob cädem Matris suæ mortem machinarentur, accusavit. Cæsar audito Herode, visisque Principum lacrymis facile intellexit, rem totam calumniis esse subnixam. Itaque litem sapienter diremit, filios ad Patris pedes iussis accedere, quod non ita se gefissent, ut Patri Iuspicionem omnem tollerent; Herode vero molliter increpito, quod id temerè de bonis liberis suspicatus esset. Similiter eidem potestatem permisit eligendi Successorem quemcunque filiis, aut si mallet Regni in singulos dividendi: quamdiu autem ipse viveret, tam Regnum haberet in potestate, quam filios. Igitur post actas Cæsari gratias, dataque mutuo munera cum tribus filiis Jerosolymam rediit. Ubi autem in concione dum suos nominat Hæredes, sopia[m] invidiæ flammarum senex imprudentissime accedit; totaque aula majoribus quam antea edidit agitari coepit.

Ant.

Antipater enim cum sua factione cœpit de novo suspicio-
sum senem adversus duos suos filios, horumque uxores conci-
tare, ut eos magis quam antea aversaretur. Quod dum illi mo-
leſius ferunt, & verba domi effutiunt non satis concocta, ea ad
Patrem delata, & amplificata eum propè ad insaniam usque ex-
acerbarunt, cùm præsertim simul eo tempore etiam ab Augusto,
apud quem accusatus fuerat, quodd injussus contra prædones Ara-
bas exercitum eduxisset, minaces, acerbisque litteras accepisset.
Alexander, & Aristobulus, ut se se ab his tumultibus & calu-
moriis, quibus Pater tam faciles aures præbebat, expedirent, fu-
gam meditati sunt; quod animadvertis Herodes quasi insidia-
rum convictos conjectit in vineula. Ac ubi per Legatum Ro-
manum missum C. sari reconciliatus potestatem accepit in filios
animadvertisendi, consilium coëgit. In quo agens simul accusa-
torem & judicem assessores impulit ad injustissimam sententiam,
qua capitibus damnati sunt Regii Juvenes, ac deinde Sebaste Hero-
dis iussu strangulati.

Neque tamen cum his extincta sunt domestica mala actu-
bx, ut potius augerentur. Nam paulò post Doris Antipatri Ma-
ter fratrem Herodis, quod ei Pharisæi identidem Regnum val-
cinentur, veneno sustulit. Ipse etiam Herodes debuerat simili
morte perire authore Antipatro; at in scelere deprehensum,
convictumque detrusit in carcerem. Uxorem vero suam Simo-
nis Pontificis filiam, quam credebat beneficij hujus conscientiam at-
que partipem à le abjecit; Patrem ipsius exautoravit, & Ma-
thiam substituit; quo brevi iterum dejecto Joazarum ad Pon-
tificatum vocavit. Ipse vero majoribus semper malis pressus in
gravem morbum incidit.

Inter hæc Maria Virgo inter dicatas DEO Virgines in Tem-
plo soli DEO vacans, & forma virtutis effecta ad nubiles annos
pervenerat. Solliciti Sacerdotes, quidnam deinceps agerent
de Virginis, quam sciebant DEO Virginitatem vovisse, divinitus
venerunt in eam sententiam, ut cuiuspiam connubii nomine ipsam
desponderent, qui tamen Virginis potius custos esset. Ad hoc
Idoneus fore creditus est Joseph ex eadem Tribu & patria, qua
erat Virgo. Itaque consilio Sacerdorum Joseph, triginta aut
quadraginta tum annorum, Puellam Sponsam accepit; ipsaque
etiam hoc matrimonium ratum habuit, certa divinitus de Sponsi

Herodes du-
os filios
strangleri
juber.
Jof. 1. 16. ant.
c. 16. & 17.
I. 1. de bello
c. 17.

Tertium fili-
um Antipa-
trum carceri
includit, & in
gravem mor-
bum incidit.
I. 17. c. 7.

Elisabeth
Joanneum,
Mæcia filia
Dei concepit
de Spiritu
Sancto.
L. 1. à v. 5.
Suarez t. 2.
in 3. p. disp. 7.

in sua vota consensu. Igitur ab eo reducta est in Nazareth patriam suam. Ubi dum sancti Conjuges cum admirabili animorum consensu, & pari animi & corporis puritate vivunt; ecce vigesimo quinto Martii Archangelus e celo missus domum Virginis ingreditur, eamque futuram Filii DEI Matrem salutat; quz primò quidem turbata est; ubi autem prudenter & demissè respondens præstlitit assensum opere Spiritus Sancti in castissimis suis visceribus concepit DEum Hominem. Itaque denum dies illuxit tot seculis à Patribus suspiratus, quo placuit Divina Misericordia sua consilia exequi de redimendo humano genere. Nam à sexto jam mense conceptus etiam erat ille, quem Malachias olim prædixerat præcessurum. Cùm enim Zacharias Sacerdotio fungeretur in ordine vicis sue, & Templum ingressus incensum poneret orante foris omni multitudine populi hora Incensi, Angelus stant à dextris Altaris Incensi ei filium ex Elisabeth uxore sua nasciturum nuntiavit; quod quidem turbatus tunc non satis credidit, & quodd ipse esset senex, & uxor ejus processisset in diebus suis, ubi tamen impletis officiis sui diebus abiit in domum suam in montana urbe Hebron, ut plerique placet, concepit Elisabeth uxor ejus filium. Quod cùm nunc Maria à Gabriele audiret, rebus domi dispositis cùm bona Iosephi venia festina perrexit in Hebron ad Cognatam; quam ubi salutavit, infans, qui latebat in visceribus ejus exiliit, Domini sui præsentiam testatus; ipsaque Elisabeth Spiritu Sancto repleta, unde hoc mihi, ajebat, inter amplexus & dulcia pacis oscula, ut Mater Domini mei veniat ad me. Porro Maria mansit cùm illa tribus ferè mensibus, donec scilicet Elisabeth impletum est tempus pariendi, & peperit Filium.

Reversa in Nazareth magnam Iosepho doloris & perturbationis causam attulit; animadvertit enim Conjugem suam utrum ferre conscius ipse sux continentiaz. Itaque ne quam aliunde castissimam neverat, repudiare cum infamia cogeretur, deserrere cogitat. At de divino Mysterio, qualis & quantus Infans in uxorius utero lateret, in somnis edocetus, cùm antea Virginem ut Sponsam castissimam dilexisset, eam ut Parentem DEI sanctissimam religiosius deinceps veneratus est.

Joseph de
mysterio di-
vinitus edo-
cetur.
Matt. 1.24.
18.

SA-

S A C R A

Evangelica Historia
Christus JESUS, Rex Judæorum.

Eodem anno exeunte Præside Syriæ Cyrino exiit edictum Cæsaris Augusti nomine, ut describeretur universa Iudæa, omnibusque Iudeis in singula capita certa pecunia imperata est pro imminenti in Parthos, ut spargebatur, expeditione. Cunctis igitur Iudeis proficiscentibus in urbes Tribubus suis assignatas, ioseph quoque in viam se dedit cum Conjuge prægnante, atque adeo proxima partui, perrexitque in Bethlehem civitatem David, eò quod & ipse esset de domo & familia David. Verum oppidum advenis ita jam erat occupatum, ut locus non esset, ubi diverteret. Quare coguntur intrare speluncam prope viam urbi conjunctam, in quam animalia, hominésque noctu muros subire prohibiti divertere solebant. Ubi dum sancti Conjuges hospitantur, vigesimo quinto Decembris media nocte divinus Filius ex Virgine nascitur, pannisque involutus substrato foeno in præsepio ligneo reponitur. Tanta Nativitas pastoribus, qui haud procul vigilabant, & custodiebant vigilias noctis super gregem suum, mox annuntiatur per Angelum; multitudo vero celestis militiæ, quæ Divinum comitabatur Legatum, eandem nobilissimo choro celebravit cantando: *Gloria in Excelsis DEO, & in terra pax hominibus.* Qui dum cœpta cantica in cœlum transferunt, pastores Bethlehemum festinantes agnoverunt accepti nuntii veritatem, collustatiq[ue] divino lumine DEum adorârunt, ac deinde quid audivissent, videlicetque sparsere in vulgus.

Ubi octavus à Christo nato dies illuxit, Calendis Ianuarii recessum est Divino Puerō præputium, ut se verum Abrahāni filium profiteretur, idq[ue]ne factum fuerit Bethlehemi in aliqua domo, in quam dilabentibus paulatim advenis, Iosephus cum suis commigravit; simul ei nomen impositum est IESUS. Post aliquot exinde dies ex Arabia deserta, urbique Sibæ adjacentibus locis Reguli seu Dynastæ stella duce venere Ierosolymam, & recens natum ludæorum Regem quærentes Herodem ac Ierosolymam universam mirificè perculerunt. Congregati mox ab Herode Summi Sacerdotes, ac Scribæ populi, interrogatiq[ue], ubi Christus nasceretur, ex Michæl testimo-

Ab An. 3995.
Sub finem
Decembr.
Christus na-
scitur in Bet-
lehem.
Luc. 2. à v. 1.

Circumcidis-
tur & adora-
tur à Magis.
Luc. 2. à v. 1.
Mat. 2. à v. 1.

nio responderunt, in oppido **Bethlehem**. Illuc itaque Magi perrexere duce, quæ Ierosolymis disparuerat, eadem stella, collustratiue diviniore luce **in Infanuilo adoraverunt DEum**, myrrha hominem, auro Regem, thure Conditorcm suum contestati. Rogati quidem sunr ab Herode, ut, cùm adorasset natum Regem, ad se redirent. At illi nunc in somnis id facere prohibiti per aliam viam reversi sunt in Regionem suam, credente Herode, pudore id factum, quod non invento, quem quarebant, spe sua, & vana observatione delusi essent.

**Fugit in Egy-
ptum.**
Luc. 2. 14 v. 15.
Mat. 2. 14 v. 13.

Elapsis aliis viginti septem diebus Maria cum Iosepho Ierosolymam venit, tum ut Primogenitum suum ex lege redimeret, tum ut ipsa legem puerarum servaret. Quod dum præstat magna paupertatis, demissionis, & obsequii significatione Simeon aliquis & Anna propheticò afflati spiritu venientes in Templum, Matris & Fili excellentiam humana majorem attonito populo, qui circumstabat, extollunt; huncque esse Messiam, qui redempturus esset Israël, non obscurè significant. Quæ cùm statim Ierosolyma ubique vulgata etiam ad Herodis aures venissent, **Suarez t. 2. in 3. p. disp. 37. sct. 2.** tum verò delusum se à Magis intellexit; credensque Parentes cum Filio rursum Bethlehemum esse reversos, illuc misit satellites, qui pueros omnes intra biennium natos Bethlehami & circa ejus viciniam occiderent, non dubitans inter occisos futurum, cuius unius animam quererbat. At Ille ex ejus saevitia jam subductus erat; nam peracta celebitate sacrificii & redemptionis Parentes cum Filio primò reversi sunt Nazarethum in patriam, deinde verò jubente Angelo fugerunt in Ægyptum.

**Herodis
morbis in-
crederat.**
**Jos. 1. 1. de
belle o. 27.**

Interea morbo Herodis incurvante in vulgus rumor sparsus est, eum è vivis jam excessisse. Quod cùm non pauci, quid pridem optaverant, facile crederent, orta sedition est propter auream magni ponderis aquilam, quam Herodes supra majorem Templi portam posuerat. Istud enim ad Idolorum cultum pertinere persuasi non nulli juvenes pleno meridie inspectante populo in altum eluctari aquilam fecuribus dejecerunt. At confessum adfuit Dux Regius cum valida militum manu, populoque dissipato, quadraginta juvenes resistere ausos comprehendit; quos postea Rex cum seditionis authibus vivos comburi jussit; quodque Pontifex ab hoc consilio non alienus fuisse videretur deposito Mathiae loazarum surrogavit.

Tum

Tum Ierichuntem, ac inde ultra Iordanem deportari voluit, ut, Herodes ^{mob}
cum alia spes in Medicis non esset, calidis, quæ ibi fluunt, aquis cura ^{ritur. An.}
retur. At res in dies deterior fiebat. Quare desperata salute Ieri. ^{1997.}
chuntem regressus est. Atque ut Iudeorum de sua morte gaudium
aliquo luctu temperaret, habitantes circa Ierichuntem nobiliores Iu-
deos specie obsequii convenire jussit; Salomon fororem clam per
omnia obtestatus, ut, quamprimum obiisset, cælata tantisper morte
clausam in circu nobilium multitudinem immisso milite contrucida-
ret. Cùmque audivisset Antipatrum quoque filium in carcere de
vicina sua morte exultantem, per satellitem quinque dies ante suam
mortem jussit interfici. Demum autem vivum jam antea ac turpe
cadaver turpiorem animam exhalavit, nemine in morte ejus lugen-
te; nam Salome neglectis impiis jussis nobilitatem liberam di-
misit.

Scripterat in ultimis tabulis Successorem Archelaum natu majo-
rem filium. Hic ergo justis patri persolutis Romam, ut ab Augusto
confirmationem obtineret, ire mox statuit. Sed dum prosectionem
parar, fit seditio ab amicis eorum, quos propter aquilam auream He-
rodes suppicio affecerat; rēisque eo processit, ut cum verbis placari
nequint, immisso exercitu ad tria millia circa Templum concide-
rentur. Compresso tumultu cum magno amicorum comitatu Ro-
mam navigat; quid autem jam antea Iudeorum Legati pervenerant,
postulantes à Cæsare, liceret sibi suis legibus sub Præside Romano
potius vivere, quam sub Rege; maximè Archelao, quem non minus
ac demortuum patrem multorum ac gravium criminum accusabant;
cui postulationi accessere quoque Iudeorum octo ferè millia, qui
tum Romæ habitabant. Cæsar te mature deliberata Regnum Iudeæ
partitus est inter tres, quos Herodes reliquit, filios, Archelaum, Phi-
lippum, & Herodem Antipam cognomine. Archelao medium par-
tem ditionis paternæ attribuit absque titulo tamen Regis. Alteram
medium partem inter duos ejus fratres divisit, & Tetrarchas esse
volut, Philippum quidem Trachonitis, Herodem vero Galilee.

Reversus Ierosolymam Archelaus intelligit se absente rursus ex-
citatam seditionem; compressam autem jam esse à Vario Syria Præside
actis in crucem duobus ferè millibus Iudeorum. Ipse vero intulit
Principatus sui exorsus est à depositione Ioazari de Pontificatu, quem
transtulit in ejus fratrem Eleazarum Simonis olim Pontificis filium.
Quo

Augustus Re-
gnum Iudeæ
partitur inter
tres filios Her-
odes.
Jos. 16. c. 14.
& 12. & 1. 2.
de bello c. 2.
& 3.

Archelai ma-
la gubernatio.
I. 17. c. 11.
bel. c. 1.

Quo brevi rursum deposito Iesum Pontificem esse jussit; at brevi pōit dignitatem rursus Iozaro contulit. In reliqua populi gubernatione se non degenerem Herodis filium ostendit

Unde & Iolephus monitu Angeli rediens ex Aegypto in terram

Israēl cūm audiisset, post defunctum Herodem Archelaum regnare in Iudea timuit illō ire, secessitque in Galileam, & habitavit in Nazareth.

*Josephus ex
Aegypto re-
dit in Galila-
am.*

Mat. 2. 1. v.

19.

*Augustus Ar-
chelaum in
exilium mit-
tit.*

I. 17. c. 12.

& 13.

At demum Primates tum Iudeorum tum Samaritanorum ty-
rannidem Archelai amplius non ferentes, Romam profecti sunt,
cūmque apud Cæsarem accusarunt; qui etiam Romanum ad dicen-
dam causam accersitrum relegavit Viennam in Gallia. Iudei pars,
quæ ipsi paruerat, Syria Provincia adjecta est, veluti Iudei jam
antea ab Augusto solenni Legatione postulaverant. Atque ita Iu-
daicus populus id consecutus est, ut non haberent Regem, nisi
Cæsarem, Philippus & Herodes in sua quisque Tetrarchia con-
ficiati sunt.

*Syria Praes
sumul Jude-
am admini-
strat.*

Jos. 1. 18. c. s.

& 3. & 1. 2.

de bel. c. 7.

Archelai bona Syria Praeses fisco addixit, & Iozaro ab Arche-
lao confirmato Annam in Pontificatu suffecit. Sub idem quoque
tempus iussu Cæsaris per totam Syriam ac Iudeam censum seu facul-
tates civium secundò jam descripti, & in singula capita censum seu
tributum exigit; cuius descriptionis occasione orta est seditio non
levis à Iuda quodam Galilæo, qui adjuncto sibi Sadoco Phariseo ne-
gavit, populum DEI alium Dominum, quād DEum agnoscere de-
bere; censum nihil esse aliud prædicans, quād manifestam servitutis
professionem, eum adeò Augusto solvendum non esse; habuique
Galilæus iste non paucos sectatores usque ad postrema Iudaici belli
tempora. Hinc etiam Pharisei aliquando Christum tentantes seisci-
tati sunt, num dandum esset tributum Cæsari, quod ea res per illa tem-
pora variè jaçaretur. Atque hanc opinionem suam, soli DEO, &
non etiam sublimibus potestatis parentum esse, tanta pertinacia
tuebantur, ut nullis suppliciis de sententia abduci possent, justumque
ideò Romanorum in se odium provocarent; quod deinde in Christianos
quoque primis illis temporibus est derivatum, tanquam hæresis
huius sectatores; quoniam & Christus & Apostoli ex Galilæa oriundi
erant. Qui propterea səpiùs in suis epistolis Christianos ad obed-
ientiam Principibus debitam horrati sunt.

Christus interea duooecimum jam ætatis annum impleve-
rat; qui cūm nunc Parentes pro more ad Festum Pascha Is-
rael.

*Christus in-
venitur di-*

rosolymam euntes comitaretur, ab iisdem amissus, & triduo cum spuntans in
magno animi moerore quæsus, demum inventus est in Templo.
Templo.
Lue. 2. 27. 40.

nos in admirationem sui raperet. Nazarethum reductus deinceps subditus Parentibus vixit. Atque ita latuit duodeviginti
annos exemplo mirabili profundissimæ demissionis.

Augustus, cum vivendo explorasset septuaginta sex annos, Nola in Campania mortuus est incertum an naturali fato, an sicubus veneno illitus. Post quem Imperium ab universis ordinibus delatum suscepit Tiberius, quem Augustus alio filio carens jam diu ante in filium adoptarat, parique eum in Imperium potestate consensu Senatus ornarat. Ab hoc in Iudeam missus est Valerius Gratus undecim deinceps annis Iudeæ Procurator, seu Praeses, qui administrationis suæ tempore tantum non singulis annis Pontifices pro suo arbitratu mutavit. Nam cum in Iudeam venisset, Annam à sex annis Pontificem removit, & Iosephum constituit. Iste vix annum Pontificatum gesserat, ei suffecit Eleazarum Annæ filium. Hoc iterum remoto Simonem Pontificem fecit. Sed & iste Pontificatum cedere jussus est Caiphæ Annæ Pontificis Genero, quem septendecim annos tenuit raro hoc tempore exemplo; quamquam mirum videri non debeat, Pontificatum ita fuisse turbatum, quoniam jam natus erat magnus ille Sacerdos & Pontifex, qui Aarono Sacerdotio finem imponeret.

Herodes ut Tiberii gratiâ gauderet, exemplo Patris ad ripam Lacus Genzareth urbem condidit, ac à Tiberii nomine Tiberiadem nominavit, ita exornatam ac privilegiis auctam, ut Imperatoris Romani nomine non indigna videretur, multisque illuc incolæ confluenter. Nihilominus tamen anno sequente à Tiberio quatuor facilè millia Iudeorum Româ in insulam Sardiniam relegati sunt, ut ibi aëris gravitate conficerentur. Causa fuit, quod nobilem Romanam fœminam ad legem Judaicam amplectendam adduxissent, & ne Romæ peregrina Religio latius serperet.

Exactis in Iudeæ præfectura undecim annis Valerius Pontius Pilatus Romanum revocatus est; indeque missus Pontius Pilatus Procurator seu Praeses Iudeæ futurus. S. Hier. in 24. c. Matth. Qui cum Ierosolymam intulisset signa quædam, atque imagines, & Sacra Veterum Temp. His. ip.

Judei Roma
pelluntur.
c. 4. & 5.

Pontius Pilatus Procurator in Judeæ
am venit.
c. 3. & 4.

Q. q.

ipam Cæsaris imaginem in Templo posuisset, quod Iudeis Idolatriam sapere, & ad legis suæ contumeliam factum esse videbatur, magnus excitatus est tumultus, adeò ut demum Pilatus cogeretur imagines amovere, ac Cælaream remittere. Herodes vero Galilææ Tetrarcha Herodiadem Philippi fratri sui adhuc viventis uxorem duxit; postquam ea priorem Maritum sponte deseruit.

Joannes prædicare & baptizare incipit.

Mat. 3. à v. 1.
Mar. 1. à v. 1.

Luc. 3. à v. 2.

Anno Tiberii Cæsaris decimo quinto Joannes è deserto Iudeæ, in quo propè ab infantia haec tenus vixerat, prodiens juxta Jordanem cœpit prædicare pœnitentiam, ac Iudeos confitentes peccata sua aquâ Jordani abluerere, ut paratores ac puriores essent ad recipiendum Messiam. Inter quos ex omni Iudea confluens videns multos Pharisæorum & Saducæorum, ad hos conversus *progenies viperarum*, ajebat, *quis demonstravit vobis fugere à ventura ira? facite ergo fructum dignum pœnitentia.* simul primum coram populo testimonium perhibuit de Christo post se venturo, qui baptizaturus eos esset non in aqua tantum, sed in Spiritu Sancto. Nec diu post illuc venit JESus non tamen ut baptizaret, sed ut baptizaretur à Joanne; quod iste primò quidem facere recusavit; at ubi Christus institit dicens: *Decet nos implere omnem iustitiam*, ab eodem in Jordane baptizatus est. Quo facto Spiritus Sanctus sub Columba specie, quis esset, ostendit; & ipse Pater æternus hunc esse Filium suum dilectum clara voce testatus est.

Christus in solitudinem secedit.

Mat. 4. à v. 1.

Mar. 1. à v. 12.

Luc. 4. à v. 1.

Affluit discipulos.

Io. 1. à v. 15.

Christus vero eodem adhuc die secessit in solitudinem Iudeæ, in qua quadraginta dies sine cibo & potu transigens, sese ad prædicationis & nostræ salutis opus accinxit. Quibus evolutionis adest diabolus, ac esurientem triplici gulæ, confidentia, ac superbia tentatione aggreditur. Eo autem verbis ex sacra Scriptura petitis fugato, accessere boni Angeli, & ministrabant ei.

Interim absente Christo Joannes præclarum rursus testimonium de eo dixit, non solum coram turbis, sed maximè coram Legatis, qui Jerosolyma missi erant sciscitatum, num ipse esset Christus, aut quis demum ipse esset? His enim interrogationibus sapienter usus, Legatis, qui erant Sacerdotes & Levitæ, & quidem Pharisæi, simul iis, à quibus missi erant, Christum adhuc ignotum annuntiavit. Postridie ab hac legatione Christus ipse

ipse venit ad Joannem, qui dum ad se accederet, dito Eum demonstrans, dixit ad circumstantes; *Ecce Agnus DEI: ecce qui tollit peccatum mundi.* Altero die cum coram Andrea & alio Discipulo simile testimonium diceret, ejus occasione, cum illo altero Discipulo Andreas primum, postea adductus ab eo Frater ipsius Petrus, aliquique deinde duo Philippus & Nathanael Christum agnoscere & sequi cœperunt.

Quibus comitibus profectus est in Cana Galilææ, ut invitatus interesset nuptiis ibi celebrandis; quibus ex Nazareth adiuit etiam Mater ipsius sine Josepho, qui, cum nulla hīc ejus mentione fiat, jam ante alobierit. Hic porro insigne miraculum ac pri-

Intercessus
prius in Cana.
Jo. 2. à v. 1.

mm edidit copiosâ aquâ in vinum conversâ. Inde venit in Capharnaum comitantibus Ipsum Matrem, Fratribus, & Discipulis. Non autem diu ibi moratus est; nam instantे Paschate ascendit Ierosolymam, ubi dum in Templo reperit vendentes boves, & oves, & columbas, omnes flagello ejecit, & Nummulariorum mensas subvertit, severè eos monens, ne Domum Patris sui faciant domum negotiationis. Postulârunt Judæi, signo aliquo probaret, se istud legitima potestate facere, at Christus nullum eis signum dedit, contentus suam mortem, & resurrectionem sub figura Templi destruendi, & reædificandi prænuntiâsse. Nihilominus eodem Paschæ tempore multam miracula edidit, Jo. 3. à v. 1. ob quæ multi crediderunt in Eum, ac inter eos Nicodemus Princeps Judæorum unus ex Phariseis, & Magister in Israël; qui vi miraculorum motus venit ad JESUM nocte, & post longam de baptismo disputationem alia adhuc arcana ab Eo didicit fidei mysteria.

Exacto paschali tempore digressus est in alia Judææ loca; & cum ipse Joannem Baptizat, Petrum, & Virginem Matrem baptizasset; Petrus deinde reliquos Discipulos, & hi deinceps alios magno numero baptizârunt. Quod cum Pharisæi referrent Joanni in Ænon prope Jordanem baptizanti, JESUM scilicet plures Discipulos facere, & ab his plures baptizari, quam à Joanne, & omnes venire ad illum, rursus præclarum & ultimum de Christo edidit testimonium. Post quod quasi officio Præcursoris jam defunctus, relicto Jordane Herodem adiit Galilææ Tetrarcham, eumque liberè reprehendit rum ob alia scelera, tum manu ob incestas cum uxore fratris sui nuptias; quod Herodias

Celebrat Pa-
scha Jero-
lymis.
Jo. 2. à v. 13.

Redit in Ga-
lilæam & Se-
maritanam
convertit.
Jo. 3. à v. 22.

Mat. 14. à v. 3.
Mar. 6. à v. 17.
Luc. 3. à v. 19.

Q. q. 2.

Mat. 4. à v. 12.

Mar. 1. v. 14.

Luc. 4. v. 14.

Jo. 4. à v. 4.

dias intoleranter ferens non destitit, donec vir sanctus in custodiam detruaderetur. Iesus vero Iudeam reliquit, & venit iterum in Galilæam. In itinere per Samariam transiens incidit extra urbem prope fontem Jacob in mulierem Samaritanam; quam diu collocutus, eam ac deinde alios non paucos Samaritanos biduum apud eos commoratus convertit, ut crederent, *quis hic est verè Salvator mundi.*

Samariā digressus perrexit in Galilæam, ubi honorifice exceptus est ab iis, qui viderant, quæ fecerat in die festo Jerolymis. Relicta deinde Nazareth in Canam divertit, ubi priore anno fecerat aquam vinum, nunc autem Reguli sibi occurrentis filium ægrotantem, atque animam agentem sanavit absens. Ex quo factum, ut Regulus & tota ejus familia in Christum crederet.

Publicè concionatur, & mira patrat. Mat. 4. à v. 13. Mar. 1. à v. 14. Luc. 4. à v. 31. Inde venit Capharnaum maritimam in Galilæam urbem, quam deinceps habitationi suæ elegit; cœpitque nunc publicè convocatis ad audiendum populis concionari, & homines invitare ad penitentiam, denuntians propinquum esse Regnum Cœlorum. Neque uno tantum in loco verba fecit; sed circubat totam Galilæam docens in Synagogis, & sanans omnem infirmitatem in populo. dumque forte ambulat juxta mare Galilæ, assumpsit sibi concionum & miraculorum ministros Petrum, Andream, Jacobum & Ioannem Piscatores. Quibuscum Capharnaum reversus docuit in Synagogis Sabbatho cum stupore audientium, ibique dæmonem ex energumeno se annuntiantem jussit obmutescere, & exire de homine. Mat. 8. à v. 14. Sub id tempus Petri socius magnis febribus astuabat; itaque Sabbatho egressus de Synagoga venit in domum Petri & Andreæ, vimque morbi omnem ita extinxit, ut illa mox ministrare posset discubentibus. Eodem quoque vespere cum sol occidisset, afferbantur ad januam domus, in qua erat, magno numero malhabentes, quos curavit omnes iuncto etiam dæmonibus de silentio, quorum multos è corporibus tunc ejecit. Exacta in domo Petri ea nocte surgens valde diluculo abiit in desertum locum; unde præmissa ad Patrem oratione cœpit peragrare universam Galilæam prædicans in synagogis, dæmonia ejiciens, & mira faciens per omnes vicos & civitates. Cumque forte à multis undique turbis circumfunderetur, jussit eas ire trans fretum; Ipse vero è Petri navicula docebat turbas. Quo etiam tempore Chri-

Christus aliquos reprehendit, quod non, ut oportebat, Eum relictis omnibus sequi vellent. *Luc. 9. à v. 57.* Tum quoque Petrus, Jacobus, & Joannes capturæ piscium miraculo commoti in proposito Christo adhærendi mirificè confirmati sunt. *Luc. 5. à v. 1.*

Dum ad Gerasenos navigatur, ipso dormiente oritur gravis tempestas; quam autem mox sedavit. In Gerasenorum Regionem appulsus, liberavit duos obsessos à dæmonibus, qui deinde permisso Christi in gregem porcorum ingressi eos in profundum maris præcipites dedere, quod videntes cives rogarunt Eum, ut transiret à finibus eorum.

Reversus igitur Capharnaum civitatem suam, dum confluentes ex omni Castello Galilææ, & Judææ, & Jerusalem populos docer, ecce quatuor viri paralyticum in lecto jacentem afferrunt; quem cum præ turba inferre non possent, per tectum dominis funibus demiserunt, & posuerunt ante JESUM. Huic igitur prius peccata dimisit. Quod cum præsentes aliqui Scribæ & Pharisei apud se blasphemiae arguerent, JESUS videns cogitationes eorum, ut ostenderet, se remittendi peccata potestatem habere, sanavit etiam corpore paralyticum, iusitque tollere gravatum suum cum admiratione omnium præsentium ac dicenti: *Quia vidimus mirabilia hodie.*

Paulò post Matthæo è telonio, quod prope Capharnaum erat, ad Apostolatum vocatō, in domo ipsius accumbentibus mensa non paucis publi canis & peccatoribus cibum sumpsit; atque Scribas & Phariseos ob id murmurantes sapienter repressit, dicens: *Non est opus valentibus Medico, sed male habentibus.* Pari sapientia questionem, cur scilicet Joannis Discipulis jejunantibus Christi Discipuli non jejunarent, dissolvit; mirum scilicet non esse, quod præsente Sponso non jejunent; futurum autem esse, ut & ipsi jejunent, ubi Sponsus ab eis ablatus fuerit. Qua occasione Jairus Archisynagogus Eum rogavit, ut veniret secum, & filiæ suæ, quæ modò defuncta esset, imposta manu vitam redderet. Rediit itaque Capharnaum multâ turbâ circumdatus, & postquam in itinere mulierem fluxu sanguinis laborantem, ac fimbriam vestis suæ tangentem sanavit, filiam quoque Archisynagogi ejecto mortuali apparatu revocavit ad vitam. Dum indè domum suam accedit, duo cæci Eum sequuntur clamans

Qq 3

Tempelatem
sedat, & da-
mones ejicit.
Mar. 9. v. 25.
Mar. 4. à v. 35.
Luc. 8. à v. 22.

Mat. 9. à v. 1.
Mar. 2. à v. 1.
Luc. 5. à v. 27.
Paralyticum
sanat.
Mat. 9. à v. 1.
Mar. 2. à v. 1.
Luc. 5. à v. 27.

Matthæum è
telonio ve-
cat, & filiam
Jairi ad vitam
revocat.
Mat. 9. à v. 9.
Mar. 2. à v.
^{14.}
Luc. 5. à v. 27.

mantes: Miserere nostri Fili David. Igitur tactis eorum oculis eos illuminavit. Quibus vix domo egressis, hominem ex info sto dæmone mutum loqui fecit ejecto dæmone non sine blas phema Pharisæorum calumnia dicentium: In Principe dæmo niorum ejicit dæmonia.

In Paschate
Paralyticum
38. annorum
fanat.

Io. 5. 1. v. 1.

Inter hæc advenit dies festus Iudeorum. Igitur ad cele brandum Pascha Dominus Ierosolymam ascendit. Quo tem pore aliquando accedens piscinam probaticam, in quam è Templi atrio per canalem defluebat victimarum crux, & in cuius aqua, suo tempore ab Angelo mota illico sanabantur ægri, paralyticum triginta octo annos jam ægrotum verbo curavit, jussitque tollere grabatum suum & ambulare. Quod quia siebat in Sab batho, Judæi offensi JESUM non tantum persecuerunt, sed & quod insuper Patrem suum diceret DEum, quererent Eum in terficere.

Rediens inde in Galilæam per sata, cum Discipuli spicas in Sabbatho vellerent, eos contra Pharisæorum criminationes alla to Davidis exemplo, rursum defendere debuit. alia vero die Sabbathi cum Synagogam ingressus aridam hominis manum sanitati restituisset, tum vero Pharisæi majori adhuc invidia frementes cum Herodianis consilium inierunt, quomodo Eum perderent. JESUS autem cum Discipulis suis secessit ad mare Galilææ, multis undique turbis Eum sequentibus, quas docuit è navicula, ne comprimerent Eum, omnésque, quotquot habebant plagas, sanavit. Postea vicinum montem cum suis ascendit; cùmque in oratione ibi pernoctasset, manè è Discipulorum numero duodecim Apostolos elegit. Secutus est Sermo Domini in eodem monte omnem penè evangelicam doctrinam continens. Nam primò quidem per octo capita exposuit, in quo sita esset vera mortalium felicitas. Deinde Discipulos suos voluit esse, quasi terræ salem & lucem mundi; Scribarum vero justitiam correxit, ac Decalogum perfectè observandum esse docuit. Eodem sermone alia Evangelica tum præcepta, tum perfectioris vir monita & consilia tradidit, circa vindictam scilicet, mutuum, proximi dilectionem: item alia circa orationem, jejunium, at que eleemosynam documenta: non temere judicandum, nec omnia omnibus monita proponenda, orationem vero in primis necessariam esse. Denique monuit angustam esse ad Beatitudinem

dinem viam, falsos Doctores evitando, bonis operibus fidem probandam. Ubi de monte descendit, etiam turbas docuit in loco campestri, pleraque repetens, quæ in monte dixerat.

Hanc Christi sublimem doctrinam secuta sunt miracula. Nam rediens Capharnaum leprosum in via sanavit. Urbem ingressus Centurionis servulum paralyticum liberavit. Ad portam civitatis Nain filium viduæ unicum à morte & propè à tumulo in vitam revocavit. Quæ, aliisque cum Joannes in vinculis audisset, misit Discipulos suos ad Iesum, ut coram inteligerent, & crederent, non alium exspectandum, sed ipsum verè esse Messiam, opera ejus admiranda oculis suis videntes; nam præsentibus illis multos curavit à languoribus & plagis, & spiritibus malis, & cœcis multis donavit visum.

Non diu post conviva apud Simonem Pharisæum mulieri peccatrii lacrymis pedes suos riganti & osculantib; plenam peccatorum veniam, pacem ac sanitatem dedit, mirantib; qui accumbabant, & intra se dicentibus: *Quis est hic, qui etiam peccata dimittit?* Deinde Capharnai hominem dæmonium habentem, ac simul cœcum & mutum curavit, ita ut loqueretur, & videret. Ad quæ cum Pharisæi apud se dicerent: *In Belzebub Principe dæmoniorum ejicit demonia*, eos confutavit hoc argumento: *Si Sathanas Sathanam ejicit, quomodo stabit regnum ejus?* potentibus verò quibusdam Scribis & Pharisæis signum, non aliud generationi huic malæ & adulteræ datum iri respondit, nisi signum Jona Prophetæ, suam nempe resurrectionem. Simil gravibus verbis denuntiavit ipsis judicii divini severitatem, quod ad exemplum Ninivitarum pœnitentiam, quæ ipsis se prædicaretur, non agerent. In media hac concione mulier de turba extulit vocem in ejus Matrisque ipsius commendationem clamans: *Beatus venter qui te portavit, & ubera, qua suxisti.* superveniente tum Matre & Cognatis ex Nazareth, ostendit, quam carnali affinitati spiritualem anteferret, dicens: *Quicunque fecerit voluntatem Patris mei, qui in Cœlis est, ipse meus frater & soror & Mater est.*

Eodem adhuc die ad littus maris Galilææ è navicula ad currentem omnibus ex locis populum sermonem habuit; in quo cœlestis doctrinæ excellentiam declaravit variis parabolis semi-nantis ac seminis in diversas terræ partes dissipati, zizaniorum, semi-

Agros sanat.
Mat. 8. 14 v. 15.
Mar. 1. 14 v.
40.
Luc. 5. 12 v. 12.
Matt. 11. 14 v.
2.

Apud Simonem Pharisæum prædet.
Luc. 7. 14 v. 36.
Mat. 12. 22 v.
22.
Mar. 3. 2 v.
23.
Luc. 11. 2 v.
14. & 7. 14 v.

E navicula docet & in patriam suam concedit.

Mat. 13. à v. 1.
Mar. 4. à v. 1.
Luc. 8. à v. 5.
& 13. à v. 18.

seminis sensim crescentis, grani sinapis, frumenti, thesauri abson-
diti in agro, margaritæ, & sagenæ missæ in mare, quas parabolæ
ubi finiit, in Nazareth patriam suam concessit, & docuit in Syna-
goga mirantibus civibus, unde hanc sapientiam haussisset, dice-
bantque: *Nonne hic est filius Joseph? nonne Mater ejus dicitur
Maria?* Coeterum quod per pauca ederet miracula propter eo-
rum incredulitatem, aperteque diceret, quod nemo Propheta re-
ceptus esset in patria sua; audientes huc aliisque in Synagoga
irâ repleti sunt, & ejecerunt illum extra civitatem, ductumque
in montem voluerunt præcipitare.

Aliquanto post Apostolos, cum prius saluberrimis monitis,
Apostolos ac documentis eos instruxisset, & contra futuras persecutions
per Galileam præmunivisset, binos misit ad prædicandum cum gratia & po-
ad prædicandum mittere.
Mat. 10. à v. 1.
&c. 14. à v. 6.
Mar. 6. à v. 7.
Luc. 9. à v. 1.

acruitate miraculorum. Interea vero dum ipse etiam Dominus Ga-
lilæe vicos & eivitas circuit, ac Discipuli in vinea Domini
fructus colligunt, Herodes Joannem Baptistam jussit in carcere
occidi, non tam ob reprehensionem, quam ob stultam promis-
sionem, quam fecerat filia Herodiadis coram se & convivis con-
cinnè saltanti. Quo à Discipulis sepulso, cum denique fama
miraculorum Christi etiam ad Herodem hactenus tum profectio-
ne Romana, tum bello Arabico distentum pervenisset, credit
Joannem à se interfactum nunc in Christo resurrexisse, & tanta
opera patrare.

Interea Apostoli à sua missione reversi sunt ad Christum,
Quinque mil- & renuntiarunt ei omnia, que egerant, & docuerant; cum
lia hominum quibus se mox trans mare Tiberiadis in desertum locum contu-
pascit in de- lit quietis causâ. At nec ibi quiescere licuit; et si enim ipse cum
ferto. Discipulis in desertum venerit per navem; id tamen animadver-
Mat. 14. à v. tentes turbæ pedestri itinere illuc ingenti numero concurre-
13. Mar. 6. à v. runt. Quos ubi vidit Jesus, misertus est super eos, & cœpit il-
30. Luc. 9. à v. los docere multa de Regno DEI, & eos, qui curâ indigebant,
10. Je. 6. à v. 1. sanavit. Inclinante autem die Discipulis pro tanto multitudinis
cœnâ aliquâ in loco deserto sollicitis, jussit Dominus omnes in
certas turmas divisos in fœno discumbere; & quinque panibus,
& duobus pescibus divinitus multiplicatis quinque millia viro-
rum exceptis mulieribus & parvulis ita refecit, ut duodecim ad-
huc cophini fragmentorum ex panibus superessent. ob quod in-
signe miraculum cum turbæ cogitarent Eum regio honore affi-
ceret.

cere, fugit Ipse in montem solus, iussis Discipulis per mare redire. Itaque hi navem descendunt. Ecce autem cum densa jam nocte in medio mari jacantur fluctibus, haud procul à navi ambulante supra mare JEsum vident cum horrore, putantes phantasma esse. Mox autem voce Domini animati timorem posuere; & Petrus in mare desiliens ad ipsum, vix non ob modicam fidem demersus, per aquas accessit; quocum deinde JEsus navim ascendit, & illico cessante vento ad terram Genezareth cum Discipulis appulit. Ubi postquam morbos contactu fimbriæ suæ vestis sanavit, Capharnaum in suam civitatem rediit, quo etiam turbæ in deserto refectæ trajecto mari Tiberiadis pervenere.

Hic Syagogam ingressus easdem de querendo deinceps pane cœlesti monuit. Ubi & de Incarnatione sua, ac Mysterio Eucharistiae, quod post annum erat instituturus, prolixè differuit cum offensione quidem multorum Discipulorum, qui propter hunc sermonem abierunt retro, & societatem JEsu inconsultè deseruerunt.

Incudit quidem sub hoc tempus tertium Pascha, Christus tamen Jerosolymam non ascendit. Dum verò Galilæam perambulat Jerosolymis veniunt Pharisæi, & quidam de Scribis, videntesque Christi Discipulos ilotis manibus manducare contra traditionem Seniorum, eos apud Ipsum accusârunt; qui autem hypocritas vicissim acriter reprehendit de superstitione manuum lotione, impiisque eorum traditionibus.

Inde in fines Tyri & Sidonis profectus filiam mulieris gentilis à dæmonio liberavit, hinc per Sidonem ad mare Galilæum reversus surdum fecit audire, & mutum loqui. Deinde in montem ascensens sequentibus Eum turbis, nec habentibus, quod manducarent, septem panibus & paucis pisciculis quatuor millia virorum extra parvulos & mulieres repetito miraculo saturavit. Dimisâ verò turbâ ascendit in naviculam, & trajecto lacu venit in fines Magedan trans Jordanem. Hic Pharisæi & Saducæi Ipsum adeunt, tentantque petentes rursus signum de cœlo. At Christus illis respondit ut prius, non nisi de terra, signum videbet Jonæ Prophetæ, eis ostendendum. Postea navigans Bezaidam, monuit Discipulos, ut à fermento Pharisæorum & Saducorum, hypocrisi scilicet & prava doctrina eorum, cautè se

Sacra Veterum Temp. Histor.

Rr

De mysterio
Eucharistiae
differit.
Jo. 6. à v. 22.

Discipulos
contra Phari-
sæos defen-
dit.
Mat. 15. à v. 1.
Mar. 7. à v. 1.
Jo. 7. v. 1.

Quatuor
millia viro-
rum septem
panibus refa-
cite.
Matth. 15. à
v. 21.
Mar. 7. à v. 24.
& 8. à v. 1.

custodiant. Bezaidæ verò cæcum altera vice impositis ipsi manibus ita illuminavit, ut primò quidem videret homines tanquam arbores ambulantes, deinde verò ut omnia clarè videret.

Inde delatus in partes Cæsarea Philippi, ubi Ior & Dan

Filius Dei vi-
vi à Petro a-
gnoscitur.
Mat. 16. à v.
13.
Mar. 8. à v.
27.
Luc. 9. à v. 22.

conjunctis aquis Jordanem efficiunt, scire petiit à Discipulis primò, quem alii homines Ipsum, deinde quem ipsi dicérent; cùm Petrus nobilem illam, celebratámque confessionem edidit, dicens: *Tu es Christus Filius DEI vivi.* Ob quam vicissim promisit Dominus, se ipsum facturum petram ac caput Ecclesiæ, & daturum ei claves Regni Cœlorum. Postea Passionem suam ac Resurrectionem Discipulis primò prænuntiavit. Cui cùm aduersaretur Petrus, severè eum corripuit. Mox coram Dilcipulis & turbis docuit, opus esse, ut omnes, qui salvi esse cuperent, crucem suam ferant, & se sequantur.

Post aliquot dies Petrum, Jacobum & Joannem in montem Thabor deduxit, ubi elatus super terram instar Solis emicuit Moysè & Elia latus stipante, & cum Eo loquente; tribus verò Discipulis extra le raptis, Petro præcipue, qui quidem loquebatur, at non sciebat, quid diceret. Descendens sequenti die de monte coram turba lunaticum sive dæmoniacum hominem curavit, ejecto spiritu immundo, quem antea Discipuli frustra ejercerent, tentarunt. Moxque iterum Apostolis Passionem suam & Resurrectionem prænuntiat; qui sublime Redemptionis mysterium nondum capientes vehementer propterea afficti sunt. Cùm venisset Capharnaum, tributum statere in ore piscis invento prose & Petro solvi jussit. Quæ causa fuit Discipulis, ut cùm iam in via disputassent, quis eorum videretur esse major, nunc domi Magistrum adireut, & quererent, quis major esset in Regno Cœlorum. Eos autem Dominus de amanda potius humilitate erudit, parvulo in medio eorum ipsis in exemplum proposito. Plura deinde de scandalo puillorum differuit, addens etiam sermonem de correctione fraternali, atque parabolam de servo debente decem millia talentorum, à quo Dominus propter inhumanitatem in conservum repetiit dimissum jam semel debitum. Quo tempore etiam Discipulis ligandi & solvendi potestatem communicavit, addiditque, quanta sit orationis efficacia, si plures consentiant, & aliquid petant à Patre.

In monte
Thabor ut
Sol splendet.
Mat. 17. à v.
1.
& 18. à v. 1.
Mar. 9. à v. 1.
Luc. 9. à v. 28.

Post

Post hæc appropinquante festo Tabernaculorum civitatem suam Capharnaum & Galilæam, nunquam eam nisi post Resurrectionem suam revisurus, deseruit, profectusque est in Iudeam & Ierosolymam non manifestè, sed quasi in occulto. In via cùm vellet divertere in urbe Samariæ, admissus non est, eò quoditer fieret Ierosolymam. Jacobus & Joannes istud aegerimè ferentes cœlesti igne fulminandos cives censuerunt. At Dominus immodicum eorum zelum compescuit. In eodem itinere decem leprosos mundavit, in quibus unus tantum, & quidem Samaritanus inventus est, qui rediret, & daret laudem DEO.

Inchoato interim Scenopegiæ festo cùm Iudei Christum in Templo non viderent, quererent: *ubi est ille?* erantque in varios de Ipso Iesus divisi; quidam enim dicebant, *quia bonus est.* alii veò dicebant, *non: sed seducit turbas.* Tandem sub medium festorum dierum venit in Templum, & multa de se & de doctrina sua disseruit. Non omiserunt Principes & Pharisei hac occasione mittere satellites, qui Christo manus injicerent. At hi divino Eius sermone absterriti reversi sunt ad Pontifices & Phariseos, à quibus increpiti, cur Eum non adduxissent, responderunt: *nunquam sic locutus est homo sicut hic homo.* At Pharisei, vulgo imperito tantum ita videri, non item aliis, *nunquid enim, ajebant, ex Principibus aliquis credidit in Eum aut ex Phariseis?* volebat tum etiam Nicodemus Princeps partes Christi propugnare; sed malè à Phariseis acceptus est dicentibus: *Nunquid & tu Galileus es? Scrutare Scripturas, & vide, quia à Galilæa Propheta non surgit.*

Cum sub vesperam reversi essent unusquisque in domum suam, Iesus egressus est in montem Oliveti, & diluculo iterum venit in Templum. Dùmque sedens docet populum, Scriba & Pharisei statuunt in medio mulierem in adulterio deprehensam, ut ex Eius sententia, quamcumque ferret, Ipsum accusandi captarent argumentum. At delusi sunt. Christus enim suspendit iudicium, rogavitque, ut qui ex ipsis hujus criminis exors esset, primus in eam lapidem jaciat. Interim autem eorum crima exarabat in pulvere, quæ cùm legissent, & eorum essent consci, unus post alium dilapsi Christum cum rea solum reliquerunt; quam proin, à nemine damnatam, & Ipse dimisit hoc solum monens. *Vade & jam amplius noli peccare.* Pergens docere in

Rr 2

Ier facit in
Iudeam.
Mat. 19. v. 10.
Mar. 10. v. 1.
Luc. 9. à v. 51.
Jo. 7. à v. 1.

Templum
adit festo Ta-
bernaculo-
rum.
Jo. 7. à v. 14.

Docens in
Templo a-
dulteram li-
beram dimit-
tit.
Jo. 8. à v. 10.

Tem-

Templi gazophylacio palam dixit, se lucem mundi esse, principium, ac DEI Filium, in cruce exaltandum, se esse, antequam Abraham fieret. Propter quæ primò quidem cum Ipso tantum altercabantur Iudei, demum autem tulerunt lapides, ut jacerent in Eum. Jesus autem abscondit se, & exivit de Templo.

Sanat eum
à mativitate.
Jo. 9.

Egressus vidit hominem eum à nativitate. Cujus oculos ubi linivit luto, missum ad Natatoria Siloë videndi facultate donavit. Quod cùm Sabbatho fieret, Pharisæi Dominum de violato festo die criminantur; eum vero, animosè de Christo differentem multis verbis vexant, ac denique foras ejiciunt. Quo audito Jesus, cùm eum invenisset, credere in se docuit; Pharisæis vero, qui circa Ipsum erant, ostendit, se Ecclesiae optimum esse, verumque, legitimum, ac bonum Pastorem, qui animam suam dat pro ovibus suis.

Et ut bonus Pastor plures semper oves colligeret, designavit Dominus Discipulos septuaginta duos, præceptisque ac monitis Apostolicis instructos misit per Iudeam cum potestate predicandi & curandi infirmos, sicut antea per Galilæam destinat Apostolos. Ipse interim cum Apostolis in alia Iudeæ parte populum docuit, deplorans aliquando quarumdam in Galilæa civitatum Betzaidæ, Corozain & Capharnaum impoenitentiam & incredulitatem post tot virtutes, quas in iis operatus esset: quæ si factæ fuissent in Tyro & Sidone, in cilicio & cinere penitentiam egissent; aut si in Sodomis, forte mansissent usque in hanc diem. Reversos postea Discipulos atque exultantes, quod etiam dæmonia sibi habuissent subiecta, modestiæ admonuit, & felices prædicavit, laudans simul Patrem Cœlestem, quod fidei mysteria parvulis aperuerit.

Dum iter per Iudeam prosequitur, subdolè rogatur à quodam Legis perito, quid faciendo vitam æternam possidere posset? Cui Dominus proposuit dilectionis DEI & proximi mandatum; quis vero sit proximus, parabolâ illius, qui descendens in Jericho inciderat in latrones, explicavit. Veniens in Bethaniam hospitio exceptus est à Martha sorore Lazari & Maria, quæ dum sedens secus pedes Domini audiebat Verbum Illius, Martha sollicitè ministrante dixit Dominus, Mariam optimam partem elegisse.

Discipulos Tum rogatus à Discipulis docuit eos orare; orandique per-
leve.

Discipulos
mittit per
Iudeam.
Luc. 10. à v. r.

Matt. 11.
à v. 20.

Divertit
apud Mar-
tham & Mag-
dalenam.
Luc. 10. a v.
25.

severentiam parabolā amici, mediā nocte panem importunè pe-
tentis, commendavit. Ad Pharisæi postea prandium vocatus
superfluas Pharisæorum lotiones ac præpostera munditiem va-
riaque vitia insectatus est, simul ipsis & Legis peritis minas in-
tentavit sepiùs repetens *væ vobis*. Post hæc coram conferto
populo Discipulos denuò monet, ab hypocrisi Pharisæorum ca-
veant: constantiam in fidei confessione etiam cum mortis peri-
culo commendat: impietatem ac blasphemiam in Spiritum San-
ctum damnat. interpellatus autem à quodam rogatusque: dic
fratri meo ut dividat mecum hæreditatem, occasionem sumpsit
dehortandi ab avaritia nimiòque rerum temporalium studio:
hortatus autem est ad dandam eleemosynam tanquam thelau-
rum non delicien tem in ecclis. eadem in concione parabolā ser-
vorum, Dominum à nuptiis revertentem præstolantium, expo-
suit officium fidelis servi erga venturum Dominum. Prælatis
quoque singulariter præcepit, ut munia sua tanquam fidi ac pru-
dentes Dispensatores obeant.

Dum hæc aliisque tractat, affertur nuntius de occisis qui-
busdam à Pilato Judææ Præside Galilæis; ex quo Dominus an-
sam accepit docendi, agendam in tempore pœnitentiam, nec
DEI abutendum patientiâ sub parabola fculnæ; in quâ primô,
secundô, ac tertio anno Dominus quærens fructum & non inve-
niens jussit succidi illam. Pharisæi ab aliquo tempore tacue-
rant, at nunc rursus murmurare incipiunt. quodam Sabbatho
docens in Synagoga mulierem octodecim jam annis inclinatam
erexerat; cùm Archisynagogus indignans & conversus ad tur-
bas sex, inquit, dies sunt, in quibus oportet operari: *in his er-
go venite, & curamini, & non in die Sabbathi.* at JESUS eum
ac asseclas ipsius egregiè repressit dicens: *Hypocrite unusquis-
que vestram Sabbatho non solvit bovem suum aut asinum à pre-
sepio & dicit ad aquare? hanc autem filiam Abrahæ, quam al-
ligavit Sathanas, non oportuit solvi à vinculo isto die Sabba-
thi? qua cùm diceret, erubescabant omnes adversarii ejus.*

Tum per similitudinem grani siñpis Regni Cœlorum am-
plitudinem ita declaravit, ut tamen angustam ad illud potam
aditumque esse diceret, & præter opinionem hominum multos
repulsum iri, qui videbantur admittendi, multosque admitten-
dos & recubituros in sinu Abrahæ, qui videbantur expellendi,

Rr 3

orare allaque
doceat,
Luc. 11. & 12.

Mullerem
inclinatam
erigat.
Luc. 13. a v. 10

Docet por-
tam ad cœ-
lum esse an-
gustum.
Luc. 13. à v.
18.

signi-

significans reprobationem Iudeorum & vocationem Gentium, monitus à Pharisæis Herodem ipsi insidiari, voluit ut dicarent vulpi illi, se non ab ipso, sed occisum iri, uti alios Prophetas Ierusalem, super cuius proinde ingratitudine & ventura desolatione lamentabatur.

Curat Hy-
dropicum.
Luc. 14.

Non diu post invitatus ac mensa accut bens in domo Principis Pharisæorum curavit Hydropicum Sabbatho presentibus aliis Pharisæis & Legisperitis; qui quidem observabant eum, at non poterant quipiam contra movere perturbati hoc argumento: *Cujus vestrum asinus aut bos in puteum cadet, & non continuo extrahet illum die Sabbathi?* Itaque Dominus sermonem aliò convertit, sciensque quod in mensis primos accubitus eligerent, per parabolam invitatorum ad nuptias docuit eos humilitatem, hortatusque est, ut potius recumberent in novissimo foco. si vero ipsi alios invitarent, docuit eos misericordiam, hortans, ut pauperes, debiles, claudos & cœ os ad mensam vocarent pre iis, qui vices reddere possint. cumque discubentium unus exclamaret: *beatus, qui manducabit panem in Regno DEI,* addidit & parabolam ejus, qui fecit cœnam magnam, ac quibūdam, quorum unus villam, alter juga boum emit, alias uxorem duxit, fese excusantibus domum suam replevit pauperibus, debilibus, cœcis & claudis; quā parabolā ostendit, impedimenta omnia salutis aeternæ esse removenda. Tum iter faciens, cum videret sequentes se turbas multas, dixit, neminem posse esse suum Discipulum, qui se non abdicet rebus omnibus etiam proprie vitæ anore, feratque crucem suam.

Interim appropinquabat festum Encæniorum, quod hyeme Jerosolymis celebrari solebat mense Decembri per dies octo, veluti à Juda Machabæo ordinatum fuerat. Ad hoc igitur festum cum venisset JESUS, & ambularet in Templo in portico Salomonis, circumsteterunt eum Iudei, & quousque, ajebant, *animam nostram tollis? si tu es Christus, dic nobis palam.* respondit, id ex operibus suis sat notum esse; ipsos autem non credere, quod ex oīibus suis non sint. ut tamen postulationi eorum satisficeret, etiam palam dixit, se ac Patrem unum esse DEum, cum illi sustulerunt lapides, ut quasi blasphemum obruerent, at ipse exiit de manibus eorum, & venit in fines Iudeæ trans Jordanem in Bethabaram scilicet, ubi Joannes ante tres annos baptizarat; ibi

ibique deinceps usque ad mensem Martium commoratus turbas confluentes docuit, & curavit, & multi crediderunt in eum.

Porro inter eos, qui illuc confluabant, erant peccatores & Publicani, quibuscum Dominus etiam manducabat. murmurantibus propterea de more Pharisaï & Scribis, eis respondit tribus parabolis de ove perdita, de drachma inventa, ac de filio prodigo; quâ ultimâ velut in speculo docuit, quâm accepta jucundâque sit DEO ac Cœlitibus peccatorum per pœnitentiam ad Patrem suum redeuntium conversio. Atque his parabo is superbiam quidem & invidiam ipsis ob oculos posuit; alia verò parabo à de villico iniquitatis eorum quoque avaritiam redarguit, hortans simul a*l* eleemosynam faciendosque de mammona iniquitaris amicos. cùm verò avari Pharisaï de eleemosyna sic disputationem tantum irriderent, addidit historiam de divite Epu lone ob inhumanitatem in Lazarum mendicum in inferis sepulto, & aquæ guttam clamore inutili mendicante, qui misero micas de mensa incidentes antea negaverat.

Secuta est cum Pharisaïs disputatio de Matrimonii indissolubilitate, cum Discipulis verò de continentia; in qua etiam ostendit Cœlibatum præstare Matrimonio. Deinde scandalum vitandum esse monuit, & proximo à peccato resipiscenti ignoscendum, et si septies in die peccaverit in te. Tum, quanta sit efficacia fidei ostendit, & inutiles servos nos esse, tametsi fecerimus omnia, quæ præcepta sunt nobis. rogatus à Pharisaïs, quando venit Regnum DEI? reposuit, adventum suum ad Judicium repentinum fore atque inexpectatum, futuram tunc longè disparem ab hujus virtute statu hominum conditionem. concionatus quoque est de perseverantia orationis & humilitate in ea adhibenda; idque declaravit duabus parabolis unâ de iniquo Judee & vidua; alterâ de Publicano & Phariseo in Templo orantibus: quorum ille cum humilitate orans descendit justificatus præ isto, qui se & sua opera exaltaverat.

Alio tempore cùm adducerentur parvuli, ut Christus eos tangeret, Discipuli verò eos admittente nollent, siniti, inquiebat, parvulos venire ad me, imponensque illis manus benedixit eos, docuitque Regnum cœlestis humilium esse ac parvulorum. Non multò pôst Adolescens Princeps & Dives in media via occur-

Cum pecca toribus & pn blicanis man ducat.

Luc. 15. à v. 1.

Cum Phari saïs dis putat de Matrimo nio.

Mat. 19. à v. 3.

Mar. 10. à v. 2.

Luc. 16. à v. 18. & 17. à v. 1. & 18. à v. 1.

Docet, humili um esse Re gnum Calo rum.

Mat. 19. à v.

renſ 13.

Mar. 10. à v.
13.
Juc. 12. à v.
15.
Matt. 20. à v.
x. ad 17.

rens flexo ante Dominum genu Magister bone, inquit, quidfa-
ciendo vitam aeternam possidebo? cui JESUS: serva mandata, re-
ponente Juvene, se ea custodisse à juventute sua: JESUS intus
eum dilexit eum, & dixit: unum tibi deest: vade, quacunque
habes, vende & da pauperibus, & habebis thesaurum in Cœlo.
At ille hoc auditu tristis abiit. Christus vero ad Discipulos
conversus quam difficulter, inquit, divites & confidentes in pe-
cuniis salvantur! Discipulis reliquis admirantibus & ad se mu-
tuò dicentibus: quis potest salvis fieri? Petrus occasione uten-
dum ratus: Ecce nos ait, reliquimus omnia, & secuti sumus te,
quid ergo erit nobis? respondit Dominus, omnes, qui relique-
rint bona temporalia propter nomen suum, centuplum receptu-
ros in hac vita, & post hanc vitam aeternam: ipsos insuper se-
cum judicaturos duodecim Tribus Israël. multos vero primos
fore novissimos, & vice versa novissimos primos. quod ut ostend-
eret, narravit parabolam de patrefamilias conducente Oper-
arios in vineam suam, è quibus novissime vocati, scilicet Gentiles
in Christum credentes præferuntur Iudeis primum vocatis.

In Bethania Lazarum fu-
scitat, & sece-
dit in urbem
Ephrem.
Jo. 11. à v. 1.

Interea in Bethania Lazarus frater Martha & Mariae agro-
tabat, ut de ejus salute sorores desperarent. Igitur trans Jordani-
num, ubi agebat Dominus, mittunt, qui morbum fratris nuntiet.
Ille autem, qui non sanare ægrum, sed mortuum excitare cupie-
bat, biduum distulit profecitionem. at interim Lazarus mortuus
jam erat ac sepultus. quod dum Ipsi haud procul à Bethania re-
fertur, ad ipsius tumulum deduci voluit, ibique quatriiduanum
jam ae fœtcentem tribus verbis extraxit vivum, eumque sorori-
bus reddidit. Quo insigni miraculo non pauci ex Iudeis, qui
officii causa venerant ad Mariam & Martham, crediderunt in
JESUM. aliqui vero sine mora Ierosolymam ad Phariseos prope-
rârunt, referentes tam miraculum quam multitudinem Iudeo-
rum, qui eo convicti sese Christo adjunixerunt. Pharisei atten-
tâ rei gravitate concilium convocandum esse judicârunt. Porro
istud Præsidente Summo Pontifice Ierosolymæ componebatur ex
septuaginta Senioribus seu populi Senatoribus, ex viginti quatuor
Principibus Sacerdotum. & ex Scribis sive Legis Doctoribus,
inter quos alii erant Pharisei, alii Saducæi. Dum Romani in
Iudea rerum potiebantur, Concilium poterat quidem reum mor-
tis pronuntiare, non autem quemquam morte afficere, quod per-

tingit

tinebat ad Præsidem seu Procuratorem Romanum. Congregati igitur quid facimus. inquiunt, quia hic homo multa signa facit? si dimittimus eum sic: omnes credent in eum. Demum de sententia Caiphæ Pontificis decretum est, Christum esse è medio tollendum, ne tota gens pereat, & edictum, ut si quis sciret, ubi esset, indicaret ipsis, ut apprehenderent eum. at JESUS è Bethania se subduxit & secessit in civitatem Ephrem septem ferè horis Jerosolymā distantem, ibique morabatur cum Discipulis suis, donec à Patre cœlesti præfinitum & Paschale tempus adesset.

Tum verò assumptis secretò duodecim Apostolis se dat in viam Jerosolymam versus, inter eundum aperiens ipsis, quæ sibi eventura essent, tradendum nempe se Principibus Sacerdotum & Scribis & Senioribus, & damnandum morte, & tradendum gentibus: illudendum, conspuendum, flagellandum, interficiendum, & tertiâ die resurrecturum. Quæ quidem præ stupore illi adèd non intelligebant, ut duo ex ipsis Jacobus & Joannes tum longè aliud cogitantes per Matrem suam ambitiosè primas in Regno Christi fides postularent. In eodem itinere antequam ingredieretur Jericho, cœcum illuminavit. Urbem verò ingressus Zachæum Principem Publicanorum in ejus aëribus divertens convertit, urbe inter turbam multam egressus duobus cœcis oculis aperuit. Interim Apostoli Regnum DEI, quod temporale suspicabantur, Jerosolymæ, ad quam semper propius accedebant, brevi manifestatum iri sperabant. unde Dominus in via eis de homine nobili in Regionem longinquam ad accipiendum sibi Regnum abeunte, & interim servis suis talenta ad negotiandum dante parabolam narravit.

At demum ante sex dies Paschæ feriâ nimirum sextâ cum Apostolis sub vesperam venit in Bethaniam oppidum Jerosolymâ distans quasi stadiis quindecim. eâ nocte exceptus est à Lazaro, postero autem die Sabbathi coenavit in domo Simonis quondam leprosi. Lazarus unus erat è discubentibus. Martha ministrabat. Maria verò alterâ jam vice unxit pretioso unguento pedes JESU, & quod superfluit, effudit super caput ejus. Judâ propterea quasi ob prodigiam murmurante aliquaque etiam Apostolis illius exemplo commotis, Christus defendit mulieris factum laudavitque, quo prævenisset ungere corpus suum in sepulturam. De hac coena ubi vicinæ innotuit, inuki eò con-

Sacra Veterum Temp. Histor. Ss

redit Jerolymam.
Mat. 20. à v.
17.
Mar. 10. à v.
32.
Luc. 19. à v. 12.

Magdalena
Christi pedes
ungit.
Mat. 26. à v. 6.
Mar. 14. à v. 3.
Jo. 12. à v. 1.

fluxerunt non propter JESUM tantum, sed ut Lazarum viderent suscitatum à mortuis, quem ideo Principes Sacerdotum interfere cogitabant.

Famā autem etiam Jerosolymam delatā, ac per totam urbem vulgatā, Christum esse in Bethania, veaturūmque ad diem festum, postero die populus ei cum ramis palmarum occurrit, ac Ipse a'ello insideas per viam frondibus & vestimentis stramat. Ilemoni pompā Jerosolymam iter fecit plurimā turbā circumfusā ac clamante: *Hosanna, Benedictus qui venit in nomine Domini Rex Israēl.* Inter lātos hos populi clamores appropinquans Jerosolymā Ipse levit super illam prævidens ipsius ruinam, nec mansurum lapidem super lapidem, cū verò intraret Jerosolymam, gratulabunda JESU Prophetæ à Nazareth *commota est universa civitas;* Pharisæis inter hæc frementibus ac ad se mutuō dicentibus: *videtis quia nihil proficimus: ecce mundus totus post eum abiit.*

Ipse verò rectā viā Templum ascendit, ubi cœcos & clavidos sanavit, pueris interim in Templo cantare non cessantibus: Clarificatur in Templo. *Hosanna Filio David:* indignati sunt Principes Sacerdotum & Scribæ, contra quos ut pueros defenderet Dominus, an non, inquit, *legistis, quia ex ore infantium & laetentium perficiisti laudem?* aderant tum in atrio gentium quidam etiam Gentiles, qui cū JE. UM videre cuperent, monitus à Philippo Dominus dixit: *Venit hora, ut clarificetur filius hominis;* ac postea coram gentilibus imminentem mortem suam & fructum ex ea in salutem omnium hominum oriturum prædictit; cujus verba tum etiam vox ē Cœlo ad Ipsum delata confirmavit audiente tota turbā, post brevem deinde cum turba de morte sua disputacionem cū jam vespera esset, rediit in Bethaniam cum duodecim.

Ementes & vendentes ē templo ejicit. Mat. 21. à v. 12. Mar. 11. à v. 12. Luc. 19. à v. 45. Alterā die, feriā nempe secundā, revertitur Jerosolymam, in via esuriens siculneam accessit, nihil autem in eā inveniens præter folia maledictione arborem arefecit. Templum ingressus ementes & vendentes pro Paschate victimas rursus ē atrio ejecit exprobrans eis, quod Domum DEI & orationis fecissent speluncam latronum. postea verba fecit ad confluentem populum; hoc enim tempore erat quotidie docens in templo, & cum vespera facta esset, egrediebatur de Civitate in montem, scili-

scilicet Oliveti; nam ut Lucas ait c. 21. v. 37. erat diebus do-
sens in templo: noctibus verò exiens morabatur in monte, qui
vocatur Oliveti.

Feriā tertiā manē redeentes Jerosolyman Apostoli in via
advertisunt ficalneam à radicibus arefactam. quod cùm miraretur
Petrus, docuit Dominus, quanta vis esset fidei & orationis, ita
ut illà etiam montes è terra transferantur in mare, hac verò,
quidquid petitur, obtineatur. ubi venit in templum & populum
docuit, cū cūsternerunt eum Principes Sacerdotum, Scribæ &
Seniores populi quærentes, qua potestate h̄c faceret, ejiceret
scilicet vendentes de templo, permitteret sibi à turbis aeclamari
&c. at Dominus ipsis os obstruxit istud interrogans: an Baptis-
mus Joannis de Cœlo fuerit an ex hominibus? ad quod cùm
respondere timentes dicerent: nescimus; JE·US, neque ego,
ajebat, dico vobis, in qua potestate hac facio. addidit etiam pa-
rabolam hominis, qui habebat duos filios, quorum alter verbo
inobediens fuit & dixit: nolo ire in vineam, & tamen postea ab-
iit: alter autem inobediens fuit facto, dixit enim: eo, & non ivit.
Huic subiungit parabolam de Patrefamilias locante vineam Agri-
colis, qui non tantum servos Domini malè tractarunt, sed & fili-
um ejecerunt extra vineam & occiderunt. quibus cùm se per-
strictos sentirent, voluerunt in eum manus mittere, sed populi
metu abstinuerunt; nam universa turba mirabatur super doctri-
na ejus.

Tertiam parabolam adjecit de homine Rege, qui fecit filio
suo nuptias. ad quas cùm invitati noluissent venire, loco eorum
obvios quoque per servos suos convocari jussit, donec impletæ
fuit nuptiæ discubentium inter quos autem unus, qui non habe-
bat vestem nuptialem, missus est in tenebras exteriores; quâ para-
bola Dominus indicare voluit, reprobationem Judæorum & voca-
tionem gentium: addens in fine: multi sunt vocati, pauci verò
electi.

Inter hæc Pharisei odio flagrantes cum Herodianis consili-
um inierunt illaqueandi Christum captiosis quæstionibus, ut sic
populo etiam ipso probante possent apprehendere & tenere eum.
primò ergò nequiererunt, liceatne censum dare Cæsari an
non? ad quod Dominus ita respondit, ut confusi abirent. Post
hos Sadducæi de resurrectione mortuorum, & quid de septem

Ss 2

fra-

Duabus para-
bolis Judæos
perstringit.
Mat. 21. à v.
20.
Mar. 11. à v.
20. & 12. à
v. 1.
Luc. 20. à v. 1.

Parabola de
homine Regie.
Mat. 22. à v. 1.
Mar. 12. à v.
13.
Luc. 20. à v. 20

Varias quæ-
stiones di-
solvit.
Mat. 22. à v.
15.
Mat. 12. à v.
13.
Luc. 20. à v.
20.

fratribus unius uxoris viris post hanc vitam futurum sit, quæstio-
nem afferunt. quam Dominus ita dissolvit, ut dicerent: *Magi-
ster bene dixisti.* Pharisei audientes, quod silentium impolu-
set Sadducæis, rursum adsunt, & unus ex eis Legis Doctor ten-
tans eum de magno Legis mandato interrogat. quo explicato
*hæc à Scriba Dominus verba expressit: bene, Magister, in veri-
tate dixisti.* Tum verò vicissim Christus petiit à congregatis
Phariseis, sibi quoque responderent, ac dicearent, cuius filius esset
Christus? cui questioni cum Incarnationis divinæ ignari fasi-
facere nequirent, non ausus fuit quisquam ex illa die cum am-
plius interrogare.

At sic desperatam videns Phariseorum correctionem or-
tione ad turbas & ad Discipulos suos conversa hortatus est, ut
vitia detegit.
Mat. 23. à v.
85.

Scribarum & Phariseorum doctrinam quidem & præcepta se-
quantur, nequaquam verò vitia eorum & mores depravatos; ut
qui dicunt & non faciunt: imponunt onera gravia in humeros
hominum, digito autem suo nolunt ea movere; volunt ambu-
lare in stolis, amant salutationes in foro, & vocari Magister;
amant primas Cathedras in Synagogis, primos discubitus in con-
viviis, devorant domos viduarum sub obtenu prolixæ oratio-
nis. Tum in ipsos Scribas & Phariseos severiori, quam un-
quam, objurgatione injectus octies eis maledictionem leu-
z interminatus est; nempe, quod claudant Regnum Cœlorum an-
te homines: quod comedant domos viduarum: quod, dum faci-
unt unum Proselythum, faciant eum filium gehennæ: quod ju-
ramentum per templum, altare, vel Cœlum pro nullo habeant:
quod graviora legis negligant, leviora sectentur, cum tamen
oporeat hæc facere & illa non omittere: quod mundent quod
deforis est, intus autem sint pleni rapina & immunditia: quod
similes sint sepulchris dealbatis, appareantque foris justi, intus au-
tem pleni sint hypocrisi & iniquitate. demum quod exemplo Pa-
trum suorum missos ad se prophetas occidunt, crucifigant, fla-
gellant in Synagogis & persequantur de Civitate in Civitatem,
Ita quidem in Phariseos & Scribas; erga Jerosolymitanos Cives
autem ad extremum Invectivæ commiserationem ostendit, quod
paternam suam erga ipsos solicitudinem neglexerint ad suam rui-
nam. Videns postea inter alios dona sua offerentes mittentes-
que in Gazophylacium pauperem viduam, quæ injiciebat duo
solu-

solumodo minuta, eam plus omnibus dedisse discipulis affirmavit. Marc. 12. à v. 41. Luc. 21. à v. 1.

Tandem egressus de templo dum pergit cum duodecim in montem Oliveti, respicientibus Apostolis in via & magnificeutiam templi admirantibus, luctuosam tam templi quam urbis eversionem eis praedixit. ubi vero in montem Oliveti pervenit, Apostolis tantæ clavis tempus & signa scire cupientibus, sedens longum de futurâ Iudeorum calamitate tanquam figurâ rem figuratam res nempe Iustorum adversas, usque ad finem mundi significante, de secundo suo ad Judicium adventu, de Antichristo, rebusque novissimis sermonem instituit. Et primum quidem signa prævia & communia excidio urbis & orbis universi exposuit, deinde attulit signa propria eversionis Ierosolymæ, monens Pseudo-Prophetis non habendam fidem. tertio signa propria excidii orbis, & extremi Judicii prænuntiavit, inferens inde vigilandum esse omnibus in hac vita, maximè autem viris Apostolicis & Ecclesiæ Prælatis, ne dies Illa quasi dormitantes imparatos obruat. atque hanc vigilandi necessitatem tum parabolâ de decem Virginibus tum alterâ de distributis à Domino inter servos suos talentis ostendit. demum quam severum judicium facturus, quamque sententiam pro bonis & contra improbos sit latus, apertissima oratione pronunciat.

Hos sermones omnes cum consumasset, denunciavat Discipulis, post biduum fore Pascha sequere traditum iri Iudeis ut crucifigeretur. Porro per duas has ferias mansit in Bethania neque ultra ad docendum in templum ascendit. Interim autem feria quartâ in atrium Summi Pontificis Cajphe Principes Sacerdotum Scribe & Seniores convocati consultarunt, quomodo JEsum dolo tenerent & occiderent. Hujus conventus & Consilii non ignarus unus de duodecim, in quem Satanus intraverat, Iudas Ierosolymam petiit, suamque Principibus Sacerdotum ad id operam pro pretio obtulit. Læti tam idoneo proditore trinita argenteos sive siclos ei constituant. quibus contentus querebat opportunitatem, ut traderet illum sine turbis.

Feria quinta, quâ ob decimam quartam Lunæ mensis Nisan comedendus erat Agnus Paschalis, Dominus Ierosolymam misit Petrum & Joannem, ut Agnum, panes azymos, aliisque pararent in Cœnaculo, quod grande ac stratum Civium aliquis ac Domi-

Sermonem
habet de re-
bus novissi-
mis.
Mar. 24. &
25. à v. 1.
Mar. 13. à v. 1.
Luc. 21. à v. 6.

Venit
Juda. 1
Mat. 26. à v.
1. ad 6. & 1
v. 14. ad 17.
Mar. 14. à v.
1. ad 3. & 2
v. 10. ad 22.
Luc. 22. à v. 1.
ad 7.

Agnus Pa-
schalem edit.
Mat. 26. à v.
17.

Mar. 14. à v. nus Domūs, ipsis descriptæ, in hunc finem oblatus esset, quod
12. cùm Illi exactè fecissent, vespere facto cum duodecim venit Je-
Luc. 22. à v. 7. rosolymam. Igitur Agnum tanquam Paterfamilias prius sacri-
 ficavit, eoque mox assato, post Solis occasum discumbens cum
 duodecim Pascha comedendo Agnum celebravit.

Post eum Agni figuræ veritatem sufficere volens & ma-
Mat. 26. à v. gnus Eucharistie mysterium instituere, surrexit à Cœna, pol-
25. ad 36. tisque vestimentis ac missa in pelvem aquam lavit pedes Discipu-
Mar. 14. à v. lorum, & linteo, quo erat præcinctus, extersit, quo humilitatis
18. ad 32. & charitatis exemplo tradito, simulque indicata puritate animi,
Luc. 22. à v. quamcum sumenda esset Eucharistia, eam solennibus verbis con-
15. ad 39. ficit, consecrat, distribuitque omnibus discubentibus, præci-
Jo. 13. à v. 1. piens, ut in posterum idem in sui memoriam ficerent, quo sa-
 cro epulo peracto cœnare pergens se traditum iri Iudeis affir-
 mat ab uno, qui secum mensa accumberet, singulis de se sollici-
 tis illum soli Joanni, intinctum panem Iude præbendō, indica-
 vit, qui mox accepta bucella ē cœnaculo & Apostolorum Col-
 legio obstinata mente discessit plena jam nocte; reliquis Apo-
 stolis, quid ageretur, non advertentibus; & rursus, quod Christus post Iude abitum se clarificatum esse & adhuc clarificatum
 iri diceret, importunè de Primatu & quis eorum videretur esse
 major, super mensam contendentibus. quam autem disputatio-
 nem proposita suā humilitate, qua inter eos esset, sicut qui mini-
 strat, discussit; addiditque communi ipsos omnes honore judi-
 caturos secum duodecim Tribus Israël, sessurosque deinde super
 mensam suam in Regno suo. postea de suo discessu sermonem
 inferens Filioli, inquit, *ad huc modicum vobiscum sum, novumque eis mutua dilectionis mandatum dedit.* Petro scire volen-
 te, quō vaderet; nec ipsum, nec cœteros nunc quidem secum
 venire posse respondit. urgente autem Petro, quare non? se pla-
 nè paratum cum Ipso & in carcerem & in mortem ire; ipsi aper-
 tis verbis prædictis, se ea adhuc nocte, antequam gallus bis can-
 taret, ter ab ipso negatum iri.

Quo dicto cùm Petrus, & cœteri decem, qui eadem cum
Confirmat Petro pollicebantur animosè, vehementer perturbarentur, intu-
Apostolos & lit sermonem longum ad eos consolando, & contra imminens
 pro iis Patrem
 rogat.
Jo. c. 14. c. 15. crucis scandalum confirmando; quem denique terminavit his
c. 16. c. 17. verbis: *In mundo pressuram habebitis: sed confidite, ego vici*

mūn-

mundum. Sublevatis deinde in Cœlum oculis orationem habuit ad Patrem, quā suos illi commendavit, ut ab eo protegantur, & sanctificantur. Nec pro eis tantum rogavit, sed & pro iis, qui deinceps per ipsorum prædicationem in Ipsum erant credituri.

Demum hymno gratiarum actionis dicto domo, in quā cœnatum fuerat, & civitate egressus, relictis trans torrentem Cedron in villa Gethsemani reliquis Apostolis cum Petro, Jacobo, & Joanne ad montem Oliveti pro more perrexit. Hic comitibus orare jussis, at mox præ tristitia dormientibus, Ipse, quantum est jactus lapidis, progeriescit; positisque humi genibus, ac demum procidens in faciem suam super terram, tristitia, pavore, tadio mirum in modum afflictus, semel, iterum, tertio orat, ut transeat ab Ipsi calix amarissimæ Passionis. Apparuit Illi quidem Angelus de Cœlo confortans Eum, in hac tamen agonia factus est sudor ejus, sicut gutta sanguinis decurrentis in terram. Interim tres Discipuli dormiebant, quos tamen secum vigilare voluerat, & orare, ut non intrarent in temptationem, ita enim dormientes primò, ac secundò eos accedens invenit. cùm autem nunc tertio ab oratione venisset ad eos, ecce adventat Iuda Ductore Tribunus cum cohorte militari & Ministris Iudorum.

Ex osculo Judæ agnoverunt quidem JEsum; at cùm contra eos progrederetur, rogans, quem quærerent, ad unum prosternuntur omnes in terram. Mox autem verbo eos erigit, luisque abire permisisti, sui capiendi potestatem facit. capitur ergo, frustaque resistente Petro ligatus ac per torrentem Cedron reductus Ierosolymam ingenti tumultu à furentibus trahitur. ac primò quidem per noctis tenebras honoris & gratulationis causâ captivus dicitur ad Annam, unum ex Principibus Sacerdotum, & Socerum Caiphæ; inde ad ipsum Pontificem, in cuius domo Principes Sacerdotum, Scribæ & Seniores congregati erant. Hic coram omni Concilio à Summo Pontifice interrogatur de Discipulis & doctrina sua; à vili servo percutitur; à falsis testibus accusatur; à Pontifice per DEum vivum adjurat; ut dicat, an sit Christus Filius DEI; blasphemus, ac reus mortis per tumultum proclamatur. Latâ iniquissimâ sententiâ solutoque Concilio per reliquum noctis tempus usque ad pri-

Christi in
horto agoniz.
Mat. 26. à v.
30. ad 48.
Mar. 14. à v.
26. ad 44.
Luc. 22. à v.
39. ad 48.
Jo. 18. à v. 1.
ad 4.

Capitur & du-
citur primò
ad Annam,
deinde ad
Caipham,
Mat. 26. à v.
48.
Mar. 14. à v.
44.
Luc. 22. à v.
48.
Jo. 18. à v. 4.
ad 28.

mam diei horam a satellitibus indignissimis tractatur modis, illuditur, conspuitur, colaphis palmisque velata facie percussus rogatur insolentissime: prophetiza nobis Christe, quis est qui te percussit; & alia multa blasphemantes dicebant in eum. Interea Petrus ter Dominum in atrio Pontificis negavit, & primum ad secundum galli cantum resipuit aspectu Domini tactus; tunc enim egredius foras flevit amare.

Primâ luce feriæ sextæ, quæ erat primus dies Azymorum seu Solemnitatis Paschalis, rursum in domo Pontificis adsunt omnes Principes Sacerdotum cum Senioribus & Scribis & universo Concilio, ut JESUM, quem nocte fam mortis reum pronunciabant, nunc morti traderent. Iterum ergo coram Concilio, an Christus & Filius DEI esset, interrogatus cum diceret, quia ego sum, illi satis se instructos rati ad accusandum eum apud Pilatum, vincitum ad Prætorium seu ad domum ipsius adduxerunt; quod videns Judas, conscientiâ sceleris victus argenteis triginta unâ cum spe salutis in Templum abjectis, laqueo infelicem vitam clausit.

Ubi ad Prætorium per ventum est, JESUS quidem ductus est intrò, Principes autem Sacerdotum, Scribæ & Seniores cum re Herodem, & liqua Iudeorum turba ante fores manserunt, ne ex ingressu dominus Gentilis immundi postea non possent cibis Paschalibus ves Pilatum. Exivit ergo Pilatus ad eos foras, auditurus accusationis Mat. 27. à v. 31. capita. Illi tribus maximè criminibus Christum onerant. Hunc Mar. 15. à v. 2. invenimus, ajunt, subvertentem gentem nostram; & prohiben Luc. 23. à v. 2. tem tributa dare Cesari, & dicentem se Christum Regem esse. Jo. 18. à v. 28. His auditis regressus in Prætorium Pilatus stante coram se JESU illud præcipue urgebat, an Rex esset? ad quod respondit, omnino se Regem esse: coeterùm Regnum suum non esse de hoc mundo. Facile intellexit Pilatus innocentem esse Christum, iterum ergò prodivit ad Iudeos, nullumque à se in accusato crimene prehendi palam dixit. Illi contra: commovet populum, docens per universam Iudeam, incipiens à Galilæa usque huc. Galilam audiens quæsivit, num Galilæus & de Herodis potestate esset; cumque id circumstantes affirmassent, misit Christum ad Herodem, qui & ipse Ierosolymis erat illis diebus; ut sic ipsum liberaret, vel certè se ab hac causa expediret. Herodes interrogabat quidem ipsum multis sermonibus, & Principes Sacerdotum ac Scri-

Scribz̄ constanter accusabant; at neque ad Illius interrogata, neque ad horum accusationes quicquam respondit; ut denique quasi amens propter silentium contemptus & ueste alba indutus ab Herode ad Pilatum remitteretur, qui isto erga Herodem officio id saltem consecutus est, ut ipsi, antea inimico, reconciliatur.

Reductus ad Prætorium à Principib⁹ Sacerdotum, & Senioribus denuò accusatur in multis, à Pilato verò urgetur, ut ad tanta ipsi objecta crimina respondeat. sed nec Præsid⁹ nec accusatoribus respondit ad ullum verbum, ita ut miraretur Præses vehementer, Sciénsque quod per invidiam tradidissent eum Summi Sacerdotes, alteram ejus liberandi viam tentat. Habebat populus Judaicus festo Paschatis die concessum à Romanis privilegeum, quo poterant captivo alicui libertatem exorare apud Præsidem; ac iste necesse habebat dimittere eis, quemcunque petitissent. Igitur proponit ipsis duos JESUM, & Barabbam, merito credens petituros JESUM præ latrone, qui primū nuper in seditione quadam fecerat homicidium. at Principes Sacerdotum & Seniores sollicitè hortati sunt populos, ut peterent Barabbam, JESUM verò perderent. Itaque petunt virum homicidam donari sibi, Authorem verò vitæ à tergiversante Præside iteratō ac tertio elatioribus semper vocibus crescentēque tumultu ad mortem crucēmque deposcunt.

Pilatus hac quoque spe delusus Christum flagellis immani-
ter cædi jubet, ut vel sic misericordiā moti toto corpore lacera-
tum vitâ saltē donent. præterea milites flagellatione non con-
tentī Dominum in atrio Prætorii velut scenicum Regem chla-
myde coccineā, coronā spineā, sceptro arundineō, sputis & ver-
beribus, aliisque indignissimis modis & cruciant & iudificantur;
quo tamen factō Pilatus aliud à barbaris hominibus non conse-
cutus injuriis ac cruciatibus ultimum innocentis supplicium tan-
tum dō accumulavit.

Cū enim Dominus ita flagellis cæsus, ut à planta pedis ad verticem non esset in eo sanitas, colaphis lividus, sputis defor-
matus, portans coronam spineam à Pilato foras produceretur,
ut tam horrido spectaculo invidiam odiūmque Iudeorum pla-
caret, ac frangeret; illi nihil mitiores adeò commoti non sunt,
ut potius efferati, præcipue ummi Sacerdotes & Ministri, con-

Sacra Veterum Temp. Histor.

T

cla-

Mat. 27. à v.
15.
Mar. 15. à v. 6.
Luc. 23. à v.
17.
Jo. 18. à v.
38.
Barabz post
ponitur.

Mat. 27. à v.
26.
Mar. 15. à v.
15.
Jo. 19. à v. 1.
Laceratur fla-
gris & spinea
corona ac
purpura ex-
ornatur.

Damnatur à
Præside.
Jo. 19. à v. 4.

clamarent: crucifige, crucifige Eum. Needum tamen his clamoribus dehortante & propriâ conscientia & uxore ad serendam sententiam motus, acciperent Eum ipsi, aiebat, & crucifigent, se planè nullam in Eo invenire mortis causam. cùmque instarent, secundum leges suas debere mori, quia Filium DEI fecit, adhuc magis timens vocatum intra Palatium novo examini subjicit, ac unde esset, interrogavit. ad quod licet Iesus responsum non dederit ei, de novo tamen quærebat dimittere eum, quod Iudei animadverentes conclamârunt: si hunc dimittis, non es amicus Cæsaris. hoc demum ariete viæta est constantia Pilati. cùm enim audiisset hos sermones, adduxit foras Iesum sedisque pro tribunali. Antequam tamen ferret mortis sententiam, ultimò flectere tentavit animos Iudaorum dixitque: Ecce Rex vester! clamantibus vero illis, tolle tolle crucifige eum; Pilatus, an igitur vellent, inquiebat, ut Regem ipsorum crucigeret? reposuere summi Sacerdotes: non habemus Regem nisi Cæsarem. Denique videns quia nihil proficeret, ablutis prius coram populo manibus suam & Christi innocentiam contestatus, Mat. 27. v. 26. Mar. 15. Luc. 23. v. 24. Mat. 27. v. 37. Mar. 15. v. 26. Luc. 23. v. 38. Jo. 19. v. 19. tradidit eis illum, ut crucifigeretur. ut autem de mortis ejus causa omnibus publicè constaret, eam scriptit Hebraicè, Græcè & Latine in tabula, quam postea Cruci supra caput Christi appendi jussit. In hac porro scripta erat hæc causa sive titulus: Iesus Nazarenus Rex Iudaorum.

Ita traditus potestati Iudaorum exiuit chlamyde purpurea, indutusque suis vestimentis à Palatio Pilati ducitur in locum haud procul distante, ubi parata jam Crux lignea ipsum expectabat. quā humeris ipsius impositā inde bajulans suam Crucem cum duobus latronibus sequente multa turbā populi & mulierum per urbem ad locum supplicii educitur. In via cùm nocturnis diurnisque tormentis fractus Dominus sub ingenti pondere fatisceret, hominem venientem de villa sua Simonem nomine patria Cyrenum coegerunt Crucem portare post Iesum. In eadem viâ plangentibus mulieribus cùmque lamentantibus, subinde conversus ad illas: nolite, inquit, filia Ierusalem flere super me, sed super vos ipsas flete, & super filios vestros.

U:

Dueitur in
montem
Calvariaz.
Mar. 27. à v.
31. ad 33.
Mar. 15. à v.
20. ad 22.
Luc. 23. à v.
26. ad 33.

Ut tandem per viam, ultra mille passus à Palatio Pilati longam, in Calvariæ montem perventum est, post vinum myrram & selle mistum primoribus labiis degustatum detractis vestimentis Cruci clavis manibus pedibusque crudeliter affixus erigitur. id factum est circa horam meridianam, sive ab ortu Solis, æquinoctiali illo tempore, sextam. ad majorem infamiam pependit medius inter duos latrones. vix autem Servator in Cruce exaltatus fuerat, Mar. 15. v. 33 & Luc. 23. v. 44. 45. ecce Lunā tunc plenā ingenti miraculo obscuratus est Sol, & tenebrae factae sunt per totam terram usque in horam nonam. pendens verò innocens JESUS pro crucifigentibus se oravit: *Pater, inquiens, dimitte illis: non enim sciunt, quid faciunt.*

Interim quatuor milites, qui sedentes servabant eum, inter se diviserunt vestimenta Domini. jämque erant in eo, ut tunica in quatuor secarent partes. at ubi animadverterunt, eam esse inconsutilem, & desuper contextam per totum, forti integrum reliquerunt.

Judei, qui magno numero adstantes vel prætereunares tragediam spectabant, lecto titulo vehementer offensi sunt, adeò ut quidam de summis Sacerdotibus properarent mox ad Præsidem, monerentque, titulum potius ita scribi juberet: *quia Ipse dixit: Rex sum Iudeorum.* at repulsi sunt; respondit enim Pilatus: *quod scripsi, scripsi.*

Illud stupendum, tam horrendi supplicii spectatores ullâ pendentis commiseratione adeò non commotis fuisse, ut ipsum etiam blasphemis impeterent, dicerentque: *vah qui destruis templum DEI, & in triduo readificas: salva temetipsum: si filius DEI es, descende de Cruce.* Principes Sacerdotum præcepè cum Scribis & Senioribus acerbè deridebant eum dicebantque ad se mutuò: *alios salvos fecit, seipsum non potest salvum facere: si Rex Israël es, descendat nunc de Cruce.* & credimus ei, quorum exemplum imitatus alter latronum ipse quoque dicebat: *si tu es Christus: salvum fac temetipsum & nos.* Socius verò objurgatò blasphemò meritus est à Christo audire; *Hodie mecum eris in Paradiso.*

Inter hæc stabar iuxta Crucem Mater JESU cum Joanne Maria Cleophae, & Maria Magdalene; quas cùm vidisset JESUS de Cruce, Matrem Discipulo commendavit, & Discipulum vi-

Mat. 27. v. 33.
& 34.
Mar. 15. v. 22.
23. 24.
Luc. 23. v. 33.
34.
Affigitur
Cruci, &
pro crucifixonibus orat.

Milites divis
serunt sibi ve
stimenta.
Mar. 27. v. 35.
& 36.
Mar. 15. v. 24.
Luc. 23. v. 34.
Jo. 19. v. 23.
& 24.
Judei frustra
petunt muta
ri titulum.
Jo. 10. v. 20.
21. 22.
Deridetur in
Cruce.
Mar. 27. 2 v.
39. ad 45.
Mar. 15. 2 v.
29. ad 33.
Luc. 23. 2 v.
35. ad 44.

Loquitur ad
Matrem &
Joannem.

*Jo. 19. v. 25.
26. 27.*

Non diu pōst cūm jam tres ferē horas diros Crucis pertulisset cruciatus, in summa desolatione cordis à Patre se derelictum lamentatur voce magnā dicens: *DEus meus, DEus meus, ut quid dereliquisti me?*

Mat. 27. 47.

46. ad 50.

Mar. 15. 27.

34. ad 37.

Aceto pota-

tur.

Mat. 17. v. 42.

Mat. 15. v. 36.

Jo. 19. v. 29.

& 30.

Dēnū exhaustus sanguine ac viribus non tam ut sitim restingueret, quām ut Scriptura impletetur, dixit: *s̄tio.* quod cū audiissent circumstantes, unus ex iis spongiam in vase jam parato implevit acetō, infixāmque arundini admovit ori ejus.

Sumptā amarā potionē dixit: *consummatum est, spiritū que suum Patri honorā voce commendans inclinato capite horū nona expiravit feria 6. mense Martio circa æquinoctium Anno mundi 4029. Æra vulgaris 29. Juliano 74. natus annos 33. menes proximè tres,*

Moritur.

Mat. 27. v. 50.

Mar. 15. v. 37.

Luc. 23. v. 46.

Jo. 19. v. 30.

Prodigia in

morte Chri-

sti.

Mat. 17. v. 51.

52. 53.

Mat. 15. v. 38.

Luc. 23. v. 45.

Centurio

agnoscit eum

esse filium

DEI.

Mat. 27. v. 54.

55. 56.

Mar. 15. v. 39.

40. 41.

Luc. 23. v. 47.

48. 49.

Tunc quidem Sol rursus dedit lumen suum terræ, quo tribus horis Christo paciente caruerat. at mox crebrescunt alia prodigia, nam velum templi, quo tegebatur oraculum five Sanctum Sanctorum, sponte suā bifariam discissum est à summo usque deorsum; & terra mota est; & petræ scissæ sunt; & monumenta aperta sunt; & quibus corpora Sanctorum, qui scilicet in fide Messias & in charitate DEI mortem olim obierant, post Christi resurrectionem in testimonium ejus ab Inferis excitati surrexerunt, & venerunt in Sanctam Civitatem & apparuerunt multis,

Videns itaque morientem, & quæ post mortem IESU fiebant, Centurio, & qui cum eo erant custodientes IESUM, animō commotī pro Christi innocentia luculentum testimonium perhibuerunt, *verè, inquietes, Filius DEI erat iste.* reliqua vero turba Iudeorum, qui tum ad spectaculum adhuc aderant, percussentes pectora sua reversi sunt in urbem. longè majori luctu & incredibili dolore perfusi fuerint *omnes nisi ejus, multeque, mulieres, quæ secuta cum erant à Galilaea, à longe stantes & huiusvidentes.*

Interim Judæi solliciti, ne sequenti magno Sabbatho remanerent in Cruce corpora, rogaverunt Pilatum, ut ad mortem accelerandam frangerentur pendentium crura. missi sunt ergo milites, at cūm viderent IESUM, latronibus adhuc cum morte lu-

Qanti-

stantibus, jam mortuum, non fregerunt ejus crura. tum unus militum sive ad melius explorandam sive ad plenè perficiendam Christi mortem, lancea latus ejus aperuit sanguine simul & aquâ inde decurrente.

Sub vesperam adsunt duo Illustres viri Joseph & Nicodemus, qui obtenta à Pilato facultate sacrum Christi Corpus de Cruce deposuerunt; copiosèque aromatibus delibutum, & munda sindone ac linteis involutum honorificè sepelierunt in vicino monumento novo, in quo nondum quisquam positus erat, quod que Joseph exciderat in petra; Maria Magdalene & Maria Joseph contra sepulchrum sedentibus, & situm funeris observantibus, ut transacto Sabbatho prima luce, & ipsæ cum paratis iæterea aromatibus & unguentis illuc venirent, & ungerent Corpus JESU; quod tunc temporis angustiæ facere non permittebant.

Postero Sabbathi die Principes Sacerdotum & Pharisæi annuente Pilato sepulchrum Domini militari custodiâ lapidéique ei impositum sigillo muniunt, veriti scilicet, ne fortè venirent Discipuli ejus & furarentur eum, dicerentque plebi: surrexit à mortuis; essetque adeo novissimus error peior priore.

Sed inanis fuit hæc cura. Nam cùm Domini Corpus tota Sabbathi die cum duabus noctibus jacuisset in sepulchro, anima veræ ejus in receptaculis subterraneis apud Patres aliósque in gratia DEI defunctos versata esset, summo mane diei sequentis seu Dominicæ resumpto glorioso nunc corpore clausò licet monumento egressus est, cùmque postea Angelus descendens de Cœlo facto terræ motu revoluto lapide monumentum aperuisset, prætimore ejus exterriti sunt custodes, & facti sunt velut mortui. Quæ omnia cùm ad se & in civitatem reversi narrassent Principibus Sacerdotum, hi initio cum Senioribus consilio pecuniam copiolam dedere militibus hortantes, ut in vulgus spargant, se dormientibus Discipulos ejus nocte venisse, corpùsque furatos esse. neque propterea sibi à Pilato timerent, se enim pro ipsis Illi rationem reddituros, & ipsis securitatem præstituros. id quod milites accurratè fecerunt populo Judaico impudentes.

Primâ ejusdem diei luce festinatè veniunt ad monumentum Maria Magdalene sociæque mulieres cum aromatibus & unguentis, ut ungerent corpus JESU; videntque revolutum jam

Tt 3

lapi-

Sepelitur.
Mat. 27. 4 v.
57. ad 62.
Mar. 15. à v.
42. ad finem.
Luc. 23. 2 v.
50. ad finem.
Jo. 19. v. 38.
ad finem.

Sepulchrum
custoditur.
Mat. 27. 2 v.
62.

Resurgit;
Mat. 28. v. 2.
3. 4. v. 11. &c
13. 14. 15.

Apparet
Magdalene
& sociis mu-
lieribus.

Mat. 28. à v. 5. lapidem, de quo in via sollicitæ erant ad se mutuò dicentes:
 ad 11. quis revolvet nobis lapidem ab ostio monumenti? intrant ergo,
 Mar. 16. à v. at loco corporis Domini inveniunt consternatæ Angelum in for-
 2. ma Juvenis sedentem in monumento; qui autem eas sine timore
 ad 12. esse jussit, referréque Petro ac Discipulis, Dominum surrexisse,
 Luc. 26. à v. 1. ostendens locum, ubi positus erat, recurrunt igitur in urbem pa-
 ad 13. Jo. 20. à v. 1. vore & gaudio plenæ, visaque omnia & audita undecim Aposto-
 ad 19. lis & cœteris omnibus referunt; ac Magdalena cum animo esset
 perturbata inter alia Petro & Joanni queritur: Tulerunt Domi-
 num de monumento, & nes imus ubi posuerunt eum. Has mu-
 lierum narrationes habuerunt Apostoli sicut deliramentum &
 non crediderunt. Petrus & Joannes nihilominus surgunt &
 festinant ad monumentum Magdalena & sociabas sequentibus,
 ingressi vident linteamina posita, & sudarium, quod fuerat super
 caput Domini, separatim involutum in unum locum. Petrus
 ubi omnia sollicitè perlustravit redit cum Joanne in urbem le-
 cum mirans, quod factum fuerat. Cœteris quoque mulieri-
 bus in urbem revertentibus Magdalena ad monumentum ha-
 renti & ploranti post B. Virginem Matrem, quam, ut par est
 credere, primò redivivus consolatus est, primùm sub forma Hor-
 tulani apparet. Nec multò post rursus eidem reliquisque fœ-
 minis in itinere coniunctis se videndum exhibet, eisque salutat,
 monens, dicerent Fratribus suis, ut eant in Galilæam, ubi ipsi
 quoque se visuri essent.

Verum bonus Dominus istud Discipulis gaudium tamdiu
 non distulit. nam eodem statim die apparuit imoni Petro duo
 bus Discipulis euntibus in Emmaus, qui cum eadem die ad ve-
 speram reversi Ierosolymam congregatis in Cœnaeulo Apostolis
 Mar. 16. v. 12. narrarent visum a se Dominum & agnatum in fractione panis,
 13. 14. ecce supervenit Dominus januis ob metum Iudeorum clausis, &
 Luc. 24. à v. stetit in medio Discipolorum, eosque salutans de resurrectione
 15. ad 44. sua certiores fecit, manus pedesque videndos ac palpandos præ-
 ad 24. buit, coram illis cibum, partem scilicet piscis assi & favum mel-
 dis sumpsit, & divinam potestatem remittendi retinendique pec-
 cata Illis concessit his verbis: Quorum remiseritis peccata, re-
 mittuntur eis: & quorum retinueritis, retenta sunt.

Aberat

Aberat tum Thomas, cui postea venienti licet omnes affir-
marent, Dominum adfuisse, noluit tamen credere, nisi ipse vide-
ret in manibus Domini fixuram clavorum & digitum mitteret
in locum clavorum, & manum mitteret in latus ejus, donec octa-
vo post die in idem Cœnaculum januis clausis rursus ingressus
Dominus coram Discipulis incredulum latere aperto & plagarum
cicatricibus ostensis ab infidelitate sanavit, roboravit & confo-
latus est.

Post dies azymorum transactos abierunt Discipuli in Ga-
lilam, prout a Domino iussi fuerant per mulieres; ubi Petro
cum sex aliis Discipulis in mari Tiberiadis pescanti stans in lit-
tore tertio apparuit; ac post captam ingentem vim magnorum
piscium, paratum ex piscibus super prunas positis & pane pran-
dium eum ipsis in eodem littore sumpsit.

Sumptuō prandiō deambulans cum Discipulis JESUS dicit
Simoni Petro: *diligis me plus his?* dicit ei: *etiam Domine,
tu scis, quia amo te.* Dicit ei: *pasce agnos meos.* Dicit ei ite-
rum: *Simon Joannis diligis me?* ait illi: *etiam Domine, tu
scis quia amo te.* Dicit ei: *pasce agnos meos.* Dicit ei tertio:
Simon Joannis amas me? contristatus est Petrus, quia dixit ei
tertio: *amas me.* & dixit ei: *Domine tu omnia nosti: tu scis
quia amo te.* Dixit ei: *pasce oves meas.* quibus verbis Petro
suprimum Ovili sui sive Ecclesiæ universæ creavit Pastorem,
juxta promissionem ei factam, Matth. 16. v. 18. & 19. simul
eum de morte Crucis subeunda præmonuit.

Deinde visus est plusquam quingentis fratribus simul in
monte, qui Thabor fuisse creditur. & hæc apparitio fuerit cele-
berrima illa ab Angelo Mat. ult. v. 7. Mar. ult. v. 7. & ab ipso
Christo Mat. ult. v. 10. promissa. Demum quadragesimo à re-
surrectione die visus est Apostolis in Judæam & Jerosolymam
reversis, dum recumbunt in consueto cœnaculo.

Atque ita prabuit seipsum vivum post passionem suam in
multis argumentis per dies quadraginta, non continuè sed per
intervalla, apparens eis & loquens de regno Dei. In his con-
gressibus dedit ipsis potestatem remittendi ac retinendi pecca-
ta: constituit Petrum omnium suarum ovium in Ecclesia Pasto-
rem: affirmavit datam sibi omnem potestatem in Cœlo & in
terra: necesse fuisse impleri omnia, quæ scripta sunt in lege
Moy-

Apparet Di-
scipulis pra-
fente etiama
Thomā.
Jo. 20. à v. 24.
ad 30.

Apparet Di-
scipulis pi-
scantibus.
Jo. c. 21. à v. 5.
ad 15.

Pewum creat
Pastorem Ec-
clesiæ.
Jo. 21. à v. 13.
ad 20.

Apparet
quingentis.
1. Cor. 15. v.
6.
Mar. 16. v. 14.
Luc. 24. v. 50.

Instruct & de-
stinat Apo-
stolos in
mundum
universum.
Mat. 26. à v.
16.

Mar. 16. 2 v. Moysis, & Prophetis & Psalmis de Ipso: oportuisse ipsum pati
14. & ita intrare in gloriam suam. In his congressibus jussit eos ire
Luc. 24. 2 v. in mundum universum, & prædicare Evangelium omni creatu-
45. ræ, ita tamen, ut prædicationem Evangelii, pœnitentia & remis-
Act. 1. v. 2. 4. sionis peccatorum incipient ab Ierosolyma: jussit baptizare om-
5. nes gentes in nomine Patris & Filii & Spiritus Sancti: jussit do-
 cere omnia, quæcunque ipsis mandasset, addita promissione, se
 eum suis futurum usque ad consummationem sæculi. Aperuit
 Ipsi sensum, sive illuminavit mentem eorum, ut intelligerent
 Scripturas: promisit Spiritum Sanctum Doctorem ac Paracle-
 tum, eumque Ierosolymis expectari voluit. Edixit, eos, qui cre-
 diderint & baptizati fuerint, salvos fore; qui vero non credi-
 derint, condemnandos: credentes linguis locuturos novis, &
 varia Signa facturos, ita ut in nomine Ipsiis dæmonia ejlicant,
 serpentes tollant, mortiferum quid innoxie bibant, & gnos impos-
 sitis manibüs curent. Demum per hos quadraginta dies docuit
 Apostolos, quomodo Ecclesiam formarent, regerent, & perficerent:
 docuit Ordines, gradus & status varios in Ecclesia fer-
 vandos: docuit materias & formas ritusque singulorum Sacra-
 mentorum & Ordinum, aliisque, quæ ab Apostolis suis Successo-
 ribus tradita per singula sæcula hucusque Ecclesia conservavit.

Eodem quadragesimo die postquam locutus est eis, finit
Ancendit in Cœlum. prandiū eduxit eos foras in Bethaniam, ac inde in vicinum mon-
Mar. ult. v. 19. tem Oliveti. Hic, antequam in Cœlum ascenderet, quidam
Luc. ult. v. 50. communi adhuc Judaicæ gentis errore putantes, regnum Messiae
Act. 1. v. 6. 7. fore temporale & de hoc mundo, interrogarunt eum an tempus
8. 9. istud esset, quo Ipse restitueret Regnum Israël, nempe a tem-
 pore Roboami satis collapsum, & demum a Romanis omnino
 prostratum? at Dominus non esse ipsorum indirecte respondit
 nosse tempora vel momenta, quæ Pater posuisset in potestate sua:
 istud potius Ipsi nunc curent, ut accepta Spiritus Sancti virtute
 sint sibi testes in Jerusalem & in omni Iudea & Samaria, & us-
 que ad ultimum terræ. Et cum haec dixisset, elevatis mani-
 bus benedicens evidentibus illis elevatus est, & ferebatur in
 Cœlum cum multo Angelorum Sanctorumque,
 quos è limbo eduxerat, comitatu.

H-

HISTORIA APOSTOLICA PETRUS

Summus Ecclesiæ in terris Pastor & Pontifex.

Dum ita ascendentem suscepit demum nubes ab oculis eorum, coram adstant duo Angeli in vestibus albis, & in cælum adhuc aspicientibus nuntiant, JESUM aliquando sic venturum, quemadmodum nunc vidissent eum in cælum, quibus rursum disparentibus illi reversi sunt Ierusalem cum gaudio magno, ingressisque notam Joannis Marci unius è Christi discipulis domum in cænaculo, seu superiore parte domus, summa juncti charitate inter ardentes preces promissum Spiritus Sancti adventum præstolabantur. Petrus vero, natus tunc annos circiter triginta, vices Christi in terris agere caput, & Ecclesiam Ejus fundatam sanguine gubernare. cumque à morte Christi nullus in locum Judæ suffectus esset, rem haud amplius & ultra Pentecosten differendam ratus aptum istud tempus esse putavit faciendæ electioni, qua impleretur Scriptura, & Episcopatum ejus acciperet alter. Quodam igitur die exurgens in medio fratrum hoc suum consilium præsentibus centum viginti ferè hominibus proposuit. Cumque placuisse, in tantæ dignitatis spem vocati sunt Barsabas & Mathias duo ex septuaginta Christi discipulis. Horum nominibus in urnam conjectis, factaque ad Deum oratione fors cecidit super Mathiam; qui adeò duodenarium à Christo definitum Apostolorum numerum implevit.

Post hanc functionem dum perseverant unanimiter in oratione cum mulieribus & Maria Mâtre JESU, & fratribus Ejus, sive cognatis; ecce Spiritus Sanctus vigesimâ quartâ Maii die Dominico horâ ab ortu Solis tertâ in sono vehementi instar igneæ lingua supra singulorum capita effulgentis descendit. Quo repleti omnes cœpere variis linguis loqui, & magnalia DEI populo, ad cænaculum auditô insolito sonô undique affluent, prædicare flupentibus maximè illis Judæis, qui è Perside, Ægypto,

Sacra Veterum Temp. Histor. Uu

Ara-

Ab Anno
Christi pass
Primo.

Apostoli re-
vertuntur in
urbem. Ma-
thias fit Apo-
stolus.
Act. c. 1.

Spiritu San-
cto repleti
variis linguis
loquuntur.
*Act. 2. à v. 10:
ad 13.*

Arabia, Roma, Creta, Mesopotamia, Cappadocia, aliisque Aſz partibus Jerosolymæ magnō numerō tum religionis, tum negotiorum causā aderant, & audiebant unusquisque lingua sua, in qua nati erant, eos loquentes.

Non deerant, qui irridentes dicerent, Galilæos hos musto plenos esse, quos autem Petrus stans cum undeciū facile confutavit ductō à temporis ratione argumentō; eum Judæi solerent festis diebus ab ortu solis abstinere omni cibo & potu usque ad meridiem, sive horam sextam. habita deinde ad circumfusam multitudinem oratione omnes ad pœnitentiam hortatus est, quam etiam compuncti corde ad tria circiter millia amplexi sunt, & eodem Pentecostes die baptizati, qui deinceps magno quotidie credentium numerō aucti statis horis ad conciones Apostolorum, ad orationem, ad fractionem panis, seu Eucharistiam sumendam, conveniebant.

Quodam die ascendeunte Petro cum Joanne in templum ad horam orationis nonam sedens ad speciosam templi portam mendicus ab utero matris suæ claudus petit ab iis elemosynam; ad quem Petrus aurum, & argentum, inquit, non est mihi: quod autem habeo, hoc tibi do: in nomine IESU Christi Nazareni surge, & ambula. tantamque hæc verba habuere virtutem, ut, qui hactenus bajulabatur, & ponebatur quotidie ad eam templi portam, nunc non tantum consolidatis basibus ac plantis staret, sed & cum Apostolis ambularet in templum, & laudans DEum exiliret, porrò hic homo annorum amplius quadraginta notissimus erat toti Jerosolymæ. cùm ergo Judæi, qui & ipsi ad eam orationis horam in templum ascenderant, viderent eum ambularem, auditentque, virtute ac potestate duorum virorum factum id esse, ex omnibus atriis concurrerunt ad porticum Salomonis, ubi cum mendico orabant Apostoli, nec sat saperant mirari ac intueri divinos hos homines, quod videns Petrus Viri Israëlitæ, inquit, quid miramini in hoc, aut nos quid intuemini, quasi nostra virtute ac potestate fecerimus hunc ambulare? docuitque se non nisi per fidem Nominis IESU id fecisse. tum altero iam sermone prædicavit populo pœnitentiam, & IESUM Christum, quem ostendit per Moysen & omnes Prophetas pridem fuisse prænuntiatum conversaque sunt hac occasione quinque millia virorum præter foeminas & pueros, atque horum tot milium familias.

Non

Die Pentecostes tria milia baptizantur.
Act. 2. v. 13. ad 42.

Petrus claudum sanat, & quinque milia virorum convertit.
Act. 3.

Nondum finita concione adsunt Sacerdotes, Magistratus templi, & Sadducæi ; iratique , à duobus Galilæis non tantum doceri populum , sed & resurrectionem mortuorum prædicari , jubent inicii in Apostolos manus , quodque jam vespera esset , detineri in custodia usque in crastinum . Altero die conveniunt in concilium principes tribuum , principes Sacerdotum , Seniores & scribæ præsidente summo Pontifice Caipha . quid heri factum ad speciosam portam , jam omnibus notum erat . dissimulata altera , docendi scilicet & resurrectionem prædicandi causâ de hoc solo facto quæstionem instituendam decernunt . producti igitur in medium cum mendico duo Apostoli rogantur , in qua virtute aut in quo nomine istud fecissent ? respondit sancta cum libertate Petrus , claudum hunc in pedes erectum ambulare non in alio , quam in illius nomine , quem ipsi crucifixissent , DEus autem fuscitasset à mortuis ; nec enim aliud nomen esse sub cælo datum hominibus , in quo oporteat nos salvos fieri . Caiphas & plerique confidentium benè noverant , hos ipsos esse , qui nuper fuerant cum JEsu , mirabanturque homines sine literis & idiotas cum tanta constantia loqui . interim nihil poterant vel audebant contradicere ; nam mendicum coram se stantem & ambulante oculis suis cernebant , quem antea claudum sedentem ad portam speciosam toties viderant . iussi sunt igitur extra concilium paulum secedere , donec revocati audirent sententiam . auditis suffragiis cum restoti Jerosolyme manifesta neque negari , neque propter populum durius quidpiam in eos statui posset , vi- sum est ipsis silentium indicere , ac sub gravibus minis prohibere , ne deinceps loquerentur in nomine JEsu ulli hominum . au- dita sententia Apostoli antequam exirent , injustam esse hanc prohibitionem , palam ostenderunt dicentes : *Si justum est in con- spectu Dei vos potius audire , quam Deum judicare ; non enim possumus , qua vidimus , & audivimus , non loqui .* Dimissique his minis neque ipsi , neque ceteri Apostoli , quibus hæc omnia narraverant , absterriti deinceps quoque loquebantur verbum Dei cum fiducia , magnaque virtute reddebat testimonium Resurrectionis JEsu Christi Domini nostri .

His Ecclesiæ initii erat mira animorum inter credentes consensio , adeò ut esset cor unum , & anima una . Omnia ipsis erant communia ; nemo erat egens ; nam locupletiores vendebant

Petrus & Jo-
annes in cu-
stodiā dan-
tur , sed ite-
rum dimi-
tuntur .

A& 4. à v. l.
ad 32.

muniſ.

Act. 4, 2 v. 32.
& c. 5, 2 v. 1.
ad 12.

bant agros & domos suas, & pretia ponebant ante pedes Apollo. lorum, quæ deinde dividebantur singulis ad cujusque indigentiam & necessitatem. nominatim Barnabas Levita ex Cypro oriundus vendidit in ea insula agrum suum, pretiumque posuit ante pedes Apostolorum. sequebantur nempe tunc plerique fideliū illud Christi: *si vis perfectus esse, vade, vende, qua habes, & da pauperibus, & veni sequere me.* Quod quidem faciebant non proposito solum, sed voto ſeſe obſtrigentes; exuebant que le omnium bonorum dominio & proprietate. Atque hinc Ananias & Saphyra conjuget, quod integrum pretium ex vendito agro feſterre meatientes partem ſibi clam ſervassent, ſu-bita morte puniti ante pedes Petri conciderunt, ad terrorem ſcilicet aliorum; nam factus est timor magnus in universa Ecclesia, & in omnes, qui audiērunt hac.

Apostoli in-
carcerantur,
& ab Angelo
liberantur.
Act. 5, 2 v. 17.
ad 27.

Apostoli verò pergebant Christum liberè prædicare in por-ticu Salomonis ad ſacras eorum functiones peridoneo; numeriſque credentium virorum ac mulierum in dies augebatur, cum non tantum verbum Dei audirent, ſed viderent etiam fieri ſigna & prodigia multa in plebe per manus Apostolorum, præſertim Petri; nam cum Jeroſolymæ paſſim in plateis exponerentur infirmi in lectulis & grabatis, ſi prætereunte Petro vel umbra illius obumbraret quemquam, liberabatur ab infirmitatibus ſuis. Neque hoc faciebant ſoli cives Jeroſolimitani; ſed concurrebat multitudo etiam vicinarum civitatum afferentes agros & vexatos à spiritibus immundis, quales tunc iemporis nutu ac providentia Divina ad refellendam hæresin Sadduceorum, Angelos & spiritus negantium, plurimi erant; qui omnes, ut pri-mūm baptizati, aut confirmati erant, curabantur. At Princeps Sacerdotum & ceteri Sadducei ob tantam populi novis docto-ribus ſeſe adjungentis multitudinem jam diu zelō repleti, ut ipſis post contemptas nuperas minas fortiori remedio silentium imponerent, opportunō die ac tempore comprehendendi jubent Apostolos, atque in publicam custodiā compingi, in Concilio craſtina die convocando cauſam violatae prohibitionis dicturos. Bonam partem noctis jam egerant Apostoli in carcere; cūmece! adeſt Angelus Domini, apertisque januis liberos educit, hor-tatus, ut pergerent ſine cura in templo prædicare omnia verba viæ hujus, qui etiam diluculo intrantes templum docuerunt.

p.:

populum, ut antè. Congregato interea concilio mittit Principe Sacerdotum Ministros, qui carcere, ut putabat, clausos adducant. isti carcerem quidem invenerunt clausum cum omni diligentia, custodes quoque stantes ante januam; verùm aperto carcere neminem intùs invenerunt. Quod cùm ministri renuntiassent confessui, mirantibus ac sese mutuò aspicientibus supervenit aliis nuntians, viros, quos heri in custodiam deditissent, esse in templo, ac docere populum. Magistratus templi, & Principes Sacerdotum, quid agerent, incerti, demum invitandos potius esse in concilium, quām cogendos decernunt, veriti, ne à populo, si iis vim inferrent, lapidarentur. Ubi stetere in Concilio, Caiphas præcipiendo, inquit, præcepimus vobis, ne doceretis in nomine isto: & ecce! replētis Jerusalem doctrinā vestrā. Fassi sunt Petrus & Apostoli, omnino se id fecisse, sed quia obedire oportet Deo magis quam hominibus, pergente deinde Petro dicere, Jesum, quem ipsi interemissa suspendentes in ligno, fuisse à Deo Patrum ipsorum à mortuis suscitatum, & exaltatum ad dannam poenitentiam Israëli, & remissionem peccatorum, hæc auidentes cogitabant interficere illos.

Quod animadvertis Gamaliel Pharisæus legis doctor & honorabilis universæ plebi, quique Christo & in Eum credentibus jam tum claram favebat, surrexit, Apostolisque paulisper foras secedere jussis gravissima oratione monuit, ne præcipitarent lentitiam; novam enim hanc doctrinam, si ex hominibus sit, suapte disolutum iri; si autem à Deo, frustra conaturos dissolvere, cui quidem consilio cæteri eatenus acquieverunt, ut non interficerentur, flagellis tamen cæderentur. quo facto dimissi sunt severè iterum moniti, ne omnino loquerentur in Nominе JESU. Et illi quidem ibant gaudentes à conspectu concilii, quoniam digni habiti sunt pro Nominе JESU contumeliam pati. Non tamen minus ac antea in templo publicè, ac circa domos privatum quotidie docebant, & evangelizabant Christum JESUM.

Hactenus credentium, utpote paucorum & ferventium, erat cor unum & anima una. crescente autem paulatim numero, & fervore decrecente incipiunt murmurationes & schismata. Ju-dæi inter Græcos nati ægrè ferebant, quod ipsorum viduæ ad villora solum ministeria adhicerentur, viduis Judæorum in Iu-

Creatur
septem Dia-
coni.
Act. 6. à v. 1.
ad 8.

dæa natis honoratiora quæque & laudatiora demandarentur; quæque in ciborum & vestium distributione Hebræis magis favebant, pluraque illis suppeditabant quam Græcis. Ad soppendum hoc Græcorum murmur Apostoli judicarunt diligendos esse septem Diaconos, qui loco viduarum, non sat bene officid fungentium, necessaria ad mensas profanas ministrarent; simul etiam deservirent Apostolis Eucharistiam confidentibus, populoque illam distribuerent, baptizarent quoque, per intervalla prædicarent, & alia munia sacra obirent; ut sic Apostoli a mensarum curis liberi orationi & Sacrificio Missæ ac prædicationi verbi Divini assiduè ac toti vacare possent. itaque discipuli & suo numero elegerunt Stephanum, Philippum, Prochorum, Nicæonem, Timonem, Parmenam, & Nicolaum, omnes in Græcia gentili natos; quos postea Apostoli impositis manibus creaverunt Diaconos. Fructus brevi apparuit; nam *verbum Dei crescet*; & multiplicabatur numerus Discipulorum valde; multa etiam turba Sacerdotum obediebat fidei.

Porro inter Diaconos istos eminebat Stephanus, plenus que gratia & fortitudine faciebat prodigia & signa magna in populo. istud inique ferebant Judæi, maximè qui extra Iudaam Alexandriæ in Egypto, & in Asia nati erant. igitur quidam doctiores ex ipsis surrexerunt de Synagoga, quam habebant Jerosolymæ & Stephanum disputandò adorti sunt; quos autem ita confutavit, ut non possent resistere sapientiæ, & spiritui, quiliquebatur, cum disputationibus rubore simus & irâ suffuli nihil proficerent, concitata plebe, senioribus, & scribis efficerunt, ut Stephanus veluti blasphemus in Moysen & in Deum, quique loqueretur verba adversus locum sanctum & legem, in Concilium raperetur; coram quo data à Principe Sacerdotum loquendi pro se facultate, longa ac tam vehementi oratione eis homicidium in Christo, à tot Prophetis prænuntiato, perpetratum exprobavit, ut dissecarentur cordibus, & striderent dentibus in eum. cum autem finita oratione fixis repente in cælum oculis insuper exclamaret, se videre cælos apertos, & JEsum, quem crucifixissent, stantem à dextris Dei, voce magna conclamantes continuerunt aures suas, raptatumque furentes ejecerunt non tantum è loco concilii, sed etiam è civitate, & in valle Josaphat sine alia forma judicii, nec requisita Pilati facultate lapidibus obrum

26. Dec.
Stephanus la-
pidatur.
Act. 6. à v. 8.
ad finem &
Act. 8. 7. tot.

tum occiderunt, Saulo, licet præsens & consobrinus Stephani esset, non tantum non contradicente, sed iniquissimam necem etiam probante.

Non stetit hic furor Judæorum. sanguine Stephani magis efferrati grandem excitant persecutionem in omnes, qui Jero-solymis in Christum credebant. Inter acerrimos persecutores erat ipse ille Saulus, qui devastabat Ecclesiam per domos intrans, & trahens viros & mulieres tradebat in custodiam assentiente Praeside Pilato, vel certe connivente, qua occasione dispersi sunt fideles non solum per regiones Judææ, & Samariæ, sed quidam etiam in Phœniciam, Cyprum, Antiochiam usque pervenerunt.

Act. 11. v. 9. imo Magdalena cum Martha, Lazaro, & Josepho ab Arimathea concensa navi in Galliam; alii plusquam quingen-ti in Hispaniam trajecerunt; alii aliò dilapsi sunt, solis Aposto-lis (Domino, qui tunc ipsis omnibus erat visus 1. Cor. 15. v. 7. fortassis ita monente) Jerosolymæ persistentibus, ut Ecclesiam illuc a Christo fundatam, & inchoatam altius firmarent, ac sta-bilirent, quem in finem Jacobum Minorem (cui etiam soli Do-minus visus erat. 1. Cor. 15. v. 7.) Jerosolymæ Episcopum vi-gesimo septimo Decembribus creaverant. Fructus persecutionis fuit, ut discipuli quaquaversum dispersi, & prædicantes Christum in varias Provincias inferrent verbum Dei & Evangelium. Ita Philippus Diaconus Samariam delatus plurimos ad Christum ad-duxit; cumque signa faceret & virtutes magnas, spiritus quo-que immundos ejiceret, inter alios etiam Simon, qui apud Sa-maritanos ob magicas artes celebris erat, & gentem seducebat,

baptizatus est.

Hoc bonum nuntium ubi acceperunt Apostoli Jero-solymæ, quod scilicet receperisset Samaria verbum Dei, illuc profecti sunt Pe-trus & Joannes, & a Philippo jam baptizatis uberiorem gratiam Spiritus Sancti (qui se tunc temporis ferè signo aliquo vi-sibili lingua, vel ignis prodebat) per Sacramentum Confirmationis impositis super illos manibus & ungendo illos balsamo & oleo simul commixtis ad fidem intrepide profitendam impertiverunt. quod videns Simon ille magus nuper baptizatus, admiransque tantam in Petro & Joanne virtutem desiderium similis potesta-tis accipiendæ concepit. Accedens igitur Apostolos obtulit eis pecuniam, ut sic empto episcopatu ipse quoque posset aliis im-

Mense Ja-nuarii Anno à passione 2. ob persecu-tionem discipuli di-spurguntur. Act. 8. à v. I. ad 14.

Petrus & Jo-anne Samar-riæ evangeli-zant. Act. 8. à v. 14 ad 26.

imponere manus, ipsique acciperent Spiritum Sanctum. At Petrus in sacrilegum acriter invectus pecunia tua, inquit, tecum *fit in perditionem*; monuitque, ut de tam gravi peccato, quo putasset Divina dona emi pecuniā posse, severam ageret penitentiam, meliusque de Deo. Divinisque donis sentire deinceps disceperet. Verū Simon iste adeò emendatus non est, ut postea ad vomitum & ad magicas artes rediret, falsisque doctrinis Evangelio tum Samariæ, tum postea Romæ plurimū officearet. Petrus autem & Joannes, postquam aliquo adhuc tempore non solum in urbe, sed & per reliquam Provinciam Samariæ verbum DEI disseminarunt, reversi sunt in Ierusalem, relicto Samariæ Philippo Diacono.

Hic pergens in suo ministerio jubetur fortè ab Angelo iter inire meridiem versus, ac prope urbem Gazam sese jungere curri, quo Reginæ Abyssinæ thesaurorum summus Praefectus Jerosolymā, ubi adoraverat, in Æthiopiam reverteretur. iste, cùm Philippus appropinquaret, legens in curru suo Isaiam hærebatur locum illum: *tanquam ovis ad occasionem duxitus est: generationem Eius quis enarrabit, quoniam tolletur de terra vita ejus.* quod animadvertisens Philippus jam currui proximus rogat, an intelligat, quæ legit? evnuncho negante rogantéque ut alcederet, & sedereret lecum, Philippus ei locum explicavit, simul ei evangelizans JEsum desiderium baptismi injecit. brevi venerunt ad aquam, in quam curru stare iussiо descenderunt ambo, & Philippus evnuchum, credentem iam ex toto corde Filium DEI esse JEsum Christum, baptizavit. hac legatione perfunctus ab Angelo rapitur, portatürque in urbem Azotum; ubi primò, deinde in vicinis civitatibus, denum Cæsareæ urbe maritima Judæis Christum annuntiavit, dum interim Evnuchus it per viam suam gaudens; jāmque fidelis ad Christum convertisse creditur etiam Candacem Reginam suam, ipsa verò regnum suum Apostoli Matthæo illuc postea profecto.

*Annō à passione 2do. 25.
Jan.
Saulus converteritur, &
Christum prædicat.
Act. 9. à v. 1.
ad 23.*

Dum Discipuli in vinea Domini ubique strenue laborant, Saulus, ubicunque poterat, devastabat Ecclesiam. haud satis ipse erat per integrum jam annum multa mala fecisse Sanctis in Ierusalem, adhuc spirans minarum & cædis in Discipulos Domini, alibi quoque illos persequitur. audiens Damasci quoque esse se statores Christi, periit à Caipha literas ad Synagogas, quæ erant Damasci, ut siquos hujus fidei viros & mulieres invenisset, vin-

cu.

calis abreptos perduceret Jerosolymam puniendos. At ecce! dum urbi appropinquat, ac nonnisi mediâ ferè horâ distat, cælesti luce subito perstrictus & cadens in terram audit vocantem se his verbis præsentem Dominum: *Saule, Saule, quid me persequeris?* Saulus mox ad IESum conversus, tremens ac stupens, *Domine, inquit, quid me vis facere?* jussusque est à Domino ingredi civitatem, ibique audire, quid ipsum oporteat facere: surgens igitur apertis oculis nihil videns ab attonitis comitibus Damascum introductus est; ubi *tribus diebus non videns & non manducavit, neque babit.* Interim monetur à Domino Ananias insignis in ea urbe discipulus accedere domum, in qua hospitabatur Saulus, ut ipsius manibüs & visum recipiat, & per baptismum Spiritu Sancto impleatur. Ananias non ignarus, quem in finem vir iste post tot mala jam Jerosolymæ Sanctis illata Damascum venisset, primò tergiversatus est. At ubi didicit, quæ illi contigerint in via, auditaque à Domino: *Vas electionis est mihi iste, ut portet Nomen meum coram gentibus & Regibus & filiis Israël,* Saulum quæsivit, inventumque restituto primum visu baptizavit. Postea per aliquot adhuc dies à discipulis omnia fidei mysteria doctus ipse coepit ea publicè in Synagogis prædicare mirantibus Judæis tam subitam hominis pro Judaismo antea ferventissime stantis metamorphosin. Inde ad tempus abiit in Arabiam ad Gal. 1. v. 17. reversus autem Damascum multò magis convalescebat, & confundebat Judæos, qui habitabant Damasci, affirmans, quoniam IESus est Filius Dei.

Interea sedatus erat Jerosolymæ primus Judæorum furor auctoritate maximè & beneficio Tiberii Cæsaris, qui auditis stupendis Christi gestis Eum inter Deos referendum censuit. Et licet reclamaret Senatus, tamen in sententia persistit accusatoribus Sectatorum Christi mortem publicò edictò communitatus. agebant adeò Fideles sine metu in tota Judæa, Galilæa, & Samaria. Quæ Ecclesiæ pace bene usi Apostoli Evangelium per eas partes liberè prædicarunt. & Petrus quidem Judæam perransiens prædicando venit ad sanctos, qui erant Lyddæ urbe haud procul à portu Joppensi sita. ubi sanato Ænea paralytico ad fidem conversi sunt omnes, qui habitabant Lyddæ, & invicina urbe Sarona. Quæ dum sunt Lyddæ, in Joppe

Petrus Lyddæ & in Joppe multos convertit.
Act. c. 9. &
v. 31. ad finem.

Sacra Veterum Temp. Histor.

XX

dif.

discipula Domini, Thabita nomine, plena operibus bonis & eleemosynis morbo corripitur, & moritur. mors ista valde affixit fideles Joppenses, quod sororem perdidissent tam sibi utillem; utpote qua ipsis tunicas & vestes consuisset. Audientes, Petrum esse Lyddæ, miserunt, qui rogarent, ut veniret in Joppen. venit, ductusque est in cænaculum, in quo defuncta adhuc erat exposita. Flentibus omnibus viduis, quæ circumstabant, & ostendentibus ei tunicas & vestes, quas Thabita eis fecisset, commiseratione ductus Petrus omnis in cænaculo egredi jussis oravit ponens genua, & conversus ad corpus dixit: *Thabita surge.* atque hac voce suscitatam Sanctis & viduis vivi reddidit. quæ res ubi vulgata est per universam urbem, crediderunt multi in Domino.

Sed ecce! novam & inexpectatam hominis non Judæi, sed gentilis conversionem. Cæsareæ in præsidio erat Romana cohors dicta Italica, quod ex solis Italos constaret. inter hos milites centurio quidam nomine Cornelius timebat DEum cum omni domo sua, faciebatque eleemosynas multas plebi, & deprecabatur DEum semper. hunc misericors Dominus prius esse voluit ex gentibus, qui converteretur ad fidem. misit igitur e cælo Angelum, qui hora diei quasi nona in veste candida ad Cornelium orantem intravit hortatusque est, ut vocaret ad se Petrum in Joppe morantem; ab eoque disceret, quid facere oportet. hic cælesti monitori obsecutus confessum mittit in Joppen duos domesticos & militem cum eis, qui & ipse timebat Dominum. Petrus hospitabatur dies jam multos apud civem quendam opificem coriarium in domo juxta mare sita; actum, cum illi Joppen ingredierentur, in superiori parte domus orabat circa horam sextam; deque re tota divinitus per visionem edocitus descendit ad tres viros jam ad januam stantes, & introductos recepit hospitiem. audita adventus causa, quam quidem jam ante cognoverat, sequenti die comitantibus aliquot fratribus iter Cæsaream ingressus, altero post die eodem pervenit, Cornelius convocatis cognatis suis & necessariis animis Petrum jam expectabat; qui cum domum ingredieretur, Cornelius procidens ad pedes ejus adoravit; quem autem Petrus mox elevans, *surge, inquit, & ego ipse homo sum.* narravit postea Cornelius, quæ audivisset ab Angelo, ostenditque

Cornelium
gentilem
Cæsareæ cum
omni domo
sua, baptizat;
Act. 10.

et & circumstantes omnes paratos esse audire omnia, quæcumque ipsi præcepta essent à Domino. Petrus itaque apta ad Gentiles oratione prædicavit iplis Christum, & remissionem peccatorum per Nomen Ejus, qui credunt in Eum. Nondum peroraverat, cùm ecce! cecidit spiritus Sanctus super omnes, qui audiebant verbum. & confessim loquebantur linguis, & magnificabat DEum mirantibus ihs, qui cum Petro venerant, gratiam Spiritus Sancti etiam in gentiles effusam esse. Postea iussit eos omnes baptizari, rogatusque mansit ad eorum preces aliquot adhuc dies Cæsareæ.

Fama interim de rebus à Petro Cæsareæ gestis perlata est Jerosolymam ad Apostolos, cæterosque fratres, è quibus aliqui de circumcisione factum, quod nempe ad gentes accessisset, improbabant. Cùm igitur Jerosolymam rediisset, eum adorti: quare, inquiunt, introisti ad viros præputium habentes, & manducasti cum illis? bene advertit Petrus, necesse esse totius rei gestæ ordinem ac seriem fratribus exponere. quod ubi fecit, tacuerunt, & glorificaverunt DEum dicentes: ergo & gentibus pænitentiam dedit Deus ad vitam.

Toto jam à morte Christi triennio prædicatum fuerat Evangelium Judæis per Galilæam, Samariam, atque Judæam. nunc cùm viderent Apostoli ostium fidei per cælestè oraculum Cæsareæ etiam gentibus esse apertum, tempus adesse putarunt discedendi in remotiores provincias, & usque ad ultimæ terræ. quare cùm prius Symbolum quasi communem fideli tesseram, dictum deinde Apostolicum, confecissent, per universum orbem divisi, dispersique sunt alii citius, alii tardius pro rerum & negotiorum commoditate vel necessitate, tuncque impletum est illud: in omnem terram exivit sonus eorum, & in fines orbis terra verba eorum.

Et Petrus quidem sedem suam primam Episcopalem anno à morte Christi nono vigesimo secundo Februarii posuit Antiochiae post Romanam & Alexandriam tum primaria non tantum totius Syriæ, sed & Imperii Romani urbe; ita tamen, ut crebro in Judæam & Ierosolymam excurreret; ut & in regiones Pontum, Galaciam, Cappadociam, Asiam, & Bithyniam, quas prima Evangelii luce illustravit.

XX 2

An-

Jerosolymæ
fratribus dat
rationem sui
facti.
Act. 11. à v.
1. ad 19.

Post tertium
à morte
Christi an-
num divi-
duntur Apo-
stoli in om-
nem terram.

Andreas in Scythiam Europæam , quæ ei Provincia ad Christi fidem disseminandam obtigerat , profectus est. inde Epirum ac Thraciam peragravit, doctrinâque ac miraculis innumerabiles homines ad Christum convertit. demum etiam in Achaia Evangelium prædicavit.

Jacobus frater Joannis in Hispaniam trajecit. inter eos, quos convertit, septem postea Episcopi à Petro Romæ ordinati in patriam remissi sunt. ipse verò post illustratam veritatem E. vangelii etiam Galiam & Britanniam, anno à morte Christi decimo tertio Jerosolymam rediit.

Joanns, qui Mariæ à Christo è cruce datus fuerat custos, imò filius , manxit in Iudæa, etiam postquam Illa in cælum assumpta est; quod verosimiliter contigit altero post Christi filii mortem anno , vel certè ante divisionem Apostolorum; cum nulla amplius de ipsa mentio fiat in sacris literis. demum autem Joannes Ephesi totius Asiae minoris rexit Ecclesiæ.

Philipus populis Paludi Maeotidis , fluvio Tanai & Volgæ adiacentibus Christum annuntiavit tota serè illa gente ad ipsum conversa, constitutis verò ibi Presbyteris & Episcopis inde in Asiam minorem rediit, ac in Mysia , Lydia, Lycaonia, ac Phrygia laboravit.

Bartholomæus per Indiam citeriorem, quam fidei lumine collustrandam in Orbis terrarum divisione acceperat, Evangelii lucem circumtulit, ubi cùm fidem Christi conversione plurimorum stabilivisset, perrexit in Armeniam Majorem, ibique Polymium Regem & conjugem ejus ac ppteræra duodecim civitates ad Christianam fidem perduxit.

Thomas Parthis , Medis, Persis, Hyrcanis & Bætris Christianæ fidei & vitæ præcepta tradidit. Postremò ad Indos se convertit; inter quos Christiani ab ipso in fide instructi hodie dum ab ejus nomine Thomæ vocantur.

Matthæus, cùm antea Evangelium propter eos , qui ex circumcisione erant, hebraicè scripsisset, in Æthiopiam delatus illud prædicavit tanto cum successu , ut totum Regnum fidem Christi amplectetur.

Jac.

Jacobus frater Domini appelliatus ab Apostolis Jerosolymorum primus Episcopus constitutus eam rexit Ecclesiam; scripsitque epistolam Catholicam; qua animat fideles ad patientiam, & constantiam in persecutione, ad studium virtutum ac bonorum operum, praesertim orationis & beneficentiae in proximum; docetque etiam opera fidei, charitatis, legisque Christianae esse necessaria ad salutem; & non sufficere nudam fidem, veluti tunc Simon ille magus, ejusque sequaces spargebant, ansam accipientes partim aliunde, partim ex epistolis Sancti Pauli ad Romanos & Galatas; in quibus fidem Christi mirè extollit, opera verò legis Mosaicæ ubique de- primit.

Judas Mesopotamiam Evangelica prædicatione peragravit primo; deinde in Perside innumerabiles filios Iesu Christo peperit, ubi etiam scripsit epistolam Catholicam, in qua hæreticorum mores describit, & acre Dei judicium ab Henoch prædictum ipsis intentat, omnésque quasi seductores & pestes cavendos docet, Christianis verò in fide suscepta constanter persistendum; ne si deflectant, ipsis contingat, quod Sodomitis & Angelis apostatis. denique hortatur ad orationem, castitatem, charitatem, & zelum animarum, quo seductos ab hæreticis ad fidem reducant.

Simon fidem Christi doctrina & miraculis in Ægyptum intulit. postea verò Evangelium unà cum Juda in Peride, in qua convenerant disseminavit.

Mathias Judæam Apostolicis laboribüs excoluit, excurrens inde etiam in vicinas Ponto Euxino régiones.

Quæ quisque Apostolorum singulariter in suis provinciis gesserit, quæ mira patrârit, per pauca, atque ista non satis certa habemus. Solus scilicet Paulus suum Lucam habuit.

Saulus interim præsens viræ periculum adiit Damasci. Cùm post prædicatum toto jam triennio Evangelium pergeret confundere Judæos, hi demum irritati consilium fecerunt in unum, ut eum interficerent. jāmque gubernator, quem Rex Arabum Aretas Damasci habebat, instinctu illorum iusslerat eu-fodiri portas urbis die nocte, in qua elabi posset. Verùm detectis in tempore infidiis nocte per fenestram in sporta à Diisci-

An. à Passio.
ne 5. to
Saulus primò
venit Jeroso-
lymam elusis
Damasci in-
fidiis.
Act. 9. à v.
23 ad 26.
2. ad Cor.
11. v. 32. & 33.
ad Gal. 1. v.
18.

pulis demissus est; & sic effugit manus ejus, venitque primò à sua conversione Jerosolymam, ut videret Petrum.

Urbem ingressus volebat se jungere discipulis. At hi ti-

*Jerusalem
mittitur
Tharsum.
Act. 9. à v.
26. ad 31.
ad Gal. 1. à 2
v. 18. ad fin.*

mebant, vitabāntque hominem non credentes, quod qui tan-
ta mala fecisset in Ecclesia, esset discipulus. afflictum propte-
rea erexit Barnabas vetus Sauli amicus, & in schola Gamalie-
lis Pharisaei ipsis & Stephani condiscipulus, apprehensumque
duxit ad Apostolos, Petrum scilicet & Jacobum fratrem Do-
mini; quibus postquam casus Damaseenos narravit, inter dis-
cipulos admissus est, eratque cum illis intrans & exiens in Je-
rusalem in Nomine Domini. Porro per quindecim solummo-
modo dies Jerosolymæ moratus est; cum enim loqueretur
gentibus, & ferventius disputaret cum Græcis, atque ob id
quareretur ad mortem, fratres non consultum putarunt
eum manere Jerosolymæ, sed deduxerunt eum Cæsare-
am, impositumque navi dimiserunt Tharsum Ciliciæ Metro-
polim.

Quod ad Judæorum Rempublicam hoc tempore attinet,
Philippus Herodis Primi & Magni filius Tetrarcha mortuus
est; & Vitellius totius Syriae Praes Marcellum Judææ Procu-
ratorem misit; antecessorem verò Pontium Pilatum à Iudeis
accusatum Romam navigare jussit ad dicendam coram Tibe-
rio causam. Ab eodem Vitellio etiam Caiphas summus Pon-
tifex exauthoratur, qui privatæ vitæ pœnas paulo post sibi
ipso mortem consivit. Sed & Annas socrus ejus male periit.
Caipha in Pontificatu substitutus est Ionathas, & huic paulo
post Ananias. Mortuo Tiberio anno à morte Christi septimè
Successor Caius Caligula condemnavit Pilatum, & in perpe-
tuum exilium Viennam Gallię ablegavit. ubi calamitatis impa-
tiens sibi ipsi postea manus intulit. Meliorem fortunam ha-
buit Herodes Agrippa Herodis Magni nepos ex Aristobulo in
carcere occiso genitus; qui varia hactenus fortuna lactatus à
Tiberio conjectus fuerat in vineula, quod Cajo impensis stu-
dens eclerem Tiberio mortem precatus esset, ut Caius regna-
ret. hinc post mortem Tiberii Caius eundem in honore ha-
buit, & catenam auream pondere parem pro ferrea repedit,
ac Philippi demortui & Lysanias Tetrarchis cum Regis appel-
latione ipsum donavit; quod audiens Herodias uxor Herodis

dis Antipæ, qui solam hactenus Galilæam tenebat, stimulante
tum invidia, tum ambitione virum suum similium dignitatum
spe incitavit, ut Romam ad Cajum Imperatorem proficisci-
tur ad Regnum ab Eo impetrandum. At loco regni exilium
reportavit; nam Caius Agrippæ literis contra ipsum velut pro-
ditionis reum concitatus Lugdunum in Galliam relegavit; ubi
cum impia uxore sua Herodiade, quæ infastam mariti sortem
ultrò secura est, morore contabuit. Tetrarchia verò Galilæa
Agrippæ in uper adjecta est. Hoc quoque tempore Iudei
in Ægypto, præcipue Alexandriæ, maximas clades & calamiti-
tates passi sunt à Flacco Ægypti Præfecto, quas Philo Judæus
oculatus testis descripsit in suo Commentario adversus Flac-
cum. ipse verò Cæsar in templo Ierosolymitanō statuam su-
am ponit justit à Iudeis in ea adorandus. missus quidem est
communi gentis nomine Philo Romam Legatus: verum alio
ipsum responso Caius dignatus non est, quām isto: *Vosne illi
Diis invisi, qui me omnium Confessione DEum soli asperna-
mini?*

Antiochiae jam ante, quām Petrus primam Cathedram
ibiponeret, Verbum DEI prædicabatur ab iis, qui ab illa tri-
bulatione, quæ facta fuerat sub Stephano, dispersi venerant
Antiochiam. hi enim ab eo tempore annuntiabant Dominum
Jesum primò quidem Iudeis solis, qui ea in urbe erant; ubi
verò constitit, per Petrum Cæsareæ referatam fuisse fidei ja-
nuam etiam gentibus, prædicare cœperant Evangelium eti-
am Græcis, ut multus jam numerus credentium conversus esset
ad Dominum: quæ res cùm nunc pervenisset ad aures Eccle-
sie, quæ erat Ierosolymis, missus est illuc Barnabas, qui cre-
dentes in fide non tantum confirmavit, sed & per eum multa
turba apposita est Domino. Cùm verò messis in dies cresce-
ret, accersendum adjutorem putavit Saulum. itaque prefectus
est Tharsum, ut quarereret Saulum, etnque perduxit Antiochi-
am. Horum præcipue labore atque operâ Ecclesia Antiochenæ
unius anni spatio, quo ibi conversati sunt, tanta incrementa
cepit, ut novum inde per totum orientem militia Fideles, vel
Credentes, vel Nazaræi, vel Galilæi, vel Discipuli dicti
fue-

Antiochiae
credentes
primo di-
cuntur Chri-
stiani.
Act. 11. 2 v.
19. ad 27.

fuerant, nunc cognominarentur Christiani à Duce & Magistro Christo.

Dum Barnabas & Saulus sunt in medio laborum Apostoli corum cursu, Ierosolymis Antiochiam venit Agabus unus e septuaginta Christi discipulis, qui à Spiritu Sancto edoctus prædixit famem magnam futuram in universo orbem terrarum, prædictioni respondit eventus; nam anno sequenti cœpit, Romæque adeò sœvit, ut ob illam plebs in Claudium, tunc Imperatorem, medio in foro insurrexerit. Christiani Antiochenes non dubitârunt, se à DEO per Agabum præmonitos, ut Fratribus in Judæa, qui divenditis omnibus in commune vivebant, & magnam annonæ penuriam passuri essent, opportunè succurrerent. quare subsidium sibi ultrè indixerunt, æque collatum Ierosolymam ad Seniores per Barnabam & Saulum miserunt. quo charitatis opere perfuncti redierunt ambo Antiochiam assumpto secum Joanne Marco. Anno à Passione 14.to.

Interim Cajo Caligula anno Imperii quarto à Prætorianis militibus occiso successerat Claudio anno à morte Christi undecimo: qui Herodi Agrippæ non tantum ditiones priores confirmavit, sed & regnum ejus ampliavit additâ Judæa & Samariâ, quæ Archelao olim ademptæ fuerant, ita ut avi sui Herodis Magni terras omnes recuperaverit. quare Herodes Ierosolymam venit primam Regni sui sedem. utque primo statim Regni aditu Judæus demereretur sibi gentem suam, grafted cœpit in Ecclesiam Christi. ac primò Jacobum ceteris ferventiores, qui obitâ Hispaniâ, Galliâ, & Britanniâ in Judæam redierat, occidit gladiô. videns autem, quia placet Judæis, apposuit ut apprehenderet & Petrum. jamque comprehensum miserat in vincula & carcerem, volens post Pascha, siue post exactos Azymorum dies, producere eum populo. interim autem oratio fiebat sine intermissione ab Ecclesia ad Deum pro Eo, maximè in domo Joannis Marci, ubi in consueto cœnaculo erant multi congregati, & orantes. audivitque Dominus preces Ecclesiæ, & eripuit Petrum de manu Herodis, & de omni expectatione plebis Iudeorum. nam in ipsa nocte, post quam producturus Eum erat Herodes, adstitit Angelus Domini in carcere, dormientemque inter duos milites ac vim

etum

Barnabas &
Saulus mit-
tuntur Jero-
solymam.
Act. 11. v.
27. 28. 29.
30.

Herodes sa-
vit in Ecclæ-
siam.
Act. 12. 2v.
1. ad 19.

cum catenis duabus excitavit. Cumque surrexisset, & cecidissent catenæ de manibus Ejus, cum per primam & secundam custodiam militum, ac deinde per portam ferream ultrò aper tam eduxit. ubi in tuto fuit, & quo in urbis vico esset, per noctis tenebras advertit, disparuit Angelus, & Petrus properavit ad notam Ioannis Marci domum. multâ forium pulsatione opus fuit, donec crederetur, non ejus Angelum, sed planè ipsum adesse Receptus in domum stupecentibus narravit, quomodo Dominus eduxisset eum de carcere; voluitque, ut hæc ipsa Iacobo, & ceteris fratribus nuntiarent. ipse autem egressus ea adhuc nocte alias & tutiores latebras quæsivit; Herode frustra altero die eum requirente, & totam iram in custodes inquisitione facta effundente.

Petrus vero, ne rufus incideret in manus Herodis, totâ Petrus Ro-
Judæa excessit, venitque primò Cæfaream, inde Sidonem, Be-
mam venit.
rythum, Tripolim, Aradum, Antaradum, Antiochiam. Hinc
deinde peragravit Galaciam, Cappadociam, Pontum, Asiam,
Bithyniam, ubique evangelizans, Christianos confirmans, &
instituens Episcopos; & Nicomediæ quidem Prochorum, Cæ-
fareæ Cornelium centurionem illum. Antiochiam reversus
intelligit, Simonem illum magum Romam esse delatum; veri-
tusque, ne, uti hactenus orientem, ita nunc occidentem ip-
sique Romam falsis suis doctrinis, magieisque artibus deci-
peret, statuit illuc contra scelestum proficisci. Itaque Evodio
Antiochiæ Episcopo constituto hac occasione Romanam petiit,
DEO ita providente, ut, ubi caput Imperii & orbis terrarum
erat, ibi quoque Ecclesiæ caput statueret, eique orbem con-
versis Romanis Principibus subjugaret. In via Episcopos dedit
Tharsensis quidem Urbanum, Smyrnæ Apellem Philippensi-
bus in Macedonia Olympam, Thessalonicensibus Iasonem, Co-
rintho Silam, Tauromenio in Sicilia Maximum. Romam de-
nique anno à morte Christi decimo tertio appulsus Cathedram
suum Episcopalem decimo octavo Januarii ibi erexit. divertit
autem in domo Pudentis Senatoris Romani, etimque cum
filii Timotheo & Novato, ac filiabus Pudentiana & Praxede ad
Christum convertit, domumque hanc postea in Ecclesiam,
qua adeò Romæ prima fuit, consecravit. Ubi etiamnum aita-
te, in quo Petrus Sacrificium obtulit, ostenditur.

Sacra Veterum Temp. Histor.

Yy

Eo;

Saulus &
Barnabas
creantur Epi-
scopi & mi-
tuntur ad
gentes.
Act. 13. à v.
1. ad 5.

Herodes
Cæsareæ di-
vinitus pe-
rit.
Act. 12. à v.
19. ad 24.

Petrus Romæ
scribit pri-
mam episto-
lam ad varias
gentes.
1. Petr. per
3. capita.

Eodem anno Saulus Antiochiæ raptus est in tertium ce-
lum, nescius, an in corpore, an extra corpus; & audivit arca-
na verba, quæ non licet hominiloqui. 2. ad Cor. 12. v. 2. 3. &
4. postea ita jubente per Prophetas, qui Antiochiæ erant, Do-
mino Saulus & Barnabas à Lucio tum jam Cyrenensi Episcopo,
à Simone & à Manahen præmissò jejunio & oratione impositis
utrique manibus creati sunt Episcopi, ablegatique ad præ-
candum gentibus Evangelium. missi igitur à Spiritu Sancto hi
duo gentium Apostoli assumpti secum Ioanne Marco in mini-
sterium Antiochiæ abiérunt Seleuciam, & inde navigarunt in in-
sulam Cyprum.

Circa idem tempus Herodes Agrippa miserè periit, cùm
regnasset annis duntaxat septem, tribus autem Iudæam obu-
nisset. Concesserat Ierosolymis Cæsaream tum ut ludos so-
lennes pro salute Claudii Cæsaris magna Nobilium multitudine
confluente celebraret, tum ut Tyriorum & Sidoniorum, qui-
bus iratus erat, causam cognosceret. Altero Iudorum die
dum vestitus ueste regia sedet pro tribunali, ac Tyriis Sidonis-
que pacem petentibus impertit verbis solito blandioribus, ac-
clamatum est ipso à populo adulante, quasi novo DEO. ad
quas populi assentantis voces dum sibi ipsi applaudit, nec dat
honorem Deo, percussus est ab Angelo Domini, & consum-
ptus à vermis quinto post die expiravit. Filius ipsius Agrip-
pa, Junior dictus tum agebat Romæ, & in aula Claudii edu-
cabatur; quem quidem paterno regno destinaverat Cæsar;
sed ne hoc faceret, ab aliis deterritus eum saltē Chalcidis
regno donavit cum palatio, quod pater ipsius Ierosolymis ha-
buerat. Iudææ vero ac Samariæ totiusque regni, nunc autem
provinciae Romanæ Procuratorem misit Cuspius Fadum. Et
sic regnum Iudæorum omnino defecit nullo posthac tempore
restituendum.

Petrus uno & altero anno Romæ Verbum Dei seminave-
rat, cùm pro sua in omnes Ecclesias sollicitudine epistolam
Romæ (quam ob confusionem nationum, idolorum, vitio-
rum, totius mundi spoliorum Babylonii simillimam, Babylo-
nem vocat) ad Christianos Ponti, Galatiæ, Cappadoceos, Afra-
nos, & Eithynios, quos converterat, cùm regiones illas pera-
graret, græcâ lingua dedit. in ea celebrat admirabile Dei
co-

confissum & beneficium in Verbi incarnatione & passione, mundi redēptione, Judæorum & gentium ad fidem Christi, salutem & gloriā aeternā vocatione. Mores quoque ad Christi legem efformat, hortatusque ad obedientiam, vigilantiam in orationibus, Charitatem, hospitalitatem, temperantiam, aliasque virtutes. In eadem epistola scribit fideli bus illis salutem à Marco filio suo, spirituali scilicet, quem secum Romam duxerat. qui tamen brevi pōst, cūm Evangelium ex ore Petri magistri sui latinē scripsisset, ab eo missus est Alexandriam in Ægyptum primus Episcopus.

Saulus interea & Barnabas cum Ioanne Marco peragran tes Cyprum venerunt Salaminam, nunc Fama Augusta di fram, & prædicarunt Verbum DEI in Synagogis Iudæorum. inde perreverunt in urbem Paphum, ubi residebat Romanus Proconsul Sergius Paulus vir prudens, qui cūm multa audi visset de doctrina, quam prædicarent in Insula Saulus & Barnabas, desiderans & ipse audire Verbum DEI accersivit eos ad se, quod dum coram eo exponunt, vehementer illis resistebat præsens Elymas magus Pseudo-propheta Judæus, quo Proconsul familiariter utebatur, quarebatque Sergium avertere à fide. At Saulus repletus Spiritu Sancto acribus prius correputum verbis cæcitate punivit, ac obmutescere docuit. quod videns Proconsul credidit admirans super doctrina Domini, treatusque postea à Saulo Episcopus non tantum in Cypro, sed cum tempore etiam Narbonæ in Gallia, & per Hispaniam eandem doctrinam prædicavit. Saulus verò occasione conversi Sergii Pauli & ipse deinceps vocari voluit Paulus mutato hebreo nomine Saulus in Romanum & Græcum Paulus, fortassis, ut se ita facilius ac blandius Romanorum & Græcorum animis insinuaret.

A Papho vela fecerunt in Pamphyliam, veneruntque Per gen, ubi Ioannes Marcus, pertælus forte l'ingoris itineris, discedens ab eis Ierosolymam reversus est. illi verò pertransentes l'ergen profecti sunt Antiochiam Pisidiæ. ubi die Sabbathorum post lectionem legis & Prophetarum in Synagoga Paulus surgens primam, quam Lucas descripsit, conciossem habuit, qua prolixè ostendit, DEum post tot alia antiquis eo rum Patribus collata beneficia demum etiam ex semine David

Saulus & Bar-
nabas Sergi-
um Paulum
convertunt.
Act. 12. 2 v.
5. ad 13.

Judæi Anti-
ochie Pis-
idia non re-
cipiunt fi-
dem.
Act. 13. 2 v.
13. ad fin.

misisse Salvatorem IEsum: per quem, à Jerosolymitanis habitatoribus quidem Crucifixum, at tertia die à mortuis à DEO suscitatum, ipsi nunc annuntiarent remissionem peccatorum, & liberationem ab omnibus cæremoniis, obligationibus, & oneribus legis Mosaicæ; quib[us] utpote inanib[us] & gratia vacuis non poterant justificari, & salvari. itaque placuit oratio, ut exeentes Paulus & Barnabas rogarentur, sequenti Sabbatho iterum loquerentur sibi verba hæc. Condixere Apostoli, atque altero Sabbatho convenit penè universa civitas audire Verbum DEI. Verum concionantibus illis obstinatores Iudei indignati novos præcones cum tanta aviditate audiri contradicebant his, que à Paulo dicebantur, blasphemantes. Conticuerunt itaque Apostoli illud solum in egressu è Synagoga dicentes: *Vobis, Iudeis, oportebat primum loqui verbum DEI: sed quoniam repellitis illud, & indignos vos judicatis vita æterna, ecce! convertimur ad gentes.* urbèque egressi disseminarunt verbum Domini per universam regionem à gentilibus ferè habitatam, qui gavili sunt, se quoque vocati ad lucem salutem & vitam æternam, magnóque numero glorificantes verbum Domini crediderunt. Sed neque foris in vicinia ferendos putarunt Iudei, concitaruntque mulieres, & per has primos civitatis; nec destiterunt, donec Apostoli ejicerentur etiam de finibus eorum. qui excusso juxta præceptum Domini in cives pedum pulvere, relicta illa regione profecti sunt Iconium in Lycaonia

Iconii perse-
cutionem
patiuntur.
Act. 14. à v.
t. ad 6.

Hic multo tempore demorati ad fidem Christi adduxerunt copiolam multitudinem Græcorum & quæ ac Judæorum ob signa & prodigia, quæ siebant per manus eorum. inter credentes fuerant Thecla, Tryphena, Tryphosa, quas deinde Paulus in suis epistolis subinde laudavit, & salutavit. Sed demum etiam hic concitatis per Iudeos incredulos gentilibus periculum erat, ne conspiratione jam facta Apostoli conumiliis afficerentur, & lapidarentur. quare de hac in tempore moniti confugerunt Lystram.

Dum Lystris Evangelizant, videt Paulus virum claudum ex utero Matris suæ, qui nunquam ambulaverat; vidensque quod fidem haberet, ut salvus fieret, dixit magna voce: *Surge super pedes tuos rectus; quietiam mox exsilivit,* & am-

Lystris pro-
Dñs haben-
tur.
Act. 14. à v.
7. ad 18.

bulabat. Attonitæ hoc miraculo turbæ exclamârunt Lycaonice: *Dii similes facti hominibus descenderunt ad nos.* & vocabant Barnabam Jovem ob grandiorum forsan staturam, Paulum verò ob facundiam, seu quoniam ipse erat Dux verbi, Mercurium. jāmque Sacerdos Iovis ante fores eorum hospitii parabat sacrificare cum populis tauros coronatos. quos Apostolis immolâsse etiam, nisi audito sacrilego proposito procurrentes concissis in detestationem sceleris tunicis, id prohibuerissent.

At hi ipsi Lystrenses (quæ est inconstantia populi) brevi ita mutârunt animos, ut quos antea divinis honoribus afficer voluerant, nunc dignos morte judicarent. quidam ex Iudeis Antiochenis & Iconiis non contenti Apostolos è suis urbibus & finibus ejectos esse, eos perleuti sunt de civitate in civitatem, venerûntque Lystras. ubi persuasis facile turbis effecruat, ut lapidarent Paulum, traherentque postea extra civitatem, existimantes eum mortuum esse. & verò etiam discipuli jacentem circumdantes id poterant existimare. at Paulus subito instauratis per miraculum viribus surgens iterum intravit civitatem, & postridie profectus est cum Barnaba in Derben.

Cum hic aliquo tempore docuissent multos, reversi sunt Lystram, Iconium, & Antiochiam. in quibus urbibus non tantum Christianos in fide piis adhortationibus confirmârunt, sed & per singulas Ecclesiæ præmissa oratione & jejunio ordinârunt & constituerunt Presbyteros, qui decinceps civibus sacra ministrarent. inde venerunt in Pamphyliam, & loquentes verbum Domini in Perga descendenterunt in Attaliam, ubi consensa navi redierunt Antiochiam Syriæ, unde ante quadriennium ad hanc Apostolicam missionem egressi fuerant; congregataque ibi Ecclesia, quanta Deus per ipsos in gentibus operatus esset, prolixè narrârunt.

Petrus interim dum Romæ gentilibus æquè ac Iudeis ibi habitantibus fidem in Christum prædicat, simul inde per urbes & provincias totius orbis Episcopos misit. At cum res Christiana Romæ jam magna incrementa caperet, Claudius Imperator Iudeos, & ex Iudeis oriundos Christianos omnes Româ pellit. Causam dat Suetonius cap. 25. in Claudio, eoquod

Yy 3

Ju-

Redeunt de
nique Anti-
ochiam Sy-
riæ.

A&t. 14. 20.

Judei &
Christiani ex
Judeis ori-
undi Româ
pelluntur.

A&t. 18. 2.

Judæi assiduè tumultuantur occasione Christi , de quo cum Christianis assidua Iudæis erat altercatio. quare etiam Petrus Ierosolymam reversus est, nec non Aquila & Priscilla ejus uxor , quos Petrus Romæ converterat, Corinthum venerunt.

Paulus &
Barnabas
mittuntur
Ierosoly-
mam.
Act. 15. à v.
1. ad 4.

Orta de ser-
vanda lege
Moysis qua-
stio à Con-
cilio decidi-
tur.
Act. 15. à v.
4. ad 22.

Non diu pōst, quam Petrus Ierosolymam redierat, Antiochiae oritur controversia super Iudaicis ritibus, an nempe Græci & Gentiles, priusquam reciperentur, circumcidī deberent, & servare legem Moysis. istud maximē volebant, qui ex Pharisa is conversi erant ad fidem. ajebant enim, solis Iudæis uti promissum, ita etiam missum esse Messiam , & per ipsum partam gratiam, Redemptionem, & salutem æternam: proinde gentiles non esse horum capaces, nisi prius fierent Proselythi , & per circumcisionem Iudaismo insenserentur. Paulus & Barnabas statim initio se opposuerunt huic opinioni. orta denique contentione non minima , quam Ecclesia Antiochenensis sedare non poterat, mittitur ex utraque parte legatio Ierosolymam ad Apostolos & Presbyteros super hac quæstione. Paulus & Barnabas ex una parte electi assumpto secum Tito, qui antea erat utroque parente gentilis, nec tamen circumcisus, iter ingressi transeunt Phœnicem & Samariam. ubi referentes, quæ egissent in Græcia , magnō ubique gaudiō affecere Christianos , ac demum venere Ierosolymam anno à morte Christi decimō nonō.

Ex Apostolis tunc Ierosolymæ aderant Petrus, Ioannes, & Iacobus ad Gal. 2. v. 9. A quibus Paulus in primis collato cum ipsis Evangelio petiit, ut doctrina, quam ipse & Barnabas inter gentes prædicarent, lieet ab ipso Domino accepta ipsorum, qui Columnæ Ecclesiæ esse viderentur, auctoritate comprobaretur. veritus nempe, ne alias, si falsi fratres & Pseudo-Apostoli, quales jam tunc erant, jactarent, ipsius & Barnabæ doctrinam non esse conformem Evangelio , quod præcipui Christi Apostoli inter Iudæos prædicarent, in vacuum curreret, nullumque fructum inter gentes, verbis suis non credituras, referret. Idque fecerunt tres Apostoli , datisque dexteris Paulum & Barnabam in Apostolatus socios, & in doctrina Evangelii recte secum consentientes agnoverunt , & ut tales receperunt, hortantes solum, ut pauperum in Iudæa Christianorum memorie essent ad Gal. 2. à v. 1. ad 11. Relata deinde, quæ Antiochiae orta

orta esset, controversia coactum est Apostolorum & Seniorum concilium. Post agitatam diu multumque questionem surgens Petrus primus sententiam dixit, ostenditque, gentes & quae ac Iudeos per gratiam Domini nostri Jesu Christi salvari sine discrimine inter hos & illos: non igitur imponendum jugum legis Mosaicæ super cervices discipulorum ex gentibus, quod ipsi Iudei non potuissent portare. Narrantibus deinde Paulo & Barnaba, quanta Deus fecisset signa & prodigia in gentibus per eos nulla habita observatione legis Mosaicæ, Jacobus quoque peroravit, & confirmavit sententiam Petri. placuitque deum Concilio nihil ultra oneris gentibus ad Christum conversis imponere, quam ut abstineant se ab immolatis Simulacrorum, seu à cibis, antea simulacro immolatis, cum talibus vesti symbolum esset cultus idolorum: deinde à fornicatione, quam plerique gentes opinabantur non esse peccatum: demum à suffocatis, & sanguine, à quibus Iudei maximè abhorrebat, ipsisque prohibitum erat Gen. 9. v. 4. quod ultimum præceptum quidem solummodo pro illo tempore erat necessarium, ut sic gentilium cum Iudeis esset major familiaritas, & minus dissimilitudine vita morumque conditio.

Soluto Concilio Antiochiam remissi sunt cum Paulo & Barnaba Iudas & Sila duo ex primis discipulis, qui definitio nem illuc referent cum epistola, quæ ita habebat: *Apostoli & Seniores fratres his, qui sunt Antiochie & Syria & Cilicia, fratribus ex gentibus salutem. Quoniam audivimus, quia quidam ex nobis exeuntes turbaverunt vos verbis, evertentes animas vestras, quibus non mandavimus: plaeuit nobis collectis in unum eligere viros & mittere ad vos cum Charissimis nostris Barnaba & Paulo, hominibus, qui tradiderunt animas suas pro Nominis Domini nostri Jesu Christi. Misimus ergo Judam & Silam, qui & ipsi vobis verbis referent eadem. Vixum est enim Spiritui Sancto, & nobis, nihil ultra imponere vobis oneris, quam hac necessaria: ut abstineatis vos ab immolatis simulacrorum, & sanguine, & suffocato, & fornicatione, à quibus custodientes vos bene agatis. Valete.*

Paulus &
Barnabas
cum Juda
& Sila remie-
tuntur An-
tiochiam.
Act. 15. à v.
22. ad 30.

Tra-

Petrus Jero-
solum venit
Antiochiam.
Act. 15. à v.
30. ad 36.
ad Gal. 2. à v.
11. ad fin.

Tradita lectaque in frequenti Antiochiæ conventu hæ
epistola vehementer omnes recreati sunt super consolatione;
ac præterea verbis Silæ & Iudæ plurimùm confirmati. qui
cùm aliquanto tempore ibi substitiſſent, Judas rediſt Jerosoly-
mam, Silæ verò visum est Antiochiæ remanere, & cum Paulo
& Barnaba aliisque pluribus docere & evangelizare Verbum
Domini. brevi pôlt ipse etiam Petrus Antiochiam pervenit,
ut antiquam suam reviseret Ecclesiam. In ea urbe plerique
Christiani olim fuerant gentiles, quibuscum tamen Paulus,
licet antea Iudæus, agebat & ad mensam sedebat eodem cibo
Indifferenter ac promiscuè utens. quod quidem primis ab ad-
ventu diebus fecit etiam Petrus, suilla aliisque cibis lege Mo-
saica prohibitis eum gentibus sine scrupulo vescens. At cùm
Ierosolymis missi quidam à Iacobo ex circumcisione Christiani
venissent, metu offendendi Iudæos subtrahebat se à convictu
gentilium; suóque exemplo ad hanc simulationem trahebat
cæteros Judæo-Christianos ipsimque etiam Barnabam, quod
videns Paulus coram omnibus Pètro in faciem restitit, im-
probavitque hanc simulationem, vanumque ludæis displicendi
timorem; quasi verò lex Mosaica etiamnum obligaret, neque
esset per legem Evangelii abolita; atque ex operibus legis illius
justificaremur, & non per fidem JEsu Christi.

Paulus cum
Sila, Barna-
bas cum Jo-
anne Marco
pergunt gen-
tibus pre-
dicare ver-
bum DEI.
Act. 15. à v.
36. ad fin.

Utrum Petrus diutiùs Antiochiæ moratus sit, an in Judæ-
am redicrit, an Romam vivente adhuc Claudio reversus sit, an
alias regiones in oriente peragraverit, incertum. Posthac
enim Lucas nullam amplius mentionem facit de Petro. Pau-
lus autem cùm Antiochiæ toto biennio strenue cum aliis labo-
rasset, demum sollicitus de Græciæ civitatibus, in quibus antea
prædicaverat, invitavit pristinum socium suum Barnabam ad
revisendos in Græcia fratres. placuit consilium Barnabæ; at
ipse volebat secum habere Joannem Marcum, quem Paulus
nolebat, eoquod eos deserueret & discessisset de Pamphylia.
Unde facta inter eos diffensione Barnabas cum Joanne Marco
navigavit in insulam Cyprum: Paulus verò assumptu secum
Sila perambulavit Syriam & Ciliciam, confirmans Ecclesiæ, &
præcipiens custodire præcepta Apostolorum & Seniorum. Post
hanc disjunctionem Barnabæ à Paulo nihil amplius meminit
Lucas de Barnaba; antiqua autem monumenta Ecclesiæ Medio-
laneo-

lanensis habent, è Cypro in Italiam trajecisse Barnabam, & Ecclesiae Mediolanensis primum Episcopum fuisse, fidemque Christi longè latèque propagasse; tandem verò reversum in Cyprum gloriose Salaminæ Martyriō perfunditum.

E Cilicia Paulus per Derben profectus est Lystram; ubi iater alios discipulos erat Timotheus ob egregiam indolem à ceteris fratribus Paulo laudatus juvenis; quem adeò prædicationi aptum itineris socium assumpsit. quod verò haberet Matrem quidem fidelem, Patrem autem adhuc gentilem, eum prius circumcidit propter Iudeos, qui erant in illis locis; ne scilicet abnuerent audire verbum DEI ab homine incircumcisio, & sic Iudeos sibi demereretur. Cum hoc deinde & Sila pertransiens civitates hortabatur Christianos custodire dogmata, quæ nuper Ierosolymæ ab Apostolis & Senioribus fuerant decreta; factumque est, ut Ecclesiae non tantum confirmarentur fide, sed & abundarent numerò quotidie. Cogitant quidem inde transferre Evangelium tum in Asiam Minorem, tum in Bithyniam; at vetiti sunt à Spiritu Sancto. Incerti, quod DEus ipsos vocaret, id didicerunt Troade; ubi per noctem Paulus in visione à viro Macedone invitatus & rogatus est his verbis: *transiens in Macedoniam adjuva nos.* Ergo cum Timotheo, Sila, & Luca, qui Troade se Paulo adjunxit, navigavit Philippos, quæ urbs prima occurrebat navigantibus in Macedoniam, eratque Colonia Romano-rum.

In hac urbe cùm aliquamdiu morati essent, quodam die Sabbathi extra portam egressi vident mulieres in loco orationis convenisse. Ad has Paulo verba faciente Lydia purpura, jam antea colens DEum, credidit, & cum Domo sua baptizata coëgit eos non tantum ædes suas subire, sed & deinceps inhabitare. itaque ex hac postea domo ibant ad orationem. quoties autem id faciebant, sequens ipsos puella quædam à spiritu Pythonne oblessa clamabat: *isti homines servi DEI excelsi sunt, qui annuntiant vobis viam salutis.* istud cùm multis diebus fecisset, demum miseratus pueram Paulus, & conversus jussit spiritum in nomine JESU Christi exire; qui etiam exiit eadem hora. At hinc gravis in eos tempestas est exorta. puella hæc divinando magnum quæstum præstabat dominis suis. nunc

Paulus cum
Sociis venit
in Macedo-
niā.
Act. 16. à v.
1. ad 13.

Philippos
Paulus &
Sila virgts
cæduntur.
Act. 16. à v.
13. ad fin.

Sacra Veterum Temp. Histor.

Zz.

lu-

lucrum suum cessare dolentes Paulum & Silam in forum rahunt , ibique veluti Iudæos ac perturbatores civitatis accusant , ut qui doceant mores , quos Romanis non liceat suscipere , neque facere . Cùmque etiam plebs accurreret adversus eos , Magistratus scissis eorum tunicis jussérunt utrumque virgis cædi , & post multas plagas in carcerem detrudi , & diligenter custodiri . Ecce autem media nocte Paulo & Sila orantibus Deumque laudantibus subito terræ motu moventur fundamenta carceris , aperiuntur omnia ostia , & captivorum vincula solvuntur . expergefactus custos carceris , credensque captivos fugisse evaginat gladiis sibi ipsi manus inferre parabat timens Magistratum . At Paulus inhibuit clamans voce magna , ne sibi quidquam mali faceret , universos vinclatos adhuc adesse . quod ubi allato lumine vidit , tremefactus procidit Paulo & Silæ ad pedes , petens cum omnibus suis instrui in necessariis ad salutem ; quo facto baptizatus est ipse , & omnis domus ejus continuo ; lotisque eorum plagis ea adhuc nocte mensam ipsis apparavit , & latatus est cum omnido domo sua credens DEO . Manè adsunt lictores nomine Magistratus nuntiantes , liberos posse abire . At Paulus , ut constaret , quād indignè egissent cum hominibus Romanis , publicè eos cædendo , indemnatos in carcerem mittendo , noluit exire , donec ipsis Magistratus venirent , deprecarentur , rogarerintque , ut egresserentur de Urbe . quod ubi fecerunt , Paulus & Sila egressi accesserunt ad domum Lydiæ , consolatique fratres profecti sunt Thessalonicam .

Hic cùm esset Synagoga Judaica , in ea Paulus pro more suo per tria Sabbathæ disserbat de Scripturis , ostendens , Christum Jesum , quem annuntiaret , debuisse pati & resurgere à mortuis , eo cum fructu , ut Iudæi quidem pauci , ex Profelytis autem seu ex gentilibus ad Iudaismum conversis , & ex ipsis gentilibus multitudo magna , ac præterea mulieres nobiles non paucæ crederent . Sed demum & hic à zelantibus pro legi Iudæis Romani in Paulum & Silam concitati sunt , delatique ad Principes civitatis , quod contra decreta Cæsaris facerent prædicando Jesum esse Regem ; adeò ut fratres necesse judicarent Paulum & Silam in domo Jasonis latitantes per noctem dimittere Beræam , urbem in Macedonia non longè à Pella Alexandrii Magui

Thessalonice
& Beræe
prædicant.
Act. 17. à v.
1. ad 16.

Magni patria sitam. Berœenses Iudæi longè nobiliori & avidiiori animo suscepérunt Verbum DEI, quām Thessalonicenses; nam Paulo in ipsorum synagoga prædicante quotidie scrutabātur scripturas, an ea, quæ Paulus ex iisdem assērebat, ita se habērent. hinc multi ex iis crediderunt, ac præterea ex gentiliibus mulieres honestas ac viri non pauci. Verūm adventantibus Iudæis Thessalonicensibus etiam Berœæ turbata est prædicatio. Paulus expectare noluit, donec tumultus cresceret; sed Sila & Timotheo Berœæ remanentibus ipse statim à fratribus dimissus est, ut iret usque ad mare. quod ubi pervenit, consensa navi perductus est Athenas usque, dato revertentibus nautis mandato, Silæ & Timotheo dicerent, ut celeriter venirent ad se.

Quos dum exspectat, videns ac dolens nobilissimam Athénarum civitatem, scholam sapientiæ & eloquentiæ, dæmonum cultui esse deditam, Zelō illam juvandi, erudiendi, ac convertendi, non tantum disputabat in Synagoga Iudæorum, sed & in foro per omnes dies cum Epicuræis & Stoicis Philosophis. Aliqui primi quidem per contemptum dicebant: *quid vult seminiverbius hic dicere?* aliis, cùm JESUM & Resurrectionem annuntiaret, videbatur novorum dæmoniorum annuntiator esse. Sed cùm invicta Pauli contra ipsorum sectas & errores argumenta refellere non posset, eum in Areopagum, seu vicum Martis pertraxerunt, ut eoram confessu sapientissimorum viorum ac Iudicum novæ fidei doctrinæ ac religionis rationem redderet, &c. si reus deprehenderetur, acriter puniretur. Paulus igitur stan, in medio Areopagi luculenta oratione demonstravit explosa inanitate simulacrorum unum verum DEUM esse colendum, illum nempe, cuius aræ titulum dedissent: *Ignoto DEO;* à quo per Adamum omne genus hominum descenderet: Annuntiavit iis quoque poenitentiam, & extremum judicii diem, quo Christus suscitatus à mortuis judicaturus esset orbem in æquitate. & cetera quidem attentis animis audiebantur. Cùm vero mentionem faceret de resurrectione mortuorum, *quidam quidem irridebant; quidam vero dixerunt: audiemus te de hoc iterum.* Atque ita solitus est confessus, & Paulus exiit de medio eorum. Hæc areopagitici tribunalis majestas magnum Evangelio & Religioni Christianæ dignitatem

Paulus Athēnæ
nis in areo-
pago con-
cionatur.
A. Act. 17. à 16
16. ad fin.

attulit; cùm in eo non modò non damnata fuerit, sed non paucis etiam usque eò probata, ut eam amplectentur, nominatim Damaris inter primarias urbis Matronas una, & Dionysius celebris ille Areopagita & Iudeus, imò inter Iudices princeps. Cujus conversionem juverit collata cum dictis Pauli miraculosa eclipsi, quam moriente Christo viderat in Ægypto, cùm juvenis regionem illam peragraret, ut ipse describit epistola ad Apollophanem, & epistola undecima ad Polycarpum; observata enim illa eclipsi exclamaverat aut *Deus natura patitur, aut mundi machina dissolvetur.* adhæsit deinceps per triennium ferè Paulo, à quo etiam creatus est Athenarum Episcopus primus. Post mortem Pauli hortatu Ioannis Apostoli Roman ad Pontificem Clementem protectus ab eo in Gallias cum Rustico & Eleutherio missus est, & nobilissimo Martyrio in extrema senectute coronatus Parisis.

Paulus Corinthi annuntiat Verbum DEI.
Act. 18. 2 v.
1. ad 12.

Paulus, licet ex Macedonia nequam advenissent Sila & Timotheus, Athenis protectus est Corinthum, & hospitium sumpsit apud Aquilam & Priscillam eò commodius ipsi, quod essent Scenofactoriae artis, seu opifices aulæorum; quam artem ipse etiam Paulus callebat, & exercebat, ne Fidelibus pro viatu & vestitu gravis esse deberet. porrò in hac urbe fedit eum Sila & Timotheo, qui ex Macedonia tandem advenerant, integrum annum & sex menses. Ac primo quidem tempore disputabat in Synagoga Iudeorum per omne Sabbathum. Sed cùm Iudei contradicerent, & blasphemarent, relicta Synagogâ docuit Verbum DEI in domo Synagogæ vicina, crediditque Crispus archisynagogus cum omni domo sua: & multi Corinthiorum audientes credebant, & baptizabantur à Sociis; nam ipse neminem baptizavit, nisi Crispum hunc & Cajum, & Stephanæ domum; uti 1. ad Cor. 1. v. 14. protestatur contra eos, qui Corinthi dicebant: *ego quidem sum Pauli: ego autem Apollo: ego vero Cepha.*

Corinthi scribit pri-
mam episto-
lam ad

Hic otium scribendi naclus misit primam omnium epistolam ad Thessalonenses nomine suo, Timothei, & Silæ seu Silvani. in qua in primis laudat eorum constantiam in fide, quæ facti sint forma omnibus creditibus in Macedonia. & in Achaja. deinde ostendit, quæm sincerè nullo ipsorum onere in mul-

multa sollicitudine prædicaverit Evangelium; & quām sedulō ip̄i Verbum DEI servaverint, licet multa passi à contribulibus. Addit, quām magno ipsos revisendi teneatur desideriō. hor tatur ad castitatem, & perfectam vitā sanctitatem, docētque modum nostrā resurrectionis, ne inordinata tristitia se obruant propter eos, qui moriuntur. demum ob incertitudinem diei judicij hortatur ad vigilantiam & studium bonorum operum. Orat pro ipsis, utque pro se orent, precatur.

Theffaloni-
censes per
quinque
capita.

Insurrexerunt quidem Iudæi etiam Corinthi uno animo in Paulum, eūmque traxerunt ad tribunal Gallionis per Achajam Proconsulis Romani. At ubi iste adverdit, accusationem non esse dere quapiam politica, sed de ipsorum religione, declinavit judicium, repulitque eos à suo tribunal. Spe sua frustrati cùm furorem effundere non possent in Paulum, verterunt in Sosthenem ex principibus Synagogæ unum, eūmque ante tribunal Gallionis percusserunt, eoquod causa Pauli videretur impensis favere. Paulus licet se Iudæis invisum videret, dies tamen adhuc multos sustinuit Corinthi. &

Corinthi
trahitur ad
tribunal
Proconsulis
Achaje.
Act. 18, 12.
12. ad 18.

Scripsit secundam epistolam ad Theffalonicenses. Cūm enim occasione primæ fraudulentí Doctores quidam terruissent eorum animos metu judicij extremi, quasi ex mente Pauli jamjam instantis; atque ad fidem faciendam suppositias Pauli proferrent literas; hac secunda ipsos certos facit, tunc pri mūa instare diem Domini, cūm Filius perditionis Antichristus in mundo apparens operabitur mysterium iniquitatis per signa & prodigia mendacia, eūmque post brevem tyrannidem Dominus JESus interficiet spiritu oris sui. In ea quoque monet, ut servent traditiones à se sive per sermonem, sive per epistolam acceptas. hortatur, ut se subtrahant ab omni fratre inordinatè ambulante, non laborante, sed curiosa tantum sestante. demum signum ipsis dat, ex quo genuinas suas epistolās à commenticiis dignoscant.

Scribit se-
cundam ad
Theffaloni-
censes per
tria capita.

Transactis Corinthi uno anno & sex mensibus vela fecit versus Syriam, comitantibusque Aquila & Priscilla devenit Ephesum. hic in Synagoga disputans cum Iudeis ita placuit, ut rogarent, longiori tempore secum maneret. At Paulus pro perabat. pollicitus est tamen, se DEO voleate reversurum;

Varijs urbes
& regiones
peragrat.
Act. 18. 1 v.
18. ad 24.

relictisque Ephesi Aquilā & Priscillā cum reliquis sociis deseruit Cælaream, ac inde venit Ierosolymam, tum ut salutaret Ecclesiam, matricem scilicet; tum ut Collectam undique pro Christianis Jerosolymæ pauperibus eleemosynam afferret, qui à Judæis contribulibus suis nuper bonis omnibus ob fidem Christi exuti fuerant. Ad Hebr. 10. v. 34. commissum enim Paulo fuerat in Concilio Jerosolymitano, ita gentium curam susciperet, ut tamen pauperum Iudeo-Christianorum memor esset; id quod diligenter & per se præstítit, & per alios. Ad Gal. 2. v. 10. Primus ad Cor. 16. v. 1. 2. 3. 4. Jerosolymis profectus est Antiochiam, ubi primū creatus fuerat Episcopus, & gentium Apostolus. hic aliquanto tempore moratus perrexit ad Galatas, qui ipsum quasi Angelum de cælo lapsum excepterunt. ad Gal. 4. v. 14. inde perambulavit Phrygiam, confrans ubique omnes discipulos,

Apollo
Ephesi ac
Corinthi
docet.
Act. 18. à v.
24. ad fin.

Non diu post, ac Paulus Ephesō discesserat, illuc venit Apollo Alexandrinus genere, vir eloquens, & in scripturis egregie versatus, qui licet Joannis solummodo baptismō baptizatus esset, tamen in Synagoga docebat diligenter ea, quæ sunt JESU. Aquila & Priscilla, qui ipsum audierant, idoneum judicarunt, qui & alibi cum Judæis disputaret, quare ipsum receperunt in domum suam, ut eum pleniū in fide instruerent. Nec puduit virum eloquentissimum, & in scripturis versatissimum à textoribus doceeri. Satis per aliquid tempus instructum, ac baptismō Christi baptizatum dimiserunt Corinthum, ubi pariter Iudeos vehementer convincebat publicè, ostendens per scripturas esse Christum JESUM.

Philippus
Apostolus
pro Christi
fide occidi-
tur.

Eodem ferè tempore, anno scilicet à morte Christi vigimo secundo Philippus Apostolus post prædicatum in Scythia Asiatica, in Asia minore, in Mysia, Lydia, Lycaonia, Phrygia Evangelium tandem Hierapoli Phrygiæ urbe gloriosam Martyrii palmam sicut assecutus, Cruci affixus, & lapidibus obrutus.

Paulus Ephesi
prædicat
Act. 19. à v.
1. ad 13.

Paulus ex superioribus Asiae partibus, Apollo Corinthi prædicante, rediit Ephesum, & ad tertium usque annum in ea urbe permanxit hospitans apud Aquilam, & Priscillam. Primis statim diebus invenit viros ferè duodecim ab Apollo baptizatos Joannis solummodo baptismō; qui ut acciperent spiritum San-

Sanctum, de quo ne quidem aliquid audiverant, jussit eos baptizari in Nominе Domini JEsu. ipse verò imposuit illis manus, & confirmationis sacramentum impertit: venitque continuo spiritus Sanctus super eos, & loquebantur linguis, & prophetabant celebrantes DEI laudes; nam in illa primitiva Ecclesia prophetae erat non solum futura prædicere, sed revelatam doctrinam alios docere, & in audientium præsentia de divinis Mysteriis loqui. deinceps in Synagoga docuerat Paulus per tres menses suadens de regno DEI. Sed cum aliqui non tantum non crederent, sed etiam palam maledicerent viam Domini, reliquit Synagogam, & sacras suas functiones habuit in ampla aula unus e principibus Ephesinis, ut sic potentia & auctoritate illius contra Iudeorum insultus & audaciam se subisque discipulos tueretur. atque ita omnes Asiae minoris populi Iudei atque gentiles liberè audiebant verbum Domini publicè, & per domos, Act. 20. v. 20. Nec tantum verba faciebat Paulus, sed & magna miracula, ita ut etiam per sudaria & semicinctia, quibus iuster texendum præcincti solebat, pellerentur ab infirmis languores, & dæmones ab obfessis egrederentur.

Erant Ephesi inter alios Exorcistas Iudaicos septem juvenes, filii cuiusdam primarii in ea urbe Sacerdotis. hi relicto Iudeorum consueto exorcizandi genere forte in ejicendo dæmone imitari volebant Paulum; dicebaturque unus eorum ad hominem, qui habebat spiritum malum: *adjuro te per JESUM, quem predicit Paulus.* At male multati sunt; respondens enim ipsi frater nequam dixit: *JESUM novi, & Paulum scio. Vos autem qui estis?* nec mora, homo, in quo erat dæmonium pessimum, in duos eorum audaciores insiliit, vestibusque disceptis eos pugnis, dentibus, unguibus ita laceravit, ut nudi & vulnerati domo effugerent. Cujus rei fama mox per urbem vulgata cecidit timor super omnes, qui habitabant Ephesi, & magnificabant Nomen Domini JEsu; multique credentium veniebant ad Paulum, Silam, & Timotheum *confidentes actus suos:* multi conscientia ducti attulerunt libros curiosos, iilicis nimirum artibus plenos; quos Paulus omnes comburi jussit quinquaginta millibus denariorum aestimatos. Ephesi enim erant Magiae valde addicti, ita ut Apollonius Thyanus etiam scholam publicam magicæ artis apertam ibi haberet. Atque ita o-

Ephesi for-
titer crescit
Verbum
DEI.
Act. 19. à v.
13. ad 21.

catione hujus exorcismi fortiter crescebat Verbum DEI, & confirmabatur.

Scribit pri-
mam ad
Corinthios
per 16. ca-
pita.

Inter medios Pauli labores varii nuntii cum querelis & dubiis Corintho afferuntur. quare nomine suo & Soſthenis scripsit ad Christianos Corinthios epistolam; in qua per prima quatuor capita redarguit inprimis schismata & contentiones inter eos de Magistrorum suorum præcellentia, cum hic dicere: ego sum Petri: alter, ego sum Pauli: alius, ego sum Apollo. deinde præfert simplicem scientiam Mysteriorum fidei Christianæ omni scientiæ naturali: gloriatur, se nihil tñire, nihil ipsos docuisse, nisi JESUM Christum, & hunc Crucifixum: afferit, sapientiam hujus Mundi stultitiam esse apud DEUM: monet eos, ne temerè judicent Ministros DEI, neque de iis deque acceptis donis glorientur, ac si illa à se haberent: promittit, seipsum præmisso ad eos Timotheo brevi venturum, datusque ipsis optionem, an in virga veniat, an in charitate & spiritu mansuetudinis. quinto capite incestuosum hactenus ab ipsis toleratum absens tradit Iathanæ, monetque, ne commisceantur Christianis palam criminosis. Sexto capite lites eorum coram tribunalibus gentilium reprehendit: enumerat peccata, quibus dediti regnum DEI non possidebunt: varias ob causas vitandam esse fornicationem ostendit. Septimo & sequentibus capitibus varia dubia ad se perscripta resolvit, ut de matrimonio, virginitate, de esu idololythorum, de velatione mulierum, de Cœna Eucharistica, de virtutibus fidei, spei, charitatis, de gratiis gratis datis, de resurrectione Christi & corporum, de colligenda pro Jerosolymitanis eleemosyna. demum commendat eis Timotheum, ac Stephanæ domum, subiungitque salutationes.

Petrus mor-
tuo Claudio
Romam re-
dit.

Interea anno à morte Christi vigesimo sexto decimateria Octobris Claudius porreto ab Agrippina uxore veneno moritur. Succedit in imperio Agrippinæ filius Nero ætatis decimo octavo. Sublato adeò per mortem Claudii contra Iudeos & Judeo-Christianos edicto Petrus, si non jam antea occulte, Romam intravit, nunc certè illuc reversus. An vero Romæ stabiliter usque ad mortem manserit, an varias iterum provincias peragraverit, haud satis certum est. quod Romæ reliquos vitæ annos sedebit, juxta Antwerpenses in actis Sancto-
rum

rum rationi perquam consentaneum esse videtur. Fundaverat quippe spatio viginti quinque annorum post passionem Domini per Asiam atque Europam Ecclesias plurimas tum per se, tum per discipulos suos. in quibus necesse fuit identidem nasci dubia, & oriri contentiones sive inter Fideles ejusdem Ecclesiarum, sive inter Ecclesias diversas, aliis aliud sequendum (ut initis maximè fieri solet, ac etiam Paulus expertus est) contentibus. Pro hujusmodi autem dubiorum, atque contentionum decipline cum sèpè recurrentum esset ad primarium & infallibilem Magistrum, debebat is, videlicet Petrus, certò loco conveniri posse. Nullo autem poterat conveniri facilius, quam Romæ; unde per totum Mundum commercium literarum patebat. Inde quoque ad varias orbis provincias & urbes misisse Episcopos: Linum verò, Cletum, & Clementem ordinasse Episcopos, seu potius Chorepiscopos in opus Evangelii, ut vicaria opera intra & extra Urbem sublevarent ipsum ordinandis per varia loca Episcopis, & per ipsam Romanam Dioecesin Clericis. ita illi. Econtra apud eosdem Antverpienses græco-latina monumenta habent, Petrum aliquamdiu Romæ permanisse quidem; constituto autem Lino, tanquam Vicario suo, seu Coadjutore cum jure successionis, usque ad ultimos ante passionem suam annos peregrinatum fuisse. itaque rebus Romæ compositis Tarracinam profectus Episcopum Ephoditum ibi reliquit. inde in Hispaniam trajecit. deinde Carthaginem in Africa adiit, eique Crescentem Episcopum prefecit. exin Ægyptum petiit, Marcum Alexandriæ invisit, & Thebis Rufum Episcopum dedit. Ex Ægypto Ierosolymam revisit. inde in Ægyptum reversus & Africam iterum Romanam navigavit. Deinceps Mediolanum venit, ibique Barnabam, in urbe Luca verò Paulinum, Episcopos constituit. demum in Britanniam trajecit; ubi cum innumeras gentes ad fidem Christi adduxisset, Episcopos atque Presbyteros ordinasset, Angelica visione est admonitus, Romanam rediret, resolutionis suæ finem instare. ita dicta monumenta.

Paulus quoque audita morte Claudii proposuit in spiritu transita Macedonia & Achaja ire Ierosolymam, ac postea videre etiam Romanam. præmittit igitur in Macedoniam duos ex militantibus sibi Timotheum & Eraustum. ipse verò mansit E-

Sacra Veterum Temp. Histor.

Aaa

phe

Tumultus
Ephesi in
Paulum ab
argentariis
excitatur.

Act. 19. à v. Ephesi usque ad Pentecosten; quia, ut scribit 1. ad Cor. 16. v.
28. ad fin. 8. ibi apertum ipsi erat ostium magnum & evidens ad conver-
tendas gentes, & adversarii multi. At ecce! per hanc tempo-
ris moram oritur gravis tumultus contra viam Domini, & Ec-
clesiam Ephesinam à Demetrio Argentario. iste caput fabro-
rum argentariorum hucusque magnum quæstum fecerat ex ædi-
culis argenteis, quas ad formam Templi Dianaꝝ, quod ibi erat
Magnificum, efformabat, & ubique divendebat in larariis &
oratoriis collocandas. Nunc cùm Paulus cultum omnem Deo-
rum ut impium & sacrilegum redargueret, diceretque, *quoniam
non sunt Dii, qui manibus sunt;* videns Argentarius non so-
lum periclitari quæstum suum, sed & templum Magnæ Dianaꝝ,
quam tamen tota Asia & orbis hucusque coluerat, in nihilum
reputari; collectis cæteris hujus artis confortibus periculum
factâ ad eosdem oratione ob oculos ponit, qui irâ repleti per
totam mox civitatem vociferantur: *Magna Diana Epheso-
rum;* quibus clamoribus impleta est civitas confusione concur-
rentibus undique civibus, quorum tamen plures nesciebant,
qua de causa convenissent. Paulus, qui unus hoc tumultu pe-
tebatur, accurrens volebat se dare in theatrum, sive editum lo-
cum (in quem à furenti populo jam protracti erant ipsi sys comi-
tes Gajus & Aristarchus Macedones) & ad eonfusum populum
verba facere. Sed non est permisus à discipulis & quibusdam
Asiaꝝ principibus ejus amicis, timentibus forte, ne, postquam
jam semel Ephesi in theatro cum bestiis certaverat, 1. ad Cor.
15. v. 32. iterum tantum periculum subire cogeretur, si in thea-
tro à furenti populo consiperetur. Cùm autem hæc faba cu-
deretur non minus in Iudeos simulacrorum contemptores,
quam in Christianos, illi è suis Alexandrum eloquentem & do-
ctum protraxerunt in theatrum ad perorandum pro communi
causa & reipublice quiete. sed ubi cognoverunt, eum Iude-
um esse, de novo conclamârunt Ephesi, *quasi per duas horas:*
Magna Diana Ephesiorum; *Magna Diana Ephesiorum.* Tan-
dem vir primarius è senatu gentilis quidem, sed Christianus
non infensus sedavit populum prudenti oratione, qua ostendit,
Paulum ejusque socios in Deam Diana nullo modô fuisse la-
crailegos, neque eam blasphemasse. Demetrium vero & coete-
ros artifices argentarios, si quam habeant causam contra eos,

non

non per tumultum, sed in legitimo Proconsulis tribunali judicari debere.

Sopito tumultu Paulus cum prius ad Discipulos habuisset allocutionem, valedixit, ac profectus est, ut iret in Macedoniam, creato Insulae Cretae Episcopum Titum; Timotheo vero, qui jam ex Macedonia redierat, relicto Ephesi primo Episcopo. I. ad Tim. 1. v. 3, qui deinceps quinquaginta annis Ephesinae Ecclesiæ præfuisse traditur; nam Joannes Apostolus juxta Sanctum Epiphanium in senectute primum curandas suscepit Asiae minoris Ecclesias. Paulus per Macedoniam iter faciens Christianos ubique exhortatus est multo sermone, & in fide confirmavit. Vacuum tempus scribendis epistolis dedit.

Nam inde scripsit epistolam ad Timotheum, in qua ipsum monet muneris sui Episcopalis; & ut rejectis Judaicis & Simonianis fabulis doceat, quæ fidem, charitatem, & bonos mores promoveant: vult pro Regibus, & Magistratibus orationes fieri, ut populus quietam ubique & tranquillam vitam agat. addit, quomodo tum vir, tum mulier debeat orare, quomodo hæc se debeat ornare: mulieris non esse docere, sed in silentio discere: describit dotes Episcopi, & Diaconi: prædictis suborituras hæreses: commendat Timotheo pietatis & doctrinæ studium: declarat, qua ratione Episcopus omnibus Ecclesiæ statibus providere possit, & debeat: demum quid servi dominis debeant, quam exitiosa sit avaritia, & quam nova dogmata vitanda.

Scripsit quoque epistolam ad Titum; qua ipsum instruit, quales debeat ordinare Episcopos per vicinas Cretæ insulas atque urbes: quomodo Cretenses in fide sanos conservet: quid ipsum docere oporteat senes, anus, adolescentulas, juvenes, præbendo in omnibus seipsum exemplum. Monet, ut dum inculcat morum emendationem, vanam devitet doctrinam, utl & hæreticos. demum jubet, ut festinet ad se venire Nicopolim, ubi statuisset hyemare, ad Tit. c. 3. v. 12.

E Macedonia transiens in Græciam venit Nicopolim, ubi hyemavit. Atque hinc scripsit epistolam secundam ad Corinthios, misitque per Titum & Lucam cap. 12. v. 18. In hac consolatur Corinthios, quos primâ epistolâ objurgaverat: causam reddit, cur needum, veluti in priore epistola promise-

Paulus per-
grat Mace-
doniam.
Act. 20. v. 1.
& 2.

Scribit pri-
mam ad
Timotheum
per sex capi-
ta.

Scribit epi-
stolam ad
Titum per
tria capita.

E Macedonia
transit in
Græciam.
Act. 20. v. 2.
& scribit
rat, secundam ad

Aaa 2

Corinthios
per 13. ca-
pita.

rat, Corinthum venerit: docet, majori in honore debere esse Ministros novi testamenti, quam veteris: spe melioris vite omnia dura & adversa esse toleranda hortatur, ne acceptam fidei gratiam negligant: pœnitentes consolatur: hortatur ad faciendam eleemosynam pro pauperibus Christianis Ierosolymæ. Deinde texit pro se apologiam contra Pseudo-Apostolos, qui Paulo infensi eum ejusque doctrinam deprimebant, & etum fructum prædicationis impediabant. Coactus adeo profert apostolatus sui vera insignia, prodigia nempe & virtutes, item labores & solicitudines, passionesque, pro Christo toleratas; ac inter cetera scribit, se ter virgis cæsum esse, ter naufragium fecisse, nocte & die in profundo maris fuisse, à Judæis quinques quadragenas plagas unâ minus accepisse, aliaque, quæ Lucas quidem in Actis prætermisit, ipse autem in hac epistola enarrat. demum timens, ne ad Corinthios veniens aliquos inveniat dissensionibus ac vitiis adhuc implicatos, provocat tales ad pœnitentiam, ne in adventu suo cogatur severè in eos animadvertere, dataque sibi à Christo uti potestate. Ultimò addit generalem ad perfectionem exhortationem & salutationes.

Scribit epi-
stolam ad
Galatas per
sex capita.

Hic quoque scripsit epistolam ad Galatas. in qua eos reprehendit, quod à Pseudo-Apostolis seducti putent, Judaicas ceremonias unâ cum Evangelio esse servandas: ostendit, se Evangelium suum à Christo immediatè accepisse, & à primis Apostolis Petro, Joanne, & Jacobo approbatum, adeoque illi fidem adhibendam: docet, non justificari hominem ex operibus legis, sed per fidem IESU Christi: Christianos omnino liberos esse à servitute legis veteris. demum hortatur ad Charitatem, & opera misericordiæ, docetque gloriandum esse in solo Christo Crucifixo.

Scribit epi-
stolam ad
Romanos
per 16. ca-
pita.

Nicopolis Corinthios adiit, ac apud ipsos vel potius ex vicino portu Cenchrensi scripsit epistolam ad Christianos Romanos. in qua primò ostendit desiderium suum prædicandi Evangelium Romæ, altque ipsorum fidem annuntiari in universo Mondo. Deinde per prima quinque capita docet, tam gentiles legem naturæ, quam Judæos legem Moysis violasse; ideoque omnes esse sub peccato, egeréque Salvatorem Christo; quod-

quodque ex fide & gratia Christi, non verò ex operibus legis Mosaicæ vel naturæ petenda sit justitia. Capite 6. & 7. instruit Fideles, quomodo in Justitia progrexi, vitiisque ac concupiscentiæ resistere debeant. Capite 8. enumerat fructus ex fide & justitia Christi provenientes. Capite 9. 10. & 11. scribit, gentes ad justitiam electas esse, Iudeos verò ab illa rejectos, eoque gentes Christo crediderint, Iudei verò credere noluerint. à capite 12. ad finem mores instruit fidelium, hortaturque ad varia vitatum Christianarum exercitia, ultimò Romanis commendat quosdam tum viros tum foeminas, eosque salvare juvet, ac inter eos Aquilam & Priscillam, qui post mortem Claudi Imperatoris redierant cum aliis Romam. Vicissim etiam Romanis scribit salutem à Timotheo, Lucio, Japoni, Sosipatre, Cajo, apud quem hospitabatur, Erasto, Arcario, & Quarto.

E Gracia cogitaverat quidem Paulus rectâ navigare in Syriam. Cum autem comperisset sibi parari ea in via insidias, cœpit consilium in Syriam proficisci per Macedoniam, quare navigavit Philippos cum sociis, quierant Sosipater cognatus Pauli, Aristarchus postea Thessalonicensium Episcopus, Secundus, Gajus, Timotheus, qui Epheso ad ipsum venerat in Graciā, Tychicus, qui minister erat Pauli in literis & mandatis ad absentes perferendo, ad Coloss. 4 v. 7. Trophimus, postea à Paulo constitutus Episcopus Arelate; è cuius prædicationis fonte, ut S. Zosymus Papa scribit, tota Gallia fidei riyulos accepit. Hi omnes postea Philippis alia navi præcesserunt, & exspectarunt Paulum Troade. Ipse verò eum Luca aliisque primū post Pascha, seu post septem azymorum dies exactos Philippis eos secutus est, & invenit Troade.

Troade morati sunt septem dies, ultimā, quæ erat Dominica, cum convenienter Christiani ad sumendam Eucharistī am in cœnaculo lucestibūs in eo copiosis lampadibūs, juvenis quidam Paulo in medianam noctem sermonem protrahente ac disputante, sedens ad fenestram, somnoque vixsus cecidit per tres contignationes deorsum exanimis, turbatis omnibus, qui in cœnaculo erant, descendit Paulus; cumque incubuisse suerum, suscitavit mortuum summa omnium admitione &

Per Macedoniam tendit in Syriam.
Act. 20. à v.
3. ad 7.

Paulus moratum suscitat, & Mileti valedicis Episcopis Aliz. Act. 20. 3 v.
6. ad fin.

Aaa 3

con-

consolatione. hoc facto rursus in cænaculum ascendens concionatus est, usquedum illucesceret. Tunc ipse iter fecit quidem per terram in urbem Asson, comites vero illuc venerunt navi. inde assumpto in navem suam Paulo simul venerunt Mytilenem, deinde Chium, Samum, ac demum præternavigantes Ephesum appulerunt ad urbem Miletum haud procul Epheso sitam. Noluit appellere Ephesi, timens, ne forte diutius quam vellet, ibi detineretur; festinabat enim, ut diem Pentecostes ficeret Ierosolymis. Miletii putabat negotia citius expediri posse. quare huc evocavit Majores natu, & Episcopos Ecclesiarum in partibus Asiae; Ephesinum enim Episcopum Timotheum habebat secum. igitur cum Miletii congregati essent, eos longa oratione hortatus est, ut cum ipsis faciem non amplius essent visuri, attendant sibi & suo gregi, utpote a Sancto spiritu positi Episcopi regere Ecclesiam DEI postquam peroravit, positis genibus oravit cum omnibus illis, quo facto inter magnum fetum procumbentes super colum Pauli osculabantur eum, & deduxerunt ad Maris portum.

Paulus cum
Sociis venit
Jeroſoly-
mam.
Act. 21. a v.
1. ad 18.

Conscensa navi natu maiores Paulum aliquousque in alia navi comitati sunt; sed demum cum suis abstractus ab illis recto cursu venit Coum; secundo die Rhodum, ac inde Pataram; ubi inventa alia navi, quæ Tyrum petebat, ascenderunt, & relicta ad sinistram insula Cypro venerunt Tyrum. hic discipuli dehortabantur Paulum, ne pergeret Ierosolymam. Nilominus post septem, quos ibi morati sunt, dies Paulus & itineris socii ab omnibus ibi Christianis cum uxoribus & filiis ad navem deducti positis in littore genibus orarunt, & vale mutuo dicto navigarunt Ptolemaidem. ubi salutatis per diem fratribus Cæfaream profecti hospitium sumpsere apud Philippum illum ex septem primis Diaconis unum. Hic dum aliquot dies quiescunt, Agabus Propheta audiens ibi esse Paulum, venit illuc ex Iudæa, & Spiritu sancto dictante prædictit, ipsum ligandum Ierosolymæ, & tradendum in manus gentium; quod quidem per omnes civitates, per quas transierat, ipsi jam prædictum fuerat. constabat enim ubique, non solum Iudeos Ierosolymæ ipsi extremè infenos esse, sed & eos, qui per ludam ex Iudæis facti fuerant Christiani, offensio inde oriebatur,

tur, quod Judæo-Christianiani observarent simul adhuc cæremo-
nias Mosaicas, id quod tum temporis adhuc licebat, cum à
morte Christi mortua quidem lex esset, non tamen esset morti-
fera. De Paulo autem fama erat, eum Iudæos, qui extra Ju-
dæam inter gentes dispersi erant, docere, non licere Iudæo-
Christianis parentibus filios suos circumcidere, neque secun-
dum receptos patriæ mores & consuetudines vivere. quæ
quidem erat calumnia; nam Paulus solum istud docebat, justi-
ficari homines per fidem & Gratiam Christi, non per legem
Moysis; & Timotheum ipse circumcidit, seceratque Nazaræ-
atus votum, Act. 18. v. 18. vi cuius cogebatur saltem ad tem-
pus alere comam, & abstinere à vino & sicera, Numeror. 6.
quod fecerat, ut sic Judæo-Christianos sibi, quasi legalia con-
temnenti, offensos deliniret. Ob periculum tam certò ab
Agabo prædictum ipsi etiam comites Pauli Lucas & cæteri
preces Cæsareensibus fratribus junxerunt, rogaruntque flen-
tes, ne ascenderet in Jerusalem. At Paulus, quid, inquit, fa-
citis flentes & afflgentes cor meum? ego enim non solum alli-
gari, sed & mori in Jerusalem paratus sum propter Nomen
Domini JESU. Cum igitur animadverterent, se frustra esse,
acquieverunt denique dicentes: Domini voluntas fiat; simûl-
que comitantibus aliquot è Cæsarea discipulis iter Ierosoly-
mam ingressi sunt Festum Pentecostes celebraturi. Ne verò
Jerosolymitanis fratribus, rapinam bonorum suorum nuper
passis, graves essent, Cæsarea veterem Christi discipulum af-
sumperunt secum, in cuius domo, quam habebat Ierosolymæ,
hospitarentur.

Altero adventū die Paulus cum sociis accessit domum Ia-
cobi Episcopi, ubi collecti erant omnes seniores; narravítqne
singula, quæ DEus per ministerium ipsius operatus esset in
gentibus, qua narratione vehementer recreati magnifica-
bant DEum. vicissim etiam Ipsi referebant, quām multa mil-
lia Judæorum jam in Christum crederent: Cæterū apud hos
Paulum male audire, formamque esse, ipsum doctrinā suā Ju-
dæos in Asia, Græcia, & Macedonia dispersos avertere à lege
Moysis; cum tamen Ierosolymitani, aliisque Judæi, licet ad
Christum conversi, adhuc circumcidant filios suos, aliasque
cærenonias legis observent. Aliud esse cum gentilibus ad fi-
dem

Paulus in
Templo se
more Judai-
co sanctifi-
cat.
Act. 21. à v.
18. ad 27.

dem adductis, & quibus Concilium Ierosolymitanum nihil aliud requisivisset, quam ut abstineant se ab idolis, immolato, sanguine, suffocato, & fornicatione. Ut autem palam fiat omnibus, falsa esse, quae de ipso spargerentur, constetque ipsum etiam custodire legem, suadere se, ut cum fecisset votum Nazareatus, ficeret ea, quae lex Numerorum Sexto præscriberet: adesse opportune quatuor viros idem votum habentes, quibuscum se sanctificaret more Judaico. Paulus bene monentibus obsecutus est, & cum illis postera die purificatus septiduum ex legis præscripto impendit.

At ecce! septimo sanctificationis die Iudei, qui ex Asia ad Festum Pentecostes venerant, videntes Paulum in templo, seu atrio Israëlicarum, concitaverunt omnem populum, & injecrunt in Paulum manus, clamantes: *Viri Israëli adjuvate: hic est homo, qui adversus populum & legem & locum hunc omnes ubique docens, insuper & gentiles induxit in templum, & violavit sanctum locum istum.* cum enim vidissent antea Paulum cum Trophimo in civitate, credebant, hunc ipsius solum Ephesum antea gentilem, esse quoque cum ipso in atrio Israëlicarum, quod intrare gentilibus nefas erat. quibus Iudæorum Asianorum clamoribus denique commota est tota civitas, & facta est in templum concursio populi. Jamque extrahentes Paulum extra templum, ne scilicet sanguine ipsius pollueretur, quererent eum interficere; cum Tribunus Romanorum militum de tumultu monitus ex arce Antonia cum centurionibus & militari cohorte advolat, penetratque in tumultuantes & Paulum percutientes. quem ubi advergit solum peti, jussit eum alligari catenis duabus, rogans interim, quis esset, & quid fecisset. Sed præ clamore turbæ nec audiatur ipse, nec audiebat. Jussit ergo ipsum duci in atrium arcis Antoniae, in qua Romanum præsidium sua tentoria & castra habebat. Sed tam densus erat populus identidem clamans: *tolle, tolle cum,* ut necesse fuerit Paulum a militibus portari. Ubi ad gradus perventum est, per quos ascendebatur in atrium arcis, stans Paulus in superiori aliquo gradu peccati a Tribuno facultatem ad populum verba faciendi. quæ data Paulus annuit manu ad plebem ingenti numero circumfusam, & magno silentio facto allocutus est lingua hebræa; narrans.

Paulus alli-
gatur catenis
duabus.
Act. 21. à v.
27. ad fin.
& Act. 22. à
v. 1. ad 24.

rānsque suæ conversionis ordinem patienter auditus est. At cūm demum diceret, se missum à DÉO ad prædicandum gentibus Evangelium, tum verò insanis vocibus conclamārunt: tolle de terra hujusmodi, non enim fas est eum vivere; simul projecere vestimenta sua, & pulverem jaētarunt in aera.

Interea Paulus introducitur in atrium. ubi Tribunus, cur sic Iudei acclamarent ipsi, atque ad mortem deposcerent, adhuc inscius, jussit Paulum flagellari & torqueri, ut sic ab ipso veritatem sui criminis exprimeret. Jámque à militibus loris adstringebatur, cūm serio vultu conversus ad centurionem adstantem, qua potestate, ait, vos hominem Romanum ac indemnatum flagellatis? contutbatus Centurio id mox ad Tribunum refert; qui proin i se Paulum accedit rogans, an Romanus esset? sibi quidem jus Civitatis Romanæ magnâ pecunia summâ fuisse emendum. Paulo respondente, le verò Civem Romanum etiam natum esse, non tantum tortores abscedere jussit, sed etiam postera die Paulum vinculis omnino solvit. Et ut certius cognosceret, ob quod crimen à Iudeis accusaretur, jussit Iudeorum Sacerdotes & omne Concilium convenire, causāmque examinari. Coram quo dum Paulus sians loqui incipit, séque omni conscientia bona ante DEum usque in hodiernum diem conversatum esse dicit, Princeps Sacerdotum Ananias præcepit adstantibus percutereos Pauli, qui rei indignitate motus, percutiet, inquit, te DEus paries dealbate, tu sedens judicas me secundum legem, & contralegem iubes me percuti? At monitus esse summum Sacerdotem, cui ita malediceret, cum omni modestia factum excusans, nesciebam, inquit, Fratres, quia Princeps est Sacerdotum, quem nefas est maledicere. Exodi 22. v. 28.

Sciens autem Paulus, quod in Concilio præsentium una pars esset Sadducaeorum, altera Phariseorum, prudenti consilio pomum discordiæ jecit in medium, altâ voce exclamans, se Phariseum esse & filium Phariseorum, séque de spe & resurrectione mortuorum judicari. Successit Paulo res ex animi sententia. Nam confessu mox soluto facta est dissensio magna non modò inter Phariseos, & Sadduceos, sed inter multitudinem etiam adstantium, adeò ut Tribunus timens, ne Paulus

Paulus viii.
culis solvi-
tur, & fiti-
tur Concilio
Iudeorum.
Act. 22. 18.
24. ad fin.
& Act. 23. 2
v. 1, ad 6.

Paulus injur-
dicatus redu-
citur in ar-
cem.
Act. 23. 17.
6. ad 12.

io tumultu à Sadducæorum factione dispergetur, confestim
jussit milites descendere, & è medio ceptum reduci in Ar-
cem Antoniam; in qua postea summo solatio perfusus est, nam
à Domino nocte illa sibi assistente hæc verba audivit: *Constans
es tu; sicut enim testimonatus es de me in Ierusalem, sic te ope-
ret & Roma testimonari.*

*Paulus mitti-
tur Cæsaream
ad Præsidem
Iudeæ.
Act. 23. 2 v.
22, ad fin.*

Postero die conjurant plusquam quadraginta Judæi (Sad-
ducæi utique) se nihil cibi aut potū gustaturos, donec occi-
derent Paulum. Hoe consilium non ingratum Sacerdotibus
futurum existimantes accedunt eos, suadentque, ut Paulum
à Tribuno rursus in Concilium mitti petant, se ipsum in via in-
terfecturos. De hac coniuratione quidpiam subodoratus est
filius sororis, quam Paulus habebat. Adolescens de Patruvi-
ta sollicitus se in arcem insinuat, insidiisque primum Paulo
detegit, ab hoc verò missus ductusque per Centurionem ipsi
Tribuno, iste re intellecta imperatōque adolescenti hujus rei
silentio veritus, ne, si Paulus à Iudeis occideretur, ipse pecu-
niis corruptus id permisisse videretur, statuit Paulum fortis
milium manu contra vim Iudeorum cinctum Cæsaream, ubiunc
sedes erat Præsidis Iudeæ propter maris opportunitatem, ad
Felicem mittere, qui Cuspio Fado successerat; jubetque illico
per duos centuriones colligere ducentos Lancearios, & sep-
tuaginta equites; qui Paulum currui impositum, & tertia ab
occaſu Solis hora Ierosolymis eductum per eam noctem in Anti-
patridem perduxerunt, postera verò die remissis Jerosolymam
Lanceariis equites Cæsaream usque. Felix lecta, quam Lysi-
as Tribunus ipsi scriperat, coram Paulo epistola, auditōque,
quod è Cilicia Romana Provincia oriundus esset, audiam it;
inquit ad Paulum, cum accusatores tui venerint: iusitque ip-
sum interim à milite custodiri in Prætorio, seu palatio, quod
olim Herodes Magnus magnificum Cæsareæ construx-
rat.

Post quinque dies Ierosolymis adebat Cæsareæ Ananias
*Paulus accu-
satur coram
Felice Prä-
side.
Act. 24. 2 v. 1.
ad 24.*
summus Pontifex cum aliquot senioribus, & cum Tertullo;
qui veluti Advocatus causam Iudeorum contra Paulum coram
Præside, Romanā fortassis lingua, ageret. Orsus dicere gra-
vissimorum criminum accusat Paulum vocans ipsum homi-
nem pestiferum; concitantem seditiones in universo orbe;

aucto-

auctorem seditionis Sectæ Nazarenorum, seu Christianorum; violatorem denique Templi; quæ omnia Summus Sacerdos & ceteri toto vultu annuentes vera esse affirmârunt. At Paulus, an- nuente sibi Præside dicere, facile ostendit, nihil horum pro- bari posse: se duodecim abhinc dies venisse Jerosolymam so- lùm ut adoraret, saceret vota & oblationes & eleemosynas di- stribueret in gentem suam: esse se quidem de hæresi, quam Ju- dei vocant, Christianorum, credere tamen omnibus, quæ in lege & Prophetis scripta sunt; sperare quoque resurrectionem futuram iustorum & iniquorum; interim neque in tem- plo se disputâsse, neque concursum turbæ fecisse vel in Syna- gogis, vel in civitate: hujus in se concitatæ tempestatis cau- sam esse quosdam ex Asia Judæos, qui si quam accusationem haberent adversum se, certè præsto hic essent: apud hos ve- rò præsentes unicum crimen suum esse, quodd proximè in Con- cilio stans clamâsserit: *quoniam de resurrectione mortuorum ego judicor hodie à vobis.* Felix, cui & Iudæorum & Christiano- rum lex ac vivendi ratio satis cognita erat, sententiam non pronunciavit, sed audiendos iterum fore dixit, cum Lysias Tribunus etiam adfuerit. Interim Paulum mitius haberi jussit in custodia.

Post dies aliquot Felix cum uxore sua Drusilla, quæ erat Iudea Herodis Agrippæ junioris soror, vocat Paulum, auditu- rus Fidem, quæ est in Christum IESUM. quam etiam prolixè explicavit; & cum ultimò etiam de justitia, de castitate, & de de- judicio futuro disputaret, tremefactus Felix eum quidem in cu- stodiā redire jussit, deinceps autem frequenter ad se acce- sens & quebatur cum eo, sed inani solūm spe pecuniæ à Paulo dandæ. Interim expleto offici tempore in Provinciam Ju- dæa Româ venit Portius Festus. Felix offici decedens cùm debuisset dimittere Paulum, reliquit eum vincitum tum quodd nullas ab eo pecunias accepisset, tum ut præstaret gratiam Ju- dæis.

Ut primùm novus Præses Cæsaream, & inde post tridu- um Jerosolymam venit, Príncipes Sacerdotum & Primi Judæo- rum honoris causâ ipsum accedentes rogârunt hanc ab eo pri- mam gratiam, juberet Paulum Jerosolymam adduci. quod petebant specie quidem cognoscendi causam ipsius, reverâ au-

Bbb 2

Felix, &
uxor ipsius
audiunt Pau-
lum de Fide
disputantem.
Act. 24. à ve-
24. ad fin.

Paulus accu-
satus apud
Festum ad
Cæsarem ap-
pellat.
Act. 25. à ve-
tem 1. ad 13.

tem occidendi ipsum in via. Festus id animadvertens noluit, responditque, se brevi redditum Cæsaream; mitterent illuc idoneos Viros, qui contra Paulum accusationem adornent. Post dies octo aut decem reversus est Cæsaream sequentibus iplum delectis Iudæis. Igitur altera statim die sedet pro tribunali, jussitque Paulum adesse. Iudæi multa & gravia crimina afferebant, quæ tamen idoneis argumentis probare non poterant Paulo rationibus ostendente, se neque in legem Judæorum, neque in Templum, neque in Cæsarem peccasse. Festus tamen volens in primo Provinciæ aditu gratiam praestare Iudæis, querit à Paulo, an vellet Jerosolymam ascendere, ac ibi à se sententiam expectare? id quod unicè Jud. i optabant. Paulus videns Præsidis inconstantiam in partes Iudæorum inclinantis respondet, se Iudæis non nocuisse, quod ipsem op timè nōset; velle se igitur cùm stet coram tribunali Cæsarisi, hic judicari. Cùm verò timeret, ne se nihilominus Iudæis donaret, etiam Festi judicium declinaturus Romanum ad tribunal Cæsarisi appellavit. Præfes hac judicii declinatione subfensus justæ tamen appellationi non ausus refragari partes loco excedere jubet, & cum suis Consiliariis deliberat, an videretur annuendum postulatis Pauli, qui judicarunt, appellationem Civis Romani omnino admittendam. quare Festus ad Paulum: *Cæsarem appellasti: ad Cæsarem ibis.*

Interim donec navis Cæsareâ solveret, & in custodia maneret Paulus, Agrippa Rex ad salutandum novum Judæ Prædem cum uxore sua Berenice venit Cæsaream. Inter Regem & Præsidem quodam die sermo incidit de Paulo; cùmque Festus rei hactenus gestæ seriem narrasset; adderetque, item inter Iudæos & Paulum esse de superstitione seu lege ipsorum, & de quodam JEsu defuncto, quem affirmaret Paulus vivere, iste desiderium ostendit ipsum Paulum audiendi. Festus gratificaturus Agrippæ altera die Paulum adduci jussit in aulam; ubi Agrippa, Berenice, Festus cum Tribunis & Viris Primariis civitatis considebant. ubi Paulus in conspectum venit, Festus, *hic est*, inquit, *de quo omnis multitudo Judeorum interpellavit me Jerosolymis petentes & acclamantes, non oportere eum vivere amplius. ego verò comperi nihil dignum morte eum admisisse. ipso autem appellante ad Augustum, judicavi mittere.*

Rex Agrippa
Paulum au-
dire cupit.
Act. 25. à v.
13. ad fin.

tere. Jam produco eum ad vos, & maximè ad Te, Rex Agrippa, ut interrogatione facta habeam, quod scribam; sine ratione enim mihi videtur mittere vinculum, & causas ejus non significare. qua oratione finita Rex Paulum monuit, ut loqueretur pro se metipso.

Paulus igitur beatum se æstimans, quòd coram Rege Iudaœ conluerudinum & quæstionum Judaicarum non ignaro verba facere de fide posset, rationem totius vitæ suæ reddidit: quòd scilicet à juventute educatus Jerosolymis sectæ Pharisæorum adhæserit, & resurrectionem mortuorum semper crediderit: quantum postea Ecclesiam persecutus sit: ubi & quomodo conversus fuerit: quanto deinde fervore prædicaverit fidem in Christum Damasci primùm, deinde Jerosolymis, & in omni regione Judææ, & inter gentes: quanta diligentia hortatus fuerit omnes, ut pœnitentiam agerent, & converterentur ad DEum digna pœnitentiæ opera facientes: quòd nihil extræ dixerit, quæcum ea, quæ Prophetæ & Moyses locutierant futura esse: hanc esse causam, cur ipsum Iudæi, cum in Templo esset, comprehensum voluerint interficere. quæ & alia cum loqueretur, Festus magna voce interpellans ait: *insanis, Paule, multate literæ ad insaniam convertunt.* Cui Paulus: *non insanio, optime Feste, sed veritatis & sobrietatis verba loquor,* quod Regem, ad quem loquor, non latere arbitror; nam & ipse credit Prophetis; nihil enim in angulo quidquam horum gestum est. Cùm Agrippa ad Paulum: pro pœnодum persuades me Christianum fieri. & Paulus: opto apud DEum non tantum te, sed etiam omnes, qui audiunt, hodie fieri tales, qualis & ego sum exceptis his vinculis. Demum surrexit Rex & cœteri seorsim ad lematuò dicentes: nihil planè dignum morte aut vinculis Paulum fecisse. Agrippa verò ad Festum: dimitti, inquit, poterat homo hic, si non appellasset Cæsarem.

Ubi tempus navigandi opportunum adsuit, Centurio nomine Julius à Præside in mandatis accepit, ut sumpta secum militum turma Paulum & alios quosdam reos navi impositos Romam perduceret. itaque Paulus cum Luca, Aristarcho, aliisque Comitibus navem Adrumetinam, quæ erat in portu Cæsareensi, concendit. Sublatis anchoris vela fecerunt, ve-

Paulus co-
ram Agrip-
pa causam
suam agit.
Act. 26. à v.
1. ad fin.

Paulus Ro-
mam navi-
gat, venique
in Cretam.
Act. 27. à v.
1. ad 13.

neruntque alteto die Sidonem; ubi per Centurionis humitatem licuit Paulo amicos invisere, & curam sui agere, inde per maria Cypri, Ciliciæ, Pamphyliæ navigarunt Lystram quæ est urbs maritima in Lycia. Opportunè in hoc portu aderat navis Alexandrina rectâ tendens in Italiam. quare in hanc relictâ Adrumetinâ cum omnibus suis Julius se recepit. At lenta fuit ob aduersos ventos hæc navigatio. Tandem ad Insulam Cretam in loco, qui Boni Portus dicitur, appulerunt.

Naufragium patitur, ve-
nique in
āsulam Me-
litam.
Aet. 27. à v.
13. ad fin.

Hic post elapsos jam tres ferè à cæpta navigatione menses, cum Decembri mense non esset tuta navigatio. Paulus propheticò spiritu prævidens instans naufragium, suasit in eo portu & in vicina urbe Thalassâ hyemandum. Alii vero, quod portus iste minus commodus videretur, navigandum putarunt ad alium ejusdem insulae portum. Cumque Julius plus eredret gubernatori & Nauclero, quam his, quæ à Paulo dicebantur, vela fecerunt. Ecce autem dum legunt Cretam, vehementes tempestas navem ab insula in altum abripit. Per plures dies hic illuc jactati non viderunt solem nec sidera, ita ut videretur ablata esse omnis spes salutis. Paulus ut metu naufragii, inedia, ac laboribus fractos erigeret, stans in medio male factum esse ajebat, quod contra suum consilium solverint ex Creta. Bono tamen animo essent; naufragium quidem passuros, nullum tamen eorum, quotquot essent in navi (erant autem animæ ducentæ septuaginta sex) peritum; veluti didicisset ab angelo Dei sibi præterita nocte assistente. Atque ita plane factum est. Postquam quatuordecim omnino dies ac noctes inter syrtes ac procellas servati essent, demum decimo quinto summo mane videntes se prope quandam insulam dum conantur ia littus ejicere navim, prora arenæ impacta hæsit immobilis; puppis autem soluta est à vi maris. Hic spem unicam faciebat vicina terra, ad quam enatando vitam servare possent. At militum consilium fuit, ut captivos occiderent prius, ne quis, cum enatasset, effugeret. Quod centurio animadverens, volensque servare Paulum prohibuit fieri; jussitque eos, qui possent natare, emittere se primos, & evadere, atque ad terram exire; qui deinde ceteros in tabulis & fragmentis navis redeuantes & natantes ad portum deduxerunt. Et sic factum est,

est, ut juxta verbum Pauli omnes animæ evaderent ad terram. Ignari, quænam ea terra esset, compserunt postea eis melitam insulam, humaniterque excipiuntur naufragi ab incolis; nam statim pyra accensa contra imbrem & frigus eos recreaverunt. Ubi dum inter cœteros etiam Paulus farmenta portat, & in ignem injicit, ecce! vipera calore excitata manus eius invasit non dubitantibus circumstantibus barbaris, venerato attacatu statim moriturum. At cum Paulum bestiā in ignem excusā nihil mali passum esse cernerent, Deum esse prædicarunt, quem antea homicidam esse suspicabantur. Tribus mensibus in hac insula hyemarunt; quo tempore Lucas Evangelium suum scripsisse creditur. Paulus autem Melitensibus interea varia beneficia præstítit; nam Publīi in ea insula Principis patrem febribus & dysenteriā vexatum orans & manus ei impónens sanavit, quo auditio omnes, qui in insula habebant infirmities, accedebant, & curabantur. præcipue autem incolis fidem Christi exposuit, & plerosque convertit, ipsisque Publīum Episcopum præfecit. Constans quoque in ea insula traditio est à Paulo, cùm Publius naufragos per triduum hospitio excepisset, omnes fuisse conuersos, & baptizatos, domumque Publīi stetisse, ubi nunc in urbe Melita aedes maxima visitur Sancto Paulo dedicata: demum Insulanos illos ab eo tempore semper constantes in fide mansisse, tametsi insulam Mauri subinde occuparint, tenuerintque centenis & pluribus annis.

Reparata interea per tres menses Alexandrina nave vale Melitensibus dixerunt, multisque honoribus ab eis affecti & necessaria annona instructi vela rurlus fecerunt, & appulerunt Syracusis in Sicilia; ubi Paulus à Marciano, quem paucis antè annis Petrus Episcopum illuc miserat, aliisque Christianis incredibili lætitia exceptus est. Triduum mutua charitatis officiis datum est, tum verò reliquam Siciliæ oram circumlegendes trajecto infami naufragiis freto, quod Charybdin vocant, intrarunt Rheygum Calabriæ portum. Paulus Rheygiensibus advenas visendi causā ad littus concurrentibus more suo exorsus prædicare Evangelium miraculo successe subito in illius gratiam marmoreæ columnæ illos ad Christi fidem convertit, ut habeat illius Ecclesiæ perpetua traditio. Rheygio post unum & alterum diem flante Austro tenuerunt Putcolos Campaniæ

In insula Melitæ
lita hyemar
tres menses.
Act. 28. à 7.
1. ad 12.

Venit Rhey-
gum.
Act. 28. à 9.
12. ad 17.

urbem haud procul Neapoli; ubi Paulus à Fratribus, quos ibi invenit, rogatus relicta navi Alexandrina cum Sociis septem dies moratus est, inde verò terrestri itinere cum bona Julii via per Neapolim & alia interjecta oppida Romam perrexit. Multi Christianorum, qui Romæ erant, ab amicis de adventu Pauli ex epistola sua & fama jam noti Puteolis certiores redditi, usque ad Forum Appii, quod Româ dicitur quinquaginta passuum millibus, venienti occurrerunt: alii usque ad tres tabernas, oppidum triginta tribus passuum millibus distans, quos complectens, gratiasque agens Deo affectus est ingenti latititia, ac spe rei apud Romanos benè gerenda; quos cernebat tam sibi faventes, suamque operam in omnibus offerentes. Cum Romanam tenuerunt, Centurio reliquos vincitos tradidit Praefecto carcerum; Paulo verò ex Julii commendatione permisum est manere in quoconque vellet hospitio, non nisi uno milite ei adjuncto custodiæ causâ. Porro Romanus Paulus intravit anno à morte Christi vigesimo nono, Neronis tertio, & decimo sexto, ex quo Petrus sedem Pontificiam in ea urbe collocauit.

Paulus tres dies ab itinere fessus quieti dedit. tum misit qui rogaret primos Judæorum, ut venirent ad se in conductam domum suam, sollicitus, ne forte Jerolymis interea contra scriptæ venissent ad Judæos Romanos literæ. cum convenissent, eos allocutus, ne putarent, inquietabat, se quidquam in gentem suam aut patrios mores peccasse; nihilominus ab ea se traditum fuisse Romanis, qui cognita causa innocentem quidem dimisissent; at Judæis contradictibus, coactum se fuisse appellare Cæsarem; apud quem tamen absit, ut velit accusare gentem suam. quod catenâ circumdatuſ effet, unicam causam esse spem Israël (Messiam nempe) quem jam advenisse prædicasset. Judæi, se neque literas contra ipsum accepisse, neque malū quidpiam de ipso audivisse, respondent, rogantque, ut quæ sentiret de spe Israël (sive de Messia) aperiret; nam de secta, Messiam jam venisse creditum, sibi notum esse, quia ubique ei contradicitur. Libenter annuit Paulus. Constituto igitur die venerunt plurimi Judæorum; quibus ex lege Moysis, & ex Prophetarum oraculis à manè usque ad vesperam ostendit, Messiam plane in persona IESU iam venisse. Et quidam credebant his,

quæ

Romæ fidem
prædicat,
& primo se
eoram tri-
bunali Cæ-
faris defendit.

**Act. 28. à v.
17. ad finem.
2. ad Tim. 4.
v. 16. & 17.**

quæ dicebantur, quidam verò non credebant; quibus tamen disputatio hæc non leves scrupulos injectit, cùm discedentes multam haberent inter se quæstionem. atque ita deinceps quoque vincitus in suo hospitio prædicabat Verbum Dei cum magna libertate sine prohibicione tum Judæis, tum Gentilibus, tum Christianis. Hanc libertatem præstabat lene Neronis ingenium primo imperii sui quinquennio, Fidem Christianam per totum jam imperium diffusam non tantum non persequenter, sed etiam benignè defendantis, uti observat Eusebius L. 2. Hist. Ecclesiastica c. 22. Eandem præstabat quoque copia amicorum, quos Romæ jam à Petro conversos reperit, partim sibi comparavit ex intima etiam Cæsaris familia; Inter quos eminebant Torpes & Evellius, quos postea Nero sævior occidit, & martyrio coronavit; uti & poccillator Neronis, imo & Poppæa Sabina Augusta, aliisque. Primo coram tribunali Cæsaris stanti nemo adfuit, sed omnes eum dereliquerunt; Dominus autem ei adstitit, ut liberaretur de ore Leonis, Neronis nempe, 2. Tim. 4. v. 16. & 17. Post hanc primam suam defensionem varias è vinculis scripsit literas, quibus præcipue Fideles communire voluit contra Pseudo apostolos, subisque in Evangelio prædicando adversarios, non paucos; quorum aliqui docebant, præter Evangelium servandam simul esse legem Moysis. alii urgebant non tantum Judaicas fabulas, sed etiam gentiles quasdam superstitiones. alii dicebant non Christum, sed angelos nostræ salutis auctores esse, & mediatores. alii negabant Christum verè fuisse crucifixum. alii dicebant, non futuram resurrectionem corporum, sed si quæ admitti debeat, factam jam esse in Christo Resurgentem; cæteros verò homines non resurrecturos secundum corpora, sed solùm secundum animam, hic quidem per baptismum & penitentiam, in futuro autem etiam per gloriam animæ, qua renascetur ad vitam novam & immortalem. alii inani Philosophia multum tribuebant. alii profana, vaniloquia, stultas & sine disciplina quæstiones tractabant. alii alias errores docebant. quos omnes monet esse vitandos, uti & homines variis involutis peccatis, habentes quidem speciem pietatis, virtutem autem ejus abnegantes, resistentes virtuti, corruptos mente, reprobos circa fidem. &c. Quinque autem in suis epistolis nominatim memorat adversarios suos, Phigellum, Hermogenem,

Sacra Veterum Temp. Histor.

Ccc

Ale-

E vinculis Ro
manis varias
epistolas scri-
bit.

Alexandrum, Hymenæum, & Philetum Asianos, qui fuerint ex iis, de quibus prædixit Miletii habens orationem ad Majores natu: ego scio, quoniam intrabunt post discessiōnēm meam lupi rāpaces in vos non parcentes gregi. & ex vobis ipsi exurgent viri loquentes perversa, ut abducant discipulos post se. Atque ex his quinque Hymenæum & Alexandrum tradidit Sathanæ, ut discant non blasphemare, veluti scribit 1. Tim. 1. v. 20. Alexander ærarius valde restitit verbis Pauli. 2. Tim. 4. v. 14, & 15. Hymenæus & Philetus, quorum doctrina serpebeat ut cancer, docebant, resurrectionem jam esse factam. 2. Tim. 2. v. 17, & 18. Phigellus & Hermogenes inter alios Asianos, qui erant Romæ, aversi sunt à Paulo. 2. Tim. 1. v. 15.

Scribit secundam ad Timotheum per quatuor capita.

Porrò ex vinculis Romanis ante alias epistolas scripsisse videtur secundam ad Timotheum suum, qua monet, ut intrepide prædicet sanam Christi doctrinam. Queritur, omnes Asianos, & inter hos Phigellum & Hermogenem Romæ à se esse aversos. Laudat Onesiphorum, ejusque domum, unde multa nunc Romæ, sicut antea Ephesi acceperit obsequia. deinde hortatur ad sincerè docendum, & patiendum pro Christo, quocum propterea olim conregnatus esset: contentiones & profana vaniloquia, stultasque quæstiones devitet, ut & homines variis involutos peccatis, & reprobos circa fidem; suo verò exemplo virtutes amplecti doceat, pergitque amare studium sacrarum literarum. deinde per Christum Judicem obtestatur, ut adversus falsos doctores, & eos, qui tales sibi coacervant, prædicet sanam doctrinam, instetque opportune, importune, arguat, obsecrat, increpet in omni patientia. prædictis postea suam passionem cum spe recipiendi à justo Judge coronam justitiae. demum festinet ad se Romam cum Joanne Marco adhuc ante hymenem venire; neminem enim secum esse præter Lucam: Demam abiisse Thessaloniam, Crescentem in Galatiam, Titum in Dalmatiam, Tychicum à se missum Ephesum, Erastum remansisse Corinthi, Trophimum infirmum Miletii, jubetque simul, ut penulam secum afferat, quam reliquerat Troade apud Carpum, ut & libros, maximè autem membranas. addit, quanta mala passus sit ab Alexandre ærario, quem proinde devitet. queritur se in prima coram Nerone defensione ab omnibus suis desertum, Dominum verò sibi adstitisse scribit. Demum salutat Priscam &

& Aquilam. ipsi verò salutem mittit ab Eubulo, Pudente, Lino,
Claudia, & ab omnibus sanctis.

Ex iisdem vinculis scripsit ad Ephesios epistolam per Thymochium Diaconum ad eos missam. in hac laudat ac benedicit DEum, quod per Christum praedestinaverit nos, & omni gratia cumularit; agitque DEO gratias ob fidem & dilectionem Ephesorum, qui cum antea essent peccatis mortui, nunc per Christum salvati fuerint non quidem suis operibus, sed gratis per fidem, sintque jam non hospites & adversarii, sed cives sanctorum, & domestici DEI. Cumque ipse inter alios Apostolos factus sit Minister Christi, ut inter gentes & apud ipsos evangelizaret investigabiles divitias ejus, ob eam causam se nunc hesteri genua, atque orare Patrem coelestem, ut ipsi spiritu semper corroborentur, & in charitate radicati plenè in divinis mysteriis edoceantur. deinde hortatur ad varias virtutes, maximè ad charitatem & unitatem spiritus in vinculo pacis, ut exutus veteri induant novum hominem, & imitentur Christum. avocat ab operibus tenebrarum, & animat ad operalucis. jubet mulieres viris subjectas esse, viros autem diligere uxores suas. docet officium filiorum erga parentes, servorum erga dominos, & contra, demum ostendit, quam acris pugna fidelibus sit subeunda, & quibus in ea armis utendum.

Scripsit quoque ex carcere Romano nomine suo & Timothei literas ad Episcopos, Diaconos, & omnes sanctos, qui erant Philippi. hi enim compertum, vincitum Romæ detineri, miserunt illuc cum muneribus Epaphroditum solatio ipsi & auxilio futurum; quem deinde cum hac epistola Philippos remisit. in hac ostendit magnum erga Philippenses affectum suum, & certos facit, se in cunctis orationibus suis ipsorum memorem esse, optatque, ut fides & charitas ipsorum magis semper ac magis abundet; & licet desiderium habeat dissolvi & esse cum Christo, innuit tamen, se adhuc in carne mansum ad majus ipsorum auxilium & consolationem. Advertit quosdam non sinceros, sed studios decertandi secum de fama & gloria annuntiare Christum, existimantes, se vincitum has ratione magis affligi; sed eos falli scribit; se enim in hoc gaudere semper, si quovis demum modo Christus annuntietur.

Ccc 2

Scribit epistolam ad Ephesios per sex capita.

Scribit epistolam ad Philippenses per quatuor capita.

hor-

hortatur ad mutuam concordiam, charitatem, & humilitatem exemplo Christi, qui humiliavit semetipsum factus obediens usque ad mortem; in cuius nunc nomine omne genu flectitur; utque suam in timore operentur salutem. gratulatur tum ipsis, quod inter malos sancte vivant, tum sibi, quod tales habeat discipulos. Timotheum laudat ipsis a sincera evangelii prædicatione & obedientia, ut & Epaphroditum. deinde infectatur putantes, Legalia servanda esse una cum evangelio; se fuisse circumcisum octavo die, esse ex genere Israël, de tribu Benjamin, Hebræum ex Hebræis, Phariseum, convertatum esse in lege sine querela; hæc tamen omnia arbitratum esse ut detimenta & stercore, ut Christum luerifaceret; se semper proficere, ut tandem perfectionem consequatur. unde Philippenses hortatur, ut se, non dulos, & Crucis Christi inimicos imitentur, sive eos, qui negant, Christum Crucifixum esse. demum ad perseverantiam & spirituale gaudium, modestiam, preces, gratiarum actiones eos componit pacem DEI exoptans, rogatque, ut Evodia & Syntyches primæ Philippis matronæ, quæ olim laboraverant cum ipso in Evangelio, nunc aliquantum discordes id ipsum sapient. Ultimò salutat omnes Philippis, iisque salutem dicit ab omnibus sanctis Romæ, maximè, qui de domo Cæsaris sunt.

Ex captivitate Romana scripsit etiam epistolam ad Colossenses nomine suo & Timothei missam per Tychicum, & Onesimum. quos etsi Paulus nunquam adierit, c. 2. v. 1. missus est tamen ab iis Epaphras ad ipsum Iolandum juvandumque Romam. à quo cùm audivisset, penetrasse in eorum civitatem Pseudo-Apostolos dicentes, non Christum, sed angelos nostræ salutis autores esse & Mediatores, urgentesque observationem multarum Judaicarum & gentilium superstitionum, per epistolam ad eos scriendum putavit, qua errores istos ipsis eximeret, & mores Christiano dignos edoceret. itaque primò auditafide, spe, & charitate eorum scribit, se orare pro ipsis, ut in scientia DEI bonisque operibus perficiantur. deinde non angelos, sed Christum unigenitum DEI filium rerum omnium opificem & totius mundi, etiam gentium, redemptorem ac Salvatorem esse docet. tum carpit varias Pseudo-Apostolorum imposturas, observationes legales, falsam an-

Scribit epistola ad
Colossenses
per quatuor
capita.

gelorum religionem , superstitionum delectum ciborum, di-
erum &c. deinde opponit christiana & spiritualia exercitia ter-
renis, & superstitionis: hortatur ad mentis renovationem,
charitatem, pacem, officiaque Christiana. Monet, ut instent
orationi, & cautè agant inter gentiles. salutationem eis dicit
ab Aristarcho concaptivo suo, & à Marco consobrino Barna-
bæ, & à JESU Justo dicto , & ab Epaphra, & à Luca suo Medi-
co charissimo , & à Dema, demum vult, ut salutent fratres
Laodiciæ, quæ etiam urbs est Phrygiæ vicina Colossis, jubé-
que, ut hæc epistola legatur etiam in Ecclesia Laodiciæ, & quam
dedit ad Laodicenses, legatur apud ipsos; quanquam ea, quæ
est ad Laodicenses, jam non amplius extet. ultimò vult dici
Archippo, ut ministerium, quod accepit in Domino, im-
pleat.

Romæ vincitus scripsit quoque & misit simul per Onesi-
mum epistolam ad Philemonem virum nobilem, atque inter
cives Colossenses ut potentia & opibus, ita pietate conspicu-
um una cum epistola ad Colossenses nomine suo & Timothei.
In qua laudat vocatque Philemonem dilectum, & adjutorem
suum, Appiam verò sororem charissimam, & Archippum
comilitonem suum. Onesimus fuerat servus Philemonis,
& ablatis furto quibusdam rebus Colossis Romam profugerat.
ubi conversum, & in vinculis baptizatum Paulus senex, uti se
vocat versu nono, cum hac commendacititia remittit ad Phile-
monem, rogatque; ut eum recipiat in gratiam. Receptus in
virum evasit insignem, & post Timotheum Ephesi creatus Epis-
copus sub Trajano Romæ martyrium gloriösè consummavit.
ad finem epistolæ monet Philemonem, ut paret sibi hospiti-
um, sperare enim se, Colosso venturum; dieit eis salutem
ab Epaphra, Marco, Aristarcho, Dema & Luca adjutoribus
suis.

Demum cùm causam suam apud Neronem feliciter egisset,
& spes propinqua esset liberationis, scripsit epistolam hebrai-
cè, vel potius Syriacè ad conversos ex Judæis, maximè ad eos,
qui in Judæa degebant. Et in primo quidem capite ex variis
scripturæ locis probat, JESUM Christum esse DEum, ideoque
longè majorem Moysè, Prophetis, & angelis omnibus, qui-
bus tunc aliqui nimium tribuebant. Secundo capite infert,
CCC 3 Chri-

Scribit epि.
stolam ad
Philemo-
nem.

Scribit' epि.
stolam ad
Hebreos per
13. capita.

Christum solum Legislatorem & Redemptorem esse habendum, cum major sit angelis. tertio & quarto capite ostendit, ipsum praefamulo ejus Moyse audiendum, ne cum incredulis Judaeis ab ejus requie ipsi repellantur, curandum proin, ut credentes in eam requiem admittantur. quinto Christum Pontificem, preces Patri offerentem exauditum esse ostendit, & Mundo salutem attulisse. Sexto promittit & inchoat altiore doctrinam excitans eos ad constantem patientiam, & perseverantiam. Septimo & octavo ex typo Melchisedech docet, sacrificium Christi Aaronis abrogatum longe praestantius successisse; excellentius quoque Sacerdotium esse Christi Leviticum, cum ipse in dextra Patris sedeat in cælis, & majorum Sacramentorum Minister fuerit, quam Sacerdotes veteris legis. Capite nono ex ritibus veteris Tabernaculi & imperfectione hostiarum ostendit perfectionem novi tabernaculi & testamenti, in quo Christus Pontifex & hostia semel oblata emundat conscientiam nostram à peccatis. capite decimo doceat, non legales hostias etiæ ianumeras, sed unicam Christi in cruce oblationem tollere & expiare omne peccatum. deinde laudat Hebreos, quod & multa passi sint, aliosque vincit compassi, & rapinam bonorum suorum cum gudio suscepint, cognoscentes, se habere meliorem substantiam. undecimo ad ipsos in fide roborandos describit, quid sit fides, qui illius fructus, & quanta efficacia. capite duodecimo Christi & tot Sanctorum exempli animat ad tolerandas constanter afflictiones, revocatque à peccatis, ne alias majora quam Judæi cogantur pati supplicia. ultimè hortatur ad fraternalm charitatem, ad hospitalitatem, ad misericordiam erga vincitos & agros, ad obedientiam erga Præpositos. Orat, ut pro se orient, quod se vicissim facturum promittit; sperat eum Timotheo, se ipsos visurum; salutem omnes eorum Præpositos, & omnes sanctos; mittit ipsis salutem ab omnibus de Italia fratribus.

Dum Paulus quaquaversum literas scribit, Lucas actionum Apostolicorum librum absolvit. Mansit autem Paulus biennio toto in domo, quam conducterat, & suscipiebat omnes, qui ingrediebantur ad eum. Demum autem amicorum opera simul & excusatoriis literis Festi Judææ Præsidis impetratum à Nerone, ut post biennalem causæ discussionem per Romanos pos-

Paulus ab
solvit, &
liber dimis-
titur.
Act. ultimo
7,30, & 8,1.

Pontifices (his enim , ut vult Baronius , causa hæc , utpote sacra , à Cæsare commissa fuerat) prolata publicè sententia Paulus è carcere & vinculis ex pediretur anno à morte Christi 31 . Paulo absoluto Lucas fine actis Apostolorum imposito in Græciam reversus est , eamque & alias varias Provincias evangelizando obiit ; ac tandem cælebs anno ætatis octogesimo quarto apud Patras urbem Achajæ Apostolatum suum nobili martyrio conclusit . Paulus verò jam libertati redditus peragravit reliquam Italiam , uti & Galliam , & nominatim Hispaniam , uti proposuerat ad Romanos decimo quinto versu vigesimo quarto . Reversus ex Hispaniis revisit Syriam , Asiam , Macedoniam , Græciam , ac demum Romam rediit .

Interim anno à morte Christi trigesimo Jacobus frater Domini primus Jerosolymorum Episcopus à Judæis in Paschate lapidibus obruitur . Cùm enim scribæ & Pharisæi ipsum supra pinaculum templi statuissent , ut inde ad populum loquenter contra JESUM , ipse autem pro JESU testimonium dixisset , eum dejecerunt , & semimortuum lapidibus obruerunt . Patris verò Achajæ Andreas Apostolus in Cruce fuit mortuus .

Anno à morre Christi trigesimo primo Barnabas Salamin in Insula Cypro martyrii palmam consecutus est ; cùm enim disputasset vehementius in Synagoga cum Judeis , in egressu lapidatus est , & corpus rogo injectum ; quod tamen ab igne illæsum Joannes Marcus ejus consobrinus cum quibusdam fratribus clām abstulit , & extra urbem in spelunca stadiis ferè quinque ab urbe distante sepelivit , addito sancti Matthæi evangelio , quod Barnabas hebraicè ex ore ipsius propria manu excepit , eodem anno Marcus Evangelista Alexandriæ dum juxtamare ad populum de divinis rebus verba facit , ab idolorum cultoribus funibus constrictus , & per plateas raptatus spiritum DEO reddidit . Simon quoque & Judas Apostoli in Perside pro Christo necati sunt ; in Judæa verò altero post anno Matthias .

Nero primis quinque imperii sui annis , quamdiu scilicet Mater Agrippina vivebat , sese in officio continuerat ; hac autem imperfecta totum se deinceps ludis infamibus , ac turpisimis rebus addixit ; & demum etiam decimo Imperii anno Christianos

Jacobus &
Andreas
Martyrium
subeunt.
Martyrologium.

Barnabas ,
Marcus Evan-
gelista , Si-
mon & Ju-
das .
Mathias pro
Christo mor-
tem op-
tunt . Marty-
rologium .

Nero primò
persequitur
Christianos .
Tacitus l . 1 f .
Annalium .

nos persequi, in eosque savire primus Imperatorum cœpit, ardantis Trojæ speciem spectare cupiens. Tyrannus urbem variis locis incendi jussérat: cuius incendii ne ipse auctor esse putaretur, facti invidiam in Christianos derivavit; qui propterea quæsitissimis ac horrendis suppliciis Romæ affecti sunt; nam quidam ferarum tergis concteti laniatu canum interière; alii erucibus affixi, alii hammis usci; plerique facum instar in usum nocturni luminis deusti sunt. Herum sanguine magis effera-tus primam in Christianos persecutionem privatim hinc inde haec tenus cœptam, nunc anno Imperii undecimo publicò edictò instituit. in qua inter alios plures, qui de domo Cæsaris & familia erant, ipse Poppæam Sabinam Augustam, licet alias in paucis amatam, ira percitus istu calcis percussam occidit. Per reliquum quoque orbem Romanum innumeri passi sunt, quorum nomina quidem non extant in terris, scripta vero sunt in Cœlis.

Petrus & Paulus Romanam reversi incarerantur.

Petrus scribit secundam epistolam è carcere,

Quare Petrus primò, mox etiam Paulus, ut Ecclesiæ tum ob crudelem Neronis persecutionem, tum ob magicas artes Simonis, quibus Cæsarem & Romanos ad hoc usque tempus dementabat, tum etiam ob hæreses, quas inter Christianos spar-gebat, penè labenti succurrerent, Romam redeunt. at strenue pro Ecclesia laborantes iram Neronis brevi in se quoque converterunt. Simon videns, plurimos se relicto adhærere Petro, ejusque potius prædicationi credere, ut insigni aliquo, sed vano miraculo eos à Petro averteret, ope dæmonum in æra sursum volare cœpit, veluti relicta ob infidelitatem Romanorum terrâ ascensurus in cœlum cum admiratione totius urbis. at Petrus facta ad Deum oratione impium spectante tota Roma dejicit in terram; quo casu fractis cruribus & quassato corpo-re tandem scelestus interiit. Verum Nero eruptum sibi charum suisque rebus utilem virum dolens Petrum, qui præterea duas foeminas Imperatoris fide imbuerat, & pudicè deinceps vivere docuerat, in Mamertinum carcerem detruidi jussit; eique socium addidit Paulum, qui Christianam mulierem pellicem à Nerone desideratam ab impuro congressu averterat.

Ex hoc carcere scripsit Petrus secundam epistolam ad conversos ex Judaismo, cùm jam divinitus didicisset, velocem fore depositionem tabernaculi sui, in ea hortatur, ut memores sint ma-

maximorum, quæ à Deo acceperunt, donorum, & ad varias virtutes incitat: dicit, se brevi moriturum: doctrinæ suæ certitudinem ostendit ex Doctore Christo: prædictit, multos seductum iri à Pseudo-prophetis: pravos hominum mores acriter perstringit: propter quosdam adventum Domini negantes adstruit mundi renovationem, cùm Dominus insperatò advenerit, ultimò laudat epistolas Pauli, quas tamen, ut cœteras scripturas, quidam depravarit, contra quos ut se custodiant, hor-tatur.

Quo tempore Nero persecutionem in Christianos cœpit, eodem ferè contra Judæos bellum movit; quo denique excisis Jerolymis Synagoga omnino eversa est. Futuram calamitatem Judæorum varia portenta prænuntiavere. inter alia media nocte lux ingens circùm altare fulsit, ut clarissima dies pateretur ad horam usque dimidiari. In festo azymorum orientalis porta ærea circa sextam noctis horam sponte patefacta. Non diu post in aëre visi sunt curruis ferrei, & armatae acies urbi circumfusaæ. tum ipso die Pentecostes, cùm Sacerdotes noctu in interiore Templo versarentur, strepitus ingens auditus est cum hac voce: *Migremus hinc.* unde Christiani memores monitorum Christi Hierosolymæ emigrantes in alias & remotiores urbes se receperunt. Bello initium dedere tum gentiles Cæsareenses, qui obtento à Nerone urbis principatu Judæos vexabant; tum etiam Flori Judææ Præsidis avaritia & tyrannis, adeò, ut Judæi à Romanis desciscentes pro antiqua libertate adversus ipsos arma cape-rent.

Cestius Gallus Syriæ Legatus Hierosolymam quidem mox obsedit, ut rebelles ad obsequium redigeret; verum à Judæis urbe repressus, & fugatus est. Victores in urbem reversi inter alios belli duces etiam Flavium Josephum, postea Judaici belli scriptorem, diligunt; qui in Galilæa & Judæa postea omnia rite ordinavit. Perlata Romam Judæorum defectione Nero Vespasianum, qui tum in Achaja erat, Judaico bello præficit. qui Titum filium Alexandriam misit, ut inde legiones deduceret hyemis tempore; quibus copiis auctus in Galilæa strenuè rem gerit contra Josephum, alijsque Iudeorum duces. Japha & Jotapata ab eodem expugnata: Josephus ipse captus. quo au-sa Veterum Temp. Histor. Ddd dito

Judæi à Ro-manis defici-unt. Josephus de Excidio Ieros.

Motus inte-
rini civium
Jerolymæ
Jos. de Excid.

dito Jerosolymæ magnopere laboratum est intestinis motibus Zelotarum, seu pro patria libertate ante alios Zelum præferentium factione: qui & Idumæos advocârunt, & plerosque civium obruncârunt; atque inter hos Ananum ipsum summum Pontificem, adeoque Synagogæ ultimum.

**A Nerone Pe-
trus & Pau-
lus Martyrio
afficiuntur.
Martyrolo-
gium.**

Interim Romæ Apostoli Petrus & Paulus è carcere pro ducti gloriosam mortem pro Christo & Ecclesia subeunt, ille Crucis, iste, quia civis Romanus erat, gladio vigesimo nono Junii, anno à morte Christi trigesimo septimo. Æra Christianæ vulgaris juxa Papebrochium sexagesimo quinto.

Linus Summus Pontifex.

**Ab Anno
post passio-
nem Christi
37.**

Nero perit.

Sanctus Petrus Romæ jam diu antè creaverat Linum, Clementum, & Clementem Episcopos non quidem simul, sed successivè, prout crescens paulatim Fidelium in urbe ac suburbis numerus suadebat; qui cùm nulli sedi vivente Petro adstricti essent, Episcopi Apostolici vel potius Evangelici vocabantur. Et quidem Linum Petrus, cùm longinas percurreret regiones, Vicarium suum constituit, ad quem se diu absente alia Ecclesiæ in dubiis recurrere possent. Nunc verò mortuo Petro coepit esse Pontifex Romanus; qui adeò rexit Ecclesiam quā Vicarius, quā Pontifex annis undecim. Post quos Clementi sedem reliquit martyriō affectus Saturnini Consularis jussu anno à morte Christi trigesimō nonō. Hoc Pontifice regnante Nero, postquam non tantum Romæ, sed per totum latè imperium innumeros Christianos martyriō affecisset, tandem ob nimiam tyrannidem, qua etiam alios præclaros in Republica viros multos, atque inter hos Senecam Philosophum, & Lucanum Poëtam occidit, à Senatu damnatus est ablens in Græcia, quod abierat, unde cùm in Italiam reverteretur, ac Neapolí sumam defctionem intelligeret, querereturque ad supplicium, in tuga se ipsum interemit: quocum omnis Augusti familia extincta est, audita Neronis morte Galba, qui tum Hispaniæ præerat, Imperator à Romanis militibus salutatus est. Vespasianus verò ad Jerosolymam obsidendam jam accedens eam expeditionem dūstulit; & Josepho Sacerdoti Judæo, & belli duci capto vitam donavit, quod prædixisset, ipsum Imperatorem fore.

Cle-

Clemens Summus Pontifex.

Clemens ab ascensione Christi ferè semper Apostolica-
rum Petri expeditionum individuus comes fuerat à
Petro ante mortem designatus Successor. & tum quidem re-
culavit onus. nunc verò Lino suffectus est, rexique Ecclesiam
novem annis. Quo regnante Roma aliquot Imperatores brevi
tempore habuit. Galba in Hispania à militibus proclamatus
erat Imperator. At Germanicæ Legiones brevi ab ipso defe-
cere ; quas ut sibi conciliaret, adoptavit Pisonem, Othonem,
qui eam dignitatem amiebat, prætermisso. Hic occiso utro-
que Galba & Pisone imperium occupat, ac tenet tribus solum
mensibus ; nam Vitellius inferioris Germanicæ Præfectus impe-
rium assumpsit, cuius ab exercitu vietus Otho suscite postea
manu concidit. Igitur Vitellius post necem othonis imperat,
sed octo tantum mensibus ; nam dum interea Vespasianus va-
rias Judææ urbes subigit, Calendis Julii non tantum à suo ex-
ercitu, sed etiam à Legionibus in Ægypto Imperator salutatur.
Igitur relicto in Judæa Filio suo Tito ipse in Italiam ad civile
bellum extingendum progressus duos duces cum legionibus
præmittit ; à quibus Vitelliani ad Cremonam oppressi ; ipse
verò Vitellius lentis iactibus carnificis manu confossus est. Ve-
spasianus Romanum ingressus Capitolium bello civili in cineres
redactum restauravit.

Dum hæc fiunt in Italia, Titus in Judæa per ipsos azymo-
rum dies, cùm undequaque Judæi ad Festum confluxissent, Je-
rosolemam obsidere cœpit, ac tam arctè cingere, ut nuspiciam lo-
cus esset effugii.

Post trium mensium obsidionem Templum à Romanis in-
terceptum quinto Augusti succentum est. Ultimo hujus men-
sis urbs ipsa capta, ac deinde penitus subversa. atque ita con-
cidit Sancta illa Civitas, quam olim DEUS in deliciis habuit,
sabique templo atque oraculis dignatus est. Sed & alterum in
Ægypto Templum ab Onia olim ædificatum tumultuantibüs
Alexandriæ Judæis Vespasiani jussu Ægypti Præfectus funditus
excidit. Atque ita tota Synagoga sine honore sepulta fuit an-
no post Christum occisum quadragesimo secundo, Toto belli

*Æra Christia-
na vulgaris
tem- 70. mo*

Ab Anno
mortis Chri-
sti 39.
Judæi varias
urbes per-
dunt. Jos. de
Excid.

Otho Impe-
rator.

Vitellius Im-
perator.

Vespasianus
Imperator.

Jerusalem
cum templo
evertitur.
Jos. de Excid.

Ddd 2

tempore è Judæis occisa sunt undecies centena millia: capta 97. millia teste Josepho. Postea Vespasianus cum Filio de Ju- dæis Romæ triumphavit; quo in triumpho ducti Joannes & Simon factionum duces cum septingentis Judæis nobilioribus. Cæsarea urbs maritima deinceps totius Judææ & Palæstine me- tropolis facta.

Sub Trajano

Judæi variis
cladibus ar-
teruntur.

Dio in Tra-
jano Euseb.
l. 14. c. 6.

Item sub

Adriano. Dio
in Adriano
S. Hieron. in
Ezech. l. 2.

c. 4.
Eusebius l. 4.
c. 2. 6. 8.

Post ruinam Jerosolymæ Judæi per totum orbem dispersi sunt paucis exceptis, qui in Palæstina remanserant, sed cum solum quidem, non tamen animum ad seditiones primum mutarent, pluribus in locis jugi ferendi impatientes sæpius rebellaverunt. In primis sub Trajano in Ægypto, in Insula Cypri, in Mesopotamia perduelles arma sumpserunt. Sed tandem vici atque prostrati inde expulsi, ac iterum dispersi sunt.

Sub Hadriano defectionem moliti Judæi Palæstinæ ad arma concurrerunt Duce Barchocheba, quem pro Messia habuerunt, decepti in ejus nomine, quod stellam aut Stellæ filium sonat, ratsque, Hunc esse, de quo Num. 24. v. 17. orietur *Stella ex Jacob.* Sed Julius severus cum exercitu missus, variisque stratagematis usus illos ita fregit, ut pauci admodum Judæi ex illo tumultu salvi evaserint. Jerosolyma iterum funditus diruta est, novaque in residuis antiquæ urbis ruderibus extructa est civitas, quam ex suo nomine Eliam appellari voluit Elius Hadrianus. In ipso verò templi sancto sanctorum loco Adriani equestris statua posita fuit, stetisque ibi adhuc S. Hieronymi tempore; veluti iste testatur in c. 24. Matthei. Cæsa in excursionibus & præliis eo in bello quingenta octoginta quinque Judæorum millia præter innumeros, qui fame, morbo, igne perierunt. Barchochebas seditionis auctor captus & occisus est. Sic attriti Judæi cervicem amplius erigere non potuerunt; aut si quandoque tumultuari, bellaque movere tentarunt, confessim repressi ac domiti sunt. Cum tempore Julianus apostata voluit templum Jerosolymitanum solo & quatum in odium Christianæ religionis instaurare; sed flamma è fundamentis erumpente, alisque portentis ab incepto desistere coactus est. Atque ab hoc tempore excisæ Jerosolymæ Judæi traditi sunt in perpetuum servitium, suntque humiles in universa terra propter peccata sua; nec enim est amplius Princeps, nec Propheta, neque Dux, neque templum, neque holocaustum, neque sacri-

ficium, neque oblatio, neque incensum, neque locus primitiarum, quod ut suo tempore averteret Dominus, Babylone ro-
gaverat Daniel c. 3. à v. 34. ad 40.

Supererant in terris adhuc Apostoli, Bartholomæus, Thomas, Joannes. Joannem Dominus adhuc diutius voluit sic manere, donec veniat. Bartholomæus vero anno à morte Christi quadragesimo primo in Armenia immaniter excoriatus, capite deinde plectitur. Sequenti anno Thomas apud Iodos Calaminæ lanceâ confossum occiditur. Matthæus jam diu antè in Æthiopia passus fuerit, quonam vero anno, certum non habetur.

Bartholomeus,
Thomas,
Matthæus
passi.

Jam quidem antea multi sectabantur errores Simonis Magi, Variz hære. Simoniani propterea dicti. His vero temporibus ex eo orti censes oriuntur. lebres errorum Magistri prodiere Cerinthus & Ebion. Docuerat ille hæresiarcharum primus præter alios absurdos errores, Mundum ab angelis fuisse conditum; non fore resurrectionem mortuorum; dona gratiæ venalia esse, circumcisionem, aliósque Legis Mosaicæ ritus non esse in nova Lege antiquatos, sed cum Evangelio retinendos, & observandos. Hi duo mutatis quibusdam vel auctis etiam Pseudo-Magistri sui doctrinæ capitibus sese peculiarium sectarum duces constituere, ac præter alios errores docuerunt, Christum fuisse purum hominem ex Josephi & Mariæ congressu genitum, ac proinde negârunt Christi divinitatem. Cerinthus singulari sibi errore commensus insuper est millenarium quoddam regnum Christi in terris post resurrectionem Justorum, & mille annis ante judicium universale. in quo Christi in terris regno Justi per mille annos illicitis carnis cupiditatibus indulgere, Jerosolyma & Tempum instaurari, præcepta Legis Mosaicæ servari, Sacrificia & victimæ immolari, & homines Judaico more circumcidiri debebunt; hinc propter millenarium istud regnum Cerinthi sectatores nuncupati sunt Chiliasse, seu Millenarii. Anno à morte Christi quadragesimo octavo Clemens abdicavit Pontificatum, Cletoque reliquit; & supervixit Episcopus Evangelicus soli prædicationi intentus usque ad finem primi sæculi factus Martyr sub Trajano in Chersoneso.

Ddd 3

Cle-

Cletus Summus Pontifex.

**Ab Anno 2
morte Christi
48. surgit
novus perse-
cutor Eccle-
sie.
Titus Impe-
rator.**

**Domitianus
Imperator.**

Cletus à Sancto Petro jam ordinatus Episcopus Evangelicus vacantem Clementis cessione cathedram ascendit, eamque Vespasiani & Titi temporibus, nec non initio Domitiani per annos septem tenuit. Verum duos optimos Imperatores Cletus & Ecclesia brevi amisit; Vespasianus quippe primò statim Pontificatus ipsius anno mortuus est. Titus vero, qui Patri successit, generis humani deliciæ dictus, tertio Imperii anno eripitur veneno, ut fama erat, à fratre Domitiano sublatus, qui deinceps quindecim annos imperavit. Cletus vero post occupatam 7. annis Cathedram eodem imperante Martyrio coronatus est.

Anacletus Summus Pontifex.

**Ab Anno
post passio-
nem Christi
54. Domitia-
nus sicut in
Joannem
Apostolum,
& alios per
Romanum
Imperium
Christianos.**

Leto è vivis sublato Anacletus rexit universam Ecclesiam annos duodecim. Ordinasse fertur, ut Ecclesiastici incederent tonsis capillis; & ut Episcopus consecretur per tres alios Episcopos. Sub Galba, Othone, Vitellio, qui intestinis inter se bellis impliciti breve gesserunt imperium, nec non sub Vespasiano & Tito pace potita est Ecclesia. At Domitianus, quem Tertullianus in apologetico capite 5. portionem Neronis appellat, postquam primos è Senatu viros exilio, bonorum proscriptione, & morte multasset, furorem tandem ultimo Imperii biennio in Christianos convertit, multaque feralia emisit edicta, quibus plurimi Christiani tum Romæ, tum per reliquum Romanum imperium aut morte affecti, aut variis suppliciorum generibus excarnificati, aut in exilium fuerunt relegati. in qua persecutione Joannes Apostolus Epheso à Proconsule Asia vincitus Romam missus est; ibique ante Portam Latinam in ferventis olei dolium injeccus, illatus tamen demum in Pathmos insulam relegatus est. in eadem persecutione Sanctus Ignatius vexatus est, & Antipas martyrium subiit Pergami in Asia Apocal. 2. v. 13. Romæ Acilius Consularis pro Christi fide, tum complures alii necati sunt. Flavius quoque Clemens Consul Domitiani Consobrinus propter Christianam religionem ejus jussu

jussu occisus est. Flavia verò Domitilla ejus uxor Imperatoris cognata ob eandem causam relegatur in insulam Pandatariam, uti & alia Domitilla Virgo Clementis Consulis ex sorore neptis in insulam Pontiam.

In hoc suo exilio Joannes scripsit dictatam à JESu Christo In Insula Pa-
Apocalypsin, seu revelationem eorum, quæ ab eo tempore tmos Joannes
juxta explicationem Bossueti Episcopi Meldensis deinceps Im- scribit apo-
perio Romano, Romæ idololatræ, quam Babylonem vocat, & calypsin.
principiæ Ecclesiæ usque ad finem mundi eventura erant. Ac
primo quidem capite hujus Prophetiæ Librum inscribit septem Ecclesiæ, quæ tum erant in Asia, scilicet Ephesi, Smyrnæ, Per-
gami, Thyatiræ, Sardis, Philadelphia, & Laodiciæ; simul describens Majestatem JESu Christi apocalypsin scribere juben-
tis. Secundo ac tertio capite instruit ac corripit dictas Eccle-
siæ, singulariter quoque laudat eos, qui Nicolitarum, do-
centium licitum esse fornicari & carnes idolis immolatas come-
dere, errorem respuerant: alios contrà minis ad pœnitentiam revocat: illos, qui nec frigidi nec calidi sunt in operibus bo-
nis, sed tepidi, nauseat: vincentibus & ad ostium stanti ac pul-
santi domino aperientibus præmia pollicetur. à quarto capi-
te usque ad vigesimum prædicit persecutio, quas in tot mil-
libus martyrum passura erat Ecclesia ab Imperatoribus Romanis
idolorum injuriam vindicantibus. hinc Imperium Romanum
seu Romam septicollem sub figura bestiæ repræsentat habentis
in tergo prostitutam fœminam, scilicet Idololatriam Sancto-
rum sanguine ebriam. Et quia Diocletiani persecutio omnium
atrocissima futura erat, Apostolus maximè occupatur in hac
describenda. & in Diocletiani tyrannide, cuius etiam nomen
DioCLEs (ita privatus vocabatur) a VgVstVs per numerum
666. non obscurè indicat. Prædicit, hanc bestiam, Romanum
scilicet Imperium, lacerandam per decem Reges. Quod factum
videmus per Persas, & Saracenos in Asia, Vandulos in Africa,
Gothos in Hispania, Longobardos in Italia, Burgundos in Gal-
lia, Francos in Germania, Hunnos in Pannonia, Alanos &
Suevos in aliis Provinciis antea Romano Imperio subjectis;
ipsam verò Romam sèpius prædam barbaris factam, maximè sub
Alarico Gothorum Rege, qui eam A. 410. igne ferróque pri-
mus vastavit, tum quidem jam magnâ ex parte Christianam.

præ-

Prædictit, Ecclesiam idololatriæ cum bestia exterminatâ, & re-truso in carcerem Sathanam pacem saltem à tam universali perse-cutione habituram, cùmque Christo regnaturam mille annis, id est, toto tempore, quo Mundus deinceps existet. Prædictit denique, ultimo Mundi tempore catenis solutum rursus Sathanam per Antichristum omnem artem atque vim adhibeturum ad prævalendum contra Ecclesiam. At brevem fore hanc perse-cutionem; mox enim securam Resurrectionem, extremum judicium, orbisque totius excidium; ac missio in stigmata ignis & sulphuris cum omnibus impiis diabolo gloriam Beatorum æternam in cælo, ubi mors ultra non erit, neque luctus, neque clamor, neque dolor erit ultra.

Johannes scribit tres Epistles.

Primam per 8. capitula.

Secundam per caput unicum.

Tertiam per caput unicum.

Scripsit etiam sequentibus annis tres epistles Canonicas, maximè contra Basilidem, aliósque, qui Christum veram habuisse carnem negabant, quas quidem scripsit in usum Fidelium ubivis degentium; nominatim vero misit ad Parthos. Ad quos post mortem Apostolorum Simonis, Bartholomai, & Thomæ profectus fuerat, eosque in Christi fide confirmat.

Ac in prima quidem epistle evertit tum hæresin Cerinthi, & Ebionis negantium Divinitatem Christi; tum Basilidem, negantis veram Christi carnem & humanitatem; tum etiam Simonis Magi sectatorum, solam fidem ad salutem necessariam esse prædicantium. Hinc passim præter fidem & fiduciam in DEum inculcat Charitatem tum DEI, tum proximi. hinc piorum operum exercitia cuique ætati, pueris, adolescentibus, Viris, ac senibus præseribit.

Secundam epistolam dedit ad Electam, quam ut & ejus filios in fide & charitate Christi confirmat, hortatürque, ut in ea persistant, caveantque à seductoribus, qui recedunt ab hac Christi doctrina. Pauca scribit, cætera reservans, donec ad eos veniat.

Tertiam æquè brevem scribit ad Gajum, quem laudat, quod in veritate ambulet, & hospites charitate excipiat. arguit vero Diotrephis inhospitalitatem & arrogantiam. Demetriam suo ac Ecclesiæ testimonio commendat, sive brevi cum Gajo futurum, & os ad os locuturum significat. Demum ab amicis ipsi salutem mittit, petitque nomine suo salutem dici amicis nominatim.

Domitianus cum ita in omnes saevissime grassaretur, a Stephano Flavio Domitillo Procuratore, aliquo conjuratis in suo cubiculo occiditur exactis Imperii annis quindecim. Succedit Nerva a Domitiani interfectoribus Imperator salutatus; qui lata in Christianos edicta ex Senatus consulo rescidit; vertique quenquam accusari causa Religionis; missos vero in exilium revocavit. quare etiam Joannes e Patmos insula Ephesum revertitur. ubi Ecclesiam Apollonius Thyanaeus, perpetuus Joannis antagonista, suis præstigiis valde infestabat. qui tamen brevi post occultam mortem oppetiuit, quo credi posset immortalis, & in Cœlum translatus; Joannes vero dein eps totius Asiae gubernavit Ecclesiæ, & Anacletus in Cœlum abiit.

Joannes
Ephesum re-
vertitur. Hiero-
n. de scrip-
toribus Ec-
clesiasticis.

Nerva Imp.

Evaristus Summus Pontifex.

Hic cum regnante Nerva Ecclesia pace frueretur, divisit in urbe Roma titulos Presbyteris, id est, domos Fidelium Divino cultui destinatas; in quibus Christiani synaxes agere consueverant, quasque nos Ecclesiæ dicimus. Porro titulus, quo Domus Divino cultui mancipabatur, fuit vexillum Crucis. qua ratione factum est, ut Ecclesia appellaretur Titulus, coquod is, qui ei Presbyter adscriberetur, ab eo nomen titulumque acciperet. Cum tempore autem Romæ mos obtinuit, ut non omnis Ecclesia Titulus diceretur, sed tantum Ecclesiæ insigniores, quibus præficerentur Cardinales. Septem quoque Diaconos ordinavit, qui Episcopo assisterent ob munera Majestatem in functionibus Episcopalibus. Atque inde per multa secula septem tantum in Ecclesia Romana Diaconi ministrârunt. Martyr deinde sub Hadriano Imperatore obiit, cum rexisset Ecclesiæ tredecim annos, Joannes Apostolus Ephesum reversus rogatu Episcoporum Asiae Evangelium suum grecè scripsit, quo Divinitatem Christi contra ejus temporis hereticos fortissime defendit.

Ab Anno à
Christi pas-
sione 65. 67.
Joannes scri-
bit suum
Evangelium;
Hieron. de
scriptoribus
Ecclesiasticis.

Nerva, cum fieret Imperator, numerabat annos etatis 65. Seniogitatur fatigens, ut Imperio consuleret, præteritis sibi sanguine junctis Trajanum natione Hispanum, qui tunc Germanie præterat, in Filium & Successorem adoptat, ac paulo post vitam functus eidem reliquit imperium. Hic magnus Deorum
Sacra Veterum Temp. Histor. Eec cul-

Popularis
persecutio in
Christianos.

Trajanus Im-
perator.

cultor cum paulo propterst en Germania in Urbem venisset, nullis quidem & ipse nefatis edictis Ecclesiæ pacem turbavit; sed tam popularibus persecutionibus hinc inde occasionem dedit suo rescripto, quo Provinciarum Præfectis præcepit, ut adhuc omni vigilantia impedirent, ne Christiani Collegia seu pri vatos conventus instituerent. habebant enim jam tunc Christiani ubique certas domos, cryptas, catacumbas Romanas, aliisque loca, in quibus certis temporibus conveniebant, orabant, atque alia Christianæ pieratis officia peragebant. quæ quidem orationum loca erant Fidelibus passim nota. rescriptum quoque Cajo Plinio Birthyniæ Proconsuli de Christianis interroganti: non quidem in eos inquireret, delatos tamen puniret, si Diis nollent supplicare, sequere Christianos negare. hinc factum est, ut Romanorum Gentilium tumultuantium odiis & clamoribus multi ad supplicia in Provinciis raperentur, & Præfectis Christiano nomini magis infensis non alio crimine rei, nisi quod Christiani essent, necarentur. qua in populari persecutione etiam Ignatius Antiocheni Ecclesiæ Episcopus damnatus ad bestias Romam missus est, & in Amphitheatro publicè leonibus expositus, itaque bestiarum dentibus laniatus est, ut firmiora solum ossa superessent. Simeon quoque Ierosolymæ Episcopus jussu Attici Consularis in crucem actus est. Ephesi Onesimus Sancti Pauli discipulus, ibique post Timotheum Episcopus lapidibus obrutus, & alii plerique martyriis affetti sunt; præ ceteris enim Asia Proconsul Fideles tum persequebatur.

Joannes
Apostolus
moritur.
Hieron. de
script. Eccl.

Joannes scripto suo Evangelio reliquis duobus, quibus supervixit annis in ultima senectute ita viribus defecit, ut eum Ephesi inter Discipulorum manus ad Ecclesiam deferri necesse esset. In solitis allocutionibus ad Discipulos & fratres istud solum identidem concionabatur: *Filioli, diligite alterutrum;* non enim poterat in plura verba contexere. Demum sexagesimo octavo post Passionem Domini anno & ipse,

Apostolorum ultimus, in Coelum abiit. Cum cuius vita Historia quoque Apostolica finem habet.

